

**GREGORII
MAJANSII ...
TRACTATUS DE
HISPANA
PROGENIE...**

Gregorio Mayans y Siscar



8

8-F

235.

75



8-5-42.



TRACTATUS
DE
HISPANA PROGENIE
VOCIS UR.



REAR VIEW

1888

THE NEW YORK PUBLIC LIBRARY

ASTOR LENOX TILDEN FOUNDATION

GREGORII
MAJANSII,

GENEROSI VALENTINI,
HISPANIARUM REGI

CAROLO III.

A CONSILIIS,
XII VIRI HONORARII

LITIBUS JUDICANDIS IN AULA ATQUE URBE REGIA,

TRACTATUS
DE HISPANA PROGENIE
VOCIS UR.

B. Paulus Epist. ad Colos. cap. III. v. 11.

OMNIA ET IN OMNIBUS CHRISTUS.

MADRIDII.

Apud ANTONIUM SANCHÁ, in Platea
de la Aduana Vieja.

ANNO M. DCC. LXXIX.



VII

EXCELLENTISSIMO
 DOMINO , DOMINO
 D. EMMANUELI
DE RODA
ET ARRIETA,
 CAROLO III.
 HISPANIARUM REGI
 A CONSILIIS INTIMIS,
 ET IN OMNIBUS REGIÆ GRATIÆ JUSTITIÆ-
 QUE NEGOTIIS AB EPISTOLIS,
 GREGORIUS MAJANSIUS
 GENEROSUS VALENTINUS
 S. D.

EXCELLENTISSIME DOMINE
SOleo sæpe considerare ingentia TUA
 erga me beneficia ; & in illis ego ni-
 hil tanti facio , quàm animi TUI gra-
 tio-

VIII

tiosissimi erga me constantiam , qua me semper meosque amplexus es. Quae ratione rependam tantam benevolentiam , certe nescio. Debeo vero eximiam TUAM benignitatem publice confiteri , testarique. Multi anni sunt ex quo Academia Latina Ienensis toto orbe celeberrima , titulo Socii sui Honorarii me decoravit : cumque ego gratias illi deberem agere , obtuli ei *Tractatum de Hispana Progenie Vocis Ur*, argumentum novum , & futurum non ingratum eruditis lectoribus ob Hispanæ Chorographiæ illustrationem. Quod si ob hanc causam TIBI placuerit , erit quod mihi gaudeam. Vale, VIR insignis, probitate , eruditione , & sapientia. Valentia Edetanorum , vii. Idus Majas , natali meo sacro B. Gregorio Nazianzeno , quo die (Deo gratias) annum octuagesimum implevi. An. MDCCLXXIX.

PER-

IX
PERILLUSTRI DOMINO
GREGORIO MAJANSIO,

GENEROSO VALENTINO,

HISPANIÆ OMNIS ERUDITÆ
ornamento summo , Societat. Latinæ jussu
S. P. D.

JOHAN. GOTTFRIED. MULLERUS
Liber. Art. Magist. & Societ. ab Epistol.

QUO luculentius jam pridem , tum inter omnes , tum inter Latinos præcipue Sodales constitit , generoso Te perillustis Domine , & excelso animo de litterarum dignitate atque ornamento cogitare ; eo majori nunc jure gloriandum hi sibi esse existimant , quum Tibi , at quanti viri ! in consortium suum adlegendi confidentius aliquanto consilium , probatum Tibi fuisse ex litteris fastigio non minus tuo , quam humanitate dignissimis , intelligunt. At vero quæ ex principum omnis doctrinæ virorum erga ipsam voluntate necessitatē laboris sui gratiamque metiri solita adhuc fuit Societas Latina impense omnino lætatur , abs Te , summo fugientium Musarum in Hispania statore , belle se adeo comiterque haberi , ut admirandæ prorsus eruditionis tuæ documentum expectare propediem ipsi liceat , quo quidem Actis suis eximium conciliare decus splendorem-

X

remque possit. Age itaque, Vir summe, nostrumque, magna & inusitata, abs Te scilicet profecta, litterarum monumenta noscendi desiderium explere, Germaniæ vero nostræ novum Hispanis tuis Te invidendi argumentum præbere sustine! Qua quidem honorificentissima Societati nostræ, summi favoris tui testificatione ita obstrictos nos Tibi devinctosque reddes, ut pietatem in Te nostram, observantiamque, quacumque fieri ratione poterit, certissimeque simus declaraturi. Vale, Domine, Societatem nostram Tibi habe commendatissimam; me vero, ni plane indignus Tibi videor, ingenti admiratorum Tui clientumque numero adscribe. Scrib. a. d. III. id. decembr. anni, A. V. P. CIOCCCLIII. Ienæ.

XI
SOCIETAS LATINA
QUÆ ATHENIS
PROPTER SALAM EST
VIRUM PERILLUSTREM
GREGORIUM MAJANSIUM,

GENEOS. VALENTIN.

JURISCONSULT. CELEBER R.

OB PROBATAM PURÆ LATINITATIS SCIENTIAM
ET PRAECLARA IN LITTERAS ELEGANTIORES
MERITA LIBERIS OMNIUM SUFFRAGIIS ELE-
CTUM , NUMERO SOCIORUM HONORARIORUM
ADSCRIPSIT.

I E N Æ
ANN. A SOT. NAT.
CICIDCCLIV.

Henricus Vicesimus
Sextus Ruthenus, **Locus**
Comes ac Dominus **Sigilli.**
de Plavia Præses.

M. T. CICERO COS.
[Locus effigiei Cic.]
HOC DVCE.

Jo. Ernestus Imman.
Walchius phil. doct.
& prof. publicus So-
cietatis Director.

Jo. Gottfried. Mullerus A. M.
Societatis h. t. ab epistolis.

VI.

XII
VIRO DOCTISSIMO,
ET HUMANISSIMO

JOHAN. GOTTFRIED. MULLERO,
Liberal. Art. Magistro , & Societatis
Ienensis ab Epistolis,

GREG. MAJANSIUS,

GENEROSUS VALENTINUS,

S. D.

Litteris tuis ad me datis , jussu Illustrissimæ Societatis nostræ scriptis , nihil unquam legi quod fuerit mihi æque honorificum. Gratias ago habeoque Tibi immortales. Ipsæ litteræ satis superque mihi declarant judicium, doctrinam , humanitatem tuam.

Dissertationi Academicæ summam adhibeo diligentiam. Omnes alias occupationes intermisi , ut huic unice incumbam ; & Amplissimæ Societatis benevolæ expectationi satisfaciam. Præ gaudio exsilio quod Te tantum virum , amicum habeam. Si jussa Tua mihi injunxeris , magis abs Te amari intelligam. Jube igitur & vale , eruditissime vir. Olivæ VIII. Eidus Martias An. MDCCLV.

IL-

XIII.
ILLUSTRISSIMÆ
SOCIETATI LATINÆ IENENSI
GREG. MAJANSIUS
GENEROSUS VALENTINUS.

S. D.

QUOD me nihil tam honorificum sperantem, neque cogitantem, liberis omnium vestrum suffragiis numero Sociorum Honorariorum adscribere voluistis, vestræ liberalitatis munus est præstantissimum. Erit autem officii mei animum erigere ad ea suscipienda & peragenda, quæ, si vestræ de me opinioni non respondebunt; indicabunt saltem, me de Vobis benemereri cupere. Dissertationem scribere cogito *De Hispana Progenie vocis UR.* Huic obscurissimo argumento quam potero, lucem afferam. Et si quæ decrit, a Vobis eam accipiet. Ego animum polliceor in omne ævum erga Vos gratissimum. Valete, Litterarum Statores, ac Deo favente, nostrum Ordinem amplissimum per omnem Terrarum ambitum immortalibus scriptis pergitte facere honoratissimum. Olive IV. Eidus Octobris, anno MDCCLIV.

IN.

INDEX

CAPITUM EPISTOLÆ

DE HISPANA PROGENIE

VOCIS UR.

CAP. I. Proponitur Argumentum de Hispana Progenie vocis UR, pag. 1.

CAP. II. De significatione vocis UR, pag. 5.

CAP. III. De propagatione vocis UR in Hispania, pag. 9.

CAP. IV. De Oppidis Hispanis, quorum nomina ab UR incipiunt, pag. 11.

CAP. V. De Oppidis Hispanis, quorum nomina desinunt in UR, cui plerumque addi solet productio aliqua, pag. 46.

CAP. VI. De voce URIA mutata in BRIA, & Oppidis Hispanis hoc vocabulum habentibus, pag. 59.

CAP. VII. De Oppidis Hispanis in quibus invenitur VOX BRICA, BRIGA, BRIG, BRIS, aut BRIX, pag. 84.

CAP. VIII. An vox UR mutata sit in IL, & de Hispanorum Oppidorum nominibus sic incipientibus, pag. 150.

CAP. IX. De mutatione vocis UR in IR, IRA, aut HIR eâdem significatione retenta, pag. 157.

CAP. X. De mutatione vocis UR in BURG, BERG,

BERG , aut BORG , cum eadem significatione , pag. 165.

CAP. XI. Dubitatur quæ gens in Hispaniam introduxerit Vocem UR ; statuiturque id investigandum esse per Advenarum Colonias , & eorum linguas , pag. 169.

CAP. XII. De præcipuis Nationibus quæ in Hispaniam advenerunt : & primum dubitatur , an Iberi adnumerandi sint , pag. 171.

CAP. XIII. An Persæ in Hispaniam advenerint , pag. 181.

CAP. XIV. De Phoenicum in Hispaniam adventu , & de illorum Coloniis , pag. 183.

CAP. XV. De Celtarum in Hispaniam adventu , & de eorundem Coloniis , pag. 254.

CAP. XVI. De Poenorum in Hispaniam adventu , eorumque Coloniis , pag. 264.

CAP. XVII. De Græcorum adventu in Hispaniam , & eorum Coloniis , pag. 275.

CAP. XVIII. Statuitur qua ratione investigari debeat origo Hispanorum Oppidorum in quibus invenitur vox UR , aut alia ab ea derivata , pag. 317.

CAP. XIX. De linguis eorum , qui in Hispaniam advenerunt , pag. 319.

CAP. XX. Argumenti Propositi conclusio , pag. 327.

XVI.

ERRATA IN HOC VOLUMINE
corrigena.

Pag.	Lin.	Errat.	Corrige
2.	9.	consignata	consignatæ
6.	14.	<i>Genesi</i>	<i>Genesim</i>
55.	22.	sedis	sedes
57.	29.	multarum	multorum
77.	ult.	<i>nomitatur</i>	<i>nominatur</i>
136.	11.	Veriathus	Viriathus
180.	28.	babeant	habeant
191.	25.	<i>instituerun.</i>	<i>instituerunt.</i>
223.	20.	<i>Lib. II. c. 90.</i>	<i>Lib. II. cap. 90.)</i>
273.	7.	JUSTINUM	JUSTINUM <i>Lib. 44.</i> <i>c. 5.</i>
285.	24.	Perhiboca	Perhiboca

ILLUSTRISSIMÆ
SOCIETATI LATINÆ IENENSI
GREG. MAJANSIUS.
GENEROSUS VALENTINUS

S. D.

CAPUT I.

Proponitur Argumentum de Hispana Progenie vocis UR.

I. **E**X quo Sociis tuis Honorariis me licet immeritum, abs te, SOCIETAS Amplissima, aggregatum intellexi; cogitare coepi, qua tandem ratione tuæ de me magnificæ opinioni respondere possem, non tam meæ, quam tuæ estimationis caussa, quæ viros soles eligere summa præditos eruditione, quam tanto honori parem in me non esse confiteor. Statim illud in mentem mihi venit, suscipere me debere Argumentum, quod si ob sterilitatem parum amoenum videretur; iudicium potius in eo deligendo desideraretur, quam doctrina, quæ locum in illis vix haberet. Statui igitur scribere *De Hispana Progenie vocis UR*, sive de Hispaniæ Coloniis, in quibus

A bus

bus hæc vox , aut alia ab illa derivata invenitur. Quod argumentum ob antiquitatem obscurissimum est ; ob novitatem non ingratum ; ob summam vero difficultatem , aliquam mihi conciliabit gratiam , si lucem adhuc insperatam illi attulero. Agam de temporibus ab hoc nostro remotissimis ; de rebus quæ , si ab aliis scriptoribus aliqua in parte litteris consignata fuerunt , perinde se habent ac si scriptæ non essent : & dubitari potest , an si Turdetanorum scripta , qui omnium Hispanorum doctissimi judicati sunt, hodie superessent , veras Hispaniæ origines indagare possemus , cum ex Strabone facile colligatur , eâ fuisse valde fabulosa , quod Hispaniæ commune est cum fere omnium gentium Nationibus.

2. Scio Græcos præ cæteris gentibus gloriatos fuisse propterea quod nulla apud eos civitas exstitit paullo memorabilis , quæ suarum rerum unum , aut plures scriptores non habuerit : sed in quæstionem venire potest, utrum in originibus suis indagandis feliciores præ aliis , an infeliciores fuerint. Nam homines ambitiosi de suarum originum antiquitate certantes , eò majori licentia mentiti sunt , quò magis ingenii cultura instructi fuerunt. Itaque in illorum scriptis frequentissime videmus , eos suas origines traxisse ab heroicis temporibus , HOMERO civitatibus omnibus conditores facile præbente, ob similitudinem sonorum propriorum nominum

num

num Heroum & Oppidorum. Quamobrem qui Trojano Bello interfuerunt, videntur fuisse egregii humani generis propagatores, cum fere omnes recenseantur inter Coloniarum ductores; ex quibus longæ Regum series deductæ; horum singulis tributæ res gestæ præclarissimæ: & quò plus ab his Barbarorum (ut ipsi vocabant) Regna scriptis illustrata sunt, eò magis veritas obscurata, & speciosis fabulis involuta est; ut dubitare possimus, docta ne magis ignoratio, an diligens investigatio profutura sit, ob difficultatem distinguendi vera a falsis.

3. M. PORCIUS CATO, ut refert CORNELIUS NEPOS, senex Historias scribere instituit, quarum fuerunt libri septem: secundus & tertius continebant, unde quæque Civitas orta sit Italica: ob quam rem omnes libros *Origines* videtur appellasse. Quis negabit a Græcis omnia mutuatum fuisse, cum testetur ipse LIVIUS *Lib. VII. cap. 3.* GN. GENUTIO L. ÆMILIO MAMERCO II. Coss. (anno scilicet Varroniano u. c. CCCXCI.) raras litteras fuisse in ipsa urbe Imperii Romani capite.

4. Ad Hispaniam quod attinet, ASCLEPIADES MYRLEANUS, qui ut ait STRABO *Lib. III. pag. 108.* in Turdetania Grammaticam docuit, & descriptionem gentium in istis regionibus agentium edidit, more Græco scripsit, repetens origines ab Iliacis temporibus Heroibusque. Sic enim de hoc scri-

ptore ait STRABO post mentionem Ulisseæ,
 & in ea fani Minervæ. „ *Is tradit , moni-*
 „ *menta errorum Ulyssis in templo illo Mi-*
 „ *nervæ affixa esse , aspides , & summa na-*
 „ *vium rostra. Apud Callaicos autem conse-*
 „ *disse quosdam qui Teucrum in bellum fue-*
 „ *rant sequuti : ibique fuisse urbes , quarum*
 „ *una Hellenes diceretur , id est , Græci,*
 „ *altera Amphiochi : mortuo scilicet ibi Am-*
 „ *philoco , & sociis usque ad mediterranea*
 „ *vagatis : quin & id ait se compeisse , quos-*
 „ *dam Herculis sociorum , & a Messena in-*
 „ *habitasse Hispaniam : partem Cantabria*
 „ *a Laconibus occupatam fuisse , & is & alii*
 „ *perhibent : ibique Opsicellam urbem condi-*
 „ *tam ab Opsicella , qui cum Antenore ejus-*
 „ *que liberis in Italiam trajecit. , Ex his*
 colligi potest , cujusmodi fuerint Asclepia-
 dis scripta , Grammatici videlicet in HO-
 MERO investigantis Hispanorum populorum
 origines. Quapropter cum frequentissimum
 sit exinde repetere oppidorum initia ; cum
 his accedant recentium scriptorum figmen-
 ta , aniles fabulæ , & credula erga patriam
 pietas ; facile apparet , quam difficile sit ve-
 ra a falsis segregare , & de rebus antiquis-
 simis cordate scribere.

5. Occupavit in Hispania hoc Argu-
 mentum , non solum quatenus spectat ad
 oppidorum , sed etiam ad linguæ origines,
 eruditissimus vir , BERNARDUS ALDRETE,
 semper a me cum laude nominandus ; sed
 ad

ad unam , eandemque metam variæ viæ esse possunt ; & ego eam elegi , quæ a me prius degrumata & strata , ab aliis postea facilius , feliciusque iniri possit. Ad propositum igitur.

CAP. II.

De significatione vocis UR.

I. **G**ENES. cap. XI. vers. 31. ita legimus : *Tulit itaque Thare Abram filium suum , & Lot filium Aran , filium filii sui , & Sarai nurum suam , uxorem Abram filii sui , & eduxit eos de UR Chaldæorum , ut irent in terram Chanaan ; veneruntque usque Haran , & habitaverunt ibi.* Sunt qui dicant , UR hic significare vallem , ut apud ISAIAM , cap. XXIV. vers. 15. & ibi Sanctes Pagninus : & etiam hodie apud Vascones *Irura* vallem significat. Fortasse UR situm erat in valle , qui situs oppidis accommodatissimus est : nam ibi plurima comoda solent esse : bona valetudo , propterea quod valles tutæ sunt a vi ventorum , quia montibus circumdatæ sunt : fertilitas , eò enim ex montibus descendit flos terræ , & aquæ irriguæ ex fontibus : amoenitas , quia contiguæ sunt ex una parte collibus , ex altera agris excolendis : commoditas , quia facile inservitur pastoritiæ & agriculturæ ; ac silvæ cæduæ parum distant,

ut plura alia omittam. Mirum igitur non est si UR esset in valle. Sed si in laudato GENES. loco UR vallem significaret, non dixisset MOSES eodem cap. vers. 28. *mortuusque est Aram ante Thare in terra nativitatis suæ in UR Chaldæorum*: nemo enim sic loqueretur, *in terra nativitatis suæ in valle Chaldæorum*, cum plures valles Chaldæorum essent; sed hoc modo, *in UR* (hoc est in valle) *Chaldæorum*, *in terra nativitatis suæ*, ut hæc postræma verba *vallem* designarent. Alia igitur significatio quærenda est.

2. B. HIERONYMUS in *Questionibus*, si-
ve *Traditionibus in Genesi*, ita scripsit ad
vers. 28. „Pro eo quod legimus in *Regio-
ne Chaldæorum*, in Hebræo habetur UR
„*Chasdim*, id est, in igne Chaldæorum.
„Tradunt autem Hebræi ex hac occasio-
„ne istiusmodi fabulam. Quod Abraham
„in ignem missus sit, quia ignem adorã-
„re noluerit, quem Chaldæi colunt, & Dei
„auxilio liberatus de idololatriæ igne profu-
„gerit. Quod in sequentibus scribitur, egres-
„sum esse Tharan cum sobole sua de regio-
„ne Chaldæorum: pro eo, quod in Hebræo
„habetur, *de incendio Chaldæorum*: quod
„videlicet ignem nolens adorare, igne con-
„sumptus sit. „Hæc fabula legitur in *Me-
dras-Haggada*, eamque repetunt SALOMON
IARCHI; R. MOSES MAIMONIDES Gerun-
densis, & MANASSES BEN-ISRAEL in *Con-
ciliatore*. Quod vero ait HIERONYMUS, Chal-
dæos

daos ignem coluisse , comprobat *Chronici Alexandrini* Auctor ita scribens pag. 64. *Nemrodo autem cognomen Nini imposuerunt. Hic pro Deo Ignem colere docuit. Unde primum eum post Diluvium , Assyrii Regem fecere Nini cognomine imposito.* Quanquam quod ait de *Nino* , de *Belo* dicere debuit. Fortasse fabula a B. HIERONYMO relata originem habuit ex male intellecto Esdræ loco: nam apud librum II. cap. 9. vers. 7. *Israëlitæ Deum orant. Tu ipse , Domine Deus , qui elegisti Abram , & eduxisti eum de igne Chaldæorum , & posuisti nomen ejus Abraham.* Ubi vocabulum illud UR , *caminum* interpretatus est sapientissimus BENEDICTUS ARIAS MONTANUS. Sed insignis differentia animadvertenda est : nam hic loquuntur *Israëlitæ* de mirabili Dei Providentia : GENES. autem XI. vers. 31. narravit Moses quid Thare fecerit. Dicam explicatè. Eduxit Deus *Abram de igne Chaldæorum* , hoc est , de cultu Ignis : Thare vero , qui semper fuit idololatra, ut constat ex JOSUE, cap. V. vers. 6. & , qui , ut credere par est , UR , sive Ignis , cultor fuit , eduxit eum ex UR , id est , ex Urbe ita dicta ob cultum Ignis. Et hunc verum esse sacri Historici sensum ostenderunt LXX. qui ad evitandam homonymiam non $\pi\upsilon\rho$, sed $\chi\acute{\omega}\rho\alpha\nu$ transtulerunt. *E regione* , inquit , *Chaldæorum* : qua ratione JOSEPHUS eundem locum interpretatus est *Antiquit. Judaicar. Lib. I. cap. 7.* Erat

autem UR in Mesopotamia , ut ex Actibus Apostolicis colligitur , *cap. 7. vers. 2.* EUPOLEMUS apud EUSEBIUM *Præparationis Evangelicæ Lib. IX. cap. 17.* ætate decima tradit Abrahamum natum esse Camarinæ , quæ Babylonie civitas est ; quamque Urien nonnulli vocant , Græci Chaldæopolin , interpretantur. Nonnullos intellige Hebræos , non illos quidem existimantes , UR esse Ignem , sed Civitatem , quam Græci vocant Chaldæopolin , pro Chaldæis intelligentes Sacerdotes aut Principes , qui dicebantur Camarim , ut colligit JOSEPHUS SCALIGER Berosi fragmentum enarrans , *pag. XI.* Ab UR nominata fuit Orchse tota illa regio , ut videre est apud PTOLEMÆUM *Lib. V. cap. 20.* Dictum vero fuit UR Chaldæorum ad differentiam alterius urbis cognominis. Equidem AMMIANUS MARCELLINUS *Lib. XXV. cap. II.* memorat UR , Persicum Castellum. Persæ (ut refert JULIUS FIRMICUS *Lib. de errore prof. relig.*) & Magi omnes , qui Persiæ Regionis incolebant fines , Ignem præferunt , & omnibus elementis putant debere præponi : quem cultum MAXIMUS TYRIUS volebat esse symbolicum. *Dissertatione XXXIII.* Barbari omnes (inquit) pariter Deum intelligunt. Constituire interim sibi alia , atque alia signa. Ignem Persæ , imaginem , quæ unam duret diem , vorax quid & insatiabile. Fuit etiam Ura Palmyrenorum locus ad Euphratem , cujus meminit

PLI-

PLINIUS *Lib. v. cap. 24.* & PTOLEMÆUS
Lib. v. cap. 15.

3. Hinc mirandum non est, plurima esse in Hispania oppidorum nomina, quæ a voce UR incipiunt, aut in illam desinunt, aliquando cum aliqua productione pro linguarum diversitate, semper tamen cum significatione *oppidi*.

CAP. III.

De propagatione vocis UR in Hispania.

1. **I**ncipiamus igitur a GRACCURRI, ubi nulla est dubitatio, ut ex certis incerta facili negotio conjiciamus. Elegans est FESTI POMPEII testimonium sic habens: *Gracchuris urbs Hiberæ regionis dicta a Graccho Sempronio: quæ antea Ilurcis nominabatur.* Idem igitur est GRACCURRIS (sic scribendum esse hoc nomen antiqui nummi quos habeo, me docent) ac *Gracci Urbs*, sita in Vasconia, cujus urbes recensuit PTOLEMÆUS *Lib. II. cap. 6.* cumque Vascones essent in Celtiberia, non illa sic proprie dicta, de qua idem PTOLEMÆUS *eodem Lib. & capite*; sed in ea Hispaniæ parte, quæ extra Hiberiam antiquam erat, & Gracci tempore Celtiberia dicebatur; ideo Livii Epitomator *Lib. XII.* eam adjudicavit Celtiberiæ, cum ita scripsit: *Tib. Sempronius Gracchus Proconsule Celti-*

tiberos victos in deditionem accepit : monumentumque operum suorum Graccurrim oppidum in Hispania constituit. Contigit hoc anno Varroniano u. c. DLXXV. Q. Fulvio, & L. Manlio Coss. Quo anno de Celtiberia triumphavit Tib. Sempronius Graccus. Quod autem dixit Polybius, Tib. Gracum ccc. urbes Celtiberorum dejecisse, id (Possidonius) comice exagitat, in Gracci gratiam inquit ab eo turribus urbium nomen inditum, ut fit in pompis triumphalibus, admonente STRABONE Lib. III. pag. 112. Gracurris meminit ANTONINUS in Itinere ab Asturica Tarraconem. Ex veteribus nummis discimus fuisse Municipium, & ejus Municipes Gracurritani dicti fuerunt Latinienses, docente PLINIO Lib. III. cap. 3.

2. Equidem si Gracurris significat Gracci oppidum, similiter etiam Bituris, Calagurris, Esuris, Ilarcuris, Laccuris, & Larcuris, oppida etiam significabant, nominis mutatione in prima parte ignota, cujus significatio nos latet, ut lateret etiam GRACCURRIS, si Gracum nesciremus.

CAP. IV.

De oppidis Hispanis, quorum nomina ab UR incipiunt.

1. **S**ED ut ad propositum Argumentum propius accedamus; ante omnia exponemus nomina ab UR incipientia in quibus UR significat *oppidum*. Sunt autem sequentia.

2. **URBICUA**, oppidum occurrit apud T. LIVIUM *Lib. XL. cap. 16.* ubi refert res gestas Q. Fulvii Flacci, Prætoris Hispaniæ Citerioris. PETRUS ANTONIUS BEUTER *Lib. I. cap. 21. pag. 119.* vocavit eam *Urbienam* (errore fortasse typographico ex scripturæ similitudine orto) & dixit eandem esse ac *Arbeca*, quam opinionem assensum sustinentes retulerunt JOHANNES VASÆUS ad A. U. C. DLXXII. & AMBROSIIUS MORALES in *Antiquit. fol. 12.* ubi ait, oppidum vocatum *Arbeca* fortasse cognitum esse in Regno Aragonum. Idem MORALES *Lib. VII. cap. 18. fol. 87.* tacite designans Beuterum & Vasæum, dixit, aliquos cogitare esse *Killam Arbezam in Regno Valentia*. An quia Beuterus fuit Valentinus? At hic scriptor locum non designavit. Est quidem *Arbeca* in Catalaunia prope Ilerdam, duabus leucis distans a Bellopodio, sed HIERONYMUS PUJADES *Lib. III. cap. 52.* ne-

ga-

gavit Arbecam sitam esse ubi olim fuit *Urbicua*, cujus verus situs proculdubio ignoratur.

3. *URCESA* invenitur apud *PTOLEMÆUM Lib. II. cap. 6.* in Regione Celtiberorum. *PETRUS DE ALCOCER* in *Historia Toleti Lib. I. cap. 50. fol. 45. col. 1.* scripsit, *Ucles* vocatam fuisse *Urcesam*: sed nullam attulit opinionis suæ rationem. *ABRAHAMUS ORTELIUS* in *Synonymia Geographica* ait, Carolum Clusium nominare eam *Velez*. Forte ita scriptum est pro *Ucles*. *ANTONIUS COVARRUBIAS* in *Thesouro linguæ Castellanae* errorem hunc descripsit v. *Velez*. *URCESÆ* situm aliis inquirendum relinquo.

4. *URCI*. Hujus urbis meminit *PLINIUS Lib. III. cap. 3.* *PTOLEMÆUS Lib. II. cap. 6.* & *MARCIANUS HERACLEOTA* vocarunt eam *URCE*. Vocatur etiam *URGI*, unde *finis Urgitanus* apud *PLINIUM Lib. III. cap. 1.* *POMPONIUS MELA* nominavit *VIRGI*, & *sinum Virgitanum Lib. II. cap. 6.* itaque nomina sunt diversa; urbs vero una & situs etiam: de quo priusquam tractemus perpendenda sunt quæ de hac urbe scripsit *JOHANNES MARIANA Lib. I. de rebus Hispaniæ, cap. 2.* Succedit (inquit) *Almeria, quæ ex Abderæ ruinis crevisse creditur: aliis Urci est in Bastetanis: & Lib. X. cap. 18.* loquens de *Almeria* sic dubitanter scripsit ad annum 1146. *Almeria firmissima ea tempestate urbs ad mediterranei maris littus sita*

ta in *Bastetanorum*, & *Bastulorum* confinitibus, antiquis *Abdera*, seu *Portus Magnus*, nostrorum armis potita est. JOHANNES igitur *MARIANA* non fuit ausus asserere, an *Almeria* condita fuerit ex *Abderæ* ruinis, an vero sit eadem ac *Urci*. Probabimus has urbes distinctas fuisse utentes rationibus ab *Historia Ecclesiastica* petitis.

5. Geographus *NUBIENSIS*, qui circiter quinquagesimum annum duodecimi sæculi scribebat, multis in locis de *Abdera* & *Almeria* loquitur, tanquam diversis urbibus eæ ætate existentibus. *Almeria* situs notissimus est. Antiquitus fuit vocata *Almaria*. Unde emendari debent *Annales Pisani* ad annum 1088. in quibus ita scriptum est: *Fecerunt Pisani & Januenses stolum in Affricam*, (forte legendum *Africanos*) & *receperunt duas munitissimas civitates Almadiam* (lego *Almariam*) & *Sibiliam in die Sancti Sixti*: In quo bello *Ugo Vicecomes* filius *Ugonis Vicecomitis* mortuus est. Ex quibus *Civitatibus*, *Saracenis* fere omnibus interfectis, maximam prædam auri & argenti, palliorum & ornamentorum abstraxerunt. De qua præda thesauros *Pisanæ Ecclesiæ* diversis ornamentis mirabiliter amplificaverunt, & *Ecclesiam Beati Sixti in Curte edificaverunt*. Prædictus Geographus Arabs *Abderam* nominavit *Adæram*, a qua dempta ē mansit *Adra*; ut ex *Ceretania Cerdania*; ex *Cabeta Gata*; *PLINIUS Lib. III. cap. 3.* posuit *Urci* in extremo

mo Bæticæ in regione Bastitana, quæ confinis erat Hispaniæ Citerioris, sive Tarracoenensis, & a STRABONE describitur *Lib. III. pag. 96. & 108.*

6. His igitur tribus urbibus distinctis, hæc eadem distinctio melius apparebit ob distinctam Episcoporum seriem, quam singulæ habuerunt. Verum Abderæ ob temporum injuriam contigit, ut ejus sedes omissa fuerit in omnibus Ecclesiasticis Divisionibus, quas ego legi: quod, ut mea fert opinio, ex eo provenit, quod cum aliquæ Divisiones conflictæ fuerint; postea subsequentium scriptores descripserunt priores. Abderitana igitur Sedes prætermissa fuit in *Divisione Episcopatum Hispaniæ*, falso tributa Imperatori Constantino, quæ legitur in *Collectione Conciliorum Hispaniæ*, quam edidit GARIAS DE LOAISA, *pag. 143.* Prætermissa etiam fuit in altera *Episcopatum Hispaniæ Divisione*, quæ falso adoptatur Regi Wambæ, & reperitur apud eundem LOAISAM, *pag. 135.* Neque dici potest, omissam fuisse ab aliquo descriptore, sed ab ipso Pelagio Episcopo Ovetensi, qui eas Divisiones commentus fuit tempore, quo Abdera jam non erat Episcopalis, & ipse ignorabat talem fuisse: & Wambanis Divisionem transcripsit LUCAS Tudensis Episcopus, & postea CHRONICON GENERALE, ubi refertur in ea designari novem Episcopatus subditos Hispalensi, & inter novem non invenitur Abde-

dera. Eadem omissio observatur in *Divisione Episcopatum*, quæ legitur in *Chronico Æmillianensi* scripto anno 882. Item in alia *Divisione* conficta, quæ legitur in fabulosa *Historia*, quæ circumfertur nomine Mauri Rhasis; qui floruisse fingitur anno 936. item in *Divisione* quæ legitur apud LUCAM TUDENSEM *Lib. III. Chronici Mundi*, pag. 56. quæ *Divisio* eadem est ac Wambæ tributa; nam hic Præsul descripsit codicem appellatum *Itacium* Pelagii Episcopi Ovetensis, hujus fabulæ inventoris. Item in *Divisione Codicis Hispalensis*, qui est in Bibliotheca Regia B. Laurentii, eamque edidit LOAISA, pag. 131. & 132. Item in *Divisione Ecclesiæ Ovetensis*, quam evulgavit idem LOAISA, pag. 133. & in iis quas edidit nobilissimus vir FRANCISCUS DE ALMEIDA MASCAREÑAS in *tom. IV. Apparatus ad Disciplinam Ecclesiasticam Portugalensem*.

7. Hæc adeo antiqua, & frequens omissio Abderitanæ Sedis occasionem dedit ad confundendam eam cum Urcitana: ideoque multi scriptores censuerunt Abderitanam fuisse suffraganeam Toletanæ; cum certum fuerit, suffraganeam fuisse Hispalensis, ut statim apparebit. Idcirco cl. vir FRANCISCUS PADILLA in *Catalogo Episcoporum*, fol. 18. pag. 2. unam tantum seriem Episcoporum utriusque Sedis fecit, cum duas facere debuisset. Nolo controversiam illam excitare an B. Ctesiphon fuerit Episcopus Abderitanus,

si-

ſiquidem hoc dubium patitur propterea quod Breviarium Cordubense, quod ita affirmat, niti videtur auctoritate Calixti ſecundi, cujus libri meo iudicio ſunt apocryphi, ut taceam Martyrologium Romanum, & Bedæ, aſſerere fuiſſe Episcopum Vergi. Verumtamen certum eſt, Petrum Episcopum Abderitanum ſubſcripſiſſe Concilium I. Hiſpalenſe celebratum Era DCCCXXVIII. Itaque Abderitana Sedes fuit ſuffraganea Metropoleos Hiſpalenſis. Idemque præcedenti anno ſubſcripſerat Concilium Toletanum III. quod fuit Generale, ut aſſerit cl. vir FERDINANDUS DE MENDOZA *de Concilio Iliberritano confirmando*, pag. 8. ubi admonet in melioribus codicibus legi: *Petrus Abderitanus Episcopus*; non vero, ut in excuſſis legitur, *Petrus Eliberitanus Episcopus*: cum quilibet animadvertere poſſit, in eodem Concilio ſubſcripſiſſe Stephanum Episcopum Iliberritanum. Neque dici poſteſt, alterum Episcopum Iliberritanum fuiſſe Hiſpanum Catholicum; & alterum, Gothum Arrianum, ut obſervatur in Sedibus Valentina & Dertosa: nam neque Petrus, neque Stephanus ſunt nomina Gothica.

8. Stabilita igitur *Abderitana* Sede, tranſeamus ad *Urcitanam*. Primus Episcopus *Urcitanus* fuit B. Indaletius, cujus Episcopatum confirmavit Breviarium Mixtarabum, Martyrologium Romanum, Sancti Bedæ, Uſuardi, & Primi Annales Toletani, in
Era

Era MXXII. ubi notari debet in editione
 FRANCISCI DE BERGANZA , monachi Be-
 nedictini de Hispana Historia benemeriti , ita
 legi : *Mudaron el cuerpo de San Indalecij a*
la cibdad de los Moros , que avie nombre
Urcitana. Cum certum sit legi debere , prout
 legitur in codice m.s. JOH. BAPT. PEREZII ,
 qui exstat in Bibliotheca Regia Madridiensi ,
 ex quo exemplar horum Annalium ego de-
 scripsi ; videlicet : *Mudaron el cuerpo de San*
Indalecis de la cibdad de los Moros , que avia
nombre Urcitana. Hoc est : *Translatum fuit*
corpus Sancti Indaletii ex Maurorum civita-
te , quæ nominabatur Urcitana. In hujus E-
 piscopatus confirmationem nolo allegare CA-
 LIXTI II. testimonium , quia scripta , quæ
 ejus nomen præferunt , jam dixi apocrypha
 esse : sed neque Acta translationis Sancti In-
 daletii , quæ anno MDCXLIX. excudi jussit
 eruditissimus vir JOSEPHUS PELLICER , cap.
 14. *Historiæ Familiæ Alagonensis* , quæ
 Historia typis efformari coepit , non tamen
 absoluta fuit : & tamen postea illæ memora-
 ta Acta communicavit cum JOHANNE TAMA-
 YO DE SALAZAR , qui ea evulgavit in *Mar-*
tyrologio Hispano mense Aprili , anno MDLV.
 nti refert ipse PELLICERUS in *Bibliotheca sua*
 fol. 41. nam etiam hæc Acta sunt apocry-
 pha.

9. Secundus Episcopus Urcitanus fuit Ca-
 tonius , qui subscripsit Concilium Iliberrita-
 num. Scio FERDINANDUM MENDOZAM , pag.

68. doctissimi *Commentarii de Concilio Iliberritano confirmando*, adnotasse in codice Lucensi legi, *Cantonus Episcopus Corsitanus*, & in aliis *Corsicanus*: & in Parisiensi Merlini animadverti legi, *Catonius Episcopus Corsitanus*, fol. 105. col. 3. sed hæc lectiones adeo monstrosæ sunt, ut ob alias similes VASÆUS scripserit in *Chronicis Hispaniæ* ad annum Christi CCCXXXVIII. Quo loco quæcumque ponuntur, ut ingenue fatear, ægroti veteris somnia pleraque omnia mihi videntur. Multos enim *Episcopatus* ibi lego, quorum in antiquis Conciliis nulla fit mentio, AMBROSIUS MORALES, *Lib. x. cap. 31. fol. 390.* referens Episcopos, qui subscripserunt laudatum Concilium, ita scripsit: *Cantonius Episcopus Urcitanus, aut Vergitanus*, ut habet autographum antiquum S. *Æmiliani*. Lectionem illam *Urcitanus* approbavit GARSIAS LOAISA: licet enim in contextu descripserit, *Cantonius Episcopus Corsicanus*; in margine tamen emendavit, *Urcitanus*. FERDINANDUS DE MENDOZA videns *Januarium Urci Presbyterum* fuisse unum ex subscriptoribus Concilii Iliberritani, conjecit pag. 89. *Januarium* fuisse comitem Cantonii: atque ita confirmatur lectio illa, *Cantonius Urcitanus*.

10. Tertius Episcopus Urcitanus fuit *Marcellus*, qui subcripsit Concilium Toletanum IV. celebratum Era DCLXXI. & Toletanum V. habitum Era DCLXXIV. & po-

stea

stea Daniel ejus Diaconus subscripsit Concilium Toletanum XVIII. quod fuit Provinciale celebratum Era DCXCI. & Concilium Toletanum XIX. quod etiam fuit Provinciale, habitum Era DCXCIII.

11. Quartus Episcopus Urcitanus fuit *Palmarius*, qui subscripsit Concilium Toletanum XI. quod fuit Provinciale, & initio adhuc dicitur esse Carthaginis Provinciae Sacerdotem; celebratumque fuit Era DCCXIII. Idem subscripsit Concilium Toletanum XII. Era DCCXIX., Toletanum XIII. Era DCCXXI., & XIV. Era DCCXXII.

12. Quintus Episcopus Urcitanus fuit *Habitus*, qui subscripsit Concilium Toletanum XV. celebratum Era DCCXVI. & XVI. habitum DCCXXI.

13. Sextus Episcopus Urcitanus fuit *Genesius*, qui interfuit Concilio Cordubensi Era DCCCC. sive anno Christi Natalis DCCCLXI. non ut ait FERRERAS DCCCLXII. neque DCCCLII. ut GUNDIZALVUS ARGOTE DE MOLINA *Lib. I. de Nobilitate Vandalusiae cap. 21* deceptus errore typographico, qui est in margine *Chronici AMBROSII MORALIS Lib. XIV. cap. 31*.

14. Quod attinet ad Sedem *Almeriae*, (quod nomen Arabicum est) opinio fuit antiquorum scriptorum Hispaniae, quibus eruditionis cognitio defuit, eam esse antiquum *Urci*, & propterea, cum Reges Catholici eam a Mauris recuperarunt, Sedem Episco-

palem in ea posuerunt anno 1480. ut refert ZURITA *Lib. XX. Annal. cap. 81.*

15. Hæc cum ita se habeant, unice restat inquirere situm URCI, quod nonnulli vocant *Virgi*. AMBROSIVS MORALES *Lib. X. cap. 32. fol. 391. litt. c.* ait *Urci* esse posse *Vera*, aut *Verja*. Dubitationis suæ rationem affert nullam. Sed certum est, esse *Veram*, quæ est intra Sinum Urcitanum, qui hodie dicitur *Golfo de Vera*: comprobatur hoc POMPONIVS MELA, qui *Lib. II. cap. 6.* ita scripsit: *Virgi in sinu, quem Virgitanum vocant.* Sinuum vero nomina difficulter mutantur. *Verja* autem extra sinum est.

16. *URGAO*. Sic legendum apud PLINIVM *Lib. III. cap. 3.* non *Virgo*, ut in editione Nicolai Maillardi; neque *Urgao*, ut in plerisque aliis editionibus; aut *Urcao*, ut male etiam apud Antoninum in itinere *a Corduba Castulonem*: & vera lectio quam attuli, comprobatur aliquibus Inscriptionibus, quas mox memorabo. *Urgavo* autem cognominata fuit *Alba*, & Municipium fuit, ideo dictum *Albense*.

17. Prima Inscriptio ad hoc Municipium pertinens est, quam vitiose edidit APIANVS *fol. 24.* & Gruterus ex Ursini, & Schotti schedis *pag. 66. num. 3.* quæque exstat Arjonæ, & sic legi debet.

LIBERO. PATRI
 AVG. SACRVM
 IN. HONOREM
 PONTIFICATVS
 L. CALPVRNIVS
 L. F. GAL. SILVINVS
 II. VIR. BIS. FLAMEN
 SACR. PVB. MVNICIP. ALB. VR
 PONTIFEX DOMVS
 AVGVSTAE
 D. S. P. D. D.

Sed ex hac Inscriptioe verum Urgavonis nomen non colligitur, cum per compendium scriptum sit.

18. Altera Inscriptio est, quam verbis transpositis idem edidit APIANUS ex eo Occo pag. 25. num. 7. & illaudato primo editore ONUPHRIUS PANVINIUS *Commentario in Librum II. Fastor. ad annum U. C. DCCLII. pag. 299.* Ex PANVINIO SMETIUS fol. 153. Itemque Occo pag. 38. num. 7. alio versuum ordine servato, quam in supra citato loco. Ex PANVINIO, APIANO, & MORALI GRUTERUS, pag. 334. num. 6. qui omnes scripserunt *Municipium Albense Urcaonense*. Sed caute admonuit GRUTERUS in margine, MORALEM scripsisse *Urgavonense*. Quæ lectio præferenda est, cum MORALES ita loquutus sit, ut videatur testimonium oculare de veritate dixisse afferens aliam Inscriptio-

B 3

ptio-



ptionem de qua postea loquar, in *Antiquit. fol. 74. pag. 2.* & in *Chronico Lib. IX. cap. 35. fol. 209. pag. 1. & 2.* Itaque hæc Inscriptio a GRUTERO non fideliter repræsentata, ut admonuit NICOLAUS ANTONIUS in *Biblioth. Veteri Lib. II. cap. 3. num. 99.* Nihili itaque facio, BIVARIUM in *Commentariis ad Dextrum, pag. 20. Urgavonense* scripsisse, præsertim cum opus illud sit postumum.

19. Tertia Inscriptio est, quam debemus AMBROSIO MORALI in *Antiquit. fol. 74. pag. 2.* & in *Chronico, Lib. IX. cap. 35. fol. 299. pag. 2.* GUNDISALVO ARGOTE DE MOLINA *Lib. I. Nobilitatis Andalusie cap. 12. fol. 11.* & OCCONI cautius quam alibi describenti eam, *pag. 4. num. 11.* ubi sincerius legitur, quam apud GRUTERUM, *pag. 249. num. 3.*: licet enim GRUTERUS belle descripserit *Urgavonense*, perperam edidit, *Albengense pro Albense.* JOHANNES HARDUINUS in *nota 18. ad PLINII cap. I. Lib. III. Historiæ Naturalis* non manifestavit rationes ob quas fictam, & recentem existimavit hanc Inscriptionem. Itaque donec eas audiamus, cohibeamus assensum. Incertum est, quem ex his duobus proximis lapidibus laudavit HIERONYMUS ZURITA in *Antonini Itinerario*, ut probaret olim fuisse Municipium Albense Urgavonense. Videsis illum in *Itinere a Corduba Castulonem*, & in *Itinere a Castulone Malacam.*

20. Michaël Villanovanus voluit , *Urgavonem* esse *Rhodam* , eumque sequutus est *Abrahamus Ortelius* v. *Alba* , & v. *Rhoda*. Itemque *JOHANNES MARIANA Lib. x. de Reb. Hispaniæ , cap. i.* *Virgaonem* eam appellans. Sed *AMBROSIIUS MORALES* in *Antiquitatib. fol. 74. pag. 2.* peritius scripsit , ex *Urgavone* provenisse *Arjonam* , ubi Inscriptiones memoratæ inventæ fuerunt , loci memoriam conservantes. Præterea hoc ipsum facile probatur observatis Canonibus Etymologicis , quos primus ego in *Hispanæ linguæ* usum confeci in *Originibus linguæ Hispanæ*. Cum lingua Latina corrumpi cœpit , illius ætatis homines ex sexto casu tertiæ declinationis recentia nomina præcudebant , & ea quidem indeclinabilia , qualia postea manserunt , ut passim videre est in *Itinerario Antonini* , & in *Anonymo Ravennate*. Sic ex *Barcinone* facta est *Barcinona* , & postea *Barcelona* ; ex *Carthagine* , *Carthagena* ; ex *Castulone* , *Castulona* , & postea *Cazlona* ; ex *Consaburone* , *Consaburona* , ac tandem *Consuegra* ; ex *Pompælone* , *Pompelona* , & contractius , *Pamplona* ; ex *Tarracone* , *Tarracogna* , & postea *Tarragona* ; ex *Turiasone* , *Turiasona* , & hinc *Tarazona* ; ex *Ursone* , *Ursona* , & postea *Ossuna*. Hoc itaque posito agamus de litterarum permutatione.

21. V. facile mutatur in A. Sic ex *Bætulone* , dicta est *Bætulona* , & postea *Badalona* : ex *Turiasone* , *Tarazona*.

22. G. & Jota in Hispana lingua, cum certas voces feriunt, figura differunt; non vero potestate: siquidem illa feriens secundam & tertiam vocalem, est gutturalis; & hæc etiam, cum ferit reliquas. Itaque ex *Astigi*, dicimus *Ecija*; ex *Giaen* nomine Arabico, *Jaen*; ex *Tago*, *Tajo*; ex *Tagonio*, *Tajuña*.

23. A. ex medio vocabuli auferri solet. Sic ex *Araduca* natum nomen *Arzua*; ex *Arsciaduna* nomine Arabico *Archidona*; ex *Bracara*, *Braga*; ex *Colonia Iliberi*, *Colibre*; ex *Colubaria*, *Moncolobrer*; ex *Concana*, *Cuenca de Campos*; ex *Dianio*, *Denia*; ex *Pisoraca*, *Pisuerga*; ex *Sancta Juliana*, *Santillana*; ex *Uxama*, *Osma*.

24. V. etiam auferri solet ex medio vocabuli: ideoque ex *Barbesula* dicitur *Marbella*; ex *Castulone*, *Cazlona*; ex *Mantua*, *Villamanta*; ex *Portu Veneris*, *Portvendes*.

25. His præmissis facile observari potest ex sexto casu, *Urgavone*, mutata, ut fieri solet, V. in A; G. in J; A. & V. omis- sis; & finali E. in A. frequentissimam terminationem conversa, natum fuisse *Arjona*, quo nomine hodie utimur.

26. *URGELLUM*, quod Martyrologium Romanum vocavit *Urgellam*, & Eginhartus, aliique *Orgellin*, fuit urbs sita in Pyrenæi montis iugo, Gothorum tempore adeo insignis, ut Sedes fuerit Episcopalis.

27. Primus, quem scimus Urgellitanæ Ecclesiæ Episcopum fuisse, est Justus, cujus honorificam mentionem fecit B. ISIDORUS *cap. 34 de Viris Illustribus*. Beati Isidori verba descripsit HONORIUS AUGUSTODUNENSIS *Lib. III. de Scriptoribus Ecclesiasticis*, *cap. 25*. Recte igitur jam alii viderunt emendandum esse Anonymum Melliensem, *cap. 42*. cum ait : *Justus Viennensium Archiepiscopus scribit ad Sergium Papam librum explanationum in Cantica Canticorum* : ubi pro *Viennensium* reponendum est *Urgellensium*. Epistola hujus Justi Episcopi *Orgellitani* (sic enim vocatur) *ad Syrgam Papam* (pro *Syrgam* legi debet *Sergium*, ad quem misit *Commentarium suum in Cantica Canticorum*) edita fuit a LUCA DACHERIO in *Spicilegio*, *tom. III. pag. 319*. unde ab AGUIRRIO, & CATALANO in suas *Conciliorum Hispaniæ Collectiones* translata fuit. Subscripsit Era DLXV. II. Concilium Toletanum hoc modo : *Justus in Chisti nomine Ecclesiæ Catholicæ Urgelitane Episcopus, hanc Constitutionum Consacerdotum meorum, in Toletana urbe habitam, cum post aliquantum temporis advenissem, salva auctoritate priscorum Canonum, relegi, probavi, & subscripsi*. Nimirum Justus forte eo tempore erat in Urbe Regia : & licet suffraganeus esset Episcopi Tarraconensis, invitatus fuit a Patribus Concilii Toletani ad subscriptionem, more eo tempore recepto;

idem



idemque fecit in eodem Concilio frater ejus Nebridius, Egarensis Ecclesiæ Episcopus. Subscripsit etiam Justus Concilium Ilerdense Era DLXXXIV. omisso Sedis nomine. Martyrologium Romanum ejus nomen celebrat die xxviii. Maii inquit: *Urgellæ in Hispania Tarraconensi S. Justi Episcopi.*

28. Secundus Episcopus Urgellitanæ Ecclesiæ fuit *Simplicius*, qui subscripsit Concilium Toletanum iii. celebratum Era DCXXVII. Cæsaraugustanum ii. habitum Era DCXXX. Sedis suæ nomine tacito, & Barcinonense celebratum Era DCXXXVII. expresso nomine Urgellitanæ Ecclesiæ.

39. Tertius Urgellitanæ Ecclesiæ Episcopus fuit *Ranarius*, qui subscripsit Concilium Toletanum iv. celebratum Era DCLXXXI.

30. Quartus ejusdem Sedis Episcopus fuit *Maurellus*, qui Era DCXCI. subscripsit Concilium Toletanum viii. nominans se *Urgilitanum Episcopum*, ut LOAISÆ ait exemplar, licet excussa habeant *Urgelensis*. Subscripsit etiam Concilium Toletanum ix. habitum Era DCXCIII. & x. celebratum Era DCXCIV. cujus Episcopi, aliorumque subscriptiones conservavit YEPESIVS in *Chron. S. Benedicti*, tom. II. cent. 2.

31. Quintus Episcopus fuit *Leubericus*, cujus Vicarius Era DCCXXI. subscripsit Concilium Toletanum xiii. hoc modo: *Flo-*

ren-



rentius agens vicem Leuberici Episcopi Urgelitanensis, prout edidit LOAISA: sed ad marginem secundum alios codices legitur, *Florentinus Presbyter Leuberici Urgellitani Episcopi*.

52. Idem Presbyter Florentius, sive Florentinus, subscripsit Concilium Toletanum xv. habitum Era DCCXXVI. hoc modo: *Florentius Presbyter, agens vicem domini mei, & Pontificis Leuberici Urgelletanensis Episcopi, subscripsi*. Ubi Albeldensis codex habet *Urgellitanæ*. Denique ipse Leubericus subscripsit Concilium Toletanum xvi. celebratum Era DCCXXXI. Atque hæc dicta sufficient de *Urgello*, & ejus Episcopis sub Gothorum tempore.

53. APIANUS pag. 23. edidit Inscriptiones, quas fuisse ait inter Borgias Urgelli & Umatiam juxta viam. Eandem evulgavit GRUTERUS pag. 245. num. 8. ex STRADA, & cujus manibus quamplurimæ Inscriptiones falsæ prodire. Eandem ex APIANO descripsit HIERONYMUS PUJADES in *Chronico universali Cathalauniæ*, Lib. IV. cap. 26. & tacitis editoribus cl. vir NARCISUS FELIU in *Annalibus Cathalonie*, Lib. VI. cap. 7.: sed cum *Germania* ibi vocetur *inferior*, & recens sit Germaniæ divisio in Superiorem, & Inferiorem, manifeste Inscriptio illa ficta est.

54. *URGIA* quoque in nostrum censum referenda est, de qua PLINIUS Lib. III. cap. 1. Gaditani Conventus oppida Civium

Ro-

Romanorum recensens , ait *Urgia cognominata Castrum Julium*. In editione Pliniana Nicolai Maillardi Rhotomagensis dicitur *Urgia*. Apud ANTONINUM in *Itinere a Gadi-bus Cordubam* nominatur *Urgia* , quam PTOLÆMÆUS *Lib. II. cap. 4.* collocavit in Turdetania inter Nebrissam & Astam , & Rude-ricus Carus ait esse *las Cabezas de San Juan*. *Lib. III. Chorographiæ Conventus Juridici Hispalensis , cap. 11. fol. 100. & cap. 31. fol. 173.* quibus in locis Inscriptionem edidit , quam melius descripsisse videtur MURATORIUS *tomo I. Novi Thesauri veter. Inscript. pag. 53. num. 3.* licet eam Hispali adjudicare non debuerat. Cum autem Turdetania ubi sita erat *Urgia* , habitatio esset Phoenicum , ut docuit STRABO *Lib. III. pag. 103.* verisimiliter ad eos ejus origo referri potest.

35. Addit PLINIUS *Urgiam* cognominatam *Castrum Julium* , videlicet a C. Julio Cæsare , qui Castra ibi posuit : a quo præcipue , & etiam ab Augusto , aliisque Gentis Juliæ successoribus , plurima oppida cognominata fuerunt in omnibus Hispaniæ Provinciis , ut multis exemplis ostenditur.

36. In Bætica videlicet hæc oppida , populique.

37. *Asido Cæsariana* , de qua PLINIUS *Lib. III. cap. 1.* nunc *Medina Sidonia*. *Medina* autem Arabice oppidum significat.

38. *Astigi* , quod *Julienses* ibidem.

39.

39. *Artubi*, quæ *Claritas Julia*, ibid.

40. *Calpe*, *Colonia Julia*, in cimelio Reginæ Christinæ apud SPANHEMIUM in *Dissert. IX. de Præstantia*, & usu Numismatum, pag. 766.

41. *Contributa Julia*, PLINIUS *Lib. III. cap. I.*

42. *Gadis* insulæ cum PLINIUS mentionem fecit *Lib. IV. cap. 22.* ita scripsit: *Habet oppidum Civium Romanorum, quod appellatur Augusta Urbs Julia Gaditana.* Hoc cognomen proculdubio debetur Augusto Cæsari filio adoptivo C. Julii Cæsaris: & ad eandem Urbem pertinere voluit Johannes Harduinus nummos veteres Augusti, & Domitiani, quos ipse ait se vidisse, asserens in eis legi COL. IVL. AVGVSTÆ quod, quam fidem mereatur, eruditi judicabunt. Equidem in Inscriptione apud GRUTERUM pag. 357. num. 20. quæ emendari debet ex altera pag. 358. num. 4. non *Colonia*, sed *Mun. Aug. Gad.* dicitur.

43. *Itucci*, *Virtus Julia* dicitur a PLINIO *Lib. III. cap. I.*

44. *Julia* *Traducta* in numismatis occurrit.

45. *Iliturgi*, *Forum Julium* apud PLINIUM *Lib. III. cap. I.* quo pertinet Inscriptio emendatione indigens non *Muratoriano Thesouro*, pag. 1050. num. 9. *Forum autem Julium* dictum, quia *Forum*, sive *Conventum* ibi egit C. Cæsar: quod indicare

Bo.

Forum dicitur VIRGILIO teste *Lib. v. Æneidos* v. 758.

Indicitque forum, & patribus dat jurā vocatis.

46. *Laconimurgi, Constantia Julia, PLINIUS Lib. III. cap. i.*

47. *Hispalim*, ut ait B. ISIDORUS *Etymol. Lib. xv. cap. i. Caesar Julius condidit quam ex suo nomine, & Romæ Urbis vocabulo, Juliam Romulam nuncupavit.* Utrumque falsum est. Hoc tamen testimonium præ oculis habitum in Inscriptione apud GRUTERUM pag. 257. num. 12. ubi legitur *Romulæ* teste CARO *Lib. I. cap. 9. fol. 13. col. 4. & cap. 22. fol. 37. col. 1.* : falso scriptum fuit, *Julia Romulæ* : & ad hujus Inscriptionis Hispalensis imitationem, ficta fuit sequens *Tarraconensis* pag. 258. num. 1. quam ex MORALE & STRADA se habuisse refert GRUTERUS. Sed MORALES solum edidit Inscriptionem Hispalensem *Lib. IX. cap. 35. fol. 298.* falso legens *Romulæ*. STRADÆ autem nulla fides debetur, nisi aliunde confirmata.

48. *Nebrissai*, cognomine *Veneria*, de qua PLINIUS *Lib. III. cap. i.* fortasse quia Julia gens deducebat genus suum à Venere, ut ipse C. Caesar gloriatus fuit in *Juliae amicis* suæ laudatione apud SÆTONIUM, cap. 6.

49. *Nentobriga, Concordia Julia, PLINIUS Lib. III. cap. i.*

50. *Osset, Julia Constantia, PLINIUS ibid.*

51. *Cesaris Salutariensis*. Hæc est alterum *Urgie* cognomen, ut probat conjunctio item apud *PLINIUM Lib. III. cap. I.*

52. *Segida*, *Restituta Julia*, *PLINIUS ibid.*

53. *Seria*, *Fama Julia*, *ibidem.*

54. *Sextisfirmum*, cognomen *Julium*, *ibid.*

55. *Vergentum*, *Julii Genius*, *ibid.*

56. In Lusitania.

57. *Cesarobrica*, cuius *Cives* dicebantur *Cesarobricenses*, ut videtur apud *PLINIUM Lib. IV. cap. 22.*

58. *Castra Julia*, *PLINIUS Lib. IV. cap. 22.*

59. *Ebora*, *Liberalitas Julia*, teste *PLINIO* laudato loco. Unde colligitur vera electio Inscriptionis apud *GRUTERUM*, pag. 489 num. 9. Ea vero neque Municipium, neque Colonia fuit.

60. *Olisipo*, *Felicitas Julia*, Municipium Civium Romanorum, teste *PLINIO*, *Lib. IV. cap. 22.*

61. *Pax Julia*, quæ apud *PLINIUM* occurrit *Lib. II. cap. 13.* & *STRABONE* dicitur, *Pax Augusta*, *Lib. III. pag. 104.*

62. *Sealabis*, *Præsidium Julium*, *PLINIUS Lib. IV. cap. 22.*

63. In Hispania *Tarraconensi*.

64. *Acci*, *Julia Gemella*, *PLINIUS Lib. III. cap. 3.* consulto etiam *MORALE*, *Lib. IX. cap. 42. fol. 313.* & *GRUTERO*, pag. 271 num.

num. 61 ubi in antiqua Inscriptione exstat integrum nomen, *Colonia Julia Gemella Ac-citana*, quæ hodie est *Guadix*.

65. *Castulonenses*, *Cæsarienses* appella-ti apud PLINIUM *Lib. III. cap. 3.*

66. *Calagurris* cognominatur *Julia Nas-sica* in nummis.

67. *Ceretani*, alii *Juliani* cognominaban-tur, alii *Augustani*, teste PLINIO *Lib. III. cap. 3.*

68. *Hibera Julia* invenitur in eximio nummo apud LASTANOSAM in *Numisma-tis Hispanis incognitis*, numismate 39. Sed quoniam nummum hunc præstantissimum, optime conservatum habeo, operæ pretium me facturum puto, si eum hic declaravero.

69. In fronte habet navigium, & in-fra illud hanc inscriptionem *MVN. HIBERA IVLIA*; & in aversa parte, naviculam ve-latam cum tabella in mali extremo, in qua visitur oleæ ramus: ad proram est navicu-larius.

Ipse ratem conto subigit, velisque mini-strat.

Quo pacto memini me septennem per Hi-berum annum navigasse adversus ejus cur-sum. Supra navicularium est palma resigna-ta. Atque hoc ipsum numisma puto esse 16. Dialogi viri Antonii Augustini ex Hi-spânia linguæ in Italicam conversi, licet ma-le repræsentatum. Oleæ ramus proculdubio significat abundantiam olearum, quæ est

in

in Regione Ilergavonia. Ideo Geographus Nubiensis vocat *Provinciam Alzaitun* (hoc est, olearum) illam, quæ continebat Jaccam, Ilerdam, Mequinenzam, & Fragam, quarum urbium agri feracissimi sunt olearum. Oleum autem transportabatur per Hiberum flumen, & in navigia imponebatur, ut in alias regiones transferretur: & notum est Hispanum oleum pretiosissimum fuisse ad usum vitæ, ut docet B. ISIDORUS, *Ety-mol. Lib. XVII. cap. 7.* Ejus antea meminerunt PAUSANIAS in *Phocicis*, GALENUS *Lib. VI. de simpl. medicam.* & AURELIANUS *Lib. III. Morbor. Chronicor. cap. 2.* Duæ naves significant Hiberam fuisse urbem, navigationi deditam. Equidem LIVIUS *Lib. XXIII. cap. 28.* ait hanc urbem a propinquo flumine *Hiberam* appellatam, opulentissimam ea tempestate regionis ejus (A. videlicet Varroniano ab u. c. 538. Coss. C. Terentio Varronio, & L. Æmilio Paulo) itaque *Hibera* non est *Cantavieja*, ut conjectabat ANTONIUS AUGUSTINUS *Dial. VIII. pag. 331.*

70. Prima inscriptio nos docet Hiberam fuisse Municipium. Itaque a veritate absunt, qui eam confundunt cum Dertosa, ut Doctor MAHUDEL *pag. 32. Dissertationis Historiæ de nummis antiquis Hispaniæ.* Dertosa enim Colonia fuit Civium Romanorum, ut colligitur ex nummis antiquis apud VAILLANTIIUM in *Augusti Coloniis parte I. pag.*

33. & *Tiberii*, pag. 74. & clarius ex Inscriptione, quam edidit THOMAS REINESIUS classe III. num. 40. cujus veram interpretationem nondum ego videram, cum scripsi *Epistolam* 23. *Lib. III.* ubi pag. 156. compendia illa ORD. D. C. D. interpretatus fui *Ordo Decurionum Civitatis Dertosæ*; cum loco *Civitatis*, *Coloniæ* legere debuissém. A me accepit hanc Inscriptionem doctissimus LUDOVICUS ANTONIUS MURATORIUS, eamque edidit pag. 2049. num. 8. quæ conjungenda est cum eadem repetita pag. 1043. num. 2. quam eruditissimus BIMARDUS ex libro meo habuit. Obiter admonéo aliam Inscriptionem, quæ legitur in *Commentariis ZURITÆ ad Itinerarium Antonini*, p. 548. & apud GRUTERUM diversimodè scriptam pag. 402. num. 3. & pag. 478. num. 8. OCCONEM pag. 118. num. 1. HIERONYMUM PUJADES *Lib. IV. cap. 24.* pag. 165. NARCISSUM FELTUS *Lib. V. Annal. cap. 7.* pag. 102. MURATORIUM pag. 1043. num. 1. mihi suspectam videri, & conferri debere cum ea quam ESCOLANUS edidit *Lib. VI. Annal. Regni Valentie*, cap. III. pag. 88. quæ etiam mihi displicet. Prior illa prodit ex STRADA, & SCHOTTI SCHEDIS, admonente GRUTERO in laudatis locis; posterior conficta videtur in assentationem *Pardorum*, ut subodorari possumus ex prædicto ESCOLANI loco.

71. Dertosam vero Coloniam fuisse Civium

vium Romanorum ; optime confirmatur auctoritate PLINII , qui *Lib. III. cap. 3.* ita scripsit : *Tarracone disceptant populi XLIII. quorum celeberrimi Civium Romanorum Dertusani* ; ubi legendum *Dertosani* , ut notavit HIERONYMUS ZURITA ubi supra. Et merito , nam *Dertosa* nominatur a POMPONIO MELA *Lib. II. cap. 6.* SÜETONIO in *Galba* , *cap. 29.* & ANTONINO in *Itinerario.*

72. Scio GOLTZIUM in *Thesauro* , *pag. 243.* nummum edidisse , ubi legitur MVN. DERTOSA. Sed in his rebus eruditi sciunt non semper GOLTZIO adhibendam fidem , cum nummus ille aliunde non appareat. His adjungitur, Hiberam respectu Regni Valentiae cis Hiberum fuisse , ut constat ex LIVIO *Lib. XXXIII. cap. 28.* Dertosa vero ultra illum sita est : & , ut ait STRABO *Lib. III. pag. 110. ad transitum Hiberi.*

73. Aliud fortius argumentum deduci poterat ex alio Hiberæ nummo , ubi *Hibera* videtur *Dertosa* nominata. Sed non ita est : & postea dicam , qua ratione hic nummus intelligi debeat. In illo vero , quem explicare coepimus , legitur *Hibera* cum aspirationis nota , sicut etiam in urnæ marmoreæ latere , quæ olim erat Romæ in ædibus Cardinalis Cæsii , ut memorat ANTONIUS AUGUSTINUS in *Dialogo III. Antiq. pag. 91.* & GRUTERUS *pag. 690. num. 5.* ubi hic versus legitur.

Illic unde Tagus , & nobile flumen Hiberus.

Et in Pandectis Florentinis videmus quendam, qui idem nomen habebat, cum aspirationis nota scriptum esse, *l. quidam Hiberus* 13. *de serv. præd. rustic.* adde eundem AUGUSTINUM in fine *Dial. VIII.*

74. Nominatum fuit hoc Municipium *Hibera Julia*, atque hoc probat depravatam lectionem Antonii Augustini, qui in fine *Dialogi VIII.* legit *Setia* pro *Julia*. Sed ipse admonuit sui nummi litteras evanidas esse. Denique in parte aversa distincte legitur *Ilergavonia*. Itaque non debet scribi duplicato *L.* ut SPANHEMIUS *Dissert. IX. de Præstantia Numismatum*, pag. 766. neque *Ilergaonia*, pro *Ilergavonia*, uti legunt JOHANNES HARDUINUS, alique sequentes errorem typographicum HIERONYMI ZURITÆ in *Itinerario Antonini*, p. 539.

75. Neque duæ fuerunt *Ilergavoniæ*, aut una Hiberæ amne divisa, uti existimatum est ob non intellectum alium nummum, de quo mox loquar, præmonens lectorem, ut, si forte scire velit ridiculam interpretationem nummi a me explicati, legat quæ scripsit ESCOLANUS *Lib. I. Hist. Regni Valentie*, cap. 21. num. 12. & seqq. & FRANCISCUM DIAGUM *Lib. I. Annal. Valentinor.* cap. 5.

76. Alium nummum habeo, in cujus antica parte visitur Tiberii caput laureatum cum hac inscriptione: TI. CAESAR. DIVI. AVG. F. AVGVSTVS. & in aversa parte navis

vis expanso velo , & infra carinam inscriptio,
habens hos duos versus

DE RT.

M. H. I. ILERGAVON.

Habuit hunc nummum Doctor FRANCISCUS ANDREAS DE UZTARROZ , eumque optime repræsentavit apud VINCENTIUM LASTANOSAM in *Discursu II. De numismatis Hispanis incognitis* , pag. 193. & 194. hac tantum differentia , quod in nummo ejus resignata erat palma supra carchesium , & in meo supra temonem ad veli latus. Palma fortasse adjecta fuit , vel ad significandam Palmarum abundantiam in ea regione , quæ maritima est ; adeoque etiam ad eam referri potest PLINIUS *Lib. XIII. cap. 4.* vel ad conservandam memoriam alicujus recentis victoriæ. Occo male descripsit hunc nummum , pag. 92.

77. Notissimum est , esse aliquos nummos Hispanos , qui mentionem faciunt duarum Civitatum , ut ille apud LASTANOSAM num. 123. ubi nominatur *Bilbilis* , & *Italica* , & sequens , ubi legitur , *Silbis* , & *Turiaso*. Sic igitur in nostro nummo distingui debet Municipium Hibera Julia a Dertosa , quæ fuit Colonia Civium Romanorum. Sed has Civitates confuderunt reliqui scriptores , ut Doctor Laurentius Romeu , Franciscus Martorell , aliique , quia non observarunt

C3

an.

ante M. quod per compendium significat *Municipium*, legi *Dert.* hoc est, *Dertosa*; & non in fine incipientis, ut expresserunt Occo in *Imperator Romanor. numismatis*, pag. 86. alique, ut hoc modo legeretur, *Municipium Hibera Julia Ilergavonia Dertosanorum*, cum certum sit *Dertosanum* esse nomen derivatum a *Dertosa*, significans indigenas, sive incolas, non vero proprium alicujus Regionis.

78. In hoc nummo legitur *Ilergavon*: sed integre legi debet *Ilergavonia*; ut in præcedenti.

79. Distinctus est alius Tiberii Cæsaris nummus, in cujus antica parte legitur: TI. CAESAR. C. I. A. D. hoc est, *Colonia Julia Augusta Dertona* (hoc est, *Tortona*) & in aversa parte AVG. C. I. A. D. quod eodem modo intelligi debet, qui nummus asservatur in Thesauro Nummario Christianissimi Regis. Et ad eandem Dertonam pertinet Inscriptio apud GRUTERUM, pag. 487. num. 6. ubi legitur: *Italica Julia Dertona*. Sed redeamus ad oppida a Julia Gente cognominata.

80. *Julia Celsa* in nummis obvia.

81. *Juliobrica* occurrit apud PLINIUM, Lib. III. cap. 3.

82. *Julia Lybica* apud PTOLEMÆUM Lib. II. cap. 6.

83. *Tarraco, Julia Victrix Tyrrhenica* in nummis legi debet.

84.

84. *Teari* dicti *Julienses*, uti memorat PLINIUS *Lib. III. cap. 3.*

85. *Valentia*, in nummis dicitur *Colonia Julia Valentia*, ut videre est apud HARDUINUM in *Nummis antiquis illustratis*, pag. 515. LUDOVICUM NONIUM in *Hispania cap. 69.* ESCOLANUM *Lib. I. Historiæ Regni Valentiae*, cap. 18. num. 6. DIAGUM *Lib. III. Annal. Regni Val. cap. 38.* SPANHEMIUM *Dissert. IX. de præstantia numismatum*, pag. 766. VAILLANTIUM in *Coloniis part. I. pag. 4.* FABRETTUM in *Apologemate adversus Gronovium*, pag. 18.

86. Non est igitur mirandum *Urgiam*, cujus occasione hæc scripsimus, appellatam fuisse *Castrum Julium*, & *Cæsaris Salutariensem*.

87. *VRI*, & *VRIA* Vasconum lingua etiam hodie *oppidum* significat; & de hoc secundo vocabulo idem testatur GASPAR WASERUS in *Commentario ad Gesneri Mithridatem*, fol. 236. ad quam significationem fortasse referenda est *Uria* in *Iapygia* condita a Cretensibus, ut videre est apud STRABONEM *Lib. VI. pag. 194.* & apud PLINIUM *Lib. III. cap. 10.* Eandem *Urion* appellat PTOLEMÆUS *Lib. III. cap. 1.*

88. *Urium* aliud habemus in *Hispania* quod PTOLEMÆUS *Lib. II. cap. 4.* situm esse dixit in *Turdetania*, quod oppidum flumen habuit cognomen, quod FLORIANUS DO CAMPO *Lib. III. cap. 7.* censet esse

Rio Tinto, vocatum etiam *de Azeche*, o *del Azige*, & addit idem esse flumen ac antiquum *Hiberum*. Dicitur *Rio Tinto*, quia cum crescit, e atramenti fontibus aquas accipit, quibus tingitur. Atramentum autem dicitur Hispanè *azeche*, ut vocat illud COVARRUBIAS in *Thezauro linguae Castellanae*, verbo *azeche*, & ESCOLANUS *Lib. I. Histor. Regni Val. cap. 3. num. 4.* aut *azige*, ut propius ad originem Arabicam accedens ANTONIUS NEBRISSENSIS in *Dictionario*, & ALDRETE *Lib. III. de Origine Linguae Castellanae*, cap. 2. pag. 779. tacite reprehendens ANTONIUM AUGUSTINUM, FLORIANI CAMPENSIS sententiam irridentem in fine *Dialogi VIII. Antiquit. Urium* dictum ab UR, quia urit herbas, & arborum radices, ut refert CARUS *Lib. III. Chorographiae Conventus Hispalensis*, cap. 76. *Hiberum* autem esse censuit Campensis, quia ita sibi visum est deprehendere ex Aviensi contextu in *Ora Maritima* §. 248. mihi vero videtur Luxia (nunc *Odiel*) amnis ei proximus, ut alio loco dicam.

89. *URSO*, Hispaniæ fuit antiquissima Civitas, cujus mentio occurrit apud APPIANUM in *Hibericis*: ubi Q. Fabius Maximus Æmilianus, qui Consul fuerat cum L. Hostilio Mancino, pro Consule venit in Hispaniam, Orsonamque accessisse dicitur: quæ *Urso* est, qua de agimus, & hodie dicitur *Ossuna*, ut observavit AMBROSIVS

Mo-

MORALES *Lib. VII. cap. 84. fol. 114.* suffragium pro eo tacite ferente ANTONIO AUGUSTINO *Dialogo VIII. Antiquitatum* in Latinam linguam converso ab ANDREA SCHOTTO , *pag. 114.*

90. Altera *Ursonis* mentio occurrit apud HIRTIUM , aut OPIUM , *Lib. VI. de Bello Hispaniensi* , *pag. 509.* editionis Gryphianæ qua utor , ubi per scripturæ errorem dicuntur *Bursavolenses* , ut optime observavit RUDERICUS CARUS *Lib. III. Chorographiæ Conventus Juridici Hispalensis* , *cap. 53. fol. 113. col. 4.* qui animadvertit etiam in eodem *Lib. VI. de Bello Hispaniensi* , *pag. 513.* pro *Saonem* legi debere *Ursonem*. His addendum est , ut depravatas lectiones persequamur , & emendemus , *pag. 514.* mentionem fieri *Versaonensium* civitatis , ubi duabus litteris demptis legi debet *Ursonensium* ; & *pag. 523.* una tantum erasa pro *Ursaonem* , *Ursonem* , ubi hanc urbem descripsit HIRTIUS , cujus descriptioni illustrandæ addi debet CARUS *laudato capite* , & LUDOVICUS NONIUS *in Hispania* , *cap. 15.* Superiores emendationes luculenter confirmantur auctoritate STRABONIS ; qui *Lib. III. pag. 97.* loquens de illo bello , & referens loca , ubi Gn. Pompeii liberi devicti fuerunt , ita scripsit : *Sunt & in quibus Pompeii liberi debellati sunt , Munda , Apetua , Urso , Tucis , Julia , Aegua.* Adde STRABONIS *Epitomen* , *pag. 26.*

91. Sed quid verbis opus est ? Verum *Ursonis* nomen colligitur ex nummis antiquis. Primus qui ex illis veram protulit mentionem , fuit ANTONIUS AUGUSTINUS , *Dial. VIII. Antiquit. pag. 114.* quem postea sequuti sunt CARUS *Lib. III. cap. 54.* EMMA-NUEL MARTINUS *Epistolar. Lib. III. epist. 11.* aliique. Neronis nummus e Thesaurο Goltzii , *pag. 259.* adulterinus est. Ex *Ursonē* , dicti cives *Ursonenses* , ut videre est apud GRUTERUM , *pag. 259. num. 2.* quæ Inscriptio eadem est ac illa quæ legitur in MURATORIANO *Thesaurο* , *pag. 1095. num. 6.* ubi tres postremi versus adscititii sunt. Equidem illam Inscriptionem Hispanam fecit PADILLA in *Antiquitatibus Hispaniæ* , *fol. 15. pag. 2.*

92. PLINIUS *Lib. III. cap. 1.* referens Colonias immunes Conventus Astigitani , ait: *Urso* , quæ *genua Urbanorum*. Ubi ANTONIUS AUGUSTINUS *laudato loco* , docuit legi debere , *Gemina* , quam emendationem sequuti sunt CARUS *prædicto capite* , HARDUINUS in *Notis* , & *Emendationibus ad Plinii Lib. III. sect. 13.* omnibus his præeunte AMBROSIO MORALE , *Lib. IX. cap. 32. fol. 294. litt. B.* Dicta fuit *Gemina* , quia ejus Coloni fuerunt milites emeriti ex iis Legionibus , quæ *Geminæ* , sive *Gemellæ* dicebantur , propterea quod ob militum paucitatem ex duabus una fiebat , teste C. CÆSARE *Lib. III. de Bello Civili* , *pag. 323.*
cui

cui adjungendus est Dio *Lib. LV. p. 564.* unde constat *Geminas*, sive *Gemellas* fuisse Legionem x. xiii. & xiv. Cum igitur C. Fabianus Evander fuerit Aquilifer Legionis xiii. apud MURATORIUM in *Thesauro novo veter. Inscriptionum*, pag. 1065. num. 7. pro *Ossoniensium* legi debet *Ursoniensium*, & illius uxor fuit J. Martia Singiliensis: nam sic intelligenda est nota illa *Sing.* apud eundem MURATORIUM *tom. II. pag. 1108. num. 2.* ut videre est apud GRUTERUM, pag. 395. num. 7. & pag. 426. num. 7. quarum prima conjungenda est cum altera apud MURATORIUM *tom. III. pag. 1398. num. 1.* & apud MORALEM *Lib. IX. cap. 38. fol. 304.* a quo GRUTERUS pag. 437. num. 4. emendandus pag. 1101. n. 6. Et, ut obiter hoc moneam, apud MURATORIUM *tom. I. pag. 451. num. 1.* ubi *Sigila* legitur, non intelligi debet annis Singilis, hodie Genil, sed qui Xiguella nominatur prope Uclesium; ut taceam hanc, & sequentem Inscriptionem supposititias esse.

93. Superior PLINII emendatio confirmatur aliâ aque certâ. Civitas Legionensis nominata fuit *Legio Septima Gemina*, ut videre est in ANTONINI *Itinerario*, & aliquibus Inscriptionibus. Idcirco apud PTOLEMÆUM *Lib. II. cap. 6.* ubi legitur, *Germanica Legio Septima*, emendandum est, *Gemina*, ut observarunt VASÆUS ad annum Domini 106. fol. 63. pag. 2. MORALES
Lib.

Lib. IX. cap. 29. fol. 289. litt. B. ORTELIUS v. Legio Septima Gemina, ZURITA in Commentario Itinerarii Antonini, LOAISA in Conciliorum Hispaniæ Collectione, pag. 162. MARIANA Lib. IV. cap. 5. NONIUS in Hispania cap. LVII. THOMAS TAMAYO DE VARGAS in Defensione Dextri, fol. 67. GOMEZ BRAVO in Animadversionibus ad Historiam Emeritiæ, fol. 23. Lique igitur, Legionem nominatam fuisse, Septimam Geminam. Nimirum, ut ait HYGINUS, multis Legionibus contigit bellum feliciter transigere, & ad laboriosam Agriculturæ requiem primo tyrocinii gradu pervenire: nam cum signis, & aquilis, & primis ordinibus, ac tribunis deducebantur. Dicta etiam fuit Urso Urbanorum, quia fuit Civium Romanorum, ut colligitur ex PLINII laudato loco adjuncto LIVIO Lib. XXXIX. cap. 56. & DIONE Lib. XLIII. pag. 253. Eodem modo apud PLINIUM fuerunt Castra Gemina Lib. III. cap. 1.

94. Posterioribus temporibus Urso dicta fuit Orsuna, unde hodiernum nomen Ossuna. Inde fuit Natalis Presbyter de Orsuna, qui subscripsit in Concilio Iliberritano apud LOAISAM in Collectione Conciliorum Hispaniæ, pag. 18. Idemque fuit, qui anno 314. Concilium Arelatense subscripsit hoc modo: Civitate Ursolensium Natalis presbyter, Ceterius diac. apud PETRUM COUSANT in Romanor. Pontific. Epistolis, pag.

344. ubi si emendatur *Ursonensium*, vera lectio restituetur.

95. In *Notitia Imperii Occidentalis*, pag. 32. mentio fit *Ursoniensium*, quos GUIDO PANCIROLUS, pag. 45. & CARUS *Lib. III. cap. 54.* dixerunt esse *Ursonenses*. Verum in exemplari, quod habeo ANTONII AUGUSTINI manu descriptum, legitur *Ursanien-ses* qui alii videntur. Sed si Ursonis mentio non occurrit in *Notitia Imperii Occidentalis*, invenitur apud PTOLEMÆUM *Urbonæ* nomine *Lib. II. cap. 4.* & apud ANONYMUM RAVENNATEM *Lib. IV. cap. 45.* ubi pro *Cirsonē* legi debet *Ursone*. Mauris in Hispania imperantibus fuit Provinciæ metropolis, ut refert Geographus Nubiensis, pag. 152. & 165. Granatenses Mauri vocarunt eam *Oxuna* teste PETRO ALCALA in *Vocabulista*: convertabant enim S. in X. ut admonuit ANTONIUS NEBRISSENSIS in *Regulis Orthographiæ linguæ Castellanae* a me editis, pag. 24. RESENDIUS in *Epistola ad Vasæum*, pag. 25. ALDRETE *Lib. II. Originis linguæ Castellanae*, cap. 12. pag. 217. & in *Antiquitatibus Hispaniæ*, *Lib. I. cap. 37.* pag. 153. ESCOLANUS *Lib. VIII. Hist. Valentia*, cap. 10. num. 1. & CARUS *Lib. III. cap. 29.* sic ex *Carisa* dixerunt *Carixa*; ex *Nebrissa* *Lebrixa*; ex *Salone*, *Xalon*; ex *Saetabi*, *Xativa*; ex *Singili*, *Xenil*; ex *Sucrone*, *Xucar*.

CAP. V.

De Oppidis Hispanis, quorum nomina desinunt in UR, cui addi plerumque solet productio aliqua.

1. **T**Ranseamus nunc ad oppidorum nomina finita in UR, cui pro linguæ conditione adjungi solet productio aliqua. Sunt autem hæc.
2. **OSTUR** legi dicitur in nummo hoc modo. **(O)ZTUR** teste HENRICO FLOREZIO in *Hispania Sacra*, tomo X. cap. 2. pag. 80.
3. **SUBUR**, parvum oppidum collocavit POMPONIUS MELA *Lib. II. cap. 6.* inter Scalas Hannibalis, & Tarraconem: PLINIUS situm esse ait in regione Ilergetum *Lib. III. cap. 3.* Paullo postea ita scripsit MELA: *Inter Subur & Telobin amnes Tarraco urbs est in his oris maritimarum opulentissima.* Subur amnis est hodie, ut opinor, *Francoli*, & *Telobis*; *Gaya*. Male autem ISAA-CUS VOSSIUS ad MELAM *Subin* reposuit, cum FRANCISCUS NUNEZ DE LA HIERBA ediderit *Subur*, eumque sequuti sunt PINTIANUS, BROCESIS, & SCHOTTUS. Nimirum quemadmodum apud MELAM *Telobis* amnis cognomen habuit oppidum, ita etiam *Subur*; cujus oppidi mentionem fecit PTOLEMÆUS *Lib. 2. cap. 6.* flumen prætermittens. VOSSIUM proculdubio incitavit

PLI-

PLINII lectio apud quem *dicto cap.* legitur flumen *Subi*. Sed malo credere POMPONIO MELÆ, & ex eo PLINIUM emendare. Videtur autem *Subur* fuisse opus Poenorum, cum in Africa etiam fuerit flumen *Subur* testibus PLINIO *Lib. V. cap. I.* & PTOLEMÆO *Lib. IV. cap. I.* quod hodie dicitur *Subu*, ut ait JOH. BAP. GRAMAYE *Lib. IV. Africa illustrata, cap. I. pag. 96.* Incolæ *Suburitani* dicti in *Tarraconensi*. Inscriptione quæ legitur apud APPIANUM, *pag. 18.* MORALEM in *Antiquit. fol. 65. pag. 2.* SMETIUM *fol. 157. num. 6.* OCCONEM *pag. 31. num. 5.* GRUTERUM *pag. 414. num. 3.* PUJADES in *Chronico Cathalonie, Lib. III. cap. 3.* REINESIUS autem nulla probabili conjectura ad *Subur* pertinere asseruit in *inscriptionem 74. classis VI.* cum *Subur* fuerit oppidum regionis Ilergetum ex supra laudato PLINII loco; non vero Colonia; ut ex non intellecta Inscriptione REINESIUS interpretatus est. Nec animadvertit vir oculatissimus quantum distaret Baëna in Bætica sita, ubi lapis legitur, a *Subure* prope *Tarraconem*. Idem REINESIUS *Suburitanos* frustra invenire tentavit apud GRUTERUM, *pag. 113. num. 5.*

4. *ANDURA*, quam olim existisse probat lapis incriptus Tucci repertus, in quo legitur gentile *Andurensis*. Vide MURATORIUM, *tomo II. Novi Thesauri veter. Inscript. pag. 1024. num. 2.*

5. **BLABERURA.** De hac urbe sic STEPHANUS : *Indica* , urbs *Iberiæ* prope *Pyrenen* , quam nonnulli *Blaberuram* appellant *Gentile* , *Indicitæ* . Antiquius nomen existimo fuisse *Blaberuram* , sicut *Hedetæ* , *Liriam* , apud PTOLEMÆUM *Lib. II. cap. 6.* quemadmodum *Hedeta* , quæ dedit nomen *Hedetanis* , postea mansit obscurum oppidum ; ita etiam *Indica* , a qua dicti *Indicitæ* , ut deducit STEPHANUS , vel *Indigites* , ut PLINIUS *Lib. III. cap. 3.* & PTOLEMÆUS *Lib. II. cap. 6.* THOMAS PINEDUS existimavit *Indicam* esse , quæ PTOLEMÆO dicto *Lib. II. cap. 6.* dicitur *Deciana* ; sed PETRUS JOHANNES NUNNESIUS in *notis ad Dionysium Afrum Decianam* forte esse *Daciam* . De *Indicæ* vero , aut *Blaberuræ* situ nihil constat.

6. **CONSABURA** , hodie *Consuegra* , an huc pertineat , dubitari potest , sive ea ita nominata sit , ut arguit gentile *Consaburenses* apud PLINIUM *Lib. III. cap. 3.* cui adde Inscriptionem apud GRUTERUM *pag. 909. num. 14.* & *972. num. 7.* & aliam apud JOSEPHUM PELLICERUM in *Lectionibus Solemnibus ad Opera LUDOVICI GONGORÆ* , *pag. 156.* sive *Consaburo* , ut colligitur ex gentili *Consaburonensis* apud GRUTERUM *pag. 402. num. 5.* atque hinc emendandum est Antonini Itinerarium in itinere a *Laminio Toletum* ubi in *Consabro* deese videtur quinta vocalis.

7. *BITURIS*, obscurum oppidum a *PTOLEMÆO Lib. II. cap. 6.* in Vasconibus locum habet.

8. Ad *CALAGURRIM* quod attinet, quoniam duæ fuerunt hujus nominis urbes, quas ego distinxi anno 1746. in epistola quam misi Henrico Florezio, monacho Augustiniano, & doctori Theologo Complutensi, transferam nunc in linguam Latinam quod illic scripsi Hispana. *PLINIUS Lib. III. cap. 3.* distinxit *Calagurritanos* qui *Nassici*, a *Calagurritanis*, qui *Fibularenses* cognominantur; ibique considerari debet utra lectio præferenda sit, an vulgaris, quæ sic se habet: *Ex Colonia Calagurritanos*; an vero, ut vult *HARDUINUS*, cui assentio, *Celsenses ex Colonia*: quod explicat *EVERADUS OTTO Lib. sing. de Ædilibus Coloniar. & Municipior. cap. I. pag. 33.* *GARSIAS LOAISA* in *Collectiõne Concilior. Hispaniæ*, pag. 159. has duas Calagurres confudit. Altera sita erat prope Oscam, ut optime probavit *AMBROSIUS MORALES* in *Antiquitatibus fol. 96.* & ab Ilerda parum distabat, ut observavit *HIERONYMUS ZURITA* in *Commentario Itinerarii Antonini*, pag. 539. Utrumque probatur testimonio *C. CÆSARIS Lib. I. de Bello Civili*, pag. 275. editionis Gryphianæ. In *Itinerario Antonini Calagurra* nominatur, in itinere de Italia in Hispanias. Hæc Calagurris videtur esse, quæ hodie dicitur Loharre, distans ab Osca quatuor leucas.

9. Altera Calagurris sita erat in Vasconia: ideoque STRABO *Lib. III. pag. III.* appellavit eam *Vasconum urbem*. PTOLEMÆUS etiam *Lib. II. cap. 6.* collocavit eam in Vasconia, nominans illam *Calagorinam*: ideoque MORALES in loco supra memorato emendavit, *Calagurris*, comprobante id ARNALDO OIHENARTO in *Notitia utriusque Vasconie Lib. II. cap. 7.*: quod si quis illam lectionem defendere voluerit, nitens Inscriptione quam edidit PRUDENTIUS SANDOVALIUS in *Catalogo Episcoporum Pompelonensium, fol. 3. col. 2.* & MAFFEJUS in *Critica Diplomatica, pag. 24.*; sciat ejusmodi Inscriptiones facile fingi ab hominibus imperitis, & nusquam comparere. De hac Calagurri loquutus est VALERIUS MAXIMUS *Lib. VI. cap. 6. in externis num. 3.* qui locus conferri debet cum iis quæ scripserunt STRABO supra laudatus de Sertorio agens, *Epitome Liviana Lib. 92.* JUVENALIS *sat. XV. versu 93. & seqq.* FLORUS *Lib. III. cap. 22.* OROSIUS *Lib. V. cap. 23.* JULIUS EXUPERANTIUS *de Bello Civili, cap. 8.* AUXONIUS *epist. XV. ad Paullinum a versu 51.* Et hæc Auxonii Epistola, ubi *Calagurris* supponitur sita in Vasconia, & describitur *hærens scæpulis*, debet etiam conferri cum Sancti Paullini *carmine X. qui versu 218.* etiam illam constituit in Vasconia, vocans eam *montanam versu 128.* prope Bilbilim, & Ilerdam, *versu 223. 224.*
&

& 231. quod fortasse dedit occasionem ad confundendam cum *Fibularia*. His adjungi posset quod ZURITA admonuit in *Cantabria*, pag. 12. : mihi vero solum propositum est loca indicare & distinguere, non describere.

10. Si quis scire cupit ad quam Calagurrim pertineant nummi veteres quos passim videmus ; indicabo breviter quid sentiam. PLINIUS *Lib. III. cap. 3.* refert eos qui Cæsaraugustanum Conventum adibant, erantque Cives Romani, Latinienses, Fœderati, & Stipendiarii. Ex Civibus Romanis cudendæ monetæ jus habuerunt, & exercuerunt, ut discimus ex vetustis nummis, Calagurritani, qui Nassici cognominantur, quorum oppidum in numismatis vocatur *Municipium Calagurris Julia Nassica*. Municipium factum fuit beneficio, ut existimare possumus, Prætoris P. Cornelii, Cn. Filii, Scipionis Nassicæ a quo nomen accepit A. Varroniano u. c. DLXI. Coss. L. Cornelio Metula & Q. Minucio Thermo. Vide LIVIUM *initio Lib. XLV.* & DIODORUM in *Excerptis Valesii pag. 380.* Dicta vero Calagurris Julia a C. Cæsare, propterea quod ad suas partes transmigrarunt, ut legimus in *I. de Bello Civili*. Ex Civibus Romanis etiam monetam cudebant Ilerdenses, Oscenses regionis Vescitanæ, Turiasonenses ; ex Latinis veteribus, Cascantenses, Ergavicensenses, Graccurritani, Osicerdenses : ex

Foederatis , soli Tarragenses apud PLINIUM numerantur ; quorum nullum vidi nummum. Ex Stipendariis , cum magna eorum multitudo fuerit in Hispania , pauci videntur jus cudendæ monetæ impetrasse ; ut Calletani , & Segobrigenses. Cum igitur Calagurritani qui *Fibularenses* cognominabantur , Stipendarii fuerint ; omnia numismata , quæ huc usque reperta , & edita sunt , ad Municipium Juliam Nassicam referri debent : non vero ad aliam Calagurrim , quorum oppidani cum Oscensibus erant contributi ; ut memoriæ prodidit C. Cæsar : ideoque Calagurris illa *Fibularensis* fuit. Hæc illustrior , & celebrior , censenda est *Julia Nassica* , Patria M. Fabii Quinctiliani , qui primus Romæ publicam Scholam , & salarium e Fisco accepit , uti memorat Eusebius Cæsariensis Olympiade CCXVI. & AUSONIUS in *Commemoratione Professorum Burdigalensium , in Tiberio Victore* : fuit etiam locus habitationis , non vero patria Vigilantii , quem ideo B. Hieronymus *caupōnem Calagurritanum* , & *mutum Quinctilianum* vocavit adversus eum scribens : patria gloriosissima Sanctorum Martyrum Emetherii , & Chelidonii secundum Prudentium in eorum *Hymno* , ubi eos appellavit *Vascones* : ejusdem Prudentii patria , & Sedes Episcopalis , quam occupabat Valerianus , cum Prudentius pangeret Hymnum B. Hypolyti martyris , ut videre est in versibus quos collegit Nico-

LAUS

LAUS ANTONIUS *Biblioth. vet. Lib. II. cap. 10. num. 225.* Et illa Sedes permansit Imperii Gothici tempore ; & idcirco Berceus, Poëta antiquissimus Hispanus , Calagurrim vocavit , *Siella de Bisbalia* (Sedem Episcopalem) *pag. 243.* Obiter indicabo , Augustum usque ad devictum Antonium Calagurritanos inter armigeros circa se habuisse , ut narrat SUETONIUS in *Augusto, cap. 49.* unde explicari debet Inscriptio apud SMETIUM, *fol. 167. n. 14. & GRUTERUM, pag. 533. num. 1.* cujus notam illam *Calag.* non intellexit Josephus Scaliger , ut videre est in ejus laboriosissimo Indice *Thesauri Gruteriani.*

II. Altera Inscriptio apud PETRUM APIANUM *pag. V. & NARCISUM FELIU Lib. V. Annal. Catalauniae , cap. 7. fol. 85.* quæ Barcinone fuisse dicitur , & tertia apud MORALEM *Lib. VIII. cap. 20. OCCONEM pag. 5. num. 10.* NONIUM in *Hispania cap. 81.* OIHENARTUM in *Notitia utriusque Vasconiae , pag. 141.* confictæ sunt : & has duas postremas jam retulit GRUTERUS in *spuria & supposititia pag. 3. num. 1. & pag. 11. num. 9.* Atque hæc sunt quæ præter alia ad Florezium scripsi.

12. Sed nunc nonnulla addere operæpretium erit. Ad Calagurrim Juliam Nassicam referendus est Julii Exuperantii locus, qui in fine opusculi de *Bello Civili* , ita scripsit. *Postea Pompejus Perpennam subegit.*

Auxum, *Clunium*, *Calagurrim*, *civitates delevit*, & *factis in Pyrenæo tropæis Romam regressus est*, quem locum obiter emendabo. FLORUS *Lib. III. cap. 22.* de eodem argumento verba faciens, oppidum quod *E-xuperantius* vocat *Auxum*, appellavit *Auxuma* in impressione typographica, quæ mihi videtur omnium antiquissima, absque editionis loco; sed in vulgatis legitur *Auxima* hoc modo. Tum illis ad *populationem agrorum, his ad urbium excidia conversis, misera inter Romanos Duces Hispania discordiæ pœnas dabat: donec oppresso domestica fraude Sertorio, victo deditoque Perperna, ipsæ quoque in Romanam fidem venire urbes, O-sca, Termes, Valentia, Auxima, & in fame nihil non experta Calagurris.* Pro *Auxima* legitur *Uximia* apud OROSIUM *Lib. v. cap. 21.* editionis Parisiensis Johannis Petit anni 1510. sic enim habet. *Civitatibus vero cunctis ultro ac sine mora per deditiorem receptis, duæ tantum restiterunt; hoc est, Uximia, & Calagurum, quarum Uximiam Pompejus evertit: Calagurum Afranius jugi obsidione confectam, atque infames escas miseranda inopia coactam cæde, incendioque delevit.* Editio Francisci Fabricii habet *Uxama*, uti legitur in Inscriptione quam eleganter descripsit DIDACUS DE COLMENARES in *Historia Segobiæ cap. 3. num. 8.* Ad hoc nomen propius accedit hodiernum *Osma*, cujus Episcopus fuit quidam Ca-

Ca-

Caspar , cui Michael Apostolius dedicavit suas *Proverbiorum Centurias*. Vera lectio videtur *Uxama* , aut *Uxsama* ; nam utroque modo se legisse asseverant eandem Inscriptionem oculati testes , quorum alter est AMBROSIIUS MORALES in *Antiquit. fol. 12. litt. D.* quem non satis fideliter descripserunt , vel potius emendarunt OCCO *fol. 17. num. 11.* & GRUTER. *pag. 693. num. 8.* alter PETRUS PANTINUS Tiletanus in *Præfatione Paroemiarum* Michaelis Apostolii , cum ille *Uxamensis* scripsit , & hic omisso S. quod mihi magis placet.

13. *Clunium* apud EXUPERANTIUM est *Clunia*. De qua DIO CASSIUS *Lib. 39. pag. 115.* Et hæc videtur esse , quæ in Flori antiquissimo exemplari excusso dicitur *Tudia* , & in aliis *Tutia*.

14. Ad *Calagurrim* autem pertinent testimonia supra memorata.

15. Ne vero inhonoratam relinquamus *Calagurrim Fibulariam* , hæc etiam videtur Episcopalis Sedes fuisse , nam in Concilio Iliberritano subscripsit , prout legitur apud MERLINUM , *fol. 106. col. 3. Januarius Episcopus de Siblaria* : & licet JOHANNES VASÆUS in *Catalogo Episcoporum Hispaniæ tempore Romanorum , & Gothorum , cap. 20.* admonuerit , in margine legi alias , *Salariensis* , & hanc lectionem prætulit MORALES *Lib. X. cap. 31. fol. 390.* eumque sequuti fuerint GARSIAS LOAISA , & FER-

DINANDUS DE MENDOZA , pag. 85. ; tamen cum VASÆUS , & MENDOZA legerint , *Sibariensis* , & nulla in Hispania *Sibaris* fuerit , facilisque sit mutatio S. in F. cumque MENDOZA confessus fuerit in codicibus Toletanis legi , *Fibularia* , & *Fibularia* ; in Hispalensi , *Plibularia* ; in Lucensi , *Fibaria* ; & LOAISA , *Fibularia* ; postremam hanc lectionem præfero. Nec novum est , Episcopos ex aliquo oppido cognominari : quod plurimis exemplis confirmari potest.

16. *ESURIS*. Hujus urbis memoria conservatur in Antonini *Itinerario* , in *Itinere ab Esuri per compendium Pace Julia*. Resendius in epistola ad Vasæum , voluit *Esurim* postea dictam fuisse *Exeriz* , deinde *Xeriz* , quæ nunc *Xeréz* , & *Pacem Juliam* esse *Bejam*. Hoc si verum esset , iter per Myrtilim tantopere distantem , non esset per compendium , sed dispendium. Quidquid sit de *Esuris* situ ; an dicemus *Esurin* esse Esi urbem ? hoc est , Martis , qui unus fuit ex Diis a Gallis cultus , de quo LUCANUS *Lib. I. Belli Civ. v. 444*.

Et quibus immitis placatur sanguine diro Teutates , horrensque feris altaribus Esus ,
& LACTANTIUS *Lib. I. cap. 21. Galli Esum , atque Teutamem humano cruore placabant*. Quod si Galli vicini Esum colebant , quid mirum eundem coluisse Hispanos Gallis confines ?

17. *GRACCURRIS* supra a nobis com-
me-

memorata est.

18. *ILARCURIS* occurrit apud PTOLEMÆUM in *Carpetanis Lib. II. cap. 6.*

19. *LACCURIS* Civitas fuit Oretanorum, cujus meminit idem PTOLEMÆUS *Lib. II. cap. 6.* Videtur eadem ac *Larcuris*, cujus memoria debetur HIERONYMO ZURITÆ, qui cum MALAGONE in Oretanorum regione sita vetustam Inscriptionem legisset, quæ memorabat P. Cornelium Larcuritanum; ignorati antea oppidi memoriam renovavit; existimavitque esse *Alarcós*. Vide ZURITAM in *Commentario ad Itinerarium Antonini in itinere per Lusitaniam ab Emerita Cæsaraugusta v. Carcubium*. Hinc PSEUDO JULIANUS PETRI *Advers. 149. Alarcurin* suis fabulis accomodavit.

20. *ITURISA* in Cantabria sita fuit secundum MELAM *Lib. II. cap. 1. in fine*. Idque confirmat PTOLEMÆUS, qui eam in Vasconibus posuit, *Lib. II. cap. 6.* Occurrit etiam in *Itinerario ANTONINI in itinere ab Asturica Burdigalam*: sed ibi pro *Turissa* legi debet *Iturisa*; & ejus incolæ in vetustis PLINII exemplaribus, quos legit ZURITA, dicuntur *Ituricenses* exigente ita litterarum ordine, etiamsi nunc legitur *Leusenses*. *Iturisa* autem, ut vult ANDREAS POZA, *fol. 3. pag. 2. de antiquo idiomate Hispaniarum*, significat locum multarum fontium. Scilicet hic scriptor respiciebat vocem *Ura*, quæ apud Vascones significat *aquam*.

quam. Veruntamen hujus oppidi situs confirmat significationem qua de agimus; nam ut ait ARNALDUS OIHENARTUS in *Notitia utriusque Vasconiae*, Lib. I. cap. 13. pag. 56. quod Navarri, & Vascones Aquitani IRI, id cæteri Vascones, qui Varduliam incolunt, VRI dicunt.

21. NEMENTURISSA etiam huc referri debet, cum inter Vascones eam posuerit PTOLEMÆUS Lib. II. cap. 6.

22. Equidem cum IRI & VRI eandem, uti dictum est, significationem habeant; huc etiam pertinet *Asturica*, quam urbem magnificam appellavit PLINIUS Lib. III. cap. 3. cujus gentile est *Asturicensis*, ut videre est in Inscriptione apud LUDOVICUM PONTIUM DE ICART in *rebus magnis memorabilibus urbis Tarraconis* fol. II. & 12. & apud GRUTERUM pag. 325. num. 8. Fortasse autem dicta fuit olim *Astura*, unde *Astures* populi apud PLINIUM Lib. III. cap. 3.

23. His addi potest, desinentia in VRIA videri sæpe significare populorum incolatum, & frequentiam, ut plane significat *Asturia*, cujus meminit PLINIUS Lib. III. cap. 20. & 22. & Lib. XXXIII. cap. 3. idque clarius cernitur in *Bæturia*, de qua idem PLINIUS ait Lib. III. cap. 1. *Regio a Bati ad fluvium Anam in duas divisa partes, totidemque gentes: Celticos, qui Lusitaniam attingunt, Hispalensis Conventus: Turdalos, qui Lusitaniam, & Tarraconensem accolunt,*
ju.

jura Cordubam petunt. Celticos a Celtiberis ex Lusitania advenisse manifestum est, sacris, lingua, oppidorum vocabulis, quæ cognominibus in Bætica distinguntur. Priusquam autem Bætis sic nominaretur, vocatus fuit Carpias, deinde Tartessus, postea Perce, ut docent PAUSANIAS Lib. VI. Eliacor. STRABO Lib. III. pag. 202. STEPHANUS in Bætis, AVIENUS in Ora v. 284. & ISIDORUS Lib. III. Ætymol. cap. 21, quanquam pro Perce depravate legitur Circe, Certis, aut Cirtium apud LIVIUM Lib. XXVIII. cap. 22. itaque Bæturie nomen recentius est memoratis, cum a Bæti veniat. Sed pergamus ad alia.

CAP. VI.

De voce VRIA mutata in BRIA, & Oppidis Hispanis hoc vocabulum habentibus.

I. **A** Damantius Martyr librum scripsit de v. & b. litteris, propter facilitatem scilicet commutationis harum litterarum: quæ commutatio Hispanis semper fuit in usu. Exemplis non utar, cum frequentissime occurrant. Vide JOH. PASSE-RATIUM de *litterarum inter se cognatione*, pag. 156. HIERONYMUS ZURITA in *Commentario Itinerarii ANTONINI* pag. 599. vocavit hunc familiarem errorem. Itaque, cum

v.

v. facile mutetur in B. ; ex VRIA venit BRIA eandem retinens significationem, Merito itaque STEPHANUS BYZANTINUS in *Brutobria* ita scripsit : *Brutobria* , urbs inter *Bætima* amnem , & *Tyritanos*. Significat autem *Brutti* urbem : nam hoc notat vox *Bria* , quemadmodum *Poltymbria* , *Selymbria* ; unde gentile *Brutobrianus* , uti *Selymbrianus* , *Poltymbrianus* , *Mesembrianus*. Similia scripsit in v. *Selymbria* hoc modo. *Selymbria* urbs *Thraciæ*. Vocata vero fuit a *Selie*. BRIA enim secundum *Thraces* urbs , ut *Poltymbria* , *Poltyis* urbs. Civis *Selymbrianus*. *Selymbria* , cuius meminit *Scylax Caryandensis* in *Tracia*, postea dicta fuit *Salembria* , ut videre est in *Itinerario Hierosolymitano* pag. 570. Audiamus etiam STEPHANUM in v. *Mesembria* sic agentem : *Mesembria* urbs *Pontica* , cuius meminit NICOLAUS *Lib. v.* sic dicta est a *Melso* quodam. BRIA enim urbem apud *Thraces* denotat. Quemadmodum igitur *Selymbria* urbs *Selyis* , *Poltymbria* , urbs *Poltyis*. (Huius Regis meminit PLUTARCHUS in *Apophtegmatibus*) ita quoque *Melembria* , *Melsi* urbs , quæ euphoniæ gratia *Mesembria* appellatur. Civis , *Mesembrianus*. Est quoque *Thraciæ Mesembria* ad *Chersonesi* finem , de qua *Herodotus Lib. 7.* Gentile idem est. *Mesembriæ* in *Thracia* sitæ meminit SCYLAX *Caryandensis* in *Thracia* , & PLINIUS *Lib. IV. cap. 11.* Supradicta didicit STEPHANUS a STRABONE , qui *Lib. 7. pag. 221.* ita scripsit :
Se-

Sequitur Mesembria Megarensium Colonia, ante Menebria: id est, Mene urbs dicta; quod conditori ejus Mene esset nomen (in hoc STRABO, & STEPHANUS discordant) BRIA autem vox, Thracum lingua urbem significat: sicut & Selys urbs Selybria appellatur, & Ænus aliquando Poltiobria dicta fuit.

2. Explicemus autem quæ de *Brutobria* scripsit STEPHANUS. *Brutobria* (inquit) *urbs, inter Bætum amnem, & Turditanos. Turditaniam* (& alibi idem STEPHANUS) *regio Hiberiæ, quæ etiam Bætica vocatur, circa Bætum fluvium. Incolæ, Turditani, & Turduli. Artemidorus vero Turtynamiam eam vocat; & Turtos, incolas, & Turtutanos. Artemidorus Ephesius, Geographus, floruit circa Olympiadem CLXIX. ut refert MARTIANUS HERACLEOTA ejusdem Epitomator, id est, circa annum u. c. DCL. Est ergo verisimile STEPHANUM de Brutobria agentem sequutum fuisse scriptorem, qui de rebus recentibus scripsit. Itaque apud eundem STEPHANUM pro Turditanos reponi potest levi mutatione Turtytanos.*

3. Prosequitur STEPHANUS. *Significat autem Brutobria, Bruti urbem.* Sed cujusnam Bruti? Primus Juniae Gentis, qui cum Imperio in Hispaniam venit, fuit P. Junius Brutus, Proprætor, cui Citerior Provincia decreta fuit A. Varroniano n. c. DLXV. Gn. Manlio Vulsone, M. Fulvio Nobiliore Coss.

ut

ut refert LIVIUS *Lib. XLVII. cap. 57.* Ejus res gestæ obscuræ sunt. *Verum ante tempus excisæ Numantiæ* (ut ait VELLEIUS PATERCULUS *Lib. II. cap. 5.*) *præclara in Hispania militia A.* (reponendum est D.) *Bruti fuit, qui penetratis omnibus Hispaniæ gentibus, ingenti vi hominum, urbiumque potitus numero, aditis quæ vix audita erant, Callæci cognomen meruit.* Hunc egregiè celebravit CICERO in *Bruto, cap. 28. & Lib. II. de legibus, cap. 21.* cujus supplementum, & explicatio petenda sunt a PLUTARCHO in *Problematis Romanis, cur cum cæteri Romani Februario mortuis parentarent, Decimus Brutus, ut CICERO scribit, id Decembri faciebat.* Idem CICERO D. Brutum, & P. Scipionem ut magnos Consules laudavit *Lib. III. de Legibus, cap. 9.* Fuerunt autem Consules A. Varroniano u. c. DCXVI. De Bruto, cum Consul esset, sic ait LIVII Epitomator *Lib. LV. Junius Brutus Cos. in Hispania iis, qui sub Viriato militaverant, agros oppidumque dedit, quod Valentia vocatum est.* Oppidum illud (ut hoc obiter dicam) *Tyris* antea dicebatur, quod a Ruffo Festo Avieno didici, qui cum ex Punicorum Annalibus in *Oram suam Maritimam* multa transtulerit, ut ipse ait γ. 414. hanc memoriam nobis conservavit. Ejus contextum elucidemus.

4. Incipit a DIANIO, & ait γ. 476. & sequentibus

He-

Hemeroscopium quoque

Habitata pridem hic Civitas, nunc jam solum

Vacuum Incolarum, languido stagno madet.

Hoc stagnum a STRABONE memoratum *Lib. III. pag. 109.* nostra ætate, & paucis quidem ab hinc annis terra repletum fuit ut incolarum valetudini inserviretur.

Attollit inde se Sitana Civitas,

Propinquo ab amni sic vocata Ibericis.

Pro *Sitana* lego *Sicana*; & *Sicana Civitas* videtur esse *Sicane* urbs Hiberiæ, memorata ab Hecataeo in Europa apud STEPHANUM, hodie *Cullera*, quam dicit Festus se attollere, quia ejus arx in eminenti loco sita erat, ut vestigia indicant, & ait Geographus Nubiensis *Climatis quarti Prima parte, pag. 160.* his verbis: *Castellum Colira mari modo ambitur, estque munitissimum ad ostium fluminis Socar appositum, circumdatum a meridie monte quodam maximo, cujus fastigio deprehenduntur intra mare aliquot montes aridi: vocatur autem mons ille Caun.* Consonat STRABO *Lib. III. pag. 108.* ubi sic scriptum est: *Ora hinc (a Carthagine Nova) usque ad Hiberum fluvium, medio fere spacio habet Sucronem fluvium, ejusque ostium, & urbem cognominem.* Adde FRANCISCUM DIAGUM *Lib. VII. Annal. Regni Valentiae, cap. 12. & 31.* Ex quibus manifestum est *Sicanam Civitatem* non fuisse *Alzira*, ut voluit ISAACUS VOSIUS *Lib. II. cap.*

cap. 6. pag. 190. Nam neque *Alzira* attollit se; neque sita est ad Sucronis ostium. Primum illud optime convenit Sætabi, de qua sic magnifice cecinit SILIUS ITALICUS Punicor. Lib. III. v. 371.

Hos inter clara thoracis luce nitebat

Sedetana cohors, quam Sucro ridentibus undis;

Atque altrix celsa mittebat Sætabis arce, Sætabis & telas Arabum sprevisse superbas,

Et Pelusiaco flum componere lino.

Sed secundum nullo modo ei adoptatur; & utrumque uni *Cullerae* convenit. Habuit autem amnem cognominem, a quo nomen suum accepit. Quod si verum est, hi sunt Sicani a quibus oriundi sunt Siciliae populi dicti etiam Sicani, ut docuerunt THUCYDIDES Lib. VI. cap. 2. PHILISTUS apud DIODORUM SICULUM Lib. V. cap. 6. DIONYSIUS HALICARNASSEUS *Antiq. Romanar. Lib. I. pag. 17.* SERVIUS ad VIRGILII Lib. I. v. 561. & propterea Siculis Hispanam originem tribuunt EPHORUS apud STRABONEM Lib. VI. pag. 186. SCYMNUS CHIUS v. 264. & seqq. alique.

5. *Neque longe ab hujus fluminis divortio*

Præstringit amnis Tyrius oppidum Tyrin.

Hoc oppidum est *Valentia*, a *Cullera* distans quinque leucas, antea dicta *Tyris*, sicut

cut & flumen eam præstringens , ubi notanda est præpositio *præ* , quæ optime Valentiae situm declarat juxta flumen , ut admonuit SALLUSTIUS *Lib. II. Historiar.* apud PRISCIANUM *Lib. VI. col. 680.* ita scribens. *Inter læva mœnium , & dextrum flumen Turiam , quod Valentiam parvo intervallo præterfluit.* Nimirum a Tyri , prima vocali adjecta dictus est amnis *Tyria* , sive *Turia* , quod idem est. Emendanda igitur Gn. Pompeii Epistola ad Senatum *Historiarum SALLUSTII Lib. III.* in qua sic ille scripsit : *Castra hostium apud Sucronem capta , & prælium apud flumen Durium (legendum Turium , aut Tyrium) & dux hostium C. Herennius cum urbe Valentia , & exercitu deleti , satis clara vobis visa sunt.* Eodem modo emendandus est CICERO *pro Balbo , cap. 2.* ubi loquens de eodem bello ait , L. Cornelium Balbum *Carthaginem esse profectum : acerrimis illis præliis & maximis , Sucronensi , & Duriensi interfuisse : cum Pompejo ad extremum belli tempus fuisse.* Ubi pro *Duriensi* proculdubio legi debet *Turiensi*. Sed ut ad D. Brutum redeamus , ut ex Liviana *Epitome* , & Rufo Festo Avieno didicimus , oppidum *Tyris* beneficio illius , *Valentiae* nomen accepit A. Varroniano u. c. DCXVI. Coss. P. Cornelio Scipione Nasica Serapione , & D. Junio Bruto , dicto Callaico.

6. Ejusdem Bruti res per biennium ge-

E

stas

stas in Hispania memorant *Epitome Livii*, *Lib. LV. & LVI.* STRABO *Lib. III. pag. 105. & 106.* VALERIUS MAXIMUS *Lib. VI. cap. 4. in externis num. 1. & Lib. VIII. cap. 14. num. 2.* FLORUS *Lib. II. cap. 17.* EUTROPIUS *Lib. IV. cap. 8.* APPIANUS ALEXANDRINUS de *Bello Hispaniensi*, ubi male eum prænominavit *Sextum*, Eusebius Cæsariensis in *Chronico*, *Olympiade CLIX. anno 4.* parvo temporis errore, OROSIUS *Lib. V. cap. 5.* & SEXTUS RUFUS in *Breviario*. Proconsul autem de Lusitanis, & Callæcis ex Hispania ulteriore triumphavit A. Varoniano ab u. c. DCCXVII. Atque huic Bruto nomen suum *Brutobria* debet.

7. *CALABRIA*, vel *Caliabria*, cujus urbis apud Scriptores antiquos nulla occurrit mentio, nobis est conservanda; quia sub Gothorum imperio, &, ut credi par est, etiam antea, Sedes fuit Episcopalis, Emeritæ suffraganea, etiamsi ejus situs nondum satis comprobatus sit. Hujus mentio antiquissima est, quæ invenitur inter subscriptiones Concili Toletani IV. quod celebratum fuit Era DCLXXI. : ibi ita legitur: *Servus Dei Calabriensis Ecclesiæ Episcopus subscripsi.* Quod si hoc fuit nomen gentile; primigenium fuit *Calabria* GARSIAS autem LOAISA ibi in margine adnotavit in excussis exemplaribus legi, *Lacobrigens.* Sed major subscriptionum numerus nos docebit, quomodo legendum sit. Equidem AMBROSIIUS MORALES

Lib.

Lib. XII. cap. 19. fol. 122. pag. 2. scripsit, in veteribus Toletanis Codicibus legi Calabriensis.

8. Secunda ejusdem Sedis mentio occurrit inter subscriptiones Concilii Toletani VI. habiti. Era DCLXXVI. in hunc modum: *Ego Servus Dei, Ecclesiae Calabriensis Episcopus subscripsi.* Ubi in margine admonuit LOAISA, in excussis exemplaribus legi *Archobricens.* quam lectionem videtur approbasse AMBROSIUS MORALES *Lib. XII. cap. 23. fol. 131. pag. 1.* ubi subscriptionem hanc ita Hispanice transtulit: *Siervo de Dios de Arcos.* Nimirum Episcopi. Ercavicenses saepe dicuntur in vitiatis codicibus *Arcobricenses.* Sed idem MORALES aliud censuit loco prius laudato, ut, taceam in eodem Concilio Toletano VI. subscripsisse: *Domarium Presbyterum Arcabicensis Ecclesiae agentem vicem Carterii Episcopi.*

9. Tertia mentio *Calabriensis Sedis* invenitur inter subscriptiones Concilii Toletani VII. celebrati Era DCLXXXIV. ubi secundum Codicem Albeldensem ita legitur: *Servus Dei Sanctae Ecclesiae Calabriensis Episcopus haec statuta definiens subscripsi.* Codex autem Toletanus habet *Calabren.* ut videre est apud LOAISAM, qui utramque lectionem protulit. MORALES *Lib. XII. cap. 25. fol. 134. pag. 2.* legisse videtur *Calabriensis*, ubi facile A. permutata fuit in I.

10. Præter Servum Dei fuit alius Epi-

scopus *Caliabrie*, qui in Concilio Toletano VIII. habito Era DCXCI. hoc modo subscripsit : *Celedonius Calabriensis Episcopus.* MORALES *Lib. XII. cap. 30. fol. 142. pag. 1.* Hispanè transferens hanc subscriptionem ita scripsit : *Celidonio de Calabro.* Quæ lectio a cæteris omnibus discrepat : ideoque debet emendari.

11. Idem Celidonius subscripsit in Concilio Toletano X. celebrato Era DCXCIV. ut videre est apud ANTONIUM DE IEPES in *Chronico Sancti Benedicti*, tom. 2. cent. 2. pag. 4. ubi subscriptiones hujus Concilii in editis exemplaribus omissas recensens, hanc attulit, *Celidonio de Caliabria*.

12. Tertius Episcopus Calabriensis Sedis, cujus exstat memoria, est qui Emeritense Concilium habitum Era DCCIV. hoc modo subscripsit : *Alvarius, indignus Sanctæ Calabriensis Ecclesiæ Episcopus subscripsi.* Initio hujus Concilii ita legitur : *Congregatis nobis omnibus Provinciæ Lusitaniæ Episcopis in nomine Domini, residentibus in Hierusalem Ecclesia, quæ in Emeritensi urbe (quæ caput hujus Provinciæ noscitur esse, & sub Principali nomine dedicata) juxta ordinem priorum Canonum nostrorum, cum Dei juvamine coeptum est initium.* Hinc igitur, & ex ipso Concilii nomine colligitur, *Calabriam*, vel *Caliabriam* fuisse Sedem Emeritensis Ecclesiæ suffraganeam.

13. Postremus ejusdem Sedis Episcopus fuit

fuit qui in Concilio Toletano xv. celebrato Era DCCXXVI. ita subscripsit: *Ervingius Calabriensis Episcopus subscripsi.*

14. Atque hæc sunt vera monumenta hujus Sedis. Quæ testimonia si enumeremus, & conferamus, pro *Calabria* quinque sunt; pro reliquis singulis lectionibus, singularia: & illæ Sedis *Lacobrigensis*, & *Archobrigensis*, ex ignoratione Sedis *Caliabrie* nasci potuerunt; reliquæ, ex vocabuli corruptione. Rejiciamus nunc fabulosa.

15. Qui Lucense Concilium finxit, ita scripsit apud LOAISAM, pag. 129. *Caliabrica, quæ apud Gotthos postea Sedes fuit.* Quis, quæso, Patres qui sub Teudemiro Suevorum Rege Concilium illud celebrasse dicuntur Era DCVII. potuerunt scribere illa verba, *quæ apud Gotthos postea Sedes fuit*, rem futuram scilicet ut præteritam annuntiantes? Hic error repetitus fuit in *Divisione terminorum Diocesum & Parochiarum Hispaniæ*, Regi Wambæ afflictæ, cui insertum est falsum illud Lucense Concilium apud LOAISAM, pag. 137. unde colligi potest, Wambæ attributam *Divisionem* fuisse posteriorem fictione Lucensis Concilii. Sed hæc conficta monumenta minime inter se conveniunt: nam cum in Lucensi Concilio dicatur esse *Caliabria*, Paroecia Vesensis, ad Bracaram Callaciæ Metropolim pertinens dicta pag. 133. Wambanis Divisio adjungit pag. 141. suffraganeam esse Emeritæ;

quæ Metropolis erat Lusitaniæ. AMBROSIIUS MORALES *Lib. XII. cap. 50. fol. 175. pag. 2.* difficultatem subodoravit; sed ei succubuit obscuritatis prætextu: & cum monumenta illa posset arguere falsitatis; maluit agnoscere duas *Caliabrias* nullo solido nitens fundamento.

16. Ibidem ait MORALES, *Itacium*, (id est, Codicem ita nominatum) & *Lucam Tudensem* dicere *Caliabriam esse Montanches*. Nimirum LUCAS TUDENSIS servans suum transcribendi morem, *Itacium* descripsit in *Chronico Mundi*, pag. 58. *tom. IV. Hispaniæ Illustratæ*. Ex *Itacio* schedulam depromptam habes apud LOAISAM, pag. 155. quam sequutus est FRANCISCUS PADILLA, fol. 47. *Chronologiarum*. Verum eam merito despexit MORALES *Lib. XII. cap. 19. fol. 174. pag. 2.* & ejus vestigia pressit JOHANNES MARIANA *Lib. VI. cap. 15.*

17. Nunc dubitari potest, an *Caliabria* sic a Gothis dicta, antea nominata fuerit *Caliabrica*, aut *Caliabriga*. Ad propositum meum quod attinet, nihil interest, cum *BRIA*, *BRICA*, & *BRIGA*, idem significant. Falsæ illæ lectiones *Lacobrigens*, & *Archobrigens*, favere videntur *Caliabrigæ*. Equidem nisi per Numismata antiqua, Inscriptiones, & Scriptores Geographicos, notissima esset *Segobriga*; crederemus olim dictam *Segobriam*, ob gentile *Segobriense* toties a Gothis repetitum. Sic etiam monu-

men-

menta Gothica passim habent *Colimbria*, & *Conimbria*; non *Conimbrica*. Idem igitur evenire potuit in *Calabria*. Utut autem vocata fuerit antiquitus, prima pars vocabuli, videlicet *Cala* videtur esse Celtica, ut colligitur ex *Calagurris*, & ex *Caladuno* sito etiam in Hispania, ut videre est apud PTOLEMÆUM *Lib. II. cap. 6.* Dixi CALA videri esse vocem Celticam; nam in *Caladuno* composito, DVNVM significat *montem*, ut de *Duno* altera nominis parte dixit Clitophon decimo tertio de urbium ædificationibus apud PLUTARCHUM de *Fluminibus in Arare*. Adde *Sebendunum* in Castellanis apud PTOLEMÆUM *Lib. II. cap. 6.* & *Arialdunum* in Bætica apud PLINIUM *Lib. III. cap. 1.* Hanc significationem comprobat FLORUS LUGDUNENSIS *Epistola ad Modoinum* Episcopum Augustoduni, quam urbem nominavit *Augustum montem* hoc modo:

Salve, sancte Parens, Christi venerande Sacerdos

Augusti Montis Pastor in arce potens.

& HENRICUS ANTISIODORENSIS *Lib. I. Vita Sancti Germani, cap. 3.*

Augusti Dunum demum concepta vocari

Augusti montem transfert quod Celtica lingua.

Inde quamplurima urbium nomina desinentia in *Dunum*, quæ colligit GEORGIUS BUCHANANUS in *Rer. Scoticar. Histor. Lib. I.* & ex eo eruditissimus ÆGIDIUS ME-

NAGIUS in *Originibus linguæ Gallicæ*, verbo *Dun*.

18. *CANTABRIA*. B. ISIDORUS *Lib. IX. Etymol. cap. 2.* ita scripsit : *Cantabri gens Hispaniæ a vocabulo Urbis, & Hiberi amnis cui insidunt, appellati.* Hæc nominis notatio verisimilitudine caret. Nam si vera esset, *Canta* esset nomen urbis cujus nulla exstat mentio apud antiquos Geographos, Historicos, & reliquos scriptores, qui ante B. ISIDORUM floruerunt : & si postrema syllaba ejusdem nominis ex vocabulo *Iber* componeretur ; analogia exigeret, ut *Cantiber*, *Cantiberi* diceretur, uti *Celtiber*, *Celtiberi*. STEPHANUS BYZANTINUS in *Cantabria* sic ait : *Cantabria regio, de qua STRABO Lib. III. Incolæ Cantabri, uti a Calabria Calabri.* Nemo audebit dicere *Calabros* dictos fuisse a *Cala*, urbe, & *Hibero* amne : nam ut situm taceam, analogia nominis id repugnat. *Cantabri*, ut mihi videtur, verisimiliter dicti sunt a *Cantabria* ; *Cantabria*, a *Canta*, & *Bria*. *BRIA* quid significet, scimus. Quid *Canta*, aliquo modo conjectari possumus, si meminerimus *Canthum* esse circulum ferreum quo absis, sive rotæ curvatura munitur. Quod vocabulum *Afrum*, vel *Hispanum* fuit, teste QUINCTILIANO *Institut Oratoriæ. Lib. I. cap. 5.* ubi ita scripsit : *Barbarissimum plurimis modis accipimus. Unum in gente, quale sit, si quis Afrum, vel Hi-*

Hispanum Latine orationi nomen inserat, ut ferrum quo rotæ vinciuntur dici solet Canthus: quanquam eo tanquam recepto utitur Persius. Nimirum in Satyra v. v. 70. ubi sic ait:

*Nam quamvis prope te, quamvis temone
sub uno*

*Vertentem sese frustra sectabere Canthum,
Cum rota posterior curras, & in axe secundo.*

Nec unus fuit Persius, qui hac voce usus est; sed MARTIALIS etiam Celtiber, *Lib. XIV. epigr. 168.* B. HIERONYMUS *Lib. III. in Ezechielem*, DIOMEDES Grammaticus *Lib. III. col. 474.* B. AUGUSTINUS *Lib. de vera Religione*, & PROBUS ad illud VIRGILII.

Tardaque Eleusinae matris volventia plaustra.

Itaque idem est *Cantabria*, ac *ferri civitas*. Equidem PLINIUS *Lib. IV. cap. 24.* de illa Hispaniæ parte agens, ita scripsit: *Omnisque dicta regio a Pyrenæo metallis referta, auri, argenti, ferri, plumbi nigri, albique; & Lib. XXXIV. cap. 14.* hoc ipsum repetens ait: *Metallorum omnium vena ferri langissima est. Cantabriæ maritima parte, quam Oceanus alluit, mons prærupte altus, incredibile dictu, totus ex ea materie est, ut in ambitu Oceani diximus. Eruditi judicent an hinc illustrari possit etymon Cantii promontorii, & Cantabrigiæ.*

19. Adde, non omnino certum est nomen hoc, *Cantabria* recentius esse nomine *Hiberi* annis. Concedam libenter, antiquissimam Cantabrorum mentionem esse eam, quam non semel fecit SILIUS ITALICUS; præcipue vero illam *Lib. III. Punicor. v. 325.* ubi recensens milites Hannibalis, Cantabros etiam adnumeravit, ita canens:

*Nec non totus adest vesper, populique re-
posti*

*Cantaber ante omnes hiemisque, æstusque,
famisque*

*Invictus, palmamque ex omni ferre la-
bore.*

Concedamus etiam, SILIUM ITALICUM ibi poëtice loquutum, ut arguunt illa verba, *totus adest vesper*, & eundem memorasse Cantabros, quos non agnovit Polybius Megalopolitanus, qui natus fuit Olympiade CXLIII. anno 4. u. c. DXLIX. P. Cornelio Scipione Africano, & P. Licinio Crasso Divite Coss.; decessitque Olymp. CLXIV. anno 1. u. c. DCXXXI. Q. Cæcilio Metello Baliarico, & T. Quinctio Flaminio Coss. Sed negare non audeo Cantabros caruisse nomine. Aliud est, eos incognitos fuisse Græcis, Romanisque, & sub generali Celtarum nomine comprehendi, nulla gentium sub illis contentarum distinctione; aliud nomine caruisse, cum singulæ regiones suum nomen haberent. Scimus quidem Hiberum annem apud Cantabros per longam planitiem

tiem versus meridiem fluere , parallelum Pyrenæis montibus ; & prope Dertosam mare ingredi , ut ait STRABO *Lib. III. pag. 110.* Sed quo idoneo teste probabitur , amnem hunc antiquitus appellatum fuisse *Hiberum* , cum sciamus Bætīm antea tot nomina habuisse ; Tagum vocatum *Chrysum* ; Minium *Bænim* ; Sucronem , *Sicanum* , & similiter alios ? Sed permittamus hujus nominis antiquitatem. Superest difficultas dissolvenda , a quo amne Hiberno dicta sit Hiberia : nam hoc incertum est. Recentiores scriptores ajunt, accepisse nomen ab Hiberno amne hodie notissimo , orto in Cantabris , haud procul oppido Juliobriga (nunc *Reinosa*) ut LUCANUS *Lib. IV. de Bello Civili , versu 22.* PLINIUS *Lib. III. cap. 3.* SOLINUS *cap. 23.* CURTIUS *Lib. X. cap. 1.* AMMIANUS MARCELLINUS *Lib. XXIII. pag. 270.* SERVIUS ad *Æneidos Lib. XI. v. 913.* PHILOSTORGIUS *Lib. IX. cap. 17.* STEPHANUS in *v. Iberia* , S. HIERONYMUS in *Isaiam cap. 66.* S. ISIDORUS *Etymol. Lib. IX. cap. 2.* EUSTATHIUS ad *Dionysium Afrum* , NICEPHORUS CALLISTI *Lib. XII. cap. 1.* & VIVIUS Sequester , qui cum ordine alphabetico scripserit , docet aspirationis notam præmitti debere ; quod admonuit etiam ANTONIUS AUGUSTINUS in *Dialogo III. & VIII. Antiquitatum*. Atque hoc Iberiæ nomen debetur Græcis , ut docuerunt PLINIUS , & CURTIUS in locis laudatis. Equidem non omnes scri-

scriptores supra memorati expresserunt de quo Ibero amne loquuti sunt ; sed credi debet de majori. Plurimi autem, iique antiquiores Iberiæ nomen derivant ab Ibero amne, quem hodie vocari credunt, *Rio Tinto*, FLO-RIANUS DO CAMPO *Lib. III. cap. 7.* & BERNARDUS ALDRETE *Lib. III. Originis linguæ Castellanae, cap. 2.* cujus sententiæ conservationem debemus SEX. RUFO AVIENO, qui in *Ora Maritima* v. 248. ita scripsit :

*Anhyberus inde manat amnis, & locos
Fœcundat unda. Plurimi ex ipso ferunt
Dictos Hyberos, non ab illo flumine,
Quod inquietos Vasconas prælabitur.
Nam quidquid amni gentis hujus adja-
cet,
Occiduum ad axem, Hyberiam cognomi-
nant.*

NICOLAUS ANTONIUS in *Notis ad Avienum* brevitate qua solet, ita scripsit : *At, vel Ac Hiberus, de quo Scylax in Periplo.* Equidem si flumen fuisset dictum *Anhyberus* ; inde *Anhyberia*, non vero *Hiberia* dicta fuisset, pro *An* substituere *Et*, aut *Ac* : cum illa syllaba omissa, secundum metricos canones sic recte legatur :

Hiberus inde manat amnis, & locos.

20. Porro Scylax Caryandensis Europæ circumnavigationem incoepit ab Hiberis, & nominatim ab Herculeis Columnis, quia portio altera hujus continentis sibi erat ignota,

ta, ut POLYBIO *Lib. III. cap. 37.* Sic autem ait SCYLAX. *Europæ primi sunt Iberi, Iberiæ gens fluviusque Iberus : & insulæ ibi sunt binæ , quibus nomen Gades.* Avieni sententiam etiam confirmare videtur HERODOTUS *Lib. I. cap. 163.* sic enim ait : *Hi Phocenses , primi Græcorum longis navibus usi fuerunt : Adriamque simul , & Tyrrhenicam, Hiberiam , atque Tartessum occupaverunt .* Non enim occupaverunt Phocenses *Hiberiam* late sumtam. *Hiberiæ* nomen vetustius est nomine *Hispania* , ut docuerunt JUSTINUS *Lib. XLIV. cap. 1.* APPIANUS in *Ibericis* , AGATHEMERUS *Lib. I. cap. 2. & Lib. II. cap. 4. & STEPHANUS v. Hispaniæ* ; ubi quod ait *Paniam* etiam dictam fuisse , fabulosum est : idque videtur didicisse ex XIII. Sosthenis Libro rerum Ibericarum , ut videre est apud PLUTARCHUM de *Fluviis cap. de Nilo.* Equidem *Hispaniæ* vetustior mentio est quam fecit apud STEPHANUM in *v. Iberiæ* ARTHEMIDORUS EPHESIUS , qui floruit Olymp. CLXIX. A. u. c. DCLI.

21. Ex memorato Avieni loco apparet , initio *Iberiam* parvum spatium occupasse, quod in plurimis aliis locorum nominibus contigit : postea vero extensum fuisse. POLYBIUS *Lib. III. cap. 37.* ita scripsit de *Hispania* loquens : *Quæ porrigitur secundum mare nostrum portio , ad Columnas usque Herculis , Iberia nominatur quæ secundum*
ma-

mare externum , quod & magnum indigetant , communem appellationem nondum invenit , quia nondum fuit explorata. Adde CHARACEM Lib. III. rer. Græcar. apud Constantinum Porphyrogenetam de administratione Imperii , cap. 24. Paullatim autem extensam fuisse *Hiberiam* , prout gentes ignotæ noscebantur , colligitur ex hoc testimonio , quod debemus STEPHANO in v. *Iberiæ*. Artemidorus vero Libro secundo Geographicorum ita divisam refert. A Pyrenæis montibus usque ad mediterranea , quæ sunt apud Gades communi nomine *Iberia* & *Spania* nuncupatur. A Romanis in duas Provincias divisa est (Citeriorem scilicet , & Ulteriorem) . Prima (citerior scilicet) se extendit universa a Pyrenæis montibus usque ad novam Carthaginem , & fauces fluminis Bætis. Secunda autem Provincia (nempe Ulterior) occupat quod superest ad Gades , & Lusitaniam usque. Miror itaque MARCIANUM HERACLEOTAM in *Celtogalatiae Periplo* notasse Artemidorum propterea quod nullam fecerit divisionem Provinciarum in Iberia. An quia trinam divisionem non memoravit , de qua MARCIANUS in *Periplo Iberiæ* ?

22. Quod vero ait POLYBIUS portionem ultra *Hiberiam* suo tempore communi nomine caruisse , intelligendum est de nomine aliquo peculiari apud Græcos usitato ; nam certissimum est , ultra *Hiberiam* fuisse *Celticam* , de qua ita STRABO Lib. IV. pag.

137. Ephorus Celticam ingenti facit magnitudine, quod ii pleraque Hispaniæ mediterraneæ nunc dictæ loca ad Gades tenuerint. Quod si ERATOSTHENES pro Gallis Celtas intellexit, excusari potest adversus POLYBIUM, qui secundum STRABONEM *Lib. II. pag. 73.* sic eum reprehendit. Rursus hoc quoque vere pronuntiat (POLYBIUS) Eratosthenem esse rerum Hispanicarum ignarum, qui usque ad Gades in ora Hispaniam a Gallis incolæ dicens (siquidem Galli occidua Europæ usque ad Gades incolunt) horum oblitus in Hispaniæ describendo circuitu nullam fecit Gallorum mentionem. Porro Cantabria Celticâ comprehendebatur teste Scymnochio, qui post Tartessum (hodie Guadalquivir) Celticam collocavit, addens *ψ. 166.*

Deinde regio Celtica vocata

Usque ad mare, quod Sardinia adjacet.
 23. Sed ut eo redeam unde digressus fui, fuisse olim Civitatem, quæ dicta fuerit Cantabria, sic confirmari potest. PLINIUS *Lib. III. cap. 3.* sic ait: *In Cantabricis quatuor populis, Juliobriga sola memoratur.* Hic in populorum numero proculdubio est error. Nam apud PTOLEMÆUM *Lib. II. cap. 6.* octo civitates mediterraneæ numerantur, quin ille numerum hunc definierit, videlicet hæ, *Concana, Ottaviolca, Argenomescum, Vadinia, Vellica, Camarica, Juliobriga, Moræca.* Laudatus PLINIUS *Lib. IV. cap. 20.* ita scripsit: *Civitatum IX. regio Can-*

Cantabrorum. Adnumeretur igitur *Cantabria*, & erunt IX. Facile autem apud PLINIUM pro IX. scribi potuit IV. primum numeralibus notis, & postea litteris, *quatuor*.

24. *CONTEBRIA*, in hunc censum referri debet, cujus verum nomen nobis conservavit AURELIUS VICTOR in *Q. Cæcilio Metello Macedonico*, ubi memorans res quas gessit in Hispania, sic ait: *Apud Contebriam oppidum cohortes loco pulsas redire, & locum recipere jussit*. Sita fuit in Celtiberia referente LIVIO *Lib. XL. cap. 33.* ubi narrat Prætorem Q. Fulvium Flaccum eam expugnasse. Ibi vocat illam litteris transpositis *Contrebiā*, ut ferme solent scriptores. Postea Proconsul Quintus Metellus Macedonicus eam, cum defecisset, recepit A. Varroniano DCXII. ab u. c. uti memoriæ prodidit VELLEJUS PATERCULUS *Lib. II. cap. 5.* cui jungi possunt FLORUS *Lib. II. cap. 17.* VALERIUS MAXIMUS *Lib. II. cap. 7. num. 10. Lib. VII. cap. 4. num. 5.* Et AURELIUS VICTOR in *Q. Cæcilio Metello Macedonico*. Atque huc referri debet *Epitome Liviana Lib. LIII.*

25. *TENEBRIA*. De hoc vico ita Stephanus Byzantinus. *Tenebrium promontorium. Et vicus Tenebria Iberiæ. Vicanus, Tenebrianus, ut Poltymbrianus, Mesembrianus.* Vicus igitur ille promontorio nomen dedit; & *Tenebrio Portui*, quorum meminit PROLEMÆUS *Lib. II. cap. 6.* qui utrumque consti-

stituit apud Ilercavones prope Hiberi fluminis ostia. Eruditissimus PETRUS JOHANNES NUNNESIUS ait, Promontorium *Tenebrium* esse *el Cabo de Orpesa*, quæ fuit felicissima patria Emmanuelis Martini, Decani Alicantini. Non est igitur Promontorium *de los Alfaques*, uti voluit LAURENTIUS PADILLA in *Antiquit. Hispania*, pag. 2. *Portus Tenebrius* videtur esse unus ex iis quos eleganter descripsit EMMANUEL MARTINUS in *epist. 4. Lib. III.* & in eruditissima *Apasterosi*. Non est autem Portus Tenebrius Cherronesi, sive Peninsulæ, qui longius distat; nam in Geographicis Descriptionibus, ubi desunt signa, quibus loci demonstrantur, intelligi debent loca proximiora. Præterea si esset Peninsulæ Portus, vocaretur Cherronesi Portus, quod nomen, ut hodie, habebat Peninsula, teste STRABONE *Lib. III. pag. 110.* & AVIENO in *Ora Maritima* §. 491. Promontorium Orpesæ Arabice vocatur *Alcocever*, ut refert ESCOLANUS *Lib. VIII. Historiæ Valentia*, cap. 1. num. 1. ab oppido scilicet ejusdem nominis, ut ipse auctor scripsit in eodem *Lib. VIII. cap. 2. num. 7.* Sed cum illud oppidum dirutum fuerit, accepit nomen ab alio oppido *Orpesa* videlicet.

26. Oppidis in BRIA desinentibus adjungendum est *Cisimbrium* terminatione paulisper immutata. PLINIUS *Lib. III. cap. 1.* inter celeberrima oppida Bætica memoravit

Episimbrium. AMBROSIUS autem MORALES in *Antiquitatibus* fol. 26. pag. 2. testatur se vidisse duos codices manu exaratos, in quorum altero legebatur *Cisimbrum*, in altero *Cisimbrium*. JOHANNES etiam HARDUINUS in laudato PLINII *cap.* adnotavit, se legisse in duobus Colbertinis exemplaribus *Cisimbrium*. Ad propositum nostrum quod attinet, parum refert utro ex his modis legatur. Nam licet prius nominaretur *Cisimbrium* facile omitti potuit tertia vocalis.

27. *CISIMBRIUM* autem vel *Cisimbrum* situm fuit in loco nunc deserto prope Cabram, quod *Zambra* dicitur, ut docuit AMBROSIUS MORALES in *Antiquit.* fol. 19. pag. 2., ubi vulgavit Inscriptionem *Zambrae* inventam, & allatam Capram: eademque Inscriptio legitur apud OCCONEM pag. 14. num. 4. ESCOLANUM *Lib. IV. Hist. Valentiae cap. 14. col. 798.* & LIPSIIUM in *Auctario Inscriptionum Smetii pag. 31.* qui locum inventi lapidis memorans ait, *Hisp. in Cicena, sive Cisimbrii*, ubi pro *Cicena* reponendum est *Zambra*. Eodemque modo emendandus est *Thesaurus Gruterianus pag. 168. num. 1.*

28. Præter laudatam Inscriptionem edidit aliam LIPSIIUS pag. 36. & GRUTERUS pag. 477. num. 5. ubi mentio fit *Municipii Cisimbrensis*.

29. Quicumque has Inscriptiones contulerit cum ea quam MURATORIUS edidit

To-

Tomo 1. *Novi Thesauri veterum Inscriptio-*
num, pag. 319: num. 2: quæ reperta fuit
Capræ, in cujus territorio fuit *Cisimbrium*;
 facile concedet in 2. versu legi debere MV-
 NICIPES CISIMBRENSIS, alioqui lectio mon-
 strosa erit nullum habens sensum.

30. Quam facile vero ex *Cisimbrio Zam-*
bra nomen efformatum fuerit, animadver-
 tet facile quicumque consideraverit, in Hi-
 spanis vocabulis frequentissime permutari C.
 in Z. quia hæ litteræ eandem habent pote-
 statem, cum Z. præponitur primæ, quartæ,
 aut quintæ vocali; & C. secundæ, aut ter-
 tiæ. Itaque ex *Cæsaraugusta* dicimus *Za-*
ragoza; ex *Castro Sublancio*, *Sollanzo*; ex
Segontia, *Siguenza*; ex *Tamarica*, *Tama-*
riza. I autem omissa est ut in quampluri-
 mis aliis oppidorum, & urbium nomini-
 bus. Nam ex *Alteja* venit *Altea*; ex *Api-*
ario, *Biar*; ex *Asturica*, *Astorga*; ex
Beätia, *Baeza*; ex *Campania*, *Campiña*;
 ex *Capraria*, *Cabrera*; ex *Colubraria*, *Mon-*
colóbrer; ex *Durio* flumine, *Duero*; ex *Fru-*
mentaria, *Formentera*; ex *Gibel Tarik*, *Gi-*
braltar; ex *Gallica Flavia*, *Fraga*; ex
Larcuris, *Alarcos*; ex *Palumbraria*, *Pa-*
lomera; ex *Pollentia*, *Pollenza*; ex *Sal-*
mantica, *Salamanca*; ex *Segontia*, *Siguen-*
za; ex *Scombraria*, *Escombrera*; ex *Vadi*
Hagiaria, flumine Arabico, *Guadalajara*;
 ex *Valeria*, *Valera*.

31. Neque nova est supra memorata per-
 F 2 mu-

mutatio. Nam *Cezimbra* Portugaliz a Mauris etiam dicta est *Zambra*, teste LUDOVICO MARMOLIO in *Prima Parte Descript. Africae*, Lib. II. cap. 35. fol. 175. col. 3.
 32. *EBUROBRITIUM* situm in Lusitania teste PLINIO Lib. IV. cap. 21. etiam huc pertinet argumento ducto ad *Eburoduno*, & *Eburobriga*, quæ leguntur apud Antoninum.

CAP. VII.

De Oppidis Hispanis, in quibus invenitur
 vox BRICA, BRIGA, BRIG,
 BRIS, aut BRIX.

I. **A**BRICA facilis est transitus ad BRICA, sive BRIGA, eadem significatione retentâ. Romani enim initio littera G. caruerunt, donec Sp. Corvilius eam invenit, ac distinxit, ut refert Terentianus Scaurus: & etiam post hanc litterarum distinctionem aliquando sonus confusus fuit, ut multi Grammatici notarunt. Hinc plura nomina quæ PLINIUS finivit in BRICA, PTOLEMÆUS terminavit in BRIGA. Significat *Brica*, sive *Briga*, idem ac oppidum, ut videre est apud FESTUM, cujus antiquissimum exemplar editum *Mediolani tertio nonas augustas millesimo quadringentesimo septuagesimo primo anno* sic habet: *Lacco-brigæ nomen compositum a lae* (videtur legendum lac) & *arcobriga Hispaniæ oppido*,
 men-

mendose proculdubio; sed nec satis emendata est lectio vulgaris editionis, quæ hujusmodi est: *Lacobrigæ nomen compositum a lacu, & Briga Hispaniæ oppido*. An quia *Lacobriga*, cujus in suburbiis & sub moenibus, rivuli, & fontes exstabant, ut memorat PLUTARCHUS in *Sertorio*, pag. 318. habebat etiam lacum aliquem, a quo denominata fuerit? Sed quis credat antiquam Hispaniæ urbem nomen habuisse a Latino verbo compositum? præsertim cum duæ fuerint *Lacobrigæ*, ut suo loco videbimus. Fulvius Ursinus legit in libro manuscripto a *lac & ercobiga*. Ego legerim *Laccobriga nomen compositum a Lacco & Briga, Hispaniæ oppido*: & prior hujus nominis pars ignotum mihi hominem, aut rem quampiam significat, quæcumque illa fuerit, & posterior, *Oppidum*: idque comprobatur magnus Hispanorum oppidorum numerus, quæ mox litterarum ordinem servans recensere: quorum alia incipiunt per *Briga*, sive *Brig*: alia desinunt in *Brica*, sive *Briga*, vel *Bris*, aut *Brix*. Ecce illa.

2. *BRIGANTIUM*, urbs Callæciæ, cujus meminerunt DIO CASSIUS *Lib. XXXVII. pag. 54.* & *Itinerarium Antonini in Itinere per loca maritima a Bracara Asturicam*, secundum PTOLEMÆUM, *Lib. II. cap. 6.* Callaicorum Lucensium in magno portu, ubi PTOLEMÆUS illud nominat *Flavium Brigantium*, proculdubio quia Colonia fuit ali-

cujus e Flavia Gente. OROSIIUS omnium optime ejus situm designavit ; *Lib. I. cap. 2.* ubi Hispaniam describens ait : *Secundus angulus Circium intendit : ubi Brigantia Callæciæ Civitas sita , altissimam pharum , & inter pauca memorandi operis , ad speculam Britanniae erigit : & paullo inferius : Hibernia insula inter Britanniam , & Hispaniam sita longiore ab Africo in Boream spatio porrigitur. Hujus partes priores intentæ Cantabrico Oceano , Brigantiam Callæciæ Civitatem ab Africo sibi in Circium occurrentem , spatioso intervallo spectant.* RAVENNAS etiam *Lib. IV. cap. 43.* appellavit *Bricantiam* urbem hanc. Cujus etiam meminit *Notitia Imperii Occidentalis* , pag. 147. col. 1. ubi cum tractetur de Provincia Hispaniæ Callæcia , sic legitur : *Tribunus cohortis Celtiberæ Brigantiæ , nunc Juliobrigæ* : quæ postrema verba non indicant , *Brigantiam* esse *Juliobrigam* ; sed *Tribunum* antea fuisse *Brigantiæ* , & postea *Juliobrigæ*.

3. Cum *Brigantium* igitur esset *Hiberniam* contra , & *Pharum* haberet , proculdubio est *Corunia* , non vero *Betanzos* , ut voluit *PETRUS ANTONIUS BEUTER Lib. I. Chronici Generalis , cap. 9. fol. 39.* eumque sequutus *JOHANNES MARIANA Lib. IV. de Rebus Hispaniæ , cap. 4.* qui tamen *Lib. I. cap. 9.* vere dixerat *Portum Brigantinum* vocari hodie *Coruña*. Ejus situm cum optime sciret personatus *Julianus Petri* , obser-

va-

vari debet quæ finxerit in *Adversariis* 136. 167. 208. 428. 530. & quæ nomine Dextri dixit *ad annum* 41. de B. Jacobi prædicatione in Britanniis, ac Venetiarum oppidis, cum Venetiarum nomen non esset auditum. Sed impostor ille incrustare voluit, quæ nimis credule scripserat AMBROSIIUS MORALES *Lib. IX. cap. 7. fol. 243. litt. F.* Consuli potest NICOL. ANT. in *Censura Historiarum fabulosarum*, *Lib. III. cap. 6. §. II.*

4. Sed quoniam Pharus Brigantina nobis lucem attulit ad situm ejus indagandum; age de ea aliquid dicamus. Ad hanc, ut vult MORALES *Lib. XIII. cap. 51.* referenda sunt, quæ scripsit Alfonsus III. in *Chronico*, ubi agens de Ranimiro, nominavit *Farum Breccantium*, ut legitur in codice JOHANNIS BAPTISTÆ PEREZII; *Farum Bregantium*, ut edidit SANDOVALIUS, eumque sequuti FERRERAS, & BERGANZA; *Farum Brigantinum*, ut codices JOHANNIS LUCÆ CORTESII, & JOSEPHI PELLICERII. Sed audiamus, quid de illa Pharo scripserit JOHANNES MARIANA, *Lib. I. de Rebus Hispaniæ, cap. 9.* Hic post explosam fabulam de nescio quo speculo, alia lectoribus suis persuadere voluit. *Constat* (inquit) *turrim illam in honorem Augusti Cæsaris fuisse a Brigantinis Civibus constitutam C. Servio Lupo Lusitano Architecto, cujus nomen hoc ipso tempore vicinis rupibus incisum legitur, nimirum in publico id opere facere lege veti-*

tum erat : quæ lex inter Romanas in Pandectis exstat , fuitque Phidiæ Athenis capitale , violata ea lege suam , & Periclis imagines in scuto Palladis efformasse , quamvis in dissimulato habitu : in quo religio etiam læsa esse poterat judicari.

5. PETRUS ANTONIUS BEUTER *Lib. I. Chronici Generalis Hispaniæ , cap. 10. fol. 45.* ait , prædictam Inscriptionem esse juxta Turrim ; ALVARUS GOMEZIUS de Rebus gestis Francisci Ximenii , *Lib. III. fol. 57. pag. 2. seorsim ab ipsa turri.* MARIANA in vicinis rupibus. MAURUS CASTELLÀ FERRER in *Hist. B. Jacobi Lib. II. cap. 7. f. 149.* ad pedem arcis veteris in saxo. Præterea Inscriptio diversimode proposita est ab Alfonso Venero in *Enchiridio Temporum* , ALFONSO CASTRIO apud Smetium *fol. 25. num. 15.* ALVARO GOMEZIO supra laudato loco , GRUTERO , *pag. 57. num. 7.* LUDOVICO NONIO in *Hispania , cap. 54.* MAURO CASTELLÀ FERRER , in *Historia Sancti Jacobi , Lib. II. cap. 7. fol. 143. pag. 2.* JOHANNE TAMAYO SALAZAR *ad diem 2. Februarii.* Itaque non constat turrim illam in honorem Augusti Cæsaris fuisse a Brigantinis constitutam , C. Sevio Lupo Lusitano Architecto , ut ait MARIANA : cum neque Phari ulla in inscriptione mentio fiat , & secundum omnes tam diversas lectiones Augustus in ea non nominetur. Præterea falsum est quod ait MARIANA , transcribens , uti solet , Flo-
ria-

rianum do Campo *Lib. I. cap. 16.* nomen proprium describere in publico opere vetitum esse, & hanc legem exstare in *Pandectis*. Imo, ut in ipsis *Pandectis* legimus *l. 2. de operibus publicis*. Qui liberalitate, non necessitate debiti redditus suos interim ad opera finienda concessit, munificentiae suae fructum de inscriptione nominis suis operibus, si qua fecerit, capere per invidiam non prohibetur; solumque *Judicibus* vetitum fuit, operibus publicis suum potius nomen, quam Principis scribere, *l. si quis 31. Cod. Theodos. de operibus publicis*, quæ lex aliquantulum interpolata legitur in *10. ejusdem tit. Cod. Justin.* Architectus igitur, qui sumtus præbebat, aut suis expensis opus perficiebat, nomen suum incidere poterat, legibus id non impredientibus; quod Architectis sæpissime permiserunt Principes in operibus publicis, ut *Ptolemæus Lagi filius Ægypti Rex*, qui Turri facta in insula Pharo magno animo permisit *Sostrati Gnidii Architecti* structuræ ipsius nomen inscribi, referente *PLINIO Lib. XXXVI. cap. 12.* Et quin longe abeamus, apud *GRUTERUM, pag 41. num. 5.* videmus, *Cluniæ* (hodie, *Coruña del Conde* distincta ab ea qua de agimus) Templum *Dianæ Matri D. D. Apulejum Architectum* substruxisse. Quod opus publicum fuit, ac proinde publico sumtu factum cum privati nulla fiat mentio. Scio quidem *Sauron* atque *Batrachum* opibus præpotentes
sua

sua impensa construxisse templa Octaviæ porticibus inclusa, Inscriptionem sperantes, quæ illis negata: hoc tamen eos alio modo, & loco usurpasse: nam in columnarum spiris insculpta nominum eorum argumento, rana, atque lacerta, ut refert PLINIUS *Lib. XXXVI. cap. 5.* lacertâ scilicet Scauron, & ranâ Batrachon Græca nomina designantibus. Porro quod JOHANNES MARIANA refert de Phidia, æque falsum est. PLUTARCHUM scilicet legerat, eumque non intellexit in *Pericle, pag. 373.* Hic insignis plastes non fuit occisus propterea quod Atheniensium aliquam legem violarit, prohibentem se efformare in publico opere: sed quia cum in pugna Amazonica, quam finxit in clypeo Minervæ, effigiem suam expressisset calvi senis saxum ambabus manibus sublatum tenentibus, præclaramque inclusisset Periclis imaginem manus cum Amazone conserentis; tanti operis excellentia ita invidiam permovit, & Periclis figura tantum odium, ut prætextu auri vitiiati accusatus fuerit, & in vincula ductus, quibus constrictus, morbo interiit, & ut alii volunt, veneno sublatum. Ipse MARIANA confitetur, Phidiam se efformasse dissimulato habitu. Idem PLUTARCHUS antea scripserat, *pag. 354.* Phidiam ipsum Minervæ scutum fecisse, ejusque opificem esse basi inscriptum: non igitur hoc prohibitum erat. Subjungit ita MARIANA, *in quo religio etiam læsa per se poterat judicari.*

ri. Sed hoc est propriis indulgere conjecturis, ut frequentissime solet scriptor ille, alioqui, ut ejus stilus indicat, gravissimus.

6. Hæc cum ita se habeant, memorata Inscriptio nullo modo probat Phari Architectum fuisse Lupum.

7. **BRIGECIUM** occurrit in *Itinerario Antonini* in *Itinere ab Asturica Cesaraugustam*, & in *Itinere ab Asturica per Cantabriam Cesaraugusta*. **PTOLEMÆUS** *Lib. II. cap. 6.* vocavit illud *Brigeton*, & **RAVENNAS** *Lib. IV. cap. 45.* *Brigiton*. Gentile *Brigæcini*, quos laudatus **PTOLEMÆUS** collocavit post *Geminam Legionem Septimam*. Ejus situs ignoratur.

8. In **BRICA** hæc desinunt.

9. **ABOBRICA**. Ejus situm optime descripsit **POMPONIVS MELA** *Lib. III. cap. 1.* in hunc modum: *In Artabris sinus ore angusto admixtum mare non angusto ambitu excipiens, Abobricam urbem, & quatuor annuum ostia incingit.* Artabri tempore **MELÆ** etiam erant Celticæ gentis, ut ipse testatur *Lib. III. cap. 1.* De eisdem ita scripsit **STRABO** *Lib. III. pag. 106.* *Ultimi colunt Artabri ad promontorium quod vocatur Nerium, in quod occidua, atque septentrionalis linea desinunt; habitant circum Celtici cognati eorum Celticorum, qui sunt ad fluvium Anam.* Artabri nomen dederunt Promontorio de quo ita **PLINIUS** *Lib. IV. cap. 21.* *Excurrit deinde in altum vasto cornu promontorium, quod*

quod alii *Artabrum* appellavere, alii *Magnum*, multi *Olisipontense* ab oppido, terras, maria, cœlum determinans. Fuit igitur *Abobrica* oppidum maritimum, & quidem insigne, ut *PLINIUS* illud appellavit, *Lib. IV. cap. 20.* ex quo melius ejus situs dignoscitur; nam positum fuisse videtur contra *Cicas* insulas, quæ non duæ, ut scripsit *PTOLEMÆUS Lib. II. cap. 6.* sed tres sunt, & etiam hodie *Cizas* vocantur, alioque nomine *las islas de Bayona*, testibus *FLORIANO DO CAMPO Lib. I. cap. 2. fol. 13. pag. I.* & *AMBROSIO MORALE, Lib. VIII. cap. 23. fol. 156. litt. F.* Itaque non male aliqui putant *Abobricam* esse, quæ hodie dicitur *Ribadavia*.

10. *AMALLOBRICA*. Hujus nomen conservatur apud Antoninum in *Itinere ab Emerita Cesaraugustam*.

11. *AMANOBTRICA* in hunc censum referenda esset, si genuinus esset nummus cujus meminit *EZECHIEL SPANHEMIUS, Dissertatione IX. de præstantia, & usu numismatum, pag. 766. adjuncta pag. 769.* & etiam ejus Indice v. *Amanobrica*. Spectatissimum *SPANHEMIUM* sequuti sunt *JOHANNES HARDUINUS in Nummis antiquis, pag. 32.* & *EMMANUEL MARTINUS epist. II. Lib. III.* Sed cum certum sit nummum illum esse e *Collectaneis Ligorinis*, & nusquam alibi visum fuisse; proculdubio confictus fuit ab aliquo, qui apud *PLINIUM Lib.*

Lib. IV. cap. 20 hæc legerat : *Amanum portus*, ubi nunc *Flaviobriga* : quod occasionem dedit attribuendi nummum Flavio Vespasiano. Scio quidem ONUPHRIUM PANVINIUM *Commentario in librum II. Fastorum*, pag. 423. scripsisse *Pyrrhum Ligorium Antiquariorum facile principem*; ejusque stupendam diligentiam laudasse ANTONIUM AUGUSTINUM, *Dialogo IV. Antiquitatum*, EZBCHIELEM SPANHEMIUM *Dissert. III. pag. 139.* LUDOVICUM ANTONIUM MURATORIUM, *Tomo I. Novi Thesauri veter. Inscript. pag. 1. & 2.* aliosque; sed ipsorum Pyrrhi laudatorum alii fidem ejus elevant, alii aviditatem omnia colligendi absque delectu notant; nonnulli etiam illusorem credunt, & præcipue RAPHAEL FABRETUS, *de aquis & aquæductibus veteris Romæ, Diss. I. pag. 40. num. 71. Diss. II. pag. 113. num. 209. Diss. III. pag. 173. n. 334. pag. 174. num. 338. pag. 178. n. 351. pag. 191. num. 401. in Syntagmate de Columna Trajani, cap. 8. pag. 235. litt. A. pag. 262. litt. D. pag. 264. litt. G.* Et in *explicatione Inscriptionum antiquarum*, quæ in ædibus paternis asservantur, pag. 507. col. 1. & 2. Condemnemus igitur *Amanobricæ* memoriam, ut & similium oppidorum nomina, quæ solum leguntur apud personatum Dextrum, & Julianum Petri.

12. *AUGUSTOBRICA.* Eruditissimus PETRUS RHUA, cujus tres *Epistolas* adversus

sus Antonium Guevaram Episcopum Minedoniensem Latinas feci, referens illius fictiones, *epist. 3.* ita scripsit: *Præterea Histobricam capite primo ait (Guevara) sitam fuisse ubi nunc Caupone Capparra, aut mons situs inter scaphias Alconeta, & domus dirutas Caceres. Hoc non invenitur in aliquo Cosmographo, qui de Hispania loquatur, quia nemo Histobricæ mentionem fecit. Fuit Augustobriga in Celtiberia. Altera in Lusitania prope Salmanticam. Tertia in Carpetania.* Hucusque insignis ille Philologus, cujus sapientia major fuit, quam fama. Sed age, distinctionem hanc comprobemus. Prima Augustobrica est illa, cujus mentionem facit ANTONINUS in itinere ab Asturica per Cantabriam Cæsaraugusta. Eam collocavit PTOLEMÆUS in Pelendoni-
bus, *Lib. II. cap. 6.* & more suo Augustobrigam nominavit. Ejus ruinae visuntur in oppido Muro, quod VII. M. P. distat ab urbe Agreda, ut testatur HIERONYMUS ZURITA ad dictum Antonini locum, ubi tres profert Inscriptiones, & in 2. scribitur Augustobriga. Secunda est, quam PTOLEMÆUS collocavit in Vettonibus Provinciæ Lusitaniæ, eamque etiam nominavit Augustobrigam, unde gentile Augustobrigenses apud PLINIUM *Lib. IV. cap. 22.* Tertia occurrit apud ANTONINUM in secundo itinere ab Emerita Cæsaraugustam. Hanc dixit RHUA fuisse in Carpetania. An quia eam colloca-

vit

vit ANTONINUS juxta Toletum, quod teste PLINIO, *Lib. III. cap. 3.* fuit Carpetaniæ caput? Verum ibi *caput* significat initium, quo sensu ibidem Segobrigenses dicuntur Celtiberiæ caput, id est, initium.

13. *CÆSAROBIRICA* fuit in Lusitania; nam PLINIUS *Lib. IV. cap. 22.* collocavit ibi *Cesarobricenses* inter stipendiarios. Ea vero quæ de *Cæsarobrica* memoravit JOHANNES TAMAYO DE SALAZAR in *Vita Sancti Epitatii, pag. 109. 178. & 179.* omnino sunt despicienda.

14. *CENTOBIRICA*, una fuit ex Celtiberorum urbibus, cujus memoriam nobis conservavit VALERIUS MAXIMUS *Lib. V. cap. 1. num. 5.* & ut præclarum humanitatis, & clementiæ exemplum posterorum memoriæ commendavit. Sic enim ait: Q. vero Metellus Celtibericum in Hispania gerens Bellum, cum urbem Centobricam obsideret, & jam admota machina, partem muri quæ sola convelli poterat, disjecturus videretur, humanitatem propinquæ victoriæ prætulit: nam cum Rethogenis filios, qui ad eum transierant Centobricenses machinæ ictibus objecissent; ne pueri in conspectu patris crudeli genere mortis consumerentur (quamquam ipse Rethogenes negabat esse impedimento, quominus etiam per exitum sanguinis sui expugnationem perageret) ab obsidione discessit. Quo quidem tam clementi facto, etsi non unius civitatis moenia, omnium
ta-

tamen Celtiberorum urbium animos cepit, effecitque ut ad redigendas eas in ditionem Populi Rom. non multis sibi obsidionibus opus esset. Equidem Q. Metellus Provinciam Hispaniam Consul prius, deinde Proconsul obtinuit, ut ait idem VALERIUS MAXIMUS Lib. IX. cap. 3. num. 7. juncto Lib. I. cap. 1. num. 21. Itaque Bellum Celtibericum gerere coepit. A. Varroniano u. c. DCXI. quo fuit Cos. cum Appio Claudio, & illud finivit A. DCXII. quo Procos. Celtiberos cecidit, ut ait Epitome Liviana Lib. LIII. in fine. Quamobrem Belli Celtiberi factum illud memorabile contigit, tempore scilicet quo effecit, ut ad redigendas eas (urbes Celtibericas) in ditionem Populi Romani non multis sibi obsidionibus opus esset. Una ex iis quas obsedit, fuit Contebria, ut docet VALERIUS MAXIMUS Lib. II. cap. 7. num. 10. & Lib. VII. cap. 4. num. 5. adjuncto VELLEJO PATERCULO, Lib. II. cap. 5. Centobrica igitur non fuit Contebria, imo neque Nertobriga, ut MORALES Lib. VII. cap. 51. fol. 118. pag. 1. conjectari voluit ex FLORO Lib. II. cap. 17. ubi ita legimus: Metellus ille, cui ex Macedonia cognomen, meruerat & ex Celtiberia ferre, qui & Contrebiam, & Nertobriges memorabili cepisset exemplo, majori gloria pepercit.

15. CONIMBRICA secundum PLIN. sita est in Lusitania, Lib. IV. cap. 21. Hanc ANTONINI Itinerar. in itinere ab Olisipone Bracaraugu-

gustam, vocat *Conembricam*. PHLEGON TRALLIANUS in *Longævis*, *Conimbrigesiam urbem*. IDACIUS in *Chronico* a Sirmondo edito, pag. 43. antiquum retinuit nomen *Conimbricam*. Ex hujus ruinis ædificata dicitur urbs, quæ hodie dicitur *Coimbra*, quæ in *Chronico Conimbricensi*, & in monumentis sæculi x. & xi. vocatur *Colimbria*. EMMANUEL PEREIRA DA SILVA LEAL in *Memoriis ad Historiam Ecclesiasticam Episcopatus Gardiæ*, Parte 1. tit. 1. cap. 8. pag. 75. ait hodie conservari priscæ *Conimbricæ* ruinas in loco qui dicitur, *Condeixa velha*. LUDOVICUS MURATORIUS, Tomo II. *Thesauri Inscriptionum*, pag. 1040. num. 4. & pag. 1160. num. 2. duas affert Inscriptiones, quæ *Conimbricæ* repertæ dicuntur; sed hujus scribendi generis periti judicabunt, an confictæ fuerint ab homunculo aliquo ludibundo, & illusore.

16. *IERABRICA* memoratur ab ANTONINO in *secundo itinere ab Olisipone Emeritam*, & in *itinere ab Olisipone Bracaram Augustam*. RESENDIUS voluit esse *Alenquer*. JACOBUS MœNETIUS VASCONCELLOS ad *Librum 1. Resendii de Antiquit. Lusitaniæ*, pag. 256. *Povos*. RESENDIUM laudavit JOHANNES VASÆUS *Chronicor. Hispaniæ tom. 1. ad annum 422*. ubi refert non inscite putasse Damianum a Gocs *Alanqueram* patriam suam corrupto vocabulo dictam pro *Alankerquam*, hoc est, Alanorum phanum.

G

Sed

Sed hæc conjectura mihi non æque probatur; imo inepta videtur, ut visa etiam *MARIANÆ Lib. v. cap. 2.*

17. *LABRICA*. Unica hujus urbis mentio exstat apud *APPIANUM* de *Bello Hispaniensi*, ubi *D. Bruti* res gestas refert: nisi quis velit eandem esse ac *Lambriacam*, de qua ita *MELA Lib. III. cap. 1. Fixus ipse Lambriacam urbem amplexus recipit fluvios Læron, & Ullam.* *HIERONYMUS CONTADOR DE ARGOTE* in *Antiquit. Conventus Bracaraugustani*, *Lib. II. cap. 12. pag. 171.* vult esse *Flaviam Lambrim*, quam *PTOLEMÆUS* memorat *Lib. II. cap. 6.* præeunte *VASÆO ad annum Domini 49. fol. 49.* in *Labrionensi Episcopatu*, quem nescio ex quo antiquo monumento eduxerit. Confirmat hoc analogia, cum *Cetobriga* & *Cetobrix* non differant. *BRIS* autem pro *BRIA* videtur *Phœnicia* terminatio, cum apud *STEPHANUM BYZANTINUM* ita legamus: *Liebris, urbs Phœnicum, cujus Herodianus meminit. Gentile Liebrita, uti Sybarita, quo utitur Hecateus in Ægypti Periegesi.* Qua analogia considerata, non male ad hunc censum referri videtur urbs *Vaccæorum Sarabris*, cujus meminit *PTOLEMÆUS, Lib. II. cap. 6.*

18. *LACOBRICA*. Cum duæ fuerint *Lacobricæ*, aut *Lacobrigæ*, nam scripturæ variant; nobis hic distinguendæ sunt. Alteram posuit *ANTONINI Itinerarium* Segisamoni vicinam in *Itinere ab Alpibus Cottiiis*
ad

ad Galletiam , ad Legionem Septimam Geminam , & in Itinere ab Asturica Burdigalam inter Viminacium Pallantiæ proximum & Segisamonem. Pallantiam omnes sciunt esse *Palencia* , de qua Historiam prolixam quidem , sed bene doctam scripsit Cl. vir Petrus Fernandez del Pulgar. *Segisamo* est hodie *Sesamon*. VIMINACIUM , Lacobriga , Segisama Julia , & Pallantia , civitates fuerunt Vaccæorum , ut docet PTOLEMÆUS *Lib. II. cap. 6.* licet in editione Montfauconiana , male pro *Lacobriga* , *Neoliga* legatur. Pallantinos & Lacobricenses etiam PLINIUS conjunxit *Lib. III. cap. 3.* Quare cum itinera Romana recta essent , facile colligitur ubi sita fuerit Vaccæorum *Lacobrica*. Pergamus ad alteram. PTOLEMÆUS *Lib. II. cap. 5.* mentionem fecit *Lacobricæ* sitæ in Turdetania inter Juliam Myrtilen & Pionam. Hæc est *Lacobrica* Antonini in *Itinere ab Olisipone Bracaram Augustam* , & POMPONII MELÆ *Lacobria* sita in Sacro Promontorio , *Lib. III. cap. 1.* In aliquibus exemplaribus *Lacobriga* , ex qua dicti *Lagobritæ* , quos nominavit PLUTARCHUS in *Sertorio* , pag. 318.

19. Nihil refert ad utram *Lacobrigam* referatur nummus apud GOLTZIUM , pag. 244. quem memoravit HARDUINUS in *Nummis antiquis* , pag. 153. Fictus enim est , utpote Galbæ nomen præferens , cum certum sit post extinctum Caligulam nullos in

Hispania Imperiales nummos excussos fuisse, ut post Vaillantium admonuit EMMA-
NUEL MARTINUS, *epist. II. Lib. III.*

20. *MONOBRICA* a me nullo modo memoraretur, nisi interesset scire oppidum esse chimericum. Ut ejus existentia crederetur, ficta fuit Inscriptio, quam ut suspectam edidit MORALES *Lib. IX. cap. 35. fol. 299. litt. D. Occo pag. 25. num. 8.* & GRUTERUS inter *spuria* recensuit, *pag. 9. num. 8.* ubi admonuit Inscriptionem deberi STRADÆ, e cujus penu antiquaria multæ merces fictitiæ prodierunt. Hæc Inscriptio ficta fuit ut *Munébrega*, Regni Aragonum oppidum, & patria Michaëlis Martinez del Villar, ut Nicolaus Antonius refert, antiqua fuisse crederetur. Personatus Dexter assuetus rebus falsis auctoritatem dare, nova mendacia superaddens, Christianam palmam dedit S. Demetrio Martyri *Munobrica* in Celtiberia, ut videre est apud CARUM in *Notis ad Dextrum, fol. 102. pag. 2.* & BIVARIUM, *fol. 327. & 330.* Solet autem Dexter litterulam immutare, ut Criticis emendandi occasionem præbeat. Ex dictis apparet, verum esse quod alibi admonui, Abrahamum Ortelium allegantem Carolum Clusium ad comprobandas Hispaniæ Antiquitates, non aliud habere fundamentum, quam Inscriptiones fictas, ut hoc novo exemplo ostendi potest in *Synonymia Geographica v. Monobrica.* Et vero si præcedens Inscriptio con-

conferatur cum alia quam edidit GRUTERUS pag. 404. num. 4. ex Schotti schedis, quæ etiam suspectæ esse solent, manus impostoris eadem esse videbitur: & ubi Inscriptio habet *Rhodenses*, dicere debebat *Rhodopen-ses*. Præterea idem GRUTERUS pag. 694. num. 8. in alia Inscriptioe ejusdem urbis eundem STRADAM allegavit: & Inscriptio illa eadem est ac repetita pag. 692. n. 10. æque ficta.

21. *TALABRICA* oppidum collocatur a PLINIO Lib. IV. cap. 21. in Lusitania, & a PTOLEMÆO etiam Lib. II. cap. 5. ubi *Talabriga* recensetur inter Concordiam & Rusticanam. Antonini *Itinerarium* eam nominavit in itinere ab Olisipone Bracaram Augustam inter Eminium hodie *Agueda*, & Langobricam, nunc *Feira*, ut vult JACOBUS MÖNETIUS VASCONCELLUS ad RESENDII *Antiq. Lusit. Lib. I. pag. 257.* ubi *Talabricam* dixit esse *Aveiro*: quod fortasse a veritate non procul abest. Error autem est notissimus, *Talabricam* esse *Talaveram*, ut suadere voluit ALVARUS GOMEZIUS DE CASTRO de rebus gestis *Francisci Ximenii Lib. v. fol. 140. pag. 2.* contradicente MORALE Lib. X. cap. 12. fol. 361. litt. c. ubi ait de *Talaveræ* nomine antiquo nihil veri excogitatum esse. Certe Geographus Nubiensis jam memoravit eam hoc nomine. Sed neque est *Talaveruela* sita etiam in Lusitania, ut scripsit PETRUS ALCOCERUS Lib. I.

cap. 51. fol. 45. col. 2. JOHANNES MARIA-
NA Talaberæ natus *Lib. I. cap. 4.* ait *Libo-*
ram esse *Talaveram* : & *Lib. IV. cap. 13.*
multa disputans secundum vulgi opinionem,
ait *Liboram* esse *Elboram* , & Livii *Ebu-*
ram. Atque in eleganti eprigrammate de se
ipso , quod *Scholiis in vetus Testamentum*,
præmisit , patriam suam *Talaveram* vocavit
Elboram. Sed nulla probabili ratione.

22. HARDUINUS in *Nummis antiquis*
facilitate qua solet , exhibuit nummum e
Goltzii *Thesauro* , pag. 244. repræsentantem
Talabrigam ut Municipium sub Galba , cum
solummodo oppidum fuerit , ut ex PLINIO
didicimus. Fidem huic nummo denegavit
HEINECCIUS in *appendice Lib. I. Antiq.*
Romanar. cap. I. num. 14. & apertius antea
EMMANUEL MARTINUS *epist. II. Lib. III.*

23. Inscriptiones quas edidit LUDOVICUS ANTONIUS MURATORIUS *Tomo II. Novi Thesauri veter. Inscript. pag. 1083. n. 9.*
& *Tom. III. pag. 1631. num. 12.* quæ repetita est *pag. 1641.* nihili facio ob monstrosas lectiones.

24. Cohortis Talabricensis meminit inscriptus lapis , quem edidit BERNARDUS BRITO *Lib. V. Monarchiæ Lusitanæ, cap. 22. pag. 519.* & ex eo EMMANUEL PEREIRA DA SILVA LEAL in *Monumentis ad Historiam Ecclesiasticam Episcopatus Gardien-sis, Parte I. Lib. I. cap. I. pag. 29.* Sed Britonis ingenium optime norunt eruditi :

nam

nam homo ille assuetus fuit non solum monumenta , sed etiam auctores inauditos fingere , ut non immerito doctus , & facetus vir , qui latere voluit sub nomine AMATORIS PATRICII , scripserit in eum *Historiam Antiquitatum Eborensium* , ut monstrosis , & ridiculis fictionibus ejus ingenium repræsentaret.

25. TUROBRICA invenitur apud PLINIUM *Lib. III. cap. 1.* qui collocavit eam in Celtica. RUDERICUS CARUS *Lib. III. cap. 60. fol. 185.* ob soni similitudinem vult esse *Turon.*

26. Jam dixi supra , multa oppidorum nomina desinentia in BRICA , non raro etiam desinere in BRIGA , præsertim apud Græcos , & etiam in nummis , & inscriptionibus. Agamus nunc de terminatis in BRIGA prout sunt sequentia.

27. AOBRIGA suum amisit nomen ; sed facile colligitur ex gentili *Aobrigenses* , quod occurrit in Inscriptione reperta ad *Aquas Flavias* (hodie *Chaves*) quam evulgarunt JOHANNES VASÆUS in *Chronicorum Hispaniæ Tomo I. ad annum Christi 106.* ALDUS MANUTIUS in *Orthographiæ Ratione* , pag. 78. SMETIUS fol. 52. num. 4. RESENDIUS *Lib. I. Antiquit. Lusitan. pag. 52.* OCCO pag. 20. num. 5. GRUTERUS pag. 245. num. 2. NONIUS in *Hispania* , cap. 57 HIERONYMUS CONTADOR DE ARGOTE in *Antiquitat. Conventus Bracaraugustani*

Lib. II. cap. 3. pag. 107. & in Monumentis ad Historiam Ecclesiasticam Archiepiscopatus Bracaraugustani, Lib. II. cap. 5. fol. 303. AMBROSIIUS autem MORALES Lib. IX. cap. 25. fol. 278. per errorem scripsit Aorbigenis. Quod cum non animadvertisset HIACINTUS ARIAS DE QUINTANA-DUENAS in Antiquitatibus Alcantaræ, Lib. I. cap. 12. fol. 64. pag. 2. Aorbigenses, qui nusquam fuerunt, credidit esse Arabrigenses memoratos in Inscriptione Pontis Alcantaræ, errorem errori superaddens.

28. *ARABRIGA* posita est a *PTOLEMÆO Lib. II. cap. 5. in Lusitania. PLINIUS Lib. IV. cap. 22. inter stipendiarios nominavit Arabricenses, quorum memoria exstat apud FRONTINUM Lib. IV. Stratagem. cap. 5. num. 19. secundum editionem TENNULII. PLINII, & FRONTINI lectioni favet Inscriptio apud CARUM Lib. III. cap. 6. fol. 94. col. 2. qui ait, Arabrigam esse vicum nominatum el Gallego. Sed iidem incolæ vocantur Arabrigenses in Pontis Alcantaræ Inscriptione, apud MORALEM Lib. IX. cap. 28. fol. 285. litt. E. & GRUTERUM, pag. 162. num 3.*

29. In *GOLTZII Thesauro, pag. 242. invenitur C. Cæsaris nummus, ubi mentio fit Arabricæ Municipii; eumque Harduinus ut probam antiquitatis monetam, recipi voluit. Sed est certe adulterina. Vide HERNECCIUM in appendice Antiquit. Lib. I. cap. I. num.*

num. 15. & EMMANUELEM MARTINUM epist. 11. Lib. III.

30. *ARCOBRIGA*. Quadrupliciter hoc nomen accipi potest; ideoque ejus significationes diligenter a nobis distingui debent: duæ scilicet veræ, ac totidem falsæ. Aut enim *Arcobriga* vere significat oppidum Celtiberiæ, aut Lusitaniæ: aut falso significat *Arcos*, aut *Ercavicam*, quam corrupte nominant *Arcobricam*.

31. Alia igitur *Arcobriga* sita fuit in Celtiberia, quam PTOLEMÆUS Lib. II. cap. 6. prope Bilbilim constituit; & Antonini Itinerarium in duobus itineribus ab Emerita *Cæsaraugustam* significavit esse proximam Aquis Bilbilitanorum, id est, a los Baños de Alhama, uti docent HIERONYMUS ZURITA Lib. I. Annal. cap. 42. fol. 29. pag. 2. BERNARDUS ALDRETE in Antiquit. Hispaniæ, Lib. II. cap. 2. pag. 213. & FRANCISCUS FERNANDEZIUS DE CORDOVA in Didascalia cap. 48. pag. 389. Fuerunt autem *Arcobrigenses* Conventus *Cæsaraugustani*, docente PLINIO Lib. III. cap. 3. GEORGIUS GRÆVIUS apud Frontinum Lib. IV. cap. 5. num. 22. in ibi controversa lectione legi voluit *Arcobrigenses* nulla probabili conjectura. SAMUEL TENNULIUS legit *Segobrigenses*; sed cum hic ipse Regium codicem alleget ubi scriptum erat *Egovenses*; proxima & melior lectio videtur *Ergavicensenses*, cujus nominis in Hispania duo populi fuerunt.

32. Altera *Arcobriga* sita fuit in Lusitania inter populos Celticos, ut refert PTOLEMÆUS *Lib. II. cap. 5.* Ad hanc *Arcobrigam* verisimilius ob proximitatem pertinet Inscriptio, quam LUDOVICUS MURATORIUS *tomo IV. Novi Thesauri veter. Inscriptio- num, pag. 2049. num. 2.* parum accurate descripsit ex HIERONYMO CONTADOR DE ARGOTE, qui eam edidit in *Antiquitatibus Conventus Bracaraugustani, Lib. II. cap. 1. pag. 75.* & elegantius in *Monumentis Episcopatus Bracaraugustani Lib. II. cap. 2. pag. 261.*

33. Significationibus ita distinctis, de *Arcobrigarum* situ disputemus; falsasque opiniones rejiciamus. AMBROSIIUS MORALES *Lib. IX. cap. 28. fol. 287. litt. D.* ait *Arcobrigam* esse *Arcos* in ingressu Regni Aragonum: non ob aliam causam, ut videtur, nisi ob sonorum similitudinem, quæ proculdubio hic fallit. MORALEM sequuti sunt GASTAS LOAISA in *Collectione Conciliorum Hispaniæ, pag. 148.* CASPAR ESCOLANUS *Lib. VIII. Historiæ Regni Valentiae, cap. 13. num. 5.* RUDERICUS CARUS *Lib. III. Antiquit. Hispalensium, cap. 60. fol. 385. col. 3.*

34. Refellamus aliam opinionem. In Celtiberia fuit olim *Ergavia*, nobilis, & potens civitas prope montem Caunum (nunc Moncayo) cujus meminit LIVIUS *Lib. XL. cap. 50.* & PTOLEMÆUS *Lib. II. cap. 6.*
per-

pertinuitque ad Conventum Cæsaraugustanum, teste PLINIO *Lib. III. cap. 3.* ad quam spectat Inscriptio apud GRUTERUM, *pag. 382. num. 9.* & antiqui nummi, ex quibus constat oppidum fuisse appellatum *Ercavicam*, non *Ercaviam*, neque *Ergaviam*: de quo videri potest MORALES in *Antiquit. fol. 103.* & DIAGO in *Annal. Regni Valentiae Lib. V. cap. 15. fol. 220. col. 1.* Urbs fuit Episcopalis, cujus Episcopus fuit Petrus, qui in Concilio Toletano III. celebrato Era DCXXVIII. ita subscripsit: *Petrus Artavicensis Celtiberiae Episcopus subscripsi.* Ubi mentio fit Celtiberiae, ut scilicet Celtiberica Ercavica distinguatur ab altera Vasconum. Postea nescio quomodo factum fuit, ut Ercavica dici coeperit *Arcabrica*, ut constat ex Concilio Toletano XVI. habito Era DCCXXXII. ubi subscripsit: *Gabinus Arcabricae Ecclesiae Episcopus.* Hæc cum ita se haberent, cum *Ercavica* nomen in *Arcabricam* mutatum fuerit; contigit postea ut existimaretur Albaracinum situm fuisse in Arcobricensi dioecesi, hoc est, Ercavicensi: ideo cum ageretur de Albarracinensi Sede erigenda, ei noviter erectæ datum fuit nomen titulusque, *Arcabricensis*: quo nomine relicto, cum de novo nomen titulumque accepisset ab urbe *Segorve*, quæ falso credebatur *Segobriga*, dici coepit *Segobricensis*: atque Lucius tertius Sedis Arcabricensis nomen titulumque trans-
 tu-

tulit in Conchana. An quia prope eam est *Arcas*? ita quidem LOAISA pag. 148. cujus opinionem sequuntur FRANCISCUS PADILLA in *Catalogo Episcoporum* fol. 36. MARTINUS CARRILLO in *Historia Sancti Valerii Episcopi Cesaraugustani*, pag. 354. & FRANCISCUS DE VILLAGRASSA in *Antiquit. Ecclesiæ Segorbiensis*, pag. 5. & 6. quod refellit ESCOLANUS *Lib. VIII. Histor. Valentie*, cap. 13. num. 6. & DIAGO *Lib. v. cap. 15. fol. 218.* Sed quid commune habet *Arcas* cum *Arcabrica*, si pro *Arcabrica* intelligitur *Ercavica*? Quid cum ipsa *Arcobriga* sita prope Bilbilim?

35. Cum igitur Celtiberica *Arcobriga*, neque sit *Arcos*, neque *Arcas*; videamus an sit *Hariza*? ita probabiliter existimavit HIERONYMUS ZURITA in *Annal. Lib. I. cap. 42. fol. 29. col. 2.* De *Harizæ* autem nomine minime assentio eruditissimo ANTONIO AUGUSTINO, qui in *epistola ad Zuritam* quæ legitur apud DORMERUM in *Progressibus Historiæ Regni Aragonum*, pag. 389. col. 1. derivavit illud a Mauro *Hariz*. Sed præfero opinionem PETRI ALCALI in *Vocabulista*, verbo *guarda*, & SEBASTIANI COVARRUBIÆ in *Thesouro linguæ Hispanæ*, verbo *Hariza*, existimantium *Hariz* significare apud Arabes *Custodiam*. Quamquam quod ibidem adjungit COVARRUBIAS de *Diribitorio*, falsum existimo, cum *Hariza* sit antiquior *diribitoriorum* custodiis.

Illud dubitationem non admittit, falsum esse quod a CLUSIO ORTELIUS accepit, legiturque in *Synonymia Geographica*, in voce *Arci*, *Harizam* olim nominatam fuisse *Arci*, uti constare crediderat CLUSIUS ex antiqua Inscriptione ibi reperta. Nam Hispanienses Clusii Inscriptiones nemo vidit, ut observari potest in vocibus Accitum, Arevacæ, Aruci, Arunda, Ausa, Bigerra, Capara, Castra Vicelliana, Ecelesta, Marcia, Monobrica, Turiaso, Vallata, Uxena, aliisque. JOHANNES MARIANA *Lib. XXI. cap. 1.* CLUSII opinionem sequens, addidit, *Arci* situm fuisse in Arevacis. Sed si ibi situm fuit *Hariza*, non potuit esse *Arcobrica* in Celtiberia sita. Verum pergamus.

36. Aliqui recentes scriptores nova nomina cum antiquis confuderunt ob sonorum similitudinem, dixeruntque, urbem *Arcos* esse antiquam *Arcobrigam*. Prævit Antonius Nebrissensis, si ejus est *Lexicon Geographicum*, quod ejusdem nomine circumfertur. Veruntamen JOHANNES VASÆUS in *Catalogo Episcopatum Hispaniæ*, fol. 45. pag. 2. v. *Bastitanus*, indicavit, *Lexicon* illud esse filii Antonii Nebrissensis. Sed editio *Dictionary*, quod prodiit in lucem Antiquariæ in ædibus Antonii Nebrissensis, anno 1581. tribuit *Dictionary* vulgare appellatum Antonii Nebrissensis nepoti, quod ad id quo de agimus, parum interest. Ut ut autem sit, ibi legitur, *Arcobricam* esse

Ar-

Arcos, & hanc opinionem sequutus est JOHANNES BELLERUS in *Onomastico*.

37. FLORIANUS DO CAMPO, qui *Lib. II. cap. 27.* Nebrissensis discipulum se fuisse gloriatur, asserit *Lib. I. cap. 7. fol. 25. pag. 2. in Vandalusia permanere villam Arcos, quæ vocata fuit Arcobriga.* Atque eò Campensis progressus est, ut errorem hunc alio majori, imo mendacio manifesto incrustaverit *Lib. II. cap. 24. fol. 103. ubi de chimerica urbe Turdeto ita scripsit: Hæc (urbs Turdetum) secundum indicia, quæ de ejus situ refert Julianus Diaconus, solebat esse (sic) omni tempore quo illic perseveravit in medio viæ, quæ erat inter duas villas suo ævo Cæsarianum, & Arcobrigam, quæ hodie certo sunt Xerez de la Frontera, & Arcos.* De Juliani scriptis a Floriano laudatis hæc memoriæ prodidit AMBROSIUS MORALES *Lib. XIII. cap. 7. fol. 14. pag. 2. Quod de hoc dicere scio, est, multos Floriani amicos concupiisse videre hunc librum, & nunquam nobis ostendisse eum: neque postea apparuit; imo in ejus chartis inveni sufficientia signa indicantia, nunquam fuisse talem librum.* Sed tamen cum Campensis hæc finxerit auctoritate Juliani Diaconi; in errorem suum pertraxit eruditissimum virum DIDACUM HURTADO DE MENDOZA *Lib. IV. de Bello Granatensi, num. 9. & eloquentissimum virum JOHANNEM MARIANAM Lib. I. de Rebus Hispaniæ, cap. 18.*
&

& *Lib. XIII. cap. II.* MARIANAM vero non est quod miremur : nam in rebus , quæ ante Romanorum in Hispaniam adventum contigerunt , ducem habuit Campensem ; & in Romanis , & Gothicis , MORALEM ; in subsequentibus , GARIBAJUM , & ZURITAM.

38. Sed quoniam egimus jam de iis quæ memoriæ tradita sunt in libris scriptis ; videamus quæ leguntur in lapidibus inscriptis, *AMBROS. MOR. Lib. IX. cap. 28. fol. 287. litt. D.* Inscriptionem edidit , quæ secundum narrationem Cyriaci Anconitani , & aliorum inventa fuit in *Villa Arcos* in ingressu *Aragonum*. Quam Inscriptionem incertam esse , & ex numero earum , de quibus dubium est , an unquam exstiterint , admonuit idem *MORALES* : sed eam , ac si ibi exstaret , memoravit *Occo pag. I. n. 2.* *GRUTERUS* autem , qui ait , se habuisse illam e *Schotti Schedis* , inter *spuria* , ac *supposititia* recensuit , *pag. 4. num. 5.* sicut & aliam ejusdem manus , *num. 4.* quam habuit ex *Strada*. Eruditi optime sciunt quæ fides debeat hujusmodi testibus. Itaque si observemus primam illius lapidis inscripti notitiam dimanasse a Cyriaco Anconitano , cujus Antiquitatum partem typis ediderunt in Germania *PETRUS APPIANUS* , & *BARTHOLOM. AMANTIUS* anno a Christo nato 1554. animadvertemus originem opinionis qua de agimus , *Arcos* esse *Arcobrigam* , a Cyriaco

co natam , vel ab aliquo qui ei imposuit. Et vero infrequentes non sunt hujusmodi Italorum fictiones , præsertim eo tempore , quo ob eruditorum paucitatem , & nondum satis sagacem observationem licentius aliqui homines vanissimi , & imprudentissimi mentiri poterant. De quo adiri potest EVERARDUS OTTO in *Vita Servii Sulpicii* , cap. 11. num. 26. & in *Vita Papiniani* , cap. 2. num. 1. Cum igitur , neque Scriptores , neque Incriptiones urbi *Arcos* saveant ; videamus quid probabilius dici possit.

39. Hispali reperta fuit insignis Inscriptio , quam , antequam iterum cooperiretur , descripserunt homines docti , a quibus exemplar nactus fuit AMBROSIVS MORALES , ut ipse testatur in *Additamentis* , quæ præmisit tomo I. agens de adjungendis ad fol. 306. Eandem Inscriptionem ediderunt ALFONSUS MORGADO *Lib. IV. Hist. Hispal. cap. 1.* RUDERICUS CARUS *Lib. I. Antiquit. Hispal. cap. 10. fol. 18.* & plenius *Lib. III. cap. 32. fol. 135.* in *Notis ad Dextri Chronicon* , ad annum Christi 1115. fol. 64. & LUDOVICUS ANTONIVS MURATORIUS *Tomo II. Novi Thesauri veterum Inscriptionum* , pag. 1099. Sed quoniam CARUS existimat , hanc Inscriptionem habere res minime tritas , neque vulgares , & ob suam singularitatem obligare ad majorem animi attentionem ; & MURATORIUS ait : *His lucem dabunt eruditi Hispani ; age lampada accen-*

cen.

cendamus, tradamusque hanc hominibus eruditis. Verum in rebus notissimis non immoremur. Et quoniam MORALIS exemplar cæteris antiquius est, & a viris doctis emanavit, illud reliquis omnibus præferamus.

40. Inscriptio igitur sic se habet:

SEX. JULIO. SEX. F. QUIR. POSSESSOR
PRAEF. COH. IIL. GALLOR. PRAEPOSITO NUME
RI. SYROR. SAGITTARIOR. ITEM ALAE PRIMAE HISP
NOR. CVRATORI. CIVITATIS ROMVLENSIVM. M. AR
VENSIVM. TRIBVNO. XII L. FVLMINATR.
CVRATORI. COLONIAE. ARCENSIVM ADIECTO
IN DECVRIAS AB OPTIMIS MAXIMISQVE
IMP. ANTONINO ET VERO AVGG. ADIV
TORI "" ANTONINI PRAEF. ANNON.
AD OTIVM "" HISPANVM. RECEN
SENTVM. ITEM SOLAMINA TRANSFE
REND. ITEM. VECTVRAS NAVCVLA
RIIS EXOLVENDAS. PROC. AVGG. AD
RIPAM BAETIS. SCAPHARII HISPALEN
SES. OB INNOCENTIAM. IVSTITIAM
QVE EIVS SINGVLAREM.

CARUS *Lib. I. cap. 22. fol. 38. col. 1.* ait
hujus Sex. Julii fieri mentionem in num
mo Hispalensi, cujus ectypum ipse exhibuit
eodem *cap. 22. fol. 35. col. 4.* Sed nummus
ille, quem ego habeo, non est Sex. Julii

H

Pos-

Possessoris , ad quem pertinet Inscriptio ; sed C. Vari Rufi , & Sex. Julii Pollionis Duumvirorum Quinquennialium. Ille vixit Antonini tempore ; hic , Augusti , cujus etiam fit mentio in lapide Carthaginiensi apud MURATORIUM tom. II. pag. 734. num. 4. Et nummus ille non est Hispalicus , sed Carthagine Nova , quæ urbs , Italica , & Ilici solum habuerunt Duumviros Quinquennales ; de quibus vide lapidem inscriptum , qui ordine quintus est apud FRANCISCUM CASCALEM in *Discursu Carthaginis Novæ* , & apud GRUTERUM , pag. 168. num. 2. ubi pro AVG. legi debet ÆV. uti legitur in alio lapide apud REINESIUM *classi III. num. 70.* & in duobus nummis quos edidit SIGEBERTUS HAVERCAMPUS in *Notis ad Fragmenta Lib. II. Historiarum Salustii* , pag. 51. Quibus adde aliud numisma Carthaginiense etiam , quod inter incerta numeravit VAILLANTIUS in *Prima Parte Coloniarum* , pag. 5. sed immerito , & quidem plurimas ob causas. 1. Quia Duumviri Quinquennales aut ad Ilici , aut ad Italicam , aut denique ad Carthaginem Novam referuntur. 2. Quia nummus pertinet ad Coloniam Juliam , ut profecto fuit Carthago Nova. 3. Quia unus ex Duumviris est C. Julius , ex eadem gente , qua Sextus. 4. Quia alter ex Quatuorviris est C. Aq. id est. C. Aquinius , ut arguitur ex Inscriptioe Carthaginiensi apud REINESIUM *Classi XVII. num. 15.*

non

non vero Aquilius , ut existimavit Vaillantius. 5. Quia urbis nomen non exprimitur, ut in nummis allatis ad HAVERCAMPO & CARO.

41. Sed redeamus ad nostram Inscriptionem. Sex. Julius Possessor fuit ex Tribu Quirina , quæ fuit Rustica , & Urbanis laudatior teste PLINIO *Lib. XVIII. cap. 3.* juncto VARRONE de *Populo Romano* in *Præfatione*. Illud omittendum non est , huic Tribui attributas fuisse Insulas Baliares , approbante id Inscriptione apud GRUTERUM *pag. 387. num. 1. pag. 324. num. 4.* quæ pertinet ad Tribum Velinam Quirinæ unitam , *pag. 1093. num. 4. pag. 1096. num. 7. pag. 434. num. 3.* & ibi GRUTERUS in *Corrigendis*.

42. Sex. Julius Possessor fuit Curator Civitatis Romulensium , id est , Concilii coetusque Romulensium , jure sociati , hoc enim modo Civitatem definivit CICERO *cap. 3. in Somnium Scipionis* , in *Orat. pro Sextio cap. 42.* & *Paradoxo IV.* atque a C. Cæsare Civitatis nomen intelligitur in *Commentariis de Bello Gallico* , cum loquitur de Æduorum , Aruernorum , Bellovacorum , Rhemorum , aliorumque similium Civitatibus , sive certarum gentium congregationibus , quæ distinctæ sunt ab oppidis , & urbibus , ut Romulensium Civitas a Civitate Romula. Ideoque Civitas Romulensis idem est ac Respublica in hac Inscriptione.

43. In eadem Inscriptioe illud est notandum , conservari nomen antiquum *Hispalis* , & recentius , *Romulam* : cumque huic non addatur cognomen *Julia* , quo ea urbs gloriari deberet ; proculdubio eo caruit , licet contrarium asseruerit B. ISIDORUS *Ety-mol. Lib. XV. cap. 1. pag. 287. col. 1.* Illud vero prætereundum non est LUDOVICUM ANTONIUM MURATORIUM *tomo II. Novi Thesauri veter. Inscript. pag. 736. n. 5.* litteras illas singulares C. C. R. interpreta-tum fuisse , *Coloniæ Claudiam* , aut *Cæsaream Romulensem*. Præterea ibi idem MURATORIUS ex duabus Inscriptioibus unam confecit , ut videre est apud CARUM *Lib. I. cap. 10. fol. 16. & 19.*

44. MORALIS , & CARI transcriptiones habent M. (id est , *Municipii*) *Arvensium* , quod alio nomine vocabatur *Municipium Flavium Arvense* , ut videre est in Inscriptioe apud MORALEM in *Antiq. fol. 99. litt. C. & Lib. IX. cap. 25.* & est hodie *Alcolea* , ut idem ait *Lib. IX. cap. 25. fol. 279.* MURATORIUS nescio quid ait de *Arianis montibus* , & oppido ibi memorato a PLINIO. *Are-nas* montes scio a PLINIO memorari *Lib. III. cap. 1.* sed quid Graculo cum fidibus ? Enim vero ANTONINUS in itinere ab Ostio fluminis *Anæ Emeritam usque* , memorat *Montem Marianum* , qui huc minime pertinet , licet MURATORIUS fluctuans eum referat. Male igitur apud MURATORIUM *tom. II, pag.*

pag. 1099. num. 6. conjunctim legitur *Mau-
rentium*. Nam licet apud TACITUM *Histo-
riar. Lib. I. cap. 78.* legamus , Othonem
Hispalensibus familiarum adjectiones , & Pro-
vinciae Bæticae Maurorum Civitates dono de-
disse ; certum est , Inscriptionem nostram
ad hoc postremum non esse referendam.

45. Fuit etiam Julius Possessor Tribunus
XII. Legionis Fulminatricis , de qua insigne
miraculum narraverunt TERTULLIAN. in *Apo-
logia* , cap. 6. EUSEB. CÆSARIEN. in *Chro-
nico ad annum 176.* & in *Historia Eccle-
siastica Lib. V. cap. 5.* NICEPHORUS CAL-
LISTI *Lib. IV. cap. 12.* & OROS. *Lib. VII.
cap. 15.* sed notari debet , Legionem illam
non ex eo tempore coepisse dici *Fulminatri-
cem* , cum antea jam hoc nomen haberet ,
tempore scilicet Trajani , ut Tergestina In-
scriptio docet , cui addi potest Dio *Lib. LV.*

46. Fuit etiam Sex. Julius Possessor Cu-
rator Coloniae Arcensium : quæ falsa lectio-
ne *Ariensium* dicitur apud MURATORIUM ,
qui dubitat an legi debeat *Astensium* , quia
in æstuariis Bætis fuit Asta , Romanorum
Colonia. Sed licet MORALIS lectio Colo-
niam denotet , cujus nomen aliunde non
constat , non est ei deneganda fides : & me-
rito ille conjecit in memoratis *Additamen-
tis* , esse urbem *Arcos* , quæ proculdubio
ab *Arcobriga* distincta est. Illud vero MU-
RATORIO libens concesserim , melius legi AD-
LECTO IN DECURIAS , ut apud GRUTE-

RUM, pag. 458. n. 6. quàm ADIECTO. Cum pes littetæ L. facile potuerit evanescere:

47. Imperatores Antoninus & Verus Augusti sunt M. Aurelius Antoninus, & Ælius Verus, quia Antoninus Vero præponitur.

48. AMBROSIIUS MORALES agens de verbis illis interpretandis, *ad otium Hispanum recensentum*, ait *Otium* esse librum in quo descriptæ erant Provinciæ, earundem regimen, & tributa. Vellem hoc aliquo testimonio confirmasset. Ego conjicio ita legendum esse: *ad otium militare recensendum*: Præterea *solamina transferenda* interpretor salaria, quæ *solatia* etiam dici solent.

49. Dicitur etiam Sex. Julius Procurator Augustorum *ad Ripas Bætis*, ad similitudinem Curatoris alvei, & riparum Tiberis, quem instituit Augustus teste SUETONIO, cap. 37. atque hic est Procurator Augusti per Bæticam, cujus meminit Inscriptio apud CARUM Lib. I. cap. 22. fol. 39. ex qua, & ex versiculo nostræ Inscriptionis, unam tantum conflavit MURATORIUS *tom. II. Novi Thesauri veter. Inscript. pag. 1050. num. 3.* ubi pro *Magniano* legi debet *Magoniano*, uti legitur apud GRUTERUM, pag. 434. num. 3. & pag. 1093. num. 4. Neque mirum est, Bætım habuisse suum Procuratorem, cum eo tempore navigaretur ad Cordubam usque, ut bis refert STRABO Lib. III. pag. 97. & PLINIUS Lib. III. cap. 1. atque hodie visitur magnifi-

ficus Ilipæ portus , cujus meminit MORALES in *Antiquit. fol. 89. litt. E.*

50. Scapharii Hispalenses hunc lapidem dedicarunt Imperatoribus Antonino & Vero , M. Aurelio Vero , & Ælio Antonino , Coss. II. quemadmodum etiam alium anno æræ Christianæ CLXI. relatum a CARO teste oculato , *Lib. I. cap. 1. fol. 3. cap. 9. fol. 13. & cap. 22. fol. 37.*

51. Et vero Scapharii hanc Inscriptionem dedicarunt Sex. Julio Possessori , ob innocentiam justitiamque ejus singularem. Licet autem CARUS verbum illud *justitiam* , omiserit *fol. 37.* & in *Notis ad Dextrum , fol. 64.* illud tamen expressit in *Antiquit. Hispalensibus , fol. 18. & 135.* : ad similitudinem autem nostræ Inscriptionis conficta est illa , quam MURATORIUS refert *tom. II. Novi Thesauri veter. Inscript. pag. 1076. num. 6.*

52. *ARIOBRIGA* memoratur a Lud. ANT. MURAT. *Tomo I. Novi Thesauri veter. Inscript. pag. 224. num. 7.* sed tam hoc oppidi nomen , quam Inscriptio ibi allata ex schedis P. Cattanei , manifeste conficta sunt.

53. *AUGUSTOBRIGA* eadem est atque *Augustobrica* , de qua supra egimus. Nunc autem de ipsamet diligentius tractemus. Hoc nomen olim habuerunt tria oppida , ut acute observavit eruditissimus PETRUS RHUA , *epist. 3. adversus Antonium*

Guevaram , Episcopum Mindoniensem ,
fol. 88.

54. Unam earum collocavit PLINIUS in Lusitania *Lib. IV. cap. 22.* & expressius PTOLEMÆUS *Lib. II. cap. 5.* prope Salmanticam in Vettonibus , qui Lusitaniæ populi erant.

55. Secundam posuit PTOLEMÆUS in Pelendonibus , *Lib. II. cap. 6.* cujus ruinæ videntur in oppido *Muro VIII. M. P.* supra urbem Agredam , ut observavit ZURITA in *Annalib. Lib. I. cap. 42. fol. 29. pag. 2.* & in *Commentario ad ANTONINI Itinerarium v. Augustobriga in itinere ab Asturica per Cantabriam Cæsaraugusta.* RHUA sitam esse dixit in Celtiberia , quæ continebat Pelendones teste PLINIO , *Lib. III. cap. 3.* Quod attinet ad situm , suffragatur MORALES , *Lib. IX. cap. 28. litt. F.* aliter sentiens , ac *Lib. VIII. cap. 60. fol. 206. litt. E.* ubi *Augustobrigam* collocavit proximam Numanitiæ , & Burgis prope Guadalupum in descensu illorum montium , ubi nunc est *Villar del Pedroso* : quam falsam conjecturam arripuit CARUS : & perinde quasi idem esset *Villar del Pedroso* ac *Villa de Pedroso*, Hispali distans decem leucas , ad hanc transtulit *Augustobrigam* , *Lib. III. Chorographiæ Conventus Juridici Hispalensis, cap. 71. fol. 198. col. 4.*

56. Illud omittendum non est , lapidem inscriptum , a ZURITA editum *laudato loco*, mentionem facere Trajani Consulis III. & a

Mo-

MORALI prolatum *Lib. IX. cap. 28. fol. 288.*
 & ab OCCONE *pag. 4. num. 4.* Cos. II. sed
 præferri debet ZURITÆ lectio, cum testis
 fuerit oculatus, sicut Gruteriana etiam,
pag. 155. num. 7. alteri num. 9. Etiam-
 que debet emendari Consulatus annus apud
 MORALEM *Lib. IX. cap. 28. fol. 288. p. 2.*
 OCCONEM *pag. 4. num. 5.* & GRUTERUM
pag. 195. num. 2. ubi pro III. legi debet
 IV. consulto eruditissimo RAPHAËLE FA-
 BRETTO *ad Columnam Trajani, pag. 282.*
 Simile remedium adhiberi debet Inscriptio-
 ni quæ legitur in *Thesauro Muratoriano,*
tomo I. pag. 445. num. 4. ubi, ut mea
 fert opinio, Consulatus annus debet esse IV.

57. Tertia *Augustobriga* est, quam
 RHUA dixit esse in Carpetania, motus pro-
 culdubio auctoritate *Itinerarii ANTONINI,*
 ubi in *secundo itinere ab Emerita Cæsa-*
raugustam, constituitur juxta Toletum. Sed
 cum hoc oppidum fuerit *Carpetaniæ caput;*
 docente PLINIO *Lib. III. cap. 3.* fortasse
Augustobriga non in ipsa Carpetania, sed ei
 proxima fuit.

58. CÆTOBRIGA collocatur ab AN-
 TONINO in *itinere ab Olisipone Emeritam.*
 RAVENNAS *Lib. IV. cap. 45.* vocavit eam
Cetobriccam : & eadem est ac PTOLEMÆI
Cætobrix sita in Turdetanis *Lib. II. cap. 5.*
 Et non male conjicit RESENDIUS *Lib. IV. An-*
tiquit. Lusitan. pag. 213. ibi fuisse Ceta-
 ria, Hispanie *Almadravas,* ubi scilicet sa-
 lie-

liebantur tynni , & qui saliebant eos , vocabantur *Cetarii*. Unde emendandus est VALERIUS MAXIMUS *Lib. v. cap. i. n. 5.* ubi pro *Centobrica & Centobricenses* , reponendum , *Cetobrica , & Cetobricenses.*

59. *CATTAGOBRRIGA* in Vettonibus a PTOLEMÆO recensetur , *Lib. II. cap. 5.* a qua diversa fuit *Catobriga* , quæ mendose *Catobriga* dicitur in ANTONINI Itinerario *in itinere ab Olisipone Emeritam.*

60. *COELIOBRIGA* memoratur a PTOLEMÆO *Lib. II. cap. 6.* caput fuit Cœlerinorum , qui ad Bracaraugustanum Conventum pertinuerunt docente PLINIO , *Lib. III. cap. 3.* Ejus situs incertus est , licet multi multa scripserint. Ad *Cœliobrigam* pertinere voluit nummum Macrini , & Treboniani illustrissimus SPANHEMIUS *Dissert. IX. de Præstantia , & usu Numismat. pag. 772.* sed merito disensit HARDUINUS in *Nummis antiquis* , *pag. 120.* & disertius VAILLANTIUS in *Parte I. Coloniarum* , *pag. 169.* & in 2. *pag. 30. & 31.* BERNARDUS ALDRETTUS causæ suæ serviens , *Cœliobrigæ* , quam *Caliobrigam* etiam vocavit , notationem Græcam dedit , *Lib. III. de Origine linguæ Castellanae , cap. 3. pag. 290.* licet Græci in illa loca nullam duxerint Coloniam : nam referente SCYMNO CHIO §. 146. & seqq. Mænace Grecarum urbium omnium extremum habuit situm : & STRABO de ea loquens etiam ita scripsit *Lib. III. pag. 108. quam*
ul-

ultimam Phocæorum versus occasum civitatum accepimus.

61. *DEOBRIGA* fuit urbs Vettonum referente PTOLEMÆO , *Lib. II. cap. 5.* Fuit etiam alia *Deobriga* Austrigonum apud eundem *Lib. II. cap. 6.* Harum uni , tanquam Municipio nummus tribuitur in Goltzii *Thesauro* , *pag. 242.* Sed fidem adhibere non audet HEINECCIUS in *appendice Lib. I. Antiq. Roman. cap. I. §. 14.* & inter meras nugas , & cassas glandes enumerat MARTINUS *epist. II. Lib. III.*

62. *DEOBRIGULA* , cujus mentio fit apud ANTONINUM in itinere ab *Asturica Tarracone* , & ab *Asturica Burdigalam* , PTOLEMÆO *Lib. II. cap. 6.* sita dicitur in *Murbogis* , qui *Cantabris* erant finitimi. *Murbogi* autem Ptolemæj sunt *Tormogi* , uti constat ex Inscriptione apud MURATORIUM *Tom. I. Novi Thesauri Inscript. pag. 327. num. 7.* nam ibi memoratur quidam *Phæbus* , qui & *Tormogus Hispanus natus Segisamone*. *Segisama* autem Julia fuit sub *Turmodigis* , ut eos PLINIUS nominavit *Lib. III. cap. 3.*

63. *DESSOBRIGA* unice occurrit apud ANTONINUM in itinere ab *Asturica Tarracone*. Nec ideo memoria ei deneganda.

64. *FLAVIOBRIGA* , ubi posita fuerit , incertum est. PLINIUS *Lib. IV. cap. 20.* *Vardulorum* oppida recensens , enumeravit *Amanum Portum* , ubi nunc (inquit) *Flavio-*

viobriga Colonia. Varduli secundum eundem PLINIUM *Lib. III. cap. 3.* fuerunt finitimi Cantabris , extremi Hispanorum , quorum gens ad Pyrenæi jugi promontorium perti-
nens , claudcbat Hispaniam , ut refert ME-
LA , *Lib. III. cap. 1.* in fine. PTOLEMÆUS
Lib. II. cap. 6. collocavit *Flaviobrigam*
in Autrignonibus , qui etiam fuerunt finiti-
mi Cantabris. Constat igitur de vicinitate
Cantabrorum , licet JOHANNES MARIANA
Lib. IV. cap. 4. adversus PLINIUM & PTO-
LEMÆUM scripserit fuisse in Cantabria : &
vel *Bermeum* esse , vel non procul situm
Bilbaum : Posteriolem hanc opinionem acce-
pit ab ANTONIO NEBRISSENSI , in *Dictio-*
nario propriorum Nominum , & a FLORIAN-
NO CAMPENSI , *Lib. I. cap. 7. fol. 25.*
quam NONIUS etiam sequutus est in *Hispa-*
nia , *cap. 79.* Priorem opinionem didicit a
GARIBAJO *Lib. VII. cap. 10* & sibi consen-
tientem habet OIHENARTUM in *Notitia utrius-*
que Vasconia , *Lib. II. cap. 8. pag. 153.*

65. JULIOBRIGA. De hac ita PLI-
NIUS scripsit *Lib. III. cap. 3. in Cantabris po-*
pulis Juliobriga sola memoratur. Sed tamen
eodem PLINIO teste *Lib. IV. cap. 20. Ci-*
vitatum novem Regio Cantabrorum fuit. Qua-
rum octo , ut alibi diximus , enumeravit
PTOLEMÆUS *Lib. II. cap. 6.* & earum no-
mina sunt hæc. *Concana* , *Ottaviolca* , *Ar-*
genomescum , *Vadinia* , *Vellica* , (quam FLO-
RUS *Lib. IV. cap. 12.* & OROSIUS *Lib. VI.*
cap.

cap. 21. nominarunt *Belgicam*) *Camarica*, *Juliobriga*, (qua de agimus) & *Moræca*: quibus si addatur *Nœgaucesia*, quam in exemplari Græco Bibliothecæ Regiæ Parisiensis inveniri ait OIHENARTUS in *Notitia utriusque Vasconia*, *Lib. I. cap. 3. pag. 10.* novem erunt Civitates a PLINIO numeratæ. Omito STRABONEM *Lib. III. pag. 108.* ex Asclepiade Myrleano referre, ibi, (in Cantabris scilicet) *Opsicellam urbem conditam ab Obsicella*, qui cum Antenore ejusque liberis in *Italiam trajecit*. Nam quemadmodum fabulosa est hæc urbis conditio, ita potuit esse fabulosa ipsius urbis existentia. Fabulam illam incrustavit JULIANUS PETRUS *Advers. 304. Arracillum* oppidum, quod ait FLORUS *Lib. IV. cap. 12.* Romanis armis magna vi repugnasse, captum tamen postremo fuisse; in hunc censum non refero; quia ut addidit OROSIUS *Lib. VI. cap. 21* tunc dirutum fuit.

66. Sed ut ad *Juliobrigam* redeam, ejus situm designavit PLINIUS *Lib. III. cap. 3.* inquiens: *Hiberus amnis navigabili commercio dives, ortus in Cantabris, haud procul Juliobriga*. Certe quemadmodum Ilicitani mediterranei suum habuerunt Portum, qui nunc dicitur *el Cap del aljub*; sic etiam *Juliobrigenses*, de quibus ita PLINIUS *Lib. IV. cap. 20.* Portus Victoriæ *Juliobrigensium*. Ab eo loco fontes Hiberi quadraginta millia passuum. HIERONYMUS ZURITA
in

in *Cantabrie Descriptione*, pag. 23. ait, hunc Portum esse quem hodie vocamus *Santander*, cui assentitur OIHENARTUS in *Notitia utriusque Vasconie Lib. I. cap. 3. pag. 11*. Calculum suum addit JULIANUS PETRI *Advers. 304*. Sed qui ejus personam induit scire debuit, *Santander* conditum fuisse ab Alfonso IX. anno 1174. longo scilicet tempore posteaquam ipse JULIANUS se vixisse memorat. Idemque Rex Santanderi Foros sive leges dedit anno 1187. referente FRANCISCO SOTA in *Chronico Principum Asturum & Cantabrie, Lib. III. cap. 58. num 12*. & Marchione Mondexarensi in *Monumentis Regis Alfonsi nobilis, cap. 54*. JOHANNES MARIANA *Lib. I. cap. 2. & Lib. XI. cap. 20*. Latinum nomen imponere volens Santanderi, nominavit *Sanctum Emeterium*, cum hic Hispanè dicatur *San Medel*: ANTONIUS LUPIANUS ZAPATA, *Sanctum Trudonium*, teste PETRO FERNANDEZ DEL PULGAR in *Prologo Historiæ Palentinae, fol. 30*. Re vera *Santander* est *Sanctus Andreas*. Hic Portus diversus fuit a *Juliobriga*, licet non nega- vero non longe distasse ab ea. Male itaque POZA *Santanderum* confudit cum *Juliobriga*, argumentum sumens a distantia Hiberi fontium, libro *de antiqua lingua, conditionibus, & Regionibus Hispaniarum, cap. 14. fol. 41. pag. 2*. AMBROSIIUS MORALES in *Antiquitatibus fol. 68*. duas agnoscere voluit *Juliobrigas*. Sed diversos situs assignare debuerat.

67. In *Notitia Imperii Occidentalis*, pag. 147. col. 1. sic legitur: *Tribunus cohortis Celtiberæ Brigantiæ, nunc Juliobriga*; id est, *Juliobrigæ*, vel in *Juliobriga*, more inclinantis Latinitatis, ut diversa sit a *Brigantia*. Ex quo loco pessime aliqui volunt conjicere *Juliobrigam* esse *Berganza*. FRANCISCUS TARRAFA in *libro de Origine, ac rebus gestis Regum Hispaniæ*, MICHAEL VILLANOVANUS in *Notis ad Ptolemæum*, & ANTONIUS NEBRISSENSIS in *Dictionario propriorum Nominum*, scripserunt *Juliobrigam* esse *Logroño*, nullo nixi fundamento. LAURENTIUS PADILLA in *Antiquitatibus Hispaniæ*, fol. 2. pag. 1. vere dixit esse *Reinosa* (quod oppidum alii vocant melius *Reinosa*) quia situm est prope fontes Hiberi. (*Fontibre*). ORTELIUS, ut ipse ait, ex FLORIANO, dicit esse *Olivam* in Regno Navarræ, nullo probabili argumento. ESCOLANUS laudans PALMIRENUM *Lib. VI. cap. 19. num. 3.* vult esse *Olivam* patriam meam; verum hæc sita est in Contestanis. Ad *Juliobrigam* pertinet Inscriptio quæ legitur apud PETRUM APPIANUM, pag. 15. quam descripserunt LUDOVICUS PONS DE ICART in *Excellentiis Tarraconis* fol. 172. pag. 2. AMBROSIUS MORALES in *Antiquit.* fol. 67. litt. E. JANUS GRUTERUS pag. 354 num. 4. HIERONYMUS PUJADES in *Chronico Cataloniæ* *Lib. III. cap. 60. fol. 114.* nullo vero modo pertinet ad *Juliobrigam* Inscriptio, quæ legitur
apud

apud MURATOR. Tomo IV. *Novi Thesauri veter. Inscript. pag. 2011. num. 10.* ubi *Juliobrigæ* nomen omissum est , & formatum ex monstrosa aliqua lectione , scriptumque apud HIERONYMUM CONTADOR DE ARGOTE , *pag. 169. Antiquitatum Conventus Bracaraugustani* , quas ego dedi sapientissimo MURATORIO. Sed neque pertinet ad veram *Juliobrigam* nummus apud GOLTZIUM *pag. 243.* nam in eo *Juliobriga* dicitur *Municipium* , & ex PLINIO constat fuisse Coloniā. Fictionem agnovit MARTINUS *Epistolar. Lib. III. epist. 11.*

68. PELLICERIIUS in *Annalibus Hispaniæ Lib. V. num. 28.* ait , Augustum diruisse *Juliobrigam* , quod nullo modo probavit. Sane eam ante Augustum nemo nominavit , & postea exsistebat tempore PLINII , & PTOLEMÆI , & *Notitiæ Dignitatis utriusque Imperii.* In sequenti vero tempore altum de ea silentium. Itaque credibile est , eam diruisse Lewigildum anno DLXXII. quo Cantabriam ingressus eam evertit ; ut conjicere possumus ex Abbate Biclarensi *ad annum VIII. Justini , & Lewigildi VI. & ex Sancti Æmilianī Vita* auctore B. BRAULIONE *cap. 26.* Illud omnino certum est , sub Gothorum dominatione nullam Hispaniæ Descriptionem editam fuisse , quæ ad nos pervenerit ; & cum Reccaredi tempore renovata fuerit memoria Sedium Episcopaliū ob Conciliorum frequentiam ; *Juliobrigæ* tamen
in

in Conciliis nulla mentio exstat.

69. *MEIDOBRIGA* nusquam hoc nomine memoratur, sed ejus verum nomen probant *Meidobrigenses* recensiti in Inscriptione Pontis Alcantaræ apud *MORALEM Lib. IX. cap. 28. fol. 285. litt. E. GRUTERUM pag. 162. num. 3. NONIUM in Hispania cap. 39. & HIACYNTHUM ARIAM DE QUINTANADUEÑAS in Antiquitatibus Alcantaræ, Lib. I. cap. 12. pag. 57. Hi sunt iidem ac Medubricenses, qui Plumbarii, apud *PLINIUM* dicuntur, *Lib. IV. cap. 22. quia nimirum in monte Herminio, a quo Herminia, nunc Arameña, plumbi fuerunt fodinæ, ut observavit RESENDIUS Lib. I. Antiquit. Lusitanie pag. 60. quem sequuti sunt JACOBUS MENDEZ DE VASCONCELLOS, pag. 256. VASÆUS cap. 10. fol. 20. ad annum 400. ORTELIIUS in Synonymia Geographica, & QUINTANADUEÑAS in Antiquit. Alcantaræ Lib. I. cap. 12. fol. 63. pag. 2. Prope Herminium autem montem fuit Meidobriga, quam Scriptor de Bello Alexandrino Lib. IV. pag. 421. Medobrigam nominavit, & ANTONINUS Mundobrigam, in itinere ab Olisipone Emeritam. Adderem ad Meidobrigam pertinere Inscriptionem, quam edidit BRITO Lib. V. Monarchiæ Lusitanæ, cap. 22. pag. 519. nisi Britonianæ merces mihi suspectæ essent.**

70. *MIROBRIGÆ* tres a *PTOLEMÆO* distinguntur, quibus quartam adjungemus. *PTOLEMÆUS Lib. II. cap. 4. collocavit pri-*

I

mam

mam earum in Turdetanis, qui iidem fuerunt ac Turduli teste STRABONE *Lib. III. pag. 96.* ideoque PLINIUS *Lib. III. cap. 1.* recte eam posuit in Bæturia Turdulorum, distincta a Bæturia Celticorum eodem PLINIO teste. Hoc Municipium positum fuit prope villam, quæ *Capilla* dicitur, & sita est in finibus Comitatus Belalcazarensis, ut observavit JOHANNES GENESIUS SEPULVEDA, qui in *Mirobrigæ* vestigiis duas Inscriptiones repertas legit, ut ipse ait *Epistolar. Lib. III. epist. 48.* quem sequutus est MARIANA *Lib. XII. cap. 12.* Inscriptiones ad hanc *Mirobrigam* pertinentes legi possunt apud MORALEM in *Antiquit. fol. 98. pag. 1. & 2.* LIPSIUM *pag. 27.* OCCONEM *pag. 8. n. 1. & 2.* GRUTERUM *pag. 252. num. 3. & BIVARIUM in Addit. ad Sanctum Brailionem pag. 32.*

71. Secunda *Mirobriga* est, quam PTOLEMÆUS *Lib. II. cap. 5.* collocavit in Celticis, Lusitaniæ populis. Unde apud PLINIUM *Lib. IV. cap. 22.* pro *Merobrica* reponendum *Mirobrica*, aut *Mirobriga*, ut apud eundem ibidem probat gentile *Mirobrigenses*, qui *Celtici* cognominantur, ut distinguantur a Turdulis. Ad hanc *Mirobrigam* pertinent Inscriptiones quas memorat RESENDIUS in *Antiq. Lusit. Lib. IV. pag. 208.* BIVARIUS in *Addit. ad S. Brailionem pag. 32.* & GRUTERUS *p. 642. num. 6. & 442. num. 9.* ubi in epigraphe pro *Medobriga* legi debet *Mirobriga*, ad quam

quam etiam spectat Inscriptio apud MURATORIUM Tomo I. *Novi Thes. veter. Inscript.* pag. 18. num. 5. *Mirobriga* autem, ut volunt RESENDIUS & BIVARIUS, est hodie *Santiago de Cacem*. Ad hanc refertur fictus nummus apud GOLTZIUM pag. 244.

72. Tertiam *Mirobrigam* in Oretanis populis Provinciæ Tarraconensis collocavit PTOLEMÆUS Lib. II. cap. 6. ejusque mentionem fecit Itinerarium ANTONINI in itinere per Lusitaniā ab Emerita Cæsaraugusta; neque ejus ulla alia mentio.

73. Quarta *Mirobriga* probatur ex Inscriptione quæ reperta fuit Bletisæ hodie *Ledesma*, & legitur apud VASÆUM, pag. 20. ad annum 400. & quia alia similis ad dirimendos fines legebatur in Civitate Roderici, apud eundem VASÆUM, opinabatur Franciscus Ruizius Vallisoletanus, Civitatem Roderici esse *Mirobrigam*, præeunte FLORIANO OCAMPIO Lib. I. cap. 7. fol. 25. pag. 2. ubi adjunxit, postea dictam *Augustobrigam*. Sed utrumque nullo nititur fundamento, licet quod attinet ad prius nomen Floriano assenserit MORALES Lib. IX. cap. I. fol. 219. litt. A. Hæc *Mirobriga*, ut Inscriptio docet, prope Salmanticam erat, cujus situs est in Vettonibus Lusitaniæ populis teste PTOLEMÆO Lib. II. cap. 5. Bætica igitur unam habuit *Mirobrigam*; Provincia Tarraconensis, alteram; & Lusitania, duas.

74. NEMETOBRIGA memoratur in Itinerario ANTONINI in tertio itinere a Bracara Asturicam, & a RAVENNATE Lib. IV. cap. 45. PTOLEMÆUS Lib. II. cap. 6. collocavit eam in Tiguris post Amacoros in quibus Asturica Augusta. Pessime igitur RUDERICUS CARUS Lib. III. Antiquit. Hispal. cap. 66. fol. 194. col. 4. Nemetobrigam confudit cum Nertobriga, eumque sequutus fuit JOHANNES FERRERAS in Indice Chorographico, quem adjunxit Synopsi Historiæ, pag. 238. ubi varias, & improbables opiniones recensens, ait, Nertobrigam esse Valdenebro, sequens Michaëlem Villanovanum, & ejus sequacem Josephum Moletium, cujus sicut & Francisci Tarraphæ inscitiam merito elevavit CARUS Lib. III. cap. 29. Audacter suo more JOSEPHUS PELLICERUS in Apparatu ad Monarchiam Hispanam, pag. 190. cum Netobrica confudit ut Netoni suo tres Netobrigas tribueret.

75. NERTOBRIGA memoratur a PTOLEMÆO in Turdetanis Lib. II. cap. 4. ei adjunctum est cognomen Concordia Julia, ut ait PLINIUS Lib. III. cap. 1. Si antea male legebatur Vertobriga, quod mendum animadvertit AMBROSIVS MORALES in Antiquit. fol. 100. litt. B. & similis medicina adhiberi potest L. FLORO Lib. II. cap. 17. ubi pro Nertobriges forte legere debemus Nertobrigam, quam ex Inscriptione ibi reperta primus omnium B. ARIAS MONTANUS

ob

observavit esse *Valera*, prope *Fregenal de la Sierra*, ubi natus fuit ipse Montanus, de cuius patria nonnulli dubitarunt. Sed *Fregenalium* esse probavi invictis rationibus, quas communicavi cum Josepho Cevallio viro doctissimo, & hic cum HENRICO FLORIDO, qui eas protulit in *Præfat. tomo. x. Hispaniæ Sacræ*. Sed de hac re diligentius ego antea scripseram ad Excellentissimum Virum Benjaminum Keenè. Montani observationem debemus ABRAHAMO ORTELIO in *Synonymia Geographica v. Nertobriga*. Non est igitur *Nertobriga* ipsum *Fregenalium*, ut existimavit MORALES in *Antiq. fol. 100.* dicta autem fuit *Concordia Julia*, & ab ea diversa fuit alia *Concordia* sita in Lusitania, quæ memoratur a PLINIO *Lib. IV. cap. 22.* & a PTOLEMÆO *Lib. II. cap. 5.*

76. Altera *Nertobriga* fuit in Celtiberia ubi eam collocavit PTOLEMÆUS *Lib. II. cap. 6.* & ANTONINUS. Ille inter Turiasonem, & Bilbilim; hic inter Bilbilim & Segontiam, in duobus itineribus ab Emerita *Cæsaraugustam*. APPIANUS in Libro de Bello Hispaniensi vocavit eam *Nergobrigem*, quam occupasse memorat Claudium Marcelum A. Varroniano ab u. c. DCI. Coss. Q. Fulvio Nobiliore, & T. Annio Lusco; qui error vetustus est, cum a Suida repetatur dum APPIANI verba repetit in Μετριοπαθείη. POLIBIUS in *Excerptis Legationis CXLII.* vocavit eam *Ercobricam*. Eandem urbem po-

stea expugnavit Metellus Macedonicus , ut refert FLORUS *Lib. II. cap. 17.* ubi pro *Nertobriges* reponendum esse *Nertobrigam* , paullo antea dixi. Cum autem N. facile in V. permutetur , vetustissimum Flori exemplar excussum habet *Vertobriga*.

77. *SEGOBRIGA* passim nominatur in antiquis monumentis ; & tamen ejus situs nusquam apparet. Videamus quid de ea dici possit secundum antiquos Geographos , Historicos , Nummos , & Inscriptiones. A Geographis incipiamus.

78. *Celtiberia* fuit nomen , quod Hispaniam universam , aut fere totam complexum est , licet postea singularem quandam designarit regionem , in qua STRABO *Lib. III. pag. 112.* collocavit *Segobrigam* ita scribens : *Celtiberorum urbes sunt Segobriga , & Bilbilis.* Itemque PTOLEMÆUS *Lib. II. c. 6.* *Caputque Celtiberiæ Segobricenses , Carpetaniæ , Toletani Tago flumini impositi* , ut ait PLINIUS *Lib. III. cap. 3.* quæ PLINII verba multis dederunt occasionem credendi Segobricam , & Toletum PLINII tempore fuisse urbes metropoles ; cum utrumque falsum sit. Tunc enim Hispania divisa erat in Provincias ; hæ in Conventus Juridicos : atque Segobrica , & Toletum oppida erant stipendiaria Carthagini subjecta eodem PLINIO teste : quanquam minime negabo , PLINIUM de Segobricensibus , & Toletanis plurativo numero loquentem , significare voluisse utrum-

trumque oppidum suos habuisse vicos intra territorium suum : cui observationi occasionem mihi dedit AMBROSIUS MORALES in *Additione Lib. IX. ad fol. 294. pag. 2. litt. E.* PLINIUS igitur , ut optime admonuit HIERONYMUS ZURITA in Epistola ad ANTONIUM AUGUSTINUM apud DIDACUM DORMERUM in *Progressibus Historiæ Aragonensis , pagin. 425. col. 1.* voluit dicere *Segobrigam* esse initium Celtiberiæ ; cui opponitur finis. Fuit autem Clunia Celtiberiæ finis ; eodem PLINIO teste *Lib. III. cap. 3.* Similiter de Bætica loquutus est idem PLINIUS ; nam *Lib. III. cap. 22.* scripsit , in ipso vero capite *Bætici* ; atque ipse PLINIUS *Lib. III. cap. 1.* dixit : *Murgis Bætici finis.* Non est tamen negandum , eundem PLINIUM alibi hoc nomen , *caput* usurpasse alio sensu , cum videlicet *Lib. III. cap. 5.* dixit , *Romam terrarum caput* , & *Lib. V. cap. 26.* *Babylonem quondam Chaldiæ caput* , metropolim intelligens : & *Auctor de Bello Hispaniensi Lib. VI. pag. 408.* *Cordubam Provinciae caput esse existimari.* Sed in nostro argumento contextus aliam interpretationem exigit ; neque enim *Segobricam* , & *Toletum* memoravit , sed *Segobricenses* , & *Toletanos* , ut taceam , non solum apud Romanos , sed nec apud Hispanos non fuisse *Segobricam* Celtiberiæ urbem principem , sed *Contebriam* , ut docuit VALERIUS MAXIMUS *Lib. VII. cap. 4.* Eodem modo ANTONINUS in *secun-*

do itinere a Laminio Casaraugustam, memoravit Caput fluminis Anæ, hoc est, initium, sive ut Hispanice dicam, los ojos de Guadiana, more hebraico, nam aen, & ain oculus significat, & etiam fontem. Capitum autem contrarium est Ostium, ut cum idem Itinerarium ait: item ab Ostio fluminis Anæ Emeritam usque.

79. A Geographis ad Historicos transeamus.

80. FRONTINUS Lib. III. cap. 10. n. 6. meminit stratagematis, quo usus est Verianthus adversus Segobricenses.

81. PLINIUS Lib. III. cap. 3. ait Hispaniam Citeriorem specularibus lapidibus scatere. Libro vero XXXVI. cap. 22. melius hoc declaravit. Specularis vero (quoniam & hic lapis nomen obtinet) faciliore multo natura finditur in quamlibet tenues crustas. Hispania hunc olim Citerior tantum dabat, nec tota, sed intra centum millia passuum circa Segobricam urbem. Quem locum præ oculis habuit ISIDORUS Lib. XVI. Etymol. cap. 4. in fine. Cui addi potest EMMANUEL MARTINUS epist. 4. Lib. XI.

82. Quod attinet ad situm ubi fuit Segobrica, Archiepiscopus Toletanus RUDERICUS XIMENIUS DE RADA Lib. III. c. 21. loquens de Maurorum irruptione in Hispaniam, ita scripsit: Adeo enim pestis invahuit, quod in tota Hispania non remansit Civitas Cathedralis, quæ non fuerit, aut incensa, aut diruta. Utrumlibet horum Se-

gobricæ contigerit , ejus vestigia nulla manent , quæ designare possimus. Cum urbes Christiani recuperabant , cupientes Ecclesiam Hispanam instaurare , antiquas Sedes Episcopales renovabant. Petrus Ruizius Azagra bellator imprimis dux , non apud suos solum , sed etiam apud exteros clarus , & in omnibus eventibus pace belloque princeps , Albarracinî oppidi arciumque potitus voluit illud condecorari Episcopali Sede : & Cardinalis Hyacinthus Bobus , Alexandri .iii. Legatus , & Cenebrunus Archiepiscopus Tolletanus coeperunt inquirere in qua antiqua Diocesi situm esset Albarracinum , ut ejus titulo illam insigneret. Atque anno MCLXXII. eam Sedem decreverunt nominare *Arcabrigensem* , sic corrupte vocantes , quam *Ercavicensem* dicere debebant. Itaque Cenebrunus Martinum consecravit primum ejus Sedis Episcopum. Quadriennio elapso , anno videlicet MCLXXVI. propositum argumentum in novum examen revocans , animadvertit , Albarracinum non fuisse situm in diocesi *Arcabrigensi* (hoc est , *Ercavicensi*) sed in *Segobrigensi* ; jussitque ut Sedes illa hunc titulum haberet. Cum autem Episcopus Albarracinensis egestate laboraret ; a Summis Pontificibus Gregorio ix. Innocentio iv. & Alexandro iv. obtinuit ut si quando Sedes & Civitas *Segobrigensis* (hoc est , *Segorbe* sita in Regno Valentino) recuperaretur , in rebus Ecclesiasticis subjecta esset Episcopo Albar-

barracinensi. Recuperata igitur urbe *Segorbe* anno MCCXLV. possessionem ejus Sedis obtinuit Episcopus Albarracinensis: atque inde natae gravissimæ contentiones inter Episcopos Valentiae & Segorbis de hujus territorio, & inter Metropolim Tarraconensem, & Toletanam, vindicantes jus Metropoliticum; ac more illis temporibus recepto, armis potius quàm Canonibus decretum est. Sed opinio existimantium urbem *Segorbe* esse antiquam *Segobricam* prævaluit; atque ita obtinuit, ut Hispanorum Grammaticorum Princeps ANTONIUS NEBRISSENSIS in *Dedicatione sui Vocabularii Latino-Hispani*, & postea in *Dictionario priorum nominum* non dubitavit scribere *Segobrigam* esse *Segorbe*.

83. Atque hæc est origo hujus opinionis innixæ monumentis apocryphis, cujusmodi sunt *Divisio Terminorum Diocesium, & Parochiarum Hispaniae* Regi Wambæ tributa, & alia similia accedente similitudine vocum, *Segobriga*, & *Segorbe*. Hujus historiae auctores sunt Carolus Imperator, & Rex Hispaniae in Comitibus Montissonensibus celebratis anno 1542. foro 4. in extravaganti, quod *Officia Regni (Valentini) non concedantur extraneis personis, & quod Beneficia non dentur extraneis*. PHILIPPUS IV. cap. 61. *Fororum, & Actorum rogatorum* anno 1626. HIERONYMUS ZURITA in *Indicibus rerum ab Aragoniae Regibus gestarum Lib. I. pag. 76. & 78. & Lib. II. Annal. cap. 28. & 31.*

Jo-

JOHANNES MARIANA *Lib. XI. de Reb. Hispaniæ*, cap. 12. CASPAR ESCOLANUS *Lib. VIII. Hist. Valentiaë* cap. 13. num. 5. FRANCISCUS DIAGO *Lib. II. Annal. Regni Valentiaë*, cap. 4. & *Lib. V. cap. 15.* MARTINUS CARRILLO in *Histor. S. Valerii Episcopi Casaraugustani*, pag. 354. FRANCISCUS DE VILLAGRASSA in *Antiquitate Ecclesiæ Cathedralis Segorbiensis* pag. 7. 8. 9. 47. 48. 52. 64. JOHANNES FERRERAS in *Historia Hispaniæ ad annum 1170.* n. 8.

84. Sed veritatem indagemus. Etiam si vocabulorum antiquorum, & recentium similitudo cum per canones etymologicos ad unam eandemque vocem refertur, indicium est probabile ejusdem significationis; tamen cum illa similitudo imperite examinatur, in errores maximos inducit, ut in argumento quo de agimus, contigit. Nam *Segobriga* nomen est Hispanum antiquissimum; *Segorbe* autem, Arabicum; siquidem ante Maurorum irruptionem in Hispaniam nusquam memoratur. Similitudo igitur, quæ dicitur esse in nominibus *Segobriga*, & *Segorbe*, in harum vocum sonitu, prout nunc pronuntiat; non in primitivis nominibus, ut probari deberet, invenitur. Valentini hodie nostri Regni urbem notissimam nominamus *Segorb*: Castellani, qui non habent dictiones finitas in B; addunt E, & pronuntiant *Segorbe*. HIERONYMUS ZURITA in *Epistola ad Antonium Augustinum*, quæ legitur apud

DOR-

DORMERUM in *Progressibus Historia Regni Aragonum*, pag. 425. col. 1. ait, Maurusios nominasse *Xegort*, ubi proculdubio legi debet *Xegorb*, ut probatur ex CASPARE ESCOLANO *Lib. VIII. Hist. Val. c. 12. num. 6.* Scio mutationem s. in x. frequentissimam esse. Sed ecquis nomini Hispano antiquissimo, & Arabico post multa sæcula introducto, eandem interpretationem dabit, maxime urbium situ repugnante?

85. Enim vero quemadmodum Archiepiscopus Cenebrunus crediderat olim, Episcopalem Sedem Albarracino viciniorem fuisse *Ercavicensem*, quam ille corrupto nomine *Arcabricensem* nominavit; & quadriennio elapso aliter opinatus fuit; ita etiam nobis nunc liceat posteriorem hanc ejusdem opinionem in examen vocare, probe lectis, intellectisque antiquis Geographis, quorum plerique rudibus illis temporibus incogniti erant; alii, rarissimi, & sæpissime male intellecti. Quod eo plus licet, quò magis incomperito est, hoc etiam contingere scriptoribus recentibus etiam post eruditionis lucem.

86. *Segobriga* igitur, uti dictum est, sita erat in Celtiberia, ut testantur STRABO *Lib. III. pag. 112.* & PTOLEMÆUS *Lib. II. cap. 6.* in ejus capite, ut docet PLINIUS *Lib. III. cap. 3.* *Segorbe* autem proculdubio est in Hedetania, cujus fines per oram maritimam erant. Sucro fluvius hodie, *Júcar*, & flumen Uduba, nunc *rio de Murviedro*,
&

& Hedetaniæ urbes maritimæ erant Valentia, & Saguntum, ut refert idem PLINIUS *Lib. III. cap. 3.* & Cæsaraugusta. Itaque regio angusta prope mare, late in mediterraneis sese extendebat: quod significasse videtur STRABO cum *Lib. III. p. 112.* ita scripsit: *Secundum Celtiberos versus meridiem erant qui montem Orospedam, & loca circa Sucronem amnem incolebant Sedetani: ubi Sedetani sunt Hedetani; quorum urbs Princeps fuit Hedeta, quæ etiam Liria dicitur apud PTOLEMÆUM Lib. II. cap. 6.* Cum igitur Segobriga esset in Celtiberia, & Segorbe sit in Edetania; proculdubio debent distingui.

87. His accedit STRABONEM *Lib. III. pag. 112.* ita scripsisse: *Celtiberorum urbes porro sunt Segobriga & Bilbilis, circa quas Metellus & Sertorius bellum gesserunt.* Si vero Segorbe longe distans a Bilbili esset Segobriga, absurdum esset dicere *circa quas*, quæ locutio proximitatem denotat. Ruunt igitur fundamenta, quibus innitebantur, qui putarunt Segobrigam esse Segorbe. Nunc nequid, quod ad propositum argumentum pertineat, omittatur, videamus quare aliqui sentiant Segobrigam esse Caput Graii, & Sepulvedam.

88. PETRUS DE ALCOCER *Lib. I. Historiæ urbis Toleti, cap. 20. fol. 22. col. 1.* referens Toletanæ Sedis suffraganeas, ait, *Segobriga, quæ est Segorbe, & cap. 51. f. 45. col.*

col. I. ita scripsit : *A quibus non longe distat Ucles , quæ vocabatur Urcesa , juxta quam in ripa fluvii Xiguella , inventum fuit paullo ante magnum spatium plenum magnis, & ingentibus ædificiis dirutis mirum in modum indicantibus fuisse illic frequentissimam urbem , quam aliqui dicunt vocatam (sic) Capud Gray , & alii , Segobrigam : & alii , Hipponem , & alii , Arcabicam. Hic ALCOCER vulgares opiniones recenset , & nullam earum confirmat.*

89. AMBROSIUS MORALES *Lib. VII. cap. 53. fol. 121. litt. B.* loquitur de *Segobriga* ; sed ejus situm non designat. Idem *Lib. X. cap. 32. fol. 391. litt. F.* ait : *Segobriga fuisse dicitur juxta Inhiestam.* Sciendum autem est , *Caput Graii* , de quo ALCOCERUS , situm esse prope Inhiestam , ut ait JOHANNES FERRERAS *tomo I. in Indice Geographico v. Segobriga.* Existimo AMBROSIUM MORALEM properanter legisse ALCOCE-
RUM , qui non affirmavit *Segobrigam* fuisse *Caput Graii* ; sed retulit quod vulgo dicebatur de ruinis memoratis , multis diversa dicentibus pro cujusque opinione. Ipse MORALES *Lib. XII. cap. 3. fol. 96. litt. F.* aperte indicat , se ob oculos habuisse ALCOCE-
RUM , siquidem ita scripsit de *Segobriga. Hac urbs sita fuit in Celtiberia , & non bene inquiritur ubi* (idcirco de situ ejus nihil dixit *Lib. VII. cap. 53. fol. 121. litt. B.*) *quam creditur sitam fuisse in magnis ruinis , quæ*
ho-

hodie visuntur juxta Ucles, ubi vocant Caput Graii. Sed certum est Segorbium non posse esse antiquam Secobrigam, ut vulgo creditur. Cum MORALES ait, quanquam creditur, alludit ad opinionem ab ALCOCERO indicatam: cum asserit, Segorbium non posse esse antiquam Secobrigam, verum indicat: etsi veritatis fundamentum ignorabat, siquidem *Lib. XII. cap. 50. fol. 173. litt. D.* nititur apocrypha *Divisione terminorum Diocesium, & Parochiarum Hispaniæ* afficta Regi Wambæ. Ait enim: *Secobrica hæc teneat de Tarabella usque Obviam, de Toga usque Brecam. Hic manifestè apparet quam intra Castellam esset Segobriga, & quam bene congruat, sitam fuisse in ruinis Capitis Graii. Aliæ rationes robustiores sunt ad id probandum. Explicemus horum verborum sensum.*

90. Ait MORALES, in Wambæ *Divisione* manifestè apparere, quam intra Castellam esset Segobriga, quia in illa confines leguntur termini Segobricæ, & Valeriæ, quæ nomen antiquum retinens, vocatur hodie *Valera*, ubi magna antiquitatis vestigia, quæ a Conca distant quinque leucis. Ideo dixit MORALES manifestè apparere, quam intra Castellam esset Segobriga, & quam bene congruat sitam fuisse in ruinis Caput Graii. Verum hoc male consonat cum iis, quæ ipse MORALES scripsit *Lib. X. cap. 32. f. 191. litt. F. credi fuisse juxta Inhiestam*, siquidem hoc improbabiliter dixit, nullo gravi au-

auctore laudato nec ratione aliqua prolata ;
ideoque MORALES , ut antea ALCOCERUS ,
nos incertos dimisit.

91. Postremo adjunxit MORALES , *alias
esse rationes robustiores ad id probandum.*
Verum eas non protulit : & , ut opinor ,
occulte allusit ad rationes quas HIERONY-
MUS ZURITA cum suis amicis communica-
verat , ut videre est in ANTONII AUGUSTI-
NI *Dialogo VII. Antiq. pag. 281.* : certe sa-
pientissimum illum virum sapissime MORA-
LES magnificare solet.

92. Videamus nunc quid senserit , &
scripserit JOHANNES MARIANA. Summus ille
vir constans in excerptis auctorum recen-
tium scriptis , inconstanter scripsit , uti so-
lent variorum scriptorum epitomatores , *Lib.*
II. de Reb. Hisp. cap. 13. Si conferantur
quæ ibi Latine scripsit , cum iis quæ postea
Hispane transtulit , apparebit eum *Segobrigam*
interpretatum fuisse *Segorbe* , & in Celtiberia
urbem hanc constituisse. Idem MARIANA
explicatius hoc ipsum affirmavit in utraque
editione *Lib. XIII. cap. 12.* ubi per narra-
tionem exposuit quæ conjectanter scripserat
ZURITA *Lib. II. Annal. cap. 28.* Ipse MA-
RIANA *Lib. VI. cap. 15.* ante oculos ha-
bens MORALEM *Lib. XII. cap. 50. fol. 173.*
litt. D. ita scripsit : *Segobrica* , hujus urbis
vestigia ab Urcesia octo passuum millibus in
oppido quod Graii Caput vocatur , exstare ,
eruditiores habent persuassum : nam qui Se-
gor-

gorbium putarunt , nominum eos similitudo misit in errorem. Adde interpretationem Hispanam. Ego scire vellem quinam sint eruditiores. An incerti opinatores , quorum nomina ALCOCERUS silentio pressit ; ipse ALCOCERUS nihil affirmans , & MORALES titubans , quibus ipse MARIANA auctoritatem suam adjungit ? Præterea *Segobrigam* non fuisse *Segorbe* , ipse videtur indicasse , cum *Lib. III. de Morte , & Immortalitate , pag. 423.* recenti gentili nomine usus est , ita scribens : *Baptistam Perezium , quem ex humili loco virtus & eruditio ad Segorbiensem Episcopatum evexit.* Sed ad alterius opinionis examen nos conferamus.

93. Propterea quod *Sepulveda* vocata fuit olim *Sepulvega* in sui Fori legibus , aliisque barbarorum sæculorum monumentis ; ideoque JOHANNES GENESIUS SEPULVEDA *epist. 37. Lib. III. fol. 87. pag. 2.* existimavit fuisse *Segobrigam* , & opinionem hanc Philippo Hispaniarum Principi exposuit. Quod cum GRÜTERUS credidisset , *pag. 90. n. 7.* ubi scripsit , *prope Segobrigam* , intellexit *Sepulvedam* , ut videre est apud MORALEM in *Antiq. fol. 18. litt. D. & OCCONEM , pag. 38. n. 6.* Sed hanc opinionem referre est refellere.

94. A priscis igitur , & recentibus scriptoribus ad antiquos Nummos transeamus.

95. Duos protulit VAILLANTIUS , alterum *Parte I. pag. 43. in Augusto* , alterum

K

rum

rum pag. 80. in Tiberio; & in utroque loco duas distinguere voluit *Segobrigas*, non aliam ob causam, nisi quia cum illa, quæ caput fuit Celtiberorum, stipendiaria fuerit, ut constat ex *PLINIO Lib. III. cap. 3.* & ipse in ea esset opinione, oppida stipendiaria non habuisse jus cudendæ monetæ; existimavit præter Celtiberorum *Segobrigam* fuisse aliam, quæ habuit Jus Latii. Sed ut nihil dicam de Toletis, oppido stipendiario; certum est Callet, quod etiam fuit stipendiarium, monetam cudisse. Præterea Jus Latii non habuerunt Abdera, Julia Traducta, & Lælia, & tamen jure cudendæ monetæ gavisæ sunt. Quod addit *VAILLANTIUS*, *Segobrigam* (intellige *Segorbe*) sitam esse ad *Turulim* (an dicere voluit *Turiam*?) fluvium æque falsum est. Nam flumen juxta *Segorbium* est Uduba, qui mare prope Saguntum ingreditur. Cætera quæ *VAILLANTIUS* refert, jam supra a nobis confutata sunt. Nunc de Inscriptionibus, quæ ad *Segobrigam* pertinere dicuntur, aliqua indicemus.

96. *CASPAR ESCOLANUS Lib. VIII. Historiæ Regni Valentiae cap. 13, n. 1.* refert, Segorbii ad sua usque tempora permansisse lapidem inscriptum, quem vidisse dicuntur *Cl. vir FRANCISCUS LANZOL, & BACALAU-REUS MOLINA. FRANCISCUS DIAGO Lib. IV. Annal. Regni Valentiae, cap. 4.* eandem Inscriptionem exhibuit, reprehendens *ESCOLANUM* propterea quod uno versiculo omisso

eam

eam descripserat. Uterque autem ait suo tempore jam non comparere lapidem illum. GRUTERUS pag. 320. n. 1. ipsammet Inscriptionem edidit; tanquam *Segobricæ* existentem, depromptamque e *Schotti schedis*, quæ quandoque suspectæ sunt. Proculdubio supra memorati scriptores alienis oculis eam viderunt, æque ac suis credentes. Certe de ejus existentia dubitare videtur DIAGUS Lib. II. cap. 4. fol. 23. col. 4. Apud GRUTERUM pro GAL. id est *Galeria* Tribu legitur Gallo, ut e compendium hoc interpretari solebat PETRUS ANTONIUS BEUTER; hujus eruditionis homo rudissimus. Hæc Inscriptio videtur ficta fuisse ad similitudinem alterius quæ legitur apud GRUTERUM pag. 320. n. 2. L. Æmilio deest cognomen, quod poni debuit post Tribum. Stilus videtur recens, ut indicat affectata illa, & insolens repetitio, e *publica* patriæ decreto, e *publica* etiam *pecunia*. Ficta autem fuit ad confirmandum *Segorbe* esse *Segobrigam*.

97. Aliæ duæ Inscriptiones pertinentes ad *Segobrigam*, id est, *Segorbe*, leguntur apud GRUTERUM pag. 431. n. 1. & 2. sed sunt ex *schedis Fulvii Ursini*, quæ sicut multorum clarorum virorum Imagines, merito suspectæ fuerunt THOMÆ REINESIO, *epist.* 50. & 51. ejus judicium confirmante EVERARDU OTTONE in erudita *Vita Papiniani secundæ editionis*, cap. 3. pag. 45. & cap. 16. pag. 663. *Suessefani* autem in 2. Inscriptio-

ne memorati, sunt *Suessetani*, quorum dux fuit Indibil apud LIVIUM *Lib. XXV. c. 34.*

98. Alia Inscriptio ad *Segobrigenses* pertinens, & attributa *Segorbio*, est illa, quam affert ESCOLANUS *Lib. VIII. Hist. Valentia*, *cap. 13. n. 2.* ex fide Cl. viri FRANCISCI LANZOL; sed PETRUS APPIANUS *pag. 12.* dixit esse Dianii, quem sequutus est JOSEPHUS PELLICER in *Lectiōibus Sollemnibus ad Ludovicum de Gongora*, *col. 621.* FRANCISCUS vero DIAGO *Lib. II. Annal. Regni Valentia*, *cap. 4.* ait esse Tarracone. GRUTERUS *pag. 324. n. 7.* Dianii, vel, ut aliis placeat, Tarracone: quod postremum merito confirmat Cl. vir FRANCISCUS DE VILLAGRASSA *Libro de Antiquitate Ecclesiae Segorbiensis*, *pag. 6.* Et hoc verum est. Atque hinc apparet, quæ fides debeat testimonio nobilis viri FRANCISCI LANZOL.

99. Alia celebris Inscriptio Tarraconensis ad *Segobrigam* pertinens, sed ejus situm minime probans, est apud MORALEM in *Antiquit.* *fol. 68.* OCCONEM, *pag. 33. num. 5.* ESCOLANUM *Lib. VIII. Hist. Val. cap. 13. n. 2.* ejusque meminerunt DIAGO *Lib. IV. Annal. Regni Val. cap. 4. fol. 23.* & VILLAGRASSA *pag. 7.* Apud APPIANUM vero *pag. 18.* perperam legitur *Segorbica*, & *Segorbicenses*.

100. Denique aliam Inscriptionem memorantem C. Julium Cænalum *Segobricensem* edidit LUD. MURATORIUS *Tomo II. no-*

vi *Thesauri Inscriptionum*, pag. 1080. n. 5. in cujus nota sunt quæ corrigi debent ex supra dictis : ut taceam *Segorbium* non esse Urbe-
beculam , sed Sedem Episcopalem hujus Regni , cujus fructus sunt sapidissimi.

101. Hæc cum ita sint , *Segobrigæ* situs investigandus est : & si antiquos Nummos , & Inscriptiones sequimur , ejus nomen cum G. scribi debet.

102. *TUNTOBRIGA* solummodo nomen conservat apud PTOLEMÆUM , qui *Lib. II. cap. 6.* eam collocavit in Callaïcis Bracariis.

103. *TURIGA* an huc referri debeat, dubito , etsi B. & V. facile permutetur. De ea PLINIUS *Lib. III. cap. 1.* sic ait loquens de Celticis , *Cultuniacum , quæ & Turiga nunc est.* Hæc autem proculdubio est *Curiga* PTOLEMÆI , pertinens ad Baticos Celticos , *Lib. II. cap. 4.* an vero sit *Curica* , quæ occurrit apud ANTONINUM *in itinere ab Ostio fluminis Anæ Emeritam usque* ; & si ita voluit CARUS *Lib. III. Antiquit. Hispal. cap. 70. fol. 196. col. 2.* non audebo dicere. Idem opinatus fuit , *Ucultuniacum* , sive *Turigam* esse *Calera* ; aut locum ei proximum. Sed vellem probabilem aliquam rationem attulisset.

104. *VOLOBRIGA* fuit oppidum Ne-
metanorum , qui inter Callaicos Bracares re-
censentur a PTOLEMÆO *Lib. II. cap. 6.* GOL-
TZIUS inter Municipia numeravit. Sed ne-

mini solide erudito fidem faciet.

105. Atque hæc sufficiant de oppidorum nominibus in BRIGA desinentibus.

C A P. VIII.

An vox UR mutata sit in IL, & de Hispanorum oppidorum nominibus sic incipientibus.

1. **A**N vero UR in IL mutatus fuerit; & eadem significatione manente, IL etiam oppidum significet in quaestionem venit. Hoc affirmavit MORALES in *Antiquitatibus*, fol. 56. & in *Scholiis ad Sancti Eulogii memoriale Sanctorum lib. 2. c. 11.* quem sequutus est Cl. vir FERDINANDUS DE MENDOZA de *Concilio Iliberritano confirmando cap. 1. pag. 3.* & plures alii. Verum ego non ita facile assentiar. Quis enim credat in *Ilarcuris*, bis eandem significationem repeti?

2. An igitur IL significat locum editum? ita suadere videtur *Ilai* hebraicum: & forasse celeberrimum *Ilion* non ab Ilo conditore dictum est, ut STEPHANUS, & SUIDAS voluerunt; Ilus, heros fabulosus existimandus est; sed a loci natura secundum illud VIRGILII v. *Æneidos*

Victor apud rapidum Simoenta sub Ilio alto.

3. Neque desunt exempla quibus confirmari videatur. Et, ut ab *Ilerda* incipiam, LU-

CA-

CANUS *Belli Civilis Lib. IV.* sic eam descripsit.

Colle tumet modico, lenique excrevit in altum

Pingue solum tumulo: super hunc fundata vetusta

Surgit Ilerda manu: placidis prælabitur undis

Hesperios inter Sicoris non ultimus amnes,

Saxeus ingenti quem pons amplectitur arcu, Hybernas passurus aquas.

Et eodem *Lib. V. 143.*

Postquam omnia fatis

Cæsaris ire videt, celsam Petreius Ilerdam Deserit.

Consonat AUSONIUS *Epistola XXV.* sic PAULINO scribens:

Ergo meum, patriæque decus, columenque Senati,

Bilbilis, aut hærens scopulis Calagorris habebit?

Aut quæ dejectis juga per scruposa ruinis Arida torrentem Sicorim despectat Ilerda.

Unde explicandus est SALLUSTII locus ex *Historiarum Lib. I.* apud PRISCIANUM *Lib. V.* *Occupatusque collis editissimus apud Hilerdam: & eum multa opera circumdata.* Et ut hoc obiter addam, *Ilerdæ* civis apud Græcos dicitur *Ilerdites*, teste STEPHANO in *Ilerda:* apud Latinos *Ilerdensis*, docente PLINIO *Lib. III. cap. 3.* & Inscriptione apud GRUTERUM *pag. 407. num. 6.*

4. *ILICI* etiam erat situm in loco edito ; ideoque ejus antiquus situs hodie dicitur *Alcudia* a voce Arabica *cudia* (præposito articulo) quæ significat *cerro*, ut videre est in *Dictionario Arabico* PETRI ALCALÀ. Adde ESCOLANUM *Lib. VI. Historiæ Regni Valentie cap. 19. num. 9. col. 163. & Lib. VIII. cap. 10. num. 4. col. 759. & ALDRE-TUM in Antiquit. Hisp. Lib. II. cap. 2. pag. 181. Ilici* dicitur hodie *Elche*, unde *Sinus Ilicitanus*, apud MELAM *Lib. II. c. 6. & PLINIUM, Lib. III. cap. 3.* sed de *Ilici* aliquando Deo volente justam Disputationem evulgabit frater meus & alter, ego JOHANNES ANTONIUS.

5. *Ilipa*, hodie, *Peñafior*, cujus nomen altitudinem designat. Atque hic locus est emendandi PLINIUM: nam *Lib. III. cap. 1.* ubi scribitur, *Ilipa cognomine Illa*, legi debet *cognomine Julia*, quo quidem cognomine plurima Hispaniæ loca olim gloriabantur, uti supra diximus. Gentilis dicitur *Ilipensis*, ut patet ex Inscriptione, quam affert NICOLAUS ANTONIUS in *Censura Historiarum fabulosarum, Lib. VI. cap. 2. n. 23. & ex nummo apud CARUM Lib. III. Chorograph. Hispal. cap. 11. fol. 98.* Distinguebatur autem *Ilipa* a *Julipa*, cujus gentile est, *Julipensis*, ut patet ex alia Inscriptione apud eundem NIC. ANTONIUM in *eodem cap. & in Biblioth. vet. Lib. VII. cap. 7. n. 120.* atque ab *Ilipula* etiam, quæ *Laus* apud PLINIUM

NIUM *Lib. III. cap. 1.* & ab *Ilipula minore* apud eundem *PLINIUM eod. cap.* Denique ab *Ilipone*, cujus gentile *Iliponensis* apud *GRUTERUM, pag. 351. num. 5.*

6. *ILITURGI* in edito loco situm descripsit *LIVIVS Lib. XXVIII. cap. 20.* ubi legimus qua arte *Scipio* illud expugnarit *A. Varroniano* ab u. c. *DXLVIII.*: meminit ejus *ANTONINUS* in itinere a *Corduba Castulone*, & *PLINIUS Lib. III. cap. 1.* ubi addit appellatum fuisse *Forum Julium*. Ad *Iliturgi* pertinet Inscriptio quam edidit *MURATORIUS Tomo II. novi Thes. Inscript. pag. ML. num. 9.* quæ depravatissima est.

7. Verum licet oppida memorata sita fuerint in locis editis; non tamen ideo affirmare aûsim, *IL* significare locum editum. Cum multa sint oppidorum nomina per hanc syllabam incipientia, quorum aliqua constat in planicie sita fuisse, & aliorum situs omnino ignoratur. Huc pertinet *Ilarcuri*, *Ilcubida*, *Ilcumo*, *Ilido*, *Ilergetum*, *Ileosca*, *Ilia*, cujus nomen, ut hoc obiter dicam, colligitur ex gentili *Ilienses*, quod reperitur in lapide *Astigitano* apud *GRUTERUM pag. 351. num. 5.* unde corrigenda est eadem Inscriptio male descripta apud eundem *pag. 305. num. 8.* quam depravatam esse admonuit *Occo pag. 4. num. 3.* atque hinc lucem accipit altera Inscriptio apud *GRUTERUM pag. 101. num. 3. & 4.* *Iliberris*, *Ilorci*, *Ilurbida*, *Ilurco*, *Ilurgi*, *Iluro*, & si quæ sunt alia

alia, de quibus singulis, si nobis esset agendum, initium, quantum cresceret hic noster Tractatus. Consulto autem omisi *Iliam* urbem a Rase confictam, & alias hujusmodi.

8. Quid igitur dicemus significare *IL*? Existimo origine Hebraica retenta denotare Turrim; quæ altum est edificium, plerumque quadratum, aut rotundum. Et profecto turrium usus in Hispania frequentissimus fuit, & adhuc est; quod antiqui, & recentes Historici testantur. Atque ut incipiamus ab auctore *de Bello Hispaniensi*, *Lib. VI.* sic ait: *Accedebat huc, ut longius bellum duceret Pompejus, quod loca sunt edita, & ad castrorum munitiones non parum idonea. Nam fere totius ulterioris Hispaniæ regio propter terræ fecunditatem, inopem, difficilemque habet oppugnationem, & non minus copiosam aquationem. Hic etiam habet propter barbarorum crebras excursiones omnia loca, quæ sunt ab oppidis remota, turribus, & munitionibus retinentur, sicut in Africa, rudere, non tegulis teguntur, simulque in his habent speculas, & propter altitudinem longe lateque prospiciunt.* Certe hic agitur de turribus Ulterioris Hispaniæ, quia ibi tunc beligerabatur. Sed idem dicendum est de universa Hispania, de qua *LIVIVS Lib. XXII. c. 19.* ita scripsit: *Multas, & locis altis positas turres Hispania habet: quibus & speculis & propugnaculis adversus latrones utuntur.* Idem confirmat *STRABO Lib. III. pag. 112.* Pos-

si-

sidoni testimonio alibi a me laudato. In similitudine Turrium comparat auctor de Bello Civili Hispaniam cum Africa. At vero in hac Enphratas turris memoratur a STRABONE Lib. XVII. pag. 575. Turris Tamalleni ab ANTONINO in itinere a Tucapi Leptim: Turris simpliciter ab eodem in itinere a Turri Caesaris Ciria. In Hispania Turrem Augusti laudavit MELA Lib. III. cap. I. Capionis munimentum ab eodem MELA memoratum est, la Torre de Chipiona. Turres etiam collocantur ab ANTONINO in itinere ab Emerita CaesarAugustam, quas aliqui volunt Carrioncillo. Turres idem memoravit in itinere ab Arelate Castulone. Turres Hannibalis in Africa, & Hispania celebravit PLINIUS Lib. II. cap. 71. quas idem appellavit Speculas Hannibalis, Lib. XXXV. cap. 14. docens videlicet Turrium usum, quem præter auctorem de Bello Hispaniensi, & LIVIUM antea laudatos, B. AMBROSIIUS extulit VI. Hexaemeron 9. his verbis: Latronum quoque caventur incursus, si exploratores in muris, in turribus sint locati, ut desuper spectent plana regionum, in quibus insidiæ latronum latere non possunt. Merito itaque AMMIANUS MARCELLINUS Lib. XXVIII. c. 6. Valentiniani providentiam laudavit. Nam Alemannis, & Francis persultantibus, hanc cautionem suscepit. At Valentinianus magna animo concipiens, & utilia, Rhenum omnem a Rhetiarum exordio ad usque Fretalem Oceanum.

cca.

ceanum magnis molibus communiebat, contra extolens altius, & castella, turresque adsiduas, per habiles locos, & opportunos, qua Galliarum appenditur longitudo. Sed quid externa loquor? Duravit hæc consuetudo ad hæc usque tempora. Nam Toparchæ solent habitare in Turribus, sive ædibus in Turrium forma ædificatis, ad sui suorumque tuitionem, iisque adjacere solent reliquæ domus. Plurimarum Turrium exempla, quas Jacobus Rex cognomento *Expugnator* Toparchis dedit, erudite conguessit EMMANUEL MARIANUS RIBERA in *Centuria Regii Militaris Institui Sodalicii B. Mariæ de Mercede Cent. I. §. 42. pag. 161. & seqq.* in quibus præter cæteras memorabilis est *Turris* dicta de *Espioca*, cujus meminit ESCOLANUS *Lib. VIII. Hist. Valentia c. 21. n. 11. col. 890.* Quapropter sicuti Celte Galli plurimis oppidorum nominibus vocabulum DVNVM adjecere; Hispani, sive Celte Hiberi vocem BRIGAM; Alemanni, BVRG; Mauri, BEN; & MEDINAM, cui respondent in Hispania PVEBLA, & VILLA, quæ in oppidorum nominibus frequentissime occurrunt: sic etiam antiquitus IL præpositum fuit, ut ædificia edita sive Turres significarentur: ut nostris temporibus similiter etiam contingere videmus in oppidis, *Torralva, Torrealta, Torrebaja, Torreblanca, Torrecilla, Torrechiva, Torreferrera, Torremocha, Torrellas, Torreja, Torrejon, Torrejoncillo, Torrijos, Torres,*
Tor-

Torrestorres, *Torreta*, *Torresomera*, *Torroles*, aliisque permultis, quæ denominantur a conditore, aut a loco, aut a flumine propinquo. Idque olim etiam contigisse credere debemus in oppidorum nominibus, in quibus *IR* invenitur.

CAPUT IX.

De mutatione vocis VR in IR, IRA, aut HIR, eadem significatione retenta.

SED redeamus ad nostrum *VR*, ut inde aliud iter ingrediamur. Ab *VR* facilis est transitus ad *IR*, vel *HIR*, vel *IIR*, quæ vocabula Hebraice idem significant, ac *civitas*, *urbs*, vel *oppidum*, teste ALPHONSO ZAMORA in *Dictionario*, fol. 115. col. 3. & BENEDICTO ARIA MONTANO in *Indice Biblico priorum Nominum*, & CAIR lingua Trojana *civitas*, ut JOHANNES CAJUS ex GERVASIO TILBERIENSI. SCIO SOLINUM cap. 26. scripsisse, *Pænos lingua sua Gaddir, id est, septum nominasse*. Sed quid impedit nos conjecturam nostram proferre, *Gadir* etiam significare posse *letam urbem*? *Hira*, & *Ira*, etiam significat civitatem, ut docet MONTANUS in *laudato Indice*, & si credimus HIERONYMO PUJADES *Lib. 1. cap. 14.* significat civitatem minorem. Ex *HIR* itaque fortasse dicta *Hiruela*, & postea *Horihuela*, sive *Orihuela*.

2. *IRIA* Vastorum lingua eandem habet significationem, uti testantur *ANDREAS POZA de Antiquo Idiomate Hispanorum* c. 6. fol. 19. pag. 2. fol. 20. pag. 1. & *BALTHASAR DE ECHAVE in Discursu antiquæ linguae Cantabrorum* fol. 36. pag. 1. Quamobrem *Iria Flavia* idem est, ac *Oppidum Flavium*, & sita fuit in *Ceporis*, qui recensentur a *PTOLEMÆO* inter *Callaicos Lucensios*, qui populi fuerunt *Hispaniæ Tarraconensis* *Lib. II. cap. 6.* ob rationem quam adducit *MORALES Lib. IX. cap. 7. fol. 233. litt. c.* cui subscripserunt *GUNDIZALVUS ARGOTE DE MOLINA in Nobilitate Andalusie. Lib. II. cap. 148. fol. 273. pag. 1.* *ECHAVE-SAUS laudato loco*, *JOSEPHUS PELLICERUS in Lectionibus Sollemnibus ad Ludovici Gongoræ opera* col. 668. Atque hinc colligitur, *Ainepiam* esse etymologiam deductam a *Killa Patronii*, & explodendum etiam, quæ in *Chronico Iriensi* deducitur a *Castro Hylio*, cui nomen dedit *Ylia Trojani Regis filia*. Quod si non est delirare, nescio profecto quid aliud erit. Non me latet *BERNARDUM ALDRETUM* causæ suæ servientem, Græcum etymon deducere tentasse *Lib. III. de Origine linguae Castellane cap. 3. pag. 297.* Sed initio memorati capitis ipse dixit periculosam rem se suscipere.

3. *AGIRIA* occurrit in *ANTONINI Itinerario*, in secundo itinere a *Laminio Caesaraugustam*, quæque mentio est singularis.

4. *LIRIA*, memorata a PTOLEMÆO *Lib. II. cap. 6.* ubi ait, *Edeta, quæ & Liria*. *Liria* igitur duo habuit nomina quorum unum fuit *Hedeta*, quæ nomen dedit Hedetanis; alterum, *Liria*, cuius meminit ALPHONSUS SARIENS in *Chronico Generali Hispaniæ*, fol. 523. & ad hunc usque diem permanet.

5. *IRUNA* (hodie Pamplona) teste OIHENARTO in *Notitia utriusque Vasconiæ*, *Lib. II. cap. 2. pag. 77.* Vasconum lingua idem est ac *Urbs bona*, atque hoc nomen occurrit in veteribus monumentis sexcentos circiter annos antequam OIHENARTUS flo- reret, qui scribebat anno 1637. Hæc etymologia docet, quàm inepta sit illa, quàm imprudenter finxit eruditissimus vir JOSEPHUS PELLICER, qui in nugacissimo *Apparatu ad Monarchiam antiquam Hispaniarum*, *Lib. II. num. 9. pag. 55.* scripsit: *a Pyrene Berycis filia vocatam fuisse Pyrenem, deinde Pyrinam, & tandem Irunam.* Nam notissimæ fabulæ novum figmentum non debuit addere contra præceptum Horatianum: & nemo unquam vel fabulando audivit *Pyrene*, *Pyrina*, esse urbium nomina.

6. Auctor anonymus *Quadringentorum Architalassi*, in *IV. Parte interrogationum Doctrinarum Moralium*, interrogatione 319. fol. 120. col. 3. ait:

Pamplona Martua llamarse solia.
Eodem modo vocaverat antea *Pompelonem*

MI-

MICHAEL VILLANOVANUS in *Notis ad Ptolemæum*, *Lib. II. cap. 6.* quæ appellatio nata fuit ex depravata lectione *Divisionis Wambæ* attributa, quæ *pag. 135.* apud LOATSAM sic habet: *Astures, & Vascones in finibus Cantabriæ crebro rebellantes, Wamba edomuit, & suo imperio subjugavit: Civitatem, quæ Cartua vocabatur, & Pampilonem ampliavit, quam Wambæ Lunam vocavit.* In quibus verbis *Cartua* distinguitur a *Pampilone*. Sed tamen imperitus aliquis hæc legens, *Cartuam* cum illa confudit, & fortasse in aliquo exemplari legebatur *Martua*.

7. Imperitius confictor dicæ *Divisionis*, qui Regem Wambam ait vocavisse *Pompælonem Wambæ Lunam*, scire debuit, Gothos nomina propria finita in *A*, ut *Egica, Tulga, Wamba*, sic declinasse, *Egicanis, Tulganis, Wambanis*, itaque eam nominasset *Wambanis Lunam*. Verum, & antiquum hujus urbis nomen est *Pompælo*: quam scripturam probat lapis inscriptus, quem edidit LUDOVICUS PONSIVS ICART in *Excellentiis Tarraconis*, *fol. 170. pag. 2.* ubi mentio fit *Sempronie Placidæ Pompælonensis*. AMBROSIVS MORALES qui Inscriptiones Tarraconenses ab eo se accepisse fatetur in *Antiquitatibus suis fol. 64. litt. A.* diphthongum omisit in eisdem *Antiquitatibus fol. 69. litt. C.* atque eum sequuti sunt Occo *pag. 33. n. 10.* CARUS *Lib. II. Antiquit. Hispal. cap. 16.*
fol.

fol. 78. pag. 2. MURATORIUS *tomo II. Novi Thesauri veter. Inscriptionum*, pag. 1073. n. 1. sed fidelius GRUTERUS pag. 325. n. 1. qui eandem Inscriptionem habuit a Clusio, & Schotti Schedis, quorum hic fuit oculus testis. Idemque GRUTERUS pag. 455. num. 11. diphtongum repræsentavit in alia Inscriptione Barcinonensi, quam a Schotto habuit, qui proculdubio etiam eam vidit. ANTONIUS AUGUSTINUS in *epistola ad Hieronymum Zuritam*, quæ legitur in *Progressibus Historiæ Regni Aragonum a DORMERIO editis*, fol. 397. col. 1. scribit, sibi videri legisse *Pompael.* cum diphtongo. Quod vero ait in nummo Pompælonensi legi *Pompe* inquirendum est. Prima igitur vocalis addi debet *Itinerario ANTONINI in itinere ab Asturica Burdigalam*, ubi *Pompelo* scribitur. Itemque PLINIO *Histor. Nat. Lib. III. cap. 3.* ubi *Pompelonenses* nominat. Scio STRABONEM *Lib. III. pag. III.* *Pompelonem* interpretatum fuisse *Pompeii urbem*; sed verbi sonitum, non veritatem sequutus est. Inscriptiones, quas edidit SANDOVALIUS in *Catalogo Episcoporum Pompælonensium*, fol. 2. & 3. sententiam hanc non infirmant: nam tabulæ quibus inscriptæ dicuntur, non comparuerunt, & earum stilus mihi suspectus est. Quare cum *Iruna* diceretur *Pompelo*; & sexto casu *Pompelone*, dicta fuit *Pampeluna* inclinante Latinitate: cumque Arabes caruerint littera p. vocarunt eam *Bambeluna*: &

L

ideo

ideo auctor *Divisionis* cerebrosam illam originem excogitavit. Illud quæri potest utrum nomen sit antiquius , *Pompælo* ne an *Iruna*? Crediderim illud , quia apud indigenas hoc prævaluit. Recentia autem nomina solent esse quæ prævalent.

8. *IRRUMBERI* etiam hodie *Lumbier* huc est referendum , & ut melius hoc intelligatur , sciendum est *PLINIUM* juniorem *Lib. III. epist. 5.* referre , avunculum suum *C. Plinium* nihil legisse , quod non exciperet. Jamdiu vero docti viri observarunt , notaruntque , ea quæ ex variis auctoribus excerpebat , litterarum ordine in *Adversaria* sua consuevisse conferre , ut facilius eadem reperire posset , cum usus exposceret. Ideo urbium , & oppidorum situs sæpenumero non locorum ordinato situ , sed alphabetica serie descripsit ; idemque fecit in herbis , gemmisque , quia multo expeditius sibi erat litterarum ordinem in rerum nominibus servare , quam rerum invenire , & custodire. Hinc lectoribus magna rerum confusio sæpissime oritur ; & plurimorum errorum causæ. Hanc vero utilitatem habet hic litterarum artificiosus ordo , ut de multorum vocabulorum scriptura , de qua alioqui essemus dubii , nunc certi simus. Idque evincitur in *Lumberitanis* , quos ipse *Lib. III. cap. 3.* nominavit inter *Lunenses* , & *Lacetanos*. Quod nisi ita consuevisset facere , proculdubio crederemus nominari debere *Ilumberitanos*;

nos ; nam Vasconum lingua *Irumberri* idem significat , ac *urbs nova* , Hispanè , *Villanueva* , quæ nunc dicitur *Lumbier* , absque tertia vocali initiali , ut videre est apud SANDOVALIUM in *Catalogo Episcoporum Pompelonensium* , fol. 3. col. 3. & OIHENARTUM *Lib. II. de Notitia utriusque Vasconiae* , cap. 2. pag. 90. Neque novum est , tertiam vocalem initialem adimi propriis locorum nominibus , ut variis exemplis manifestum faciam. Sic quæ PTOLEMÆO *Lib. II. cap. 6* , dicitur *Iaspis* , & in Contestanis ponitur , nominatur *Aspis* ANTONINO in itinere ab *Arelate Tarraconem* , & hodie dicitur *Asp* , ut recte observavit PETRUS JOHANNES NUNNESIUS in *Explanationibus ad Dionysium Afrum de Situ Orbis* , quem sequitur ESCOLIANUS *Lib. VI. Historiæ Regni Valentiae* , cap. 9. num. 12. col. 67.

9. *Ibalsa* , quæ bis ita nominatur a Marciano Heracleota in *Lusitaniæ periplo* , dicitur *Balsa* POMPONIO MELÆ *Lib. III. c. I.* & a PLINIO *Lib. IV. cap. 2.* qui ibidem memorat *Balsenses*.

10. *Igletes* qui dicuntur STRABONI *Lib. III. pag. 115.* ab HERODORO *Lib. X.* quem de *Hercule* scripsit , dicuntur *Gletæ* , positi inter Cynetes , & Tartesios Aquilonem versus tendenti , ut videre est apud STEPHANUM BERKELIANUM in *v. Iberiæ* , & *v. Gletes* , & apud CONSTANTINUM PORPHIROGENETAM de *Administr. Imperii c. 23.*

Idem STEPHANUS nominavit eos *Tletas* ex Hecataeo, errore nato ex permutatione T in T.

11. *Ileosca*, quæ sic appellatur a STRABONE *Lib. III. pag. III.* & corrupte *Eto-sca* a VELLEJO PATERCULO *Lib. II. c. 30.* *Oscæ* dicitur a reliquis scriptoribus, observante AMBROSIO MORALE, *Lib. VIII. c. 19.* conjecturam ejus confirmante PLUTARCHI testimonio in *Sertorio pag. 333.* ubi antequam Sertorii occisionem narraret, *Oscam* nominavit.

12. *Ilicitani* qui gentiles sunt *Ilici*, dicuntur *Licitani* a PAULO l. 8. *de censibus.*

13. *Indara* Sicanorum urbs de qua THEOPOMPUS apud STEPHANUM in *Indara*, nominatur *Dera* apud eundem in hac voce. Male autem ISAACUS VOSSIUS ad MELAM *pag. 189.* ubi in AVIENI *Ora Maritima* PETRA MELIANI §. 474. legebatur:

Prima eorum (sc. Hiberorum) *civitas*

Ilerda surgit,

ipse legit *Idera*, Sicanorum urbs, cujus situs incertus est.

14. *Iturissa* sic dicta a POMPONIO MELA *Lib. III. cap. 1.* & PTOLEMÆO *Lib. II. cap. 6.* *Turissa* nominatur ab ANTONINO in itinere ab *Asturica* *Burdigalam*, de cujus situ videndus est OIHENARTUS in *Notitia utriusque Vasconie* *Lib. II. c. 2. pag. 87.*

CAP. X.

*De mutatione vocis UR in BURG, BERG,
aut BORG, cum eadem significa-
tione.*

1. **Q**UOD si longius has origines deducere volumus, ab UR venit BURG, ab hoc BURGVS, & mutata U. in E. BERG, & in O, BORG.

2. Venit inquam BURG, vox Germanica, quæ lingua, ut constans est eruditorum opinio, plurimas habet Hebraicas dictiones. Neque hoc mirandum est, cum linguæ, quò antiquiores sunt, eò propius ad originem suam accedant. Constat autem Hebraicam cæterarum esse matrem. Equidem *Aciburgum* legimus apud TACITUM *de moribus Germanorum*, cap. 3. & *Eliburgam* apud STEPHANUM. Fuit autem *Eliburga*, urbs Tartessi auctore Hecatæo in Europa. Gentile *Eliburgius*.

3. A BURG dictus est BURGUS, quem VEGETIUS *Lib. IV. cap. 10. castellum parvum* interpretatur; & AMMIANUS MARCELLINUS *Lib. XXVIII. turrim*. Inde Glossæ CYRILLI πύργος, turris, bugus, ubi Burgus legendum. *Burgorum* meminit lex eum 6. Cod. *de fundis rei privatæ*, & saltibus *divinæ domus*, quæ desumpta est ex lege actiones 2. Cod. *Theod. de his, qui conditio-*

nem propriam reliquerunt ; & lex in nomine 2. §. & omnes 4. de offic. Præf. Præt. Africæ. *Burgarii* a *Burgis* dicti sunt , de quibus laudatus *Isidorus* , & ante eum *l. un. Cod. Th. de Burgariis* , quæ lex ad Hispanias pertinet , ut intelligamus hos *Burgarios* , quos hodie dicimus *Torreros* , & *Guarda costas* , per antiquos esse in ora maritima ; & eos , qui turri , sive castello præsunt , *Castellanos* appellamus.

4. Falso *FRANCISCUS SANCTIUS BROCENTIS* in *Minerva Lib. I. cap. 7. Burgum* a *πύργος* derivavit. Verum ex dictis constat quare *pyrgus* diceretur turris lignea in modum medii facta , quæ in parte aveoli hærebat , in summo aperta , & gradus intus excisos habens , in imo vero foramen , quo thesseræ effundebantur in tabulam , ut explicavit *SALMASIUS* in *Solinum* , pag. 70. Cum autem *Burgis* persæpe domus accesserint ; mirandum non est aliquas urbes appellari *Burgos* : inter quas forte *Bursada* numeranda est , quæ olim sita in *Celtiberis* , auctore *PTOLEMÆO Lib. II. cap. 6.* Hinc apud *RUDERICUM TOLETANUM* in *Historia Arabum* , cap. 9. *Burgus Sancti Justi* est omnibus notissima *Alcalá de Henares* , ædificata ex antiqui *Compluti* ruinis , ut docet *JOSEPHUS PELLICER* in *Syncello* , pag. 281.

5. Alia est *Byrsæ* etymologia , quæ ita dicta fuit a *Poenis* Africæ occupatoribus. Venit enim a *Botsra* , quam vocem *Syri* , & Ara-

Arabes *Busra* pronunciant , & significat *ar-*
cem. Ideoque apud ISAIAM *cap. XXXIV. v.*
6. & AMOS *cap. I. v. 12.* Idumæorum
Byrsæ fit mentio. Atque eadem est ac illa
 quam memoravit AMMIANUS MARCELLINUS
Lib. XIV. cap. 27. & Anonymus a Gotho-
 fredo editus , & est hodie *Basora* , quam
 juxta flumina Tigrin , & Euphratem collo-
 cat PETRUS TEIXEIRA *Lib. II. Relationum*
Regum Persarum, cap. 2. Alterius etiam *Bos-*
ræ civitatis Moabitarum fit mentio IERE-
 MIÆ *cap. XLVIII. v. 24.* Cum autem
Byrsa Grece corium significet (atque hinc
 venit Hispanum *bolsa*) inde fabula orta tau-
 rini tergi , cum agebat Dido de Carthagine
 condenda apud VIRGILIUM *Lib. I. Æneid.*
v. 371.

Mercatique solum , facti de nomine Byr-
sam

Taurino quantum possent circumdare ter-
go ,

uti recte admonuit JOSEPHUS SCALIGER in
notis ad Berosi fragmenta , pag. 28. cujus
 observationem cum ignoraret eruditissimus
 ALDRETUS *Lib. II. de Antiquit. Hispaniæ*
cap. 2. pag. 189. eam adjudicavit JOHAN-
 NI MARIANÆ in Scholiis *ad Genes. c. XXXV.*
v. 22.

6. Mutata U. in E. idem significat BERG,
 ut videre est in *Iseberg* ; quo fortasse per-
 tinet *Bergidum Flavium* , cujus fecerunt men-
 tionem PTOLEMÆUS *Lib. II. cap. 6.* AN-

TONINUS in tribus itineribus a Bracara Asturicam, & Inscriptio apud APPIANUM pag. 16. MORALEM in *Antiquit. fol. 65. pag. 1.* OCCONEM pag. 31. n. 2. GRUTERUM pag. 478. num. 2. HIERONYMUM PUJADES in *Chronico Cataloniae Lib. IV. cap. 24. f. 165. col. 4.* & NARCISUM FELIUM in *Annal. Cataloniae Lib. VI. cap. 7. pag. 112.* quanquam BERG etiam significare solet *Montem*, ut apparet in *Bergia Flandriae*, vulgo *Mons*.

7. *Birtha* etiam significat *arcem*, quod exemplis ex Sacra Scriptura petitis probat, & illustrat ALDRETUS in *Antiquit. Hispaniae Lib. II. cap. 2.*

8. BORG, etiam significat Arabice *turrim* teste PETRO ALCALÀ in *Vocabulista*, & FRANCISCO TAMARIQ, pag. 262. *Compendii aliquorum vocabulorum Arabicorum, quæ in lingua Castellana introducta sunt*, quod edidi in secundo volumine de *Originibus linguae Hispanæ*. Adde ESCOLANUM *Lib. VII. Historiæ Regni Valentiae, cap. 4. num. 5. & cap. 5. num. 7.* unde in Regno Valentiae *Alboraya*, & *Burjasot*, e quo oppido certo fidorum generi apud Italos, inditum nomen *Brogiotto*, non a *Borgia*, ut voluit ÆGIDIUS MENAGIUS in *Originibus Linguae Italicae v. fico*. Inde etiam *Alberge*, patria doctissimi viri Martini Vazquii Siruelæ præposito articulo Arabico *al*, & addita finali *e*, quæ frequentissima est terminatio Castellandarum vocum.

CAP.

CAP. XI.

*Dubitatur quæ gens in Hispaniam introdu-
xerit vocem UR; statuiturque investigan-
dum esse per Advenarum Colonias,
& eorum linguas.*

I. **H**IS ita constitutis, investigemus
qua ratione vox UR, quæ ori-
ginem habet ab Hebraica lingua, tam longe
lateque in Hispania propagata fuerit, cum
necesse sit scire prius, quomodo in eam
pervenerit: aliunde autem certissimum vi-
deatur, Hebræos in Hispaniam non venis-
se donec per orbem dispersi fuerunt post Hie-
rosolymitanam, & postremam illam Betha-
ramam cladem: de quibus consulendi sunt
CELSUS apud Originem *Lib. VIII.* in fine,
TERTULLIANUS *adversus Judæos cap. 15.* &
in *Apologetico, cap. 16.* EUSEBIUS in *Chro-
nico, & in Historia Ecclesiastica Lib. IV.*
cap. 2. & 6. & GREGORIUS NAZIANZENUS
Orat. 12. Oracula scilicet Divina eventum
habuerunt ad manifestandum horribile sup-
plicium ob occisum humani generis Servato-
rem. Non enim Judæi cum Nabucodonoso-
re in Hispaniam venerunt, ut suadere vo-
luit MEGASTHENES, scriptor mendacissimus
apud STRABONEM *Lib. XV. pag. 472.* ubi le-
gitur, magis etiam quam Herculem usque
ad Columnas pervenisse, subscribente Ju-

LIANO PETRI, qui mirifice incrustavit hoc mendacium. Sed *credat Judæus Appella, non ego*. Addo neque Judæorum aliquam multitudinem venisse cum Herode Antipa; licet enim exsul in Hispaniam advenerit A. *Æræ Christianæ* 37. ut refert JOSEPHUS *de Bello Judaico*, Lib. II. cap. 9. illius comitatus non fuit hujusmodi, ut aut linguam Hebraicam introducere, aut Coloniam aliquam posset constituere. Denique nulla mentio Judæorum in Hispania existentium observatur nisi post Concilium Iliberritanum. Vox igitur UR per alios quàm Hebræos ad nos pervenit: & per eos quidem, qui in Hispania longe lateque dominati sunt, a quibus tot oppida, & urbes acceperunt nomina. Cui difficultati expediendæ ego ita existimo occurrere posse.

2. Ante omnia scire oportet quæ Nationes in Hispaniam venerint, quas Colonias instituerint, quæ nomina eis imposuerint: quæ posteaquam distincte, & clare proposuerimus; manifeste apparebit, cujus Nationis sint eæ Coloniae, quarum nomina incipiunt per UR, aut in hanc desinunt terminationem aliquando cum aliqua productione, aut mutatione, pro cujusque idiomatis ratione, & analogia.

3. Qui primi Hispaniæ cultores, habitatoresque fuerint, omnino ignoratur. Unde advenerint etiam nescitur. Verisimile tamen est ex Asia profectos, paullatim processisse.

Vo-

Vocemus eos *Hispanos antiquissimos*, ut a reliquis advenis illos distinguamus; etsi *Hispaniæ* nomen multo sit recentius. Sed aliquod nomen eis attribuendum est.

CAP. XII.

De præcipuis Nationibus quæ in Hispaniam advenerunt: & primum dubitatur an Iberi adnumerandi sint.

1. **I**N universam Hispaniam *M. Varro* pervenisse *Iberos*, & *Persas*, & *Phoenicas*, *Celtasque*, & *Pœnos* tradit apud *PLINIUM Lib. III. cap. I.* His addendi sunt *Græci*, *Romani*, *Gothi*, *Arabes*. De singulis ordine proposito videamus, ab *Iberis* incipientes.

2. *APPIANUS ALEXANDRINUS* in *Bello Mithridatico* tres opiniones refert. Prima est eorum, qui putant, *Iberos Asiaticos* esse colonos *Eutopæorum*, hoc est, *Hispanorum*. Secunda putantium contra, hos illorum. Tertia nomen tantum utrisque commune, cum nec in lingua sit quicquam simile, nec in moribus.

3. Primam opinionem, ut vidimus, retulit *Varro* apud *PLINIUM Lib. III. cap. I.* nullo auctore allegato in re antiquissima. Contrariam opinionem valde prædicavit *Democritus*, aliique *Philosophi*, qui inter alias gentium peregrinationes, ad majorem admi-
ra-

rationis vacuitatem parandam , quæ a stupore , ac perturbationibus liberat , referebat , *Iberos Occidentales in loca ultra Pontum , & Colchidem commigrasse* , ut ait STRABO *Lib. I. pag. 42.* Et si vera est lectio Rufi Festi Avieni , quam edidit Cl. vir Petrus Mellian , Poeta ille in *Descriptione Orbis Terræ* hanc opinionem confirmavit ita scribens a v. 892.

*Caspinam late terram superabluit unda
Euxinique subest tergum Salis , asper Iberus*

Hic agit : hinc olim Tyrrhenide pulsus ab ora

*Cespitis Eoi tenuit Sola : ceu vaga sæpe
Fors rapit exactos.*

Ubi oram Hispanicam nominasse videtur Tyrrhenidem : quod mirum non est , cum idem mare dicatur etiam *Tyrrhenum*. Certe Latinus Pacatus in *Panegirico* dicto Theodosio Augusto , de Hispania loquens , *cap. 4.* ita scripsit : *Quæ hinc Pyrenæis montibus , illinc Oceani æstibus , inde Tyrrheni maris litoribus coronata naturæ sollertis ingenio velut alter orbis includitur.* Et disertius OROSIUS Hispanus *Lib. I. cap. 2.* ita scripsit : *Europæ in Hispania Occidentalis Oceanus terminus est , maxime ubi apud Gades insulas Herculis Columnæ visuntur , & Tyrrheni maris faucibus Oceani æstus immittitur : & inferius eodem cap. Hispania universa terrarum situ trigona est , & circumfusione*
Ocea-

Oceani, Tyrrhenique pelagi pene insula efficitur, & paullo post Hispania Ulterior habet ab oriente Vaccæos, Celtiberos, & Oretanos, a septentrione Oceanum, a meridie Gaditanum Oceani Fretum: unde mare nostrum, quod Tyrrhenum vocatur, immittitur. B. PAULINUS Poemate X. ad Ausonium, Hispaniam laudans, v. 234. & seqq. ita cecinit:

*Quid numerem egregias terras, & moenibus
urbes,*

*Qua geminum felix Hispania tendit in æ-
quor,*

*Qua Bætis Oceanum, Tyrrhenumque auget
Hiberus,*

*Lataque distantis pelagi divortia complet,
Orbe suo finem ponens in limite mundi?*

Ubi tertium versum sic restituit MURATORIUS ne in syllabam peccetur:

*Qua Bæti Oceanum, Tyrrhenumque auget Hi-
bero.*

& antiquum epigramma apud GRUTERUM, pag. 690. num. 5. sic ait:

*Illic unde Tagus, & nobile flumen Hibe-
rus*

*Vorsum ortus, vorsum occasus, fluit al-
ter & alter*

*Stagna sub Oceani Tagus, & Tyrrhenica
Hiberus.*

Hinc apparet jure optimo Tarraconem in nummis Tyrrheniam dici, quo etiam modo vocavit eam AUSONIUS ad PAULINUM e-
pist.

pist. XXIV. §. 88. & STEPHANO BYZANTINO, *Gymnesiæ*, id est, Baliares, sunt, *duæ insulæ circa Tyrrheniam*, id est, Tarraconem, nam si intelligeretur *mare*, non dixisset *circa* sed *in*. Atque hinc lucem accipit RUDERICUS TOLETANUS *Lib. III. cap. 20.* cujus hæc sunt verba: *Abaris, & Succaris, quæ oriuntur in territorio Segontinensi Toletanæ Provinciæ in Rhenum retentis nominibus dilabuntur.* Ubi *Abaris* est *Turia* flumen, quod vocamus *Guadalaviar*, ab Arabica dictione *abiat*, quæ album significat, & articulo præpositivo *al*, cui anteponitur *guid*, id est, flumen, ut dicatur *Guid-al-abiad*, unde nostrates suavius, *Guadalaviar*, quasi dixeris, *flumen aquarum albarum*. Notum autem est Turiam nasci prope Sucronis fontes, ut admonuit ESCOLANUS *Lib. VII. Hist. Regni Valentiae, cap. i. n. 6. col. 276. & Lib. VI. cap. 24. num. 6. col. 214.*

4. Præcedentia testimonia confirmare videntur, qui ajunt, Hiberos Hispanos cognominatos fuisse ab Hiberno amne, ut JUSTINUS *Lib. XLIV. cap. i.* LUCANUS *Lib. IV. §. 23.* CHARAX PERGAMENUS laudatus a CONSTANTINO *de Administrando Imperio, cap. 24.* PLINIUS *Lib. III. cap. 3.* SOLINUS *cap. 26.* VIBIUS SEQUESTER *de Fluminibus*, STEPHANUS BYZANTINUS *v. Iberia*, PHILOSTORGIUS CAPPADOX *Lib. IX. c. 17.* SERVIUS *ad Lib. XI. Æneid. §. 913. S.*
HIE-

HIERONYMUS in *Isaiam* cap. 66. Q. CURTIUS *Lib. X. cap. 1.* S. ISIDORUS *Etymol. Lib. IX. cap. 2.* NICEPHORUS CALLISTUS *Lib. XII. cap. 1.* AMMIANUS MARCELLINUS *Lib. XXIII. pag. 270.* Et si fabulæ nuntantur aliqua veritate Historica, adjungi potest argumentatio a pari. Nam si Albani Itali Herculem sequuti Geryone extincto in Hispania, condiderunt Albaniam, ut refert JUSTINUS *Lib. XLII. cap. 3.* etiam eum sequi potuerunt Hiberi Hispani, & condere Iberiam Asiaticam. Illud certum est, apud HERODOTUM Historiæ parentem antiquiorem esse mentionem Hiberorum Hispanorum quam Asiaticorum, cum nostram mentionem fecerit agens de Phocensium in Hispaniam adventu *Lib. I. cap. 163.* sexcentis videlicet annis ante Jesu Christi natalem.

5. Sed tamen ex his duabus opinionibus neutra mihi placet. Prima enim nulla ratione probari potest, verisimilius esse Iberos Asiaticos Colonias in Hispaniam deduxisse, quam Hispanos in Asiæ Provinciam, quæ nunc dicitur *Georgia*, & antiquitus, *Iberia*. Nam solum considerare orbem terrarum incolæ coeptum ab oriente ad occidentem, hoc concedi debet necessarium fuisse in primis gentium divisionibus; & concedi potest plerumque contigisse in transmigrationibus per mediterraneum factis, non vero per navigationes, quæ liberiores sunt, quæque fieri non possunt ubi oræ maritimæ non sunt;

&

& ubi sunt, longiores esse possunt: ut taceam Historiam non esse rerum quæ videntur verisimiliter contigisse per rationem aliquam generalem; sed earum rerum, quæ vere contigerunt. Et vero scire cupio, navigandone, an itinera terrestria peragendo, Iberi Asiatici in Hispaniam venerint? Per mare vix credi potest ob navigationis difficultatem iis temporibus, quibus genus humanum longe lateque propagatum, divisumque in regiones innumerabiles, montibus, fluminibus, imperiis, linguis, moribus, legibusque distinctas, nihil minus curabat, quam navigationem; & si quam suscipiebant aliquæ nationes (perpaucae quidem) eam brevissimam peragebant; quia nauticæ acus usum nullo modo agnovere, saltem illæ quæ a prima gentium divisione multis sæculis distabant. Multo minus per continentem venerunt, cum adeo inter se distarent, & orbis terrarum plenus esset tot nationibus barbaris, feris, & a commercio alienis. Præterea Iberi Asiatici adeo ignoti fuerunt, ut prima, & antiquior illorum mentio sit ea, quæ apud Herodotum occurrit tempore Cyri, qui regnare coepit 557. annos ante Nativitatem Christi. Et Romani, quorum imperium latissime patuit, Iberos non agnoverunt usque ad Bellum Mithridaticum, de quo FLORUS *Lib. III. cap. 5.* Quid hæc miramur, cum ipse Herodotus, Historiæ parens, & ætate sua omnium Græcorum sapiens

pietissimus *Lib. IV. cap. 45.* aperte fateatur, Europam a nemine investigatam esse, neque qua ad orientem, neque qua ad aquilonem vergit, an mari *claudatur*. Ipse autem scribebat initio Belli Peloponesiacci, & ob præelectam suam Historiam corona donatus est Olympiadis 83. anno 3. u. c. 311. ante Christi Natalem 443.

6. Itaque quod PLINIUS memorat de Iberorum in Hispaniam adventu æque falsum videtur ac quod Democritus dixit de Iberorum Occidentalium migratione in loca ultra Pontum, & Colchidem. AVIENI autem testimonium facile eludi potest: nam ubi MELIANUS edidit *Tyrrhenide pulsus ab ora*; NICOLAUS ANTONIUS in *notulis* ad hunc Geographum, & Marchio Mondexarensis in *notatiuncula* marginali quam habeo ego ejus manu scriptam legerunt, *Pyrenide* & merito: nam, ut ego existimo, AVIENUS, ut sæpe alias, Dionysium Afrum descripsit, qui interprete Prisciano, vel ut voluit PETRUS JOHANNES NUNNESIUS, *Rhamnio Fannio Grammatico*, §. 684. ita scripsit:

Diffusus spatium per longum panditur Isthmos;

Quem juxta terras habitant orientis Iberes,

Pyrrhenes quondam celso qui monte relicto

Huc advenerunt Hyrcanis bella ferentes.

Ubi DIONYSIUS AFER ait, Iberos Orientales inimicos Hyrcanorum descendisse ex mon-

M

te

te Caucasos, & coloniam deduxisse in Regionem, quam nunc dicimus *Georgiam*. Caucasum autem Dionysius nominavit *Pyrenæum*: quemadmodum Seneca montem, qui hodie dicitur *Brennet* in *Consolatione ad Helviam*, cap. 6. & *PLINIUS* in *Trajanæ Panegyrico* cap. 14.

7. Tertia igitur opinio ab *APPIANO* relata est vera. Et licet facile concedam, fabulosam esse narrationem, quam apud *TACITUM* *Lib. VI. Annal. cap. 34.* *Iberi* Asiatici referebant, *se Thessalis ortos qua tempestate Jason post avectam Medæam, genitosque ex ea liberos, inanem mox regiam Aetææ, vacuosque Colchos repetivit*: tamen hoc arguit, ipsos *Iberos* originem suam ignorasse. Uniformitas vocis ex eo provenire potuit, quod utrisque aptata fuerit ob significationis proprietatem. Quod facile apparebit, si animadverterimus, nomen *Iberus* significare idem ac qui ultra habitat, sive habitet ultra mare, aut amnem, sive ultra montem, ut colligi videtur ex *STRABONE* *Lib. III. pag. 114.* & *PLUTARCHO* in *Marcello* *pag. 299.* atque hoc sensu *Georgiani* sunt *Iberi*, hoc est *ultramontani*; & *Hispani* etiam respectu *Celtarum Galliarum*: & vocabulum *Iberus* est *Celticum*. Quod si hæc alicui displiceant, scire debet esse posse aliam hujus vocabuli originem, quam *STRABO* *Lib. XI. pag. 343.* indicavit ita scribens: *Ajunt apud hos (Iberos Asiaticos) etiam aurum*

rum deferri a torrentibus , idque barbaros excipere alveolis perforatis , & velleribus lanosis : unde etiam aurei velleris exstiterit fabula : nisi forte Iberos occiduis Hiberibus (qui Hispani sunt) cognomines vocant , ob auri utrobique metalla. Et si hoc aliter se habet, profitens me ignorare hujus vocabuli significationem , dicam rem esse fortuitam vocabulum esse idem in tam dissitis locis , ut evenit in mille aliis , quin alia ab aliis dependeant. In cujus veritatis confirmationem duo exempla afferam.

8. Ecce primum. Iberi Asiatici habitant hodie regionem , quæ *Georgia* nominatur : & Angli apud Indos Coloniam habitant recentissimam ejusdem nominis. An igitur quia nomina sunt eadem , dicemus Iberos Asiaticos condidisse *Georgiam* Anglicam , aut Anglos Asiaticam ? nomina quidem sunt ejusdem soni , sed diversarum originum , ut notissimum est.

9. Secundum exemplum est hoc. Nomen *Simon* , hebraicum est , ut omnes sciunt. Christi Religione propagata per omnem orbem Christianum , nomen illud extensum fuit : & cum in Hispania , posteaquam a Mauris expugnata fuerat , in ejus locum substituta fuerunt nomina , *Eximinus* , *Sciminus* , *Eximenus* , *Scimenus* , unde Hispanum prænomen , *Gimeno* , & per apocopem , *Gimen* ; mulieres etiam vocatæ fuerunt , *Eximina* , *Scimina* , *Ximena* : & cum frequen-

tissimum fuerit ; communicatum fuit oppidis , & nominatim Villæ , (hoc est oppido magno , nam in Hispania coloniarum gradus hi sunt , *aldea* , *oppidum* , *villa* , oppidum inter vicum , & urbem ; *ciudad* , civitas , sive urbs.) Villæ , inquam , quæ sita est inter Rondam , & Calpen , hodie *Gibraltar*. In Ponto Euxino etiam est regio vocata *Ximena* prope Amasæam , patriam STRABONIS Geographorum principis , qui ejus meminit *Lib. XII. pag. 386*. An idcirco dicemus Ximenios Ponticos colonos fuisse Ximenæ Baticæ ?

10. Ex dictis colligitur difficillimum videri , Iberos Asiaticos in Hispaniam pervenisse , & dedisse nomen amni celeberrimo , a quo Hiberia vocata dicitur. Sed licet concedamus venisse ; nemo probabit coloniam aliquam deduxisse : nam Municipium *Hibera* eandem interpretationem accipit , ut videlicet intelligatur esse urbs *ultra amnem* sita. Vel potius dicendum est ab amne nomen accepisse. Et vero si immorari diutius vellemus in hoc argumento , quæreremus etiam an fluvius *Arago* qui Aragonibus nomen dedit , dederit etiam *Arago* , Iberiæ Asiaticæ fluvio de quo STRABO , *Lib. XI. pag. 345*. sed cum babeant eundem sonitum , licet longe diversam originem ; non vacat in hujusmodi rebus tempus absumere ; præsertim cum *Aragoniorum* nomen ante VI. Justinii Imperatoris annum non legatur,
de

de quo vide Johannem Biclarensem , de
cujus lectione etiam dubitatur.

CAP. XIII.

An Persæ in Hispaniam advenerint.

I. **A**IT VARRO apud PLINIUM *Lib. III. cap. 1. Persas in Hispaniam pervenisse.* Quod fabulosum censeo. Hæc enim opinio originem habere videtur ex eadem illa quam Afri habuerunt de Herculis in Hispaniam adventu , comitantibus cum multarum nationum gentibus , & nominatim Persis. Audiamus SALLUSTIUM *de Bello Jugurthino cap. 21. Posteaquam in Hispania Hercules , sicuti Afri putant , interiiit : exercitus ejus compositus ex variis gentibus , amisso duce , multis sibi quisque imperium petentibus , brevi dilabitur. Ex eo numero Medi , Persæ , & Armenii , navibus in Africam transvecti , proximos nostro mari locos occupavere. Verum continuo subjungit, Sed Persæ intra Oceanum magis : iique alveos navium inversos pro tuguriis habuere : quia neque materia in agris , neque ab Hispania emendi , aut mutandi copia erat. Mare magnum , & ignara lingua commercium prohibebant. Si Oceanus igitur , & linguæ ignoratio , commercium prohibuerunt ; qui fieri potuit , ut in Hispaniam Persæ advenerint , & in eam colonias deduxerint*

præsertim cum ipse adventus Herculis inter fabulas connumerari debeat? Nam idem PLINIUS qui ex M. Varrone retulit, *Persas in Hispaniam pervenisse*; continuo hæc subiunxit. *Lusum enim* (vetusti codices STRABONE teste *Lysam* habent) *Liberi Patris, aut Lysiam cum eo bacchantem nomen dedisse Lusitanie, & Pana Præfectum ejus universæ* (Hispaniæ): at (omnino legendum puto, ac, ut præcedentia cum sequentibus secundum Grammaticæ regulas connectantur) *quæ de Hercule, ac Pyrene, vel Saturno traduntur, fabulosa imprimis arbitror*, atque ita PLINIUM intellexisse videtur MARCIANUS CAPELLA, qui *Lib. VI. cap. de divisione Terræ*, ita scripsit: *Bætica a septentrionali confinio Lusitania sociatur, cui nomen fabula a Lusu* (legendum *Lysa*, aut *Luso*) *Liberi Patris, vel cum eo Bachantium sociavit*. Qua igitur ratione fit, ut in Vasconum lingua multa vocabula videantur esse eadem ac Persica? Eâdem scilicet, qua videntur alia, Hebraicis similia. Nimirum Populi montani, & inaccessi, tenacius quam alii priscam linguam retinuerunt: linguæ autem quò vetustiores sunt, eò similiores, quia omnes ex una provenerunt, divinitus, ut credere par est, solummodo confusis vocabulis, quæ societati in Turri Babylonica retinendæ inservire poterant. Et quid prohibet, quominus dicamus, olim fuisse aliquam linguam, quam illi qui illam loquebantur,

vi-

victoriis suis longe lateque propagarunt, ut credi potest de Scythica, ita suadente E-
 LICMANO apud SALMASIUM *epist.* 49. Equi-
 dem Indi a Scythis oriundi, & propterea di-
 et *Indo-Scythæ* plurima Scythica vocabula re-
 tinent: & in recenti Persarum lingua con-
 servantur voces illæ quas CTESIAS memorat,
 observante SALMASIO ad Severi Sulpicii *Sa-
 cræ Historiæ Lib. II. pag. 304.* An dicemus
 Sidonios a Persis victos, ut testatur MELA
Lib. I. cap. 12. Persicas voces in Hispaniam
 invexisse? Utut autem sit, in Hispania nul-
 lam Persarum agnoscimus Coloniam, nisi
 forte quis ad eos velit referre Amanum Por-
 tum, de quo PLINIUS *Lib. IV. cap. 20.* &
 de Amano, sive Sole, Persarum Deo, ali-
 quid conjicere velit. Sed non vacat in his
 tempus terere.

CAP. XIV.

*De Phœnicum in Hispaniam adventu, &
 de illorum Coloniis.*

1. **F**Abulis igitur rejectis, operæ pre-
 tium faciemus, si ordine tem-
 porum servato, de nationibus antiquissi-
 mis quæ in Hispaniam colonos adduxerunt,
 verba fecerimus, ea quæ sparsa sunt, diligen-
 ter colligentes: Incipiamus igitur a Phœ-
 nicibus.

2. PLINIUS *Lib. V. cap. 12.* ita scripsit:

M 4

Sy-

Syria litus occupat, quondam terrarum maxima, & pluribus distincta nominibus. Namque Palæstina vocabatur, qua contingit Arabas & Judæa, & Coele; dein Phœnices: & qua recedit intus, Damascena: ac magis etiam num meridiana, Babylonia. Et eadem Mesopotamia inter Euphratem & Tigrim: quaque transit Taurum, Sophene: citra vero etiam Comagene. Et ultra Armeniam, Adiabene, Assyria ante dicta: & ubi Ciliciam attingit, Antiochia. Deinde post Syriæ dimensionem addit. Qui subtiliter dividunt, circumfundi Syria Phœnicen volunt, & esse oram maritimam Syriæ, cujus pars sit Idumæa, & Judæa; deinde Phœnicæ, deinde Syria. Id quod projacet mare totum, Phœnicium appellatur. Ipsa gens Phœnicum in gloria magna litterarum inventionis, & siderum, navaliumque, ac bellicarum artium. Ad Phœnicen vero quod attinet, consonat SCYLAX CARYANDENSIS, qui in Periplo agens de Syria, & Phœnice, ait: Syriæ vero tractum littoralem habitat Phœnicum natio.

3. Phœnicia ita dicta fuit ab ejus conditore Phœnice Cadmi fratre, qui, ut ait B. ISIDORUS *Etymol. Lib. XIV. cap. 3. de Thebis Ægyptiorum in Syriam profectus, apud Sidonem regnavit, eamque provinciam ex nomine suo Phœniciam appellavit.* Adde Pindari Scholiasten, & STEPHANUM in Phœnice. Hoc nomen in Sacris Litteris ignotum est,

est, ubi Phoenice comprehenditur sub terra Chanaan. Chananæorum autem termini erant Sidon ejusdem regionis urbs princeps; & Gaza, ut narratur *Genes. cap. 10. v. 19.* HERODOTUS *Lib. 11. cap. 104.* Phoenices & Tyrios in Palæstina collocavit. Idem *Lib. VII. cap. 89.* dixit, *Phœnicas cum Syris Palæstinam incolere*: & paullo post adjunxit: *Hi Phœnices (ut ipsi memorant) quondam mare rubrum accolebant. Illinc transgressi maritima Syriæ habitant. Is autem tractus Syriæ, & quicquid Ægypto tenus est, Palæstina vocitatur.* Consonat Dionysius Alexandrinus ita Phoenices describens:

Pars media nam sede colit, Syriæque vocantur:

Pars maris ad fluctus Phœnicum nomine dicti,

Gentis Erythrææ soboles a semine ducta.

Hi primi rudibus tentarunt navibus æquor,

Mercatumque vagas primi instituere per undas,

Concitaque æterno viderunt sidera cursu.

Quique Jopen, Gazamque colunt, & Elaidis arces

Antiquamque Tyron, qui te Berytos amœna

Littora qui Bybli, qui florida rura Sidonis,

Bostreni nitidos habitant ad fluminis amnes,

E'

*Et pinguem Tripolin, Orthodoxidaque, Ma-
rathæusque.*

Quam descriptionem sic nobis Latine, &
elegantè reddidit FESTUS AVIENUS duriuscu-
lus alioqui versificator in *Descriptione Orbis
Terra a verso* 1673.

*Salso quidquid pulsatur ab æstu,
Phœnicum regio est, hi rubro a gurgite
quondam*

*Mutavere domus, primique per Æquora
vecti,*

*Lustravere Salum, primi docuere carinis
Ferre cavis Orbis commercia, Sydera pri-
mi*

*Servavere Poli. Populis Phœnicibus ergo
Urbs Iope sterilisque dehinc habitatur E-
lais,*

*Gazaque proceris adsurgens undique muris.
Hic Tyrus est opulens, & Berytus opti-
ma, Byblos,*

*Sidonique Lares; ubi labens agmine a-
mœno*

Cespitis inrigui Bostrenus jugera findit.

*Nec minus hic Tripolis pingui sola porri-
git agro.*

Elegantissima est etiam, & nostro proposi-
to aptissima Pomponii Melæ descriptio *Lib.
I. cap. 12.* Phœnicen (inquit) illustravere
Phœnices, sollers hominum genus, & ad bel-
li pacisque munia eximium. Litteras, & lit-
terarum operas, aliasque etiam Artes, ma-
ria navibus adire, classe conflagere, impe-
ri-

ritare gentibus , regnum proeliumque commen-
ti. In ea est Tyros , aliquando insula , nunc
annexa terris deficit. Ab impugnante quon-
dam Alexandro jacta opera. Vici tenent ulte-
riora ; & adhuc opulenta Sidon , antequam
a Persis caperetur , maritimarum urbium ma-
xima. AMMIANUS etiam MARCELLINUS cum
descripturus esset Phoeniciam , familiarem sibi
duritiem emollivit *Lib. XIV.* Post hanc (in-
quit) acclivis Libano monti Phoenice Regio
plena gratiarum , & venustatis , urbibus
decorata magnis , & pulcris , in quibus amœ-
nitate , celebritateque hominum Tyrus exce-
dit , Sidon , & Berytus : iisdemque pares
Emissa , & Damascus sæculis conditæ pri-
scis. Merito itaque ULPIANUS Phoenicen ut
armipotentem laudavit , *l. I. de censibus :*
& Phoenicum acumen POSIDONIUS celebra-
vit , reprehensus tamen a STRABONE quod
alicubi fatuitatem illis imputavit , *Lib. III.*
pag. 119.

4. Ad Litterarum verò inventionem quod
attinet , caute LUCANUS *Civil. Belli Lib. III.*
¶. 220. ita cecinit :

*Phoenices primi , famæ si credimus , ausi
Mansuram rudibus vocem signare figuris.
Nondum flumineas Memphis contexere bi-
blos*

*Noverat : & saxis tantum , volucresque ,
feræque ,
Sculptaque servabant magicas animalia lin-
guas.*

Item-

Itemque CURTIUS *Lib. IV. cap. 3. Si fama libet credere, hæc gens* (Tyria scilicet) *litteras prima, aut docuit, aut didicit.* Non enim Phoenices litterarum inventores fuerunt; sed eas in Græcias intulerunt, ut HERODOTUS memorat *Lib. V. cap. 58.* Eas Phoenicii acceperunt a finitimis Ægyptiis, hi ab Assyriis: & verus, non fictitius liber Enoch, a B. Paulo laudatus illas ante diluvium in usu fuisse probat. Utut sit, sic B. EUGENIUS Episcopus Toletanus de litterarum inventoribus:

Moses primus Hebræas exaravit litteras.

Mente Phoenices sagaci condiderunt Atticas.

Quas Latini scriptitarunt, edidit Nicostrata.

Abraham Syras, & idem reperit Chaldaicas

Isis arte non minori protulit Ægyptias
Gulfila promsit Getarum, quas videmus ultimas.

5. Nec idcirco Phoenicibus sua gloria minuitur, cum eorum duæ urbes prestantissimæ, Sidon, & Tyrus litterarum, utilissimarumque Artium peritia maxime flourerint, ut videre est apud STRABONEM *Lib. XVI. pag. 520. & 521.*

6. Prætereo Tyri fabulosam antiquitatem apud Herodotum, qui *Lib. II. cap. 44.* refert se venisse in colloquium cum Herculis
 Ty-

Tyrri Sacerdotibus , a quibus accepit , a Tyro condita ad suum usque tempus profluxisse annorum duo millia & trecentos. Cum autem Herodotus Christi natalem præcesserit 480. annis , necesse esset ut Tyrus condita fuerit duobus millibus septingentis & octoginta annis antequam Christus nasceretur , sive anno a Creatione Mundi 1220. qui Diluvium universale præcessit plusquam quadringentis triginta sex annis. Miror insipientes illos Sacerdotes non fecisse Tyrum antiquiorem , a chimericis videlicet Præadamitis habitatam , cum *præcedenti cap.* idem HERODOTUS ita scripserit : *Vetustus quidam Deus est apud Ægyptios , & (ut ipsi ajunt) decem , & septem annorum millia sunt ad Amasin Regem , ex quo Herculem ex octo Diis , qui duodecim erant , unum esse arbitrantur.* Prudenter itaque JOSEPHUS *Antiquit. Judaicar. Lib. VIII. cap. 3.* scripsit : *A Tyri autem conditu usque ad destructionem Templi (Hierosolymitani) elapsi sunt anni quadraginta & ducenti.* Templum condicoeptum anno Periodi Julianæ 3706. : deductis 240. manet annus Tyri conditæ 3466. qui vix est quadragesimus ante excidium Trojæ. JOSEPHO assentitur EUSEBIUS CÆSARIENSIS in *Chronico* , pag. 88. Et ex utroque colligi potest , quam rationem inire potuerit Justinus Trogi Pompeii abbreviator , qui *Lib. XVIII cap. 3.* ita scripsit : *Post multos deinde annos a Rege Ascaloniorum expu.*

*pugnati , navibus appulsi , Tyron urbem ante annum... Trojanæ cladis condiderunt. Tyri mercaturam celebravit ISAIAS cap. 23. divitias , ZACHARIAS cap. 9. pulcritudinem, EZECHIEL cap. 23. Mercatura , divitiæ , & urbis pulcritudo provenerunt ex navigandi peritia ; cujus inventio tribui solet Tyriis. Itaque Sanchoniaton apud EUSEBIUM CÆSARIENSEM *Præparationis Evangelicæ Lib. 1. cap. 10.* fabulose narrans Phoenicum inventa, ait, *Usoum quendam Tyrum, ex arbore , cujus ante ramos amputaverat , navigii loco usum, nequaquam sese mari nullo licet exemplo committere dubitavisse , quò alludens TIBULLUS Lib. 1. Eleg. 7. dixit.**

Prima ratem ventis credere docta Tyros.

Sed Noëmi arca navigandi usum docere potuerat , ut taceam ligna super aquam natantia , quæ observatio proculdubio Usoum præcessit. Præterea navigationis inventio perperam Tyro tribuitur , cum Sidon Tyro antiquior fuerit , utpote condita a Sidone Chanaanis primogenito , GENES. cap. 10. v. 15. (Piscem Phoenices *Sidon* vocant , teste JUSTINO Lib. XVIII. cap. 3. *Sidon* autem sic dictus est vel ob natandi , vel ob navigandi peritiam , ut ego puto) & ante Tyrum conditam tota Phoeniciæ ora Sidoniorum nomine celebraretur , DEUTER. cap. 3. v. 9. Ideoque LXX. Interpretibus Sidonim sunt Phoenices ; & apud ISAIAM cap. 23. v. 2. *Sidon* dicitur Phoenice ; & v. 12. *Tyrus filia Si-*

Sidonis. Ad nostrum autem propositum tam Sidonii, quàm Tyrii pertinent, cum hi prius in Hispaniam, postea Carthaginienses Sidoniorum progenies advenerint, quod idem est ac si dicamus, Phœnices, & Poeni, a Phœnicibus Sidoniis orti.

7. Sed ut initium faciam a prima Phœnicum colonia in Hispania; DIODORUS SICULUS, secundum Laurentii Rhodmani interpretationem quam solum habeo, *Lib. v. Bibliothecæ cap. 20.* ita scripsit: *Phœnices a vetustissimis inde temporibus frequenter crebras mercaturæ gratia navigationes instituerunt. Quo factum ut multarum in Africa Coloniarum, nec paucarum in his Europæ partibus, quæ ad occidentem vergunt, auctores fierent. Cumque incepta ex animi sententia cederent, magnis ditati opibus, extra quoque Columnas Herculis in mare, quod Oceani nomen habet, excurrerunt. Ac primum juxta ipsum ad Columnas Fretum, in Europæ peninsula urbem posuere, Gades nuncupatam. In qua cum alia loco isti congrua, tum Fanum Herculi sumtuosum, cum sacris magnificis Phœnicum ritu peragendis, instituerunt. Templum hoc ut priscis, ita recentioribus etiam seculis, ad nostram usque ætatem, in summa veneratione habitum fuit: adeo ut multi etiam Romanorum, nobilitate, ac magnitudine rerum gestarum illustres viri, Deo illi vota nuncuparint, negotiisque feliciter confectis exsolverint.*

8. Ait DIODORUS (cujus narrationem explanabo) *Phoenicas a vetustissimis inde temporibus frequenter crebras mercaturæ gratia navigationes instituisse.* Id confirmat HOMERUS *Odysseæ Lib. XV.* canens

Illuc autem Phoenices navibus inclyti venerant viri

Ingeniosi infinitas ducentes res ludicras navis nigra.

Et Phoenicum mercaturam jam vidimus celebrare. ISAIAM cap. 23.

9. Quo factum est (prosequitur DIODORUS) ut multarum in Africa Coloniarum, nec paucarum in his Europæ partibus, quæ ad occidentem vergunt, auctores fierent. Hoc ipsum docuit B. ISIDORUS *Etymol. Lib. XV. cap. 1.* his verbis : *Phoenices a Rubro profecti mari Sidonem urbem opulentissimam condiderunt : quam a piscium copia Sidon appellaverunt. Nam piscem Phoenices Sidon vocant. Ipsi etiam Tyrum in Syria : ipsi Uticam in Africa, Hipponem, Leptim, aliasque Urbes in ora maritima condiderunt. Ipsi Thebas in Bæotia duce Cadmo : ipsi postremo in ultima Orbis tendentes urbem in oceano construxerunt, eamque lingua sua Gades nominaverunt. Nam mos erat antiquus Phoenicum gentis, multos simul mercandi causa a domo proficisci, & cum incolarum animos commercio rerum iis ante incognitarum sibi conciliassent ; loca quæ condendis urbibus idonea videbantur, capere. Ex iis profecta & Dido*

do in litus *Africae*, urbem condidit, & *Carthadam* nominavit, quod *Phoenicia* lingua exprimit Civitatem novam: mox sermone verso *Carthago* est dicta: hanc *Scipio* delevit. Quæ autem nunc est, postea a Romanis condita est. *Carthago* autem antea *Byrsa*, post *Tyrus* dicta est; deinde *Carthago*. Adde *SALUSTIUM* de *Bello Jugurtino*, cap. 22. & *TERULLIANUM* Lib. de *Anima* cap. 30.

10. Pergit *DIODORUS*, & ait: Cumque incepta ex animi sententia cederent, extra quoque Columnas *Herculis*, in mare, quod *Oceani* nomen habet, excurrerunt. Consonat *ARISTOTELES* de *Mirabil. auscultationibus*, cap. 163. *Phoenices* ajunt, qui *Gadiram* inhabitant, dum ultra Columnas *Herculis* navigarent, vento subsolano impulsos ad regiones quasdam applicuisse ulva algaque plenas, quæ æstibus maris rigantur, exundationibus vero prorsus obruuntur aquis. *Thunorum* copiam isthic innumerabilem inveniri tradunt, magnitudine, densitateque incredibili, quos salsos vasis impositos *Carthaginem* deportant, unde soli non avehuntur, sed ob singularem bonitatem plane absumuntur.

11. Ac primum (ait *DIODORUS*) juxta ipsum ad Columnas Fretum in *Europæ* peninsula urbem posuere, *Gades* nuncupatam. Ac primum, inquit *DIODORUS*, ab *Iliaca* scilicet tempestate, ut refert *POMONIUS MELA*, *Hispanus* Lib. III. cap. 6. Paulo aliter *VELLEJUS PATERCULUS* Lib. I. cap. 2.

N

Ea

Ea tempestate & Tyria classis , plurimum pollens mari , in ultimo Hispaniæ tractu , in extremo nostri Orbis termino insulam circumfusam Oceano , perexiguo a continenti divisam freto , Gades condidit. Ab iisdem post paucos annos in Africa Utica condita est. Hanc Gadium conditionem enarravit Paterculus tempore medio inter Megaram , & Uticam conditam. Megara condita fuit a Codro Melanthi filio , cujus antea VELLEJUS meminerat , atque hic quidem Regnum Atticæ tenuit ab anno Periodi Julianæ 3624. ad annum 3645. id est , ab anno 1089. usque ad annum 1068. ante æram Christianam : nam (ut ait STRABO Lib. IX. pag. 271. cum exsulum frequentia faceret , ut copia virorum floreret Attica , metuentes sibi Heraclidæ , instigantibus eos maxime Corinthiis , & Meseniis , illis ob vicinitatem , his quod cum Codrus Melanthi filius regnum Atticæ tenebat , bellum Atticæ intulerunt : victique prælio , & ex Attica profligati , Megaricam tamen occupaverunt , & Megaris urbe condita , incolas ex Jonibus fecerunt Dorienses : aboleverunt etiam columnam quæ Jones a Peloponneso distinguebat. Utica autem condita fuit circiter annum Periodi Julianæ 3807 ante æram Christianam nongentesimum. septimum , quo Margenus Badezori filius decessit , filio Pygmalione , & Elisa filia , insignis formæ virgine , heredibus institutis , ut refert JUSTINUS Lib. XVIII. cap.

4. non vero ut colligitur ex cap. 40. Lib. XVI. PLINII , qui scribebat anno septuagesimo æræ Christianæ , non inquam anno 1171. ante Christi natalem. Quapropter si veræ sunt hæ rationes , circiter nongentesimum & septimum annum , Christi natalem præcedentem Gaditana urbs condita fuit a Phoenicibus de quibus JOHANNES TEZTZES Chil. VIII. cap. 216. de insula Gaderorum ita scripsit:

Phoenices autem Carthaginem in locis Libyæ Condiderunt , atque Gaderam , egressi a Phoenicia.

Est autem urbs Gadara Phoenicum in regione

Ex qua Papsines Gadaremus auctor fuit.

12. Hæc cum ita sint , Carthago fuit Phoenicum colonia , quos Acro Grammaticus cūm Poenis confudit , & B. etiam ISIDORUS. Ille HORATII oden. 2. Lib. II. interpretans , ita inquit : *Gades autem oppidum est in Hispania a Pœnis conditum.* Hic Etymologiar. Lib. XV. cap. 1. ita scribit : *Gades oppidum a Pœnis conditum , qui etiam Carthaginem Spartariam condiderunt.* Phoenices autem , qui Carthaginem Africanam condidere , fuerunt Tyrii , ut docuit MELA Lib. III. cap. 6. Unde explicari debet VIRGILIUS Lib. I. Æneid. v. 16.

Urbs antiqua fuit (Tyrii tenuere coloni)

Carthago , Italiam contra Tiberinaque longe

Ostia , dives opum , studiisque asperrima belli.

Sed distinctius FESTUS AVIENUS in *Descriptione Orbis Terræ* §. 287.

inclita post hos

*Moenia consurgunt Tyriæ Carthaginis, illa
Urbs Phœnissa prius , Libyci nunc juris
alumna.*

CURTIVS *Lib. IV. cap. 4.* de Tyro loquens ita scripsit : Coloniae certe ejus pene orbe toto diffusæ sunt : Carthago in Africa , in Bœotia Thebæ , Gades ad oceanum. Credo libero commeantes mari , sæpiusque adeundo cæteris incognitas terras ; elegisse sedes juventuti qua tunc abundabant : seu quia crebris motibus terræ , nam hoc quoque traditur , cultores ejus fatigati , nova , & externa domicilia armis sibimet quærere cogebantur. Magnifice , & tragice de iisdem conditoribus PLINIUS *Lib. V. cap. 19.* Tyrus (inquit) quondam insula præalto mari septingentis passibus divisa ; nunc vero Alexandri oppugnantis operibus continens , olim portu clara , urbibus genitis , Lepti , Utica , & illa Romani imperii æmula , terrarum orbis avida , Carthagine ; etiam Gadibus extra orbem conditis. Nunc omnis ejus nobilitas conchylio , atque purpura constat. Sed distinctius idem scripserat *Lib. IV. cap. 22.* describens insulas quæ sunt ex adverso Celtiberiæ. In ipso vero capite Bæticæ ab ostio Fretti passuum XXV. mill. Gadis , longa (ut Poly-

lybius scribit) XII. mill. lata III. mill. passuum. Ipsius spatium XV. m. passuum est. Habet oppidum Civium Romanorum, quod appellatur Augusta Urbs Julia Gaditana. Ab eo latere quo Hispaniam spectat, passibus fere centum, altera insula est longa III. m. pass. lata, in qua prius oppidum Gadium fuit. Vocatur ab Ephono, & Phylistide, Erythia, a Timæo, & Sileno Aphrodisias, ab indigenis Junonis. Majorem Timæus Cotinusam apud eos vocatam ait: nostri Tartesson appellant, Poeni Gadir, ita Punica lingua sepem significante. Erythia dicta est, quoniam Tyrii aborigines eorum, orti ab Erythraeo mari ferebantur. In hac Geryones habitasse a quibusdam existimatur, cujus armenta Hercules abduxerit. Sunt qui aliam esse eam, & contra Lusitaniam arbitrentur, eodemque nomine quondam ibi appellatam.

13. Quamplurima PLINIUS hic nos docet, quæ explicatione indigent. Duas PLINIUS distinguit insulas, majorem, & minorem. Ait majoris aborigenes fuisse Tyrios, quod supra laudatis testimoniis comprobatur quibus adjungi debet SILIUS ITALICUS, qui Lib. XVI. Punicor. v. 468. ait:

Hos Tyria misere domo patria inclyta Gades,

& LUCANUS Lib. VII. Belli Civilis v. 186.

Præsaga malorum

*Si data mens homini est, Tyriis qui Gadi-
bus hospes*

*Adjacet , Armeniumque bibit Romanus A-
raxen ,*

*Sub quocumque die , quocumque est sidere
mundi ,*

*Mœret , & ignorat caussas , animumque
dolentem*

Corripit.

Atque Lib. x. v. 456.

*Hic cui Romani spatium non sufficit or-
bis ,*

*Parvaeque regna putat Tyriis cum Gadi-
bus Indos ,*

*Cur puer imbellis , ceu captis femina mu-
ris ,*

*Quærit tuta domus : spem vitæ in limine
clauso*

*Ponit , & incerto lustrat vagus atria
cursu.*

Cumque Gaditana Civitas , vocata olim fue-
rit Tartessus , ideo SALLUSTIUS *Lib. II. Hi-
stor.* apud PRISCIANUM *Lib. V. col. 648. &
Lib. VI. col. 608.* ita scripsit : *Tartessum
Hispaniæ civitatem , quam nunc Tyrii mu-
tato nomine Gadir habent , id est , habitant ,
qua significatione PLAUTUS in Truculento a-
ctu 2. sc. 4. v. 51. dixit :*

Tonstricem Suram

*Novisti nostram , quæ modo erga ædes
habet.*

Ideoque etiam Tartessus a Tyriis condita di-
citur ab ARRIANO *Lib. II. Rer. gestar. Ale-
xandri , pag. 87.*

14. Hæc nominum diversitas me admonet, ut Gades insulas distinguam, & urbes in eis sitas: & sic continuabimus illustrationem PLINII. Quæ priori loco ab eo memoratur, major erat, atque ibi situm fuit oppidum Civium Romanorum, appellatur, *Augusta Urbs Julia Gaditana*. Quod nomen proculdubio ab Augusto Cæsare accepit: sed antea C. Cæsar ejus pater adoptivus Gadi-tanum Populum Civitate Romana donavit: quam donationem deinde Populus ratam esse jussit, ut refert Dio *Lib. XLI. pag. 164.* ubi ejus beneficii causam narrat viro ambiciosissimo dignam. Ad hanc urbem pertinet Inscriptio apud GRUTERUM *pag. 357. num. 2.* quæ emendari debet ex altera Inscriptio-ne, *pag. 388. n. 4.*

15. Altera insula, sita ad latus quo Hispaniam spectat, est priori minor; in qua prius oppidum Gadium fuit, ut ait PLINIUS, qui latine loquens, Gadium fecit adjectivum a Gadi derivatum. Hæc minor insula eodem PLINIO docente, vocatur ab Ephoro, & Philistide *Erythia*; a Timæo, & Sileno, *Aphrodisias*; ab indigenis, *Junonis*. De duplici nomine aliquid dicamus.

16. Ephorus, & Philistides opinionem suam de nomine *Erythiæ* a Pherecyde, & Stesichoro acceperunt. De Pherecyde sic Strabo *Lib. III. p. 117.* Videtur Gadibus nomen *Erythæ* tribuisse Pherecydes, in qua boves Geryonis fuisse fabulantur. De Stesichoro idem STRABO

ita scripsit pag. 102. Videntur autem veteres Bætin appellasse Tartessum, & Gades cum insulis vicinis Erytheiam: ideoque putant Stesichorum de Geryonis armento sic cecinisse:

*Nata ex adverso fere inclytæ Erythiæ
Tartessii amnis ad fontes immensos argen-
teis radicibus*

In cavernæ saxis.

Propterea SYPHAX apud SILIUM ITALICUM Lib. XVI. v. 194. sic alloquitur SCIPIONEM.

Revocat tua forma parentem.

*Nam repeto, Herculeas Erythiæ ad lito-
ra Gades*

*Cum studio pelagi & spectandis æstibus un-
dæ*

*Venissem, magnos vicina ad flumina Bætis
Ductores miro quondam me cernere amore.*

Addi potest PHILOSTRATUS Lib. I. de Vita Apollonii cap. 1. Eratosthenes autem longius quæsit hoc nomen apud eundem STRABONEM dicta pag. 102. quin & Eratosthenes (inquit) Calpæ adjacentem regionem Tartessidem vocari tradit, & Erytheam insulam fortunatam. Nimirum Poetæ omnium scriptorum nugacissimi, Herculis expeditionem in insulas Fortunatas extenderunt, quo illum in scypho, quem a Sole accepit, trajecisse fabulantur apud APOLLODORUM in Bibliotheca Lib. II. §. 10. 11.

17. *Erythia dicta est (illa insula minor, ut ait PLINIUS) quoniam Tyrii aborigenes eo-
rum*

rum (Poenorum scilicet) orti ab Erythræo mari ferebantur. Quam opinionem confirmavit DIONYSIUS AFER, qui Rhamnio Fannio interprete sic hanc originem retulit.

*Phœnices vivunt veteri cognomine dicti
Quos misit quondam mare Rubrum laudibus auctos,*

Chaldæo nimium decoratam sanguine gentem,

Arcanisque Dei celebratam legibus unam.
Sed etymologia hæc nimis longe petita est.

18. In hac (insula) referente PLINIO Geryones habitasse a quibusdam existimatur, cujus armenta Hercules abduxerit. Fabulam hanc incrustavit STEPHANUS in v. Erythia, proculdubio ex alio Poeta hæc desumens. Erythia, insula Geryonis in Oceano, sic dicta ab Erythea Geryonis filia, ex qua & Mercurio Morax natus est. Sed me docet SCYLAX CARYANDENSIS de Illyriis agens, apud eos in Epiro est campus appellatus Erythia. Illuc Geryonem venisse fama est, bovesque pavisse. Non igitur Erythia in Hispania, neque Geryon, a quo Hercules abduxit boves. Geryonem vero (agnoscis Arriani verba ex Lib. II. Rer. gestar. Alexandri) adversus quem Hercules Argyvus ab Eurystheo missus, ut boves ejus abstractas Mycenæ duceret, Hecatæus Historicus tradit nihil ad Hiberiam pertinere, neque ad insulam ullam Erythiam in Oceano sitam missum fuisse Herculem: sed Geryonis regnum in continenti fuisse

se

se , circa Ambraciam , & Amphilochos , inde-
que Herculem boves abegisse , existimantem
non esse hoc facinus inter labores suos conte-
mnendum. Scio etiam his temporibus in ea re-
gione pingua pascua esse , ibique opimas bo-
ves pasci. Quapropter abductis inde bobus ab
Hercule , gloriam Euristheo accessisse existi-
mant. Nec absurdum præterea videtur , il-
lius provinciæ Regi Geryoni nomen fuisse : præ-
sertim cum Hispanorum nemo sit , qui id no-
men sciat. Regibus suis fuisse , aut lætas in
ea provincia boves gigni : nisi quis fortasse
ista de Junone confingat , tanquam per Euri-
stheum id Herculi mandaverit : & per fabulo-
sa figmenta id credi velit , quod Historiæ
fidem deroget.

19. Ad PLINIUM redeamus. Sunt qui a-
liam esse eam (Erythiam scilicet) & contra
Lusitaniam arbitrentur , eodem nomine (Ery-
thiæ videlicet) quondam ibi appellatam. Hæc
PLINII simius Solinus in suum transtulit Po-
lyhistorem cap. 26. Hujus opinionis fuit POM-
PONIUS MELA qui Lib. III. cap. 6. ita scripsit:
*In Lusitania Erythia , quam Geryone habita-
tam accepimus.* Verum hoc quoque fabulo-
sum est : neque enim uspiam , vel juxta Ly-
biam , vel Hispaniam , nomen Erythia ex-
stare ferunt (Historici videlicet) , ut docet an-
tiquissimus auctor , qui Aristoteles esse cre-
ditur , de Memorabilibus auscultationibus ,
cap. 161.

20. Pergit PLINIUS , & agens de mino-
ris

ris insulæ Gaditanæ nominibus sic ait : a *Ti-mæo* , & *Sileno Aphrodisias*. Consonat STEPHANUS BYZANTINUS qui Aphrodisias insulas enumerans sic ait : *Tertia insula* , quæ prius *Erythia* , inter *Iberiam* , & *Gades*. Nominis rationem attulit JOHANNES BAPTISTA DE SALAZAR , in *Excellentiis* , & *antiquitatibus Gaditanæ urbis* , & *insulæ* , Lib. I. cap. 4. Spumas scilicet maris , quibus insula illa circumdata est , ob fluctuum illisionem.

21. Optime superiora duo nomina illius insulæ designavit FESTUS AVIENUS in *Ora Maritima* v. 309. & seqq.

Hinc Erythia est insula

Diffusa glebam , & *Juris olim Punici* ,
Labuere primo , quippe eam *Carthaginis*
Priscæ coloni , interfluoque scinditur

Ad continentem quinque per stadia modo
(id est cum scribebat AVIENUS)

Erythia ab arce , qua diei occasus
Veneri Marinæ consecrata est insula
(Hæc Venus Marina est , quæ *Aphrodisia* dicitur)

Templumque in illa Veneris , & *penetral cavum*.

Oraculumque monte ab illo , quem tibi
Horrere silvis dixeram , in *Veneris*
Littus recline , & *molle arcanum jacet*.

Quos tres versus postremos sic lego , & interpungo :

Oraculumque monte in illo , quem tibi
Hor-

Horrere silvis dixeram inveneris.

Littus recline, & molle arenarum jacet.
aut supple templum.

22. De tertio Gaditanæ insulæ minoris nomine sic ait PLINIUS. *Ab indigenis Junonis.* Proculdubio ob templum ibi situm quod memorasse videtur MARCIANUS HERACLEOTA *Lib. II. pag. 36. 40. & 41.*

23. Præterea Insula *Sancti Petri* (ut hoc obiter addam) appellata fuit *Heraclea*, & est secunda & vigesima, insula in Atlantico mari a STEPHANO BYZANTINO memorata, v. *Heraclea*, quæ nullo modo confundi debet cum urbe Calpe, uti fecit Timosthenes, qui falso eam antiquitus *Heracleam* fuisse appellatam refert, apud STRABONEM *Lib. III. pag. 96.* quam opinionem STRABO indicat, non approbat, utpote ab eo ortam, qui, eodem STRABONE teste, ut in portuum descriptione multum aberravit *p. 63.* & plane ignarus fuit rerum Hispanicarum, *pag. 64.*

24. Transeamus ad nomina alterius insulæ. PLINIUS sic ait: *Majorem Timæus Cotinusam apud eos vocatam ait.* In Parmensi editione legitur: *Potinusam* a puteis. Et profecto STRABO Polybium sequens de Puteis Gaditanis loquutus est *Lib. III. pag. 173.* Certe *Cotinusæ* nomen, quod *oleastrum* significat, Hispane *acebuchar*, vix sustineri potest. Nam PLINIUS *Lib. XV. cap. I.* de oleis loquens sic scripsit: *Fenestella vero*

omnino non fuisse (oleam) in Italia, Hispania, atque Africa, Tarquinio Prisco regnante, ab annis Populi Romani CLXXXIII. quæ nunc pervenit trans Alpes quoque & in Gallias Hispaniasque medias. Gymnesiæ etiam insulæ, quæ nunc abundant oleis, Aristotelis tempore iis carebant, & ibi oleum a terebyntho magna copia reddebatur ad usus omnes accommodatum. Vide librum de Mirabilibus auscultationibus cap. 94. Sed tamen Timæum sequutus est DIONYSIUS AFER qui in Orbis Descriptione ita scripsit:

Porro in medio sub vespere columnis
Extremæ Gades apparent hominibus
Insula e circumflua in finibus Oceani
Ibi Phœnicum hominum genus incolunt,
Venerantes magni Jovis filium Herculem.
Atque hanc quidem incolæ sub prioribus
hominibus

Dictam hodie Cotinusam, vocarunt Gades.

25. Igitur secundum DIONYSIUM AFRUM hanc insulam incolæ sub prioribus hominibus vocarunt Gades, & ipsius DIONYSII tempore dicebatur Cotinusa: quod PLINIUS videtur non intellexisse: & ideo fortasse in errorem induxit FESTUS AVIENUM, qui in Descriptione Orbis §. 611. ita cecinit:

Gadir prima Fretum solida supereminet
arce,
Attollitque caput geminis inserta columnis.
Hæc Cotinusa prius fuerat sub nomine
prisco,

Tar-

Tartessumque dehinc Tyrrii dixere coloni.

*Barbara quin etiam Gades hanc lingua
frequentat*

*Poenus quippe locum Gadir vocat undique
septum*

*Aggere præducto. Tyrrii per inhospita late
Æquora provecti, tenuere ut cespitis oram
Constituere domus: dant hi quoque maxima
templa*

*Amphitryoniade, numenque verentur alu-
mnum.*

In eundem incidit errorem TZETZES *Histo-
riar. chiliade II. cap. de Hercule, & chiliade
VIII. cup. 216. de insula Gaderorum.*

26. Prosequitur PLINIUS, & ait. *Nostri
Tartesson appellant. Quinam sunt hi nostri
an Romani? non ita; nam POMPONII ME-
LÆ tempore jam dubitabatur ubi sita fuisset
Tartessos, cum ipse Cartejæ natus sic de pa-
tria sua subdubitanter inscripserit Lib. II.
cap. 6. Sinus ultra est, in eoque Carteja (ut
quidam putant) aliquando Tartessus, &
quam transvecti ex Africa Phœnices habi-
tant.* Fortasse MELÆ hæc scibens præ oculis
habebat Sallustii secundum Historiarum li-
brum, ubi teste PRISCIANO Lib. v. col. 648.
ita scripserat: *Tartessum Hispaniæ civitatem
quam nunc Tyrrii mutato nomine Gaddir ha-
bent.* Ubi pro *habent*, aut legendum *habi-
tant*, uti MELÆ loquutus est; aut *habent*
pro *habitant* Plautina loquutione scripsit. Quos
autem MELÆ Phœnices, SALLUSTIUS voca-
vit

vit Tyrios , ita ut sensus sit , *Gaddir* nomen , quod Tyrii , sive Phoenices habitabant , mutatum fuisse in Tartessum. Pro nostro igitur apud PLINIUM lego *Græci*. Ita ut TIMÆI SICULI opinionem narrare prius voverit , deinde Græcorum , & tamen verum nomen indicare. Idem PLINIUS *Lib. III. cap. 1.* ita scripsit : *Carteja a Græcis Tartessos dicta*. Itaque nomen hoc a Græcis usurpatum aperte sensit , licet Græci recentiores , & ipse PLINIUS , incerti fuerint cum agerent de situ Tartessi. Certe Græci hanc insulam , vel civitatem in ea sitam appellaverunt *Tartesson*. Itaque ARRIANUS *Lib. II.* ita scripsit : *Quapropter Herculem illum , qui apud Tartessios in Hispania colitur , a quo Columnæ nomen sumserunt , Tyrium arbitror , eo quod Tartessus a Tyriis condita est , Temploque in ea urbe Phoenicum structura ædificato , Herculi sacrum faciunt*. Omitto FESTUM AVIENUM , qui in *Descriptione Orbis Terræ* mentionem fecit Tartessi ; sed in continenti sitæ , §. 480. quod ante eum fecerunt SCYMNUS CHIUS §. 163. & STRABO *Lib. III. pag. 102.* Sed idem AVIENUS in eadem *Descriptione Orbis Terræ* aliter sentiens , hanc de qua loquimur , *Tartessum* , etiam nominavit versibus jam supra laudatis , ac nunc repetitis :

*Gadir prima Fretum solida supereminet
arce ,*

*Attollitque caput geminis inserta Columnis
Hæc*

*Hæc Cotinusa prius fuerat sub nomine
prisco :*

*Tartessumque dehinc Tyrîi dixere Coloni.
Atque hoc ipsum repetivit in Ora maritima
v. 85.*

*Hic Gadir urbs est , dicta Tartessus
prius:*

*Hic sunt Columnæ pertinacis Herculis ,
Abila , atque Calpe : læva dicti cespitis
Libyæ propinquæ stalia ; duro perstrepunt
Septentrione , sed loco certæ tenent.
ubi ut sensus sit qui esse debet ita lego :
læva dicti cespitis , id est , Hispani. Libyæ
propinquæ est alia , intelligitur terra , de qua
supra : & ea quidem Britannia.*

duro perstrepens

*Septentrione , sed locum certa tenens &c.
In eadem Ora idem AVIENUS v. 267. sic
ait :*

Gadir hic est oppidum.

*Nam Punicorum lingua conceptum locum ,
Gadir vocabat : ipsa Tartessus prius
Cognominata est. Multa , & opulens ci-
vitas*

*Ævo vetusto , nunc egena , nunc brevis,
Nunc destituta , nunc ruinarum ager est.
Nos hoc locorum præter Herculanæam
Solemnitatem , vidimus miri nihil.
At vis in illis tanta , vel tantum decus
Ætate prisca , sub fide rerum fuit ,
Rex ut superbus , omniumque præpotens ,
Quos gens habebat forte tum Maurusia ,*

O-

*Octaviano Principi acceptissimus,
Et litterarum semper in studio Juba,
Interfluoque separatus æquore,
Inlustriorem semet urbis istius
Duumviratu crederet.*

Quibus postremis verbis illustrandis, vide
ANTONIUM AUGUSTINUM initio *Dialogi VI.*
Antiquit. & BERNARDUM ALDRETUM *Lib.*
II. Antiquit. Hisp. cap. I. pag. 178.

27. Postremo PLINIUS ita scripsit: *Pœ-
ni Gadir, ita Punica lingua sepen signifi-
cante.* PLINIUM, ut solet, descripsit SOLI-
NUS *cap. 26. in capite (inquit) Beticæ, ubi
extremus est noti Orbis terminus, insula a
continenti septingentis passibus separatur,
quam Tyrii a Rubro profecti mari Erythræam;
Pœni lingua sua Gadir, id est, sepen no-
minaverunt.* Confirmat hanc etymologiam FE-
STUS AVIENUS in *Descriptione Orbis Terræ,*
p. 615. ubi ait:

*Barbara quin etiam Gades hanc lingua
frequentat:*

*Pœnus quippe locum Gadir vocat undique
septum*

Aggere præducto.

Repetit hoc ipsum AVIENUS in *Ora Mari-
tima* p. 267.

Gadir hic est oppidum:

*Nam Punicorum lingua, conceptum locum
Gadir vocabat.*

Et profecto Hebræis *Gadhar* est sepire, ut
admonuit ALVARUS GOMETIUS *ad cap. 6.*

O

Lib.

Lib. XIV. Etymolog. B. Isidori , qui de Gadira insula loquens ait : *quam Tyrii a Rubro profecti mare occupantes lingua sua Gadir* , id est , *sepem nominaverunt* , pro eo quod ei concepta sit mari. Quam verbi rationem minime probō ; hoc enim sensu omnes insulæ nominarentur *Gades*. Ego vero existimo Tyrios *Tarsin* dixisse , Græcos *Tartesium* , Pœnos *Gadir*.

28. Quæ vero de Gadirico Rege Plato memorat , fabulosa existimari debent ; etiamque ea , quæ Gaditani referebant apud STRABONEM *Lib. III. pag. 117.* de ratione qua Gades fuerint conditæ , ad aniles fabulas referri debent.

29. Redeo ad DIODORUM SICULUM. *Phœnices hanc urbem* (Gadem scilicet) *posuere juxta ipsum ad Columnas Fretum*. *Herculearum Columnarum mentionem fecerunt* , HERODOTUS *Lib. IV. cap. 185.* Hanno Carthaginensis initio *Peripli* , SCYLAX CARYANDENSIS *pag. 1. 51. & 52.* DIONYSIUS AFER in *Descriptione Terræ* , MARCIANUS HERACLEOTA , *Lib. I.* SILIUS ITALICUS *Lib. XVI. Punicor. v. 195.* PLINIUS *plurimis in locis* , Q. CURTIUS *Lib. X. cap. 1.* FESTUS AVIENUS in *Descriptione Orbis Terræ v. 99. & 277. & in Ora maritima , v. 86. & 341.* B. ISIDORUS *Etymolog. Lib. XIV. cap. 6.* & , ut uno verbo dicam , omnes antiqui Geographi , quibus omnibus præponendus STRABO *Lib. III. pag. 117.* : quorum omnium

minium testimonia si congerere vellem, justum efficerem volumen. Itaque ad alia festinantes, reliqua DIODORI verba persequamur.

30. *In qua* (urbe inquit, de Gaditana loquens) *cum alia loco isti congrua, tum Fanum Herculi sumptuosum cum sacris magnificis Phœnicum ritu peragendis instituerunt.* Pertinent huc quæ ARRIANUS scripsit *Lib. II. Rer. gestar. Alexandri.* Quapropter Herculem illum, qui apud Tartesios in Hispania colitur, a quo Columnæ nomen sumserunt, Tyrium arbitror, eo quod Tartessus a Tyriis condita est, Temploque in ea urbe Phœnicum structura ædificato Herculi sacrum faciunt. De Tyriorum sacris in honorem Herculis loquitur Machabeorum *Lib. II. c. 4.*

31. *Templum hoc* (prosequitur DIODORUS) *ita recentioribus etiam sæculis ad nostram usque ætatem in summa veneratione habitum fuit adeo ut multi etiam Romanorum nobilitate, ac magnitudine rerum gestarum illustres viri Deo illi vota nuncuparint, negotiisque feliciter confectis exsolverint.* Ad hæc illustranda legi possunt C. CÆSAR *Lib. II. Commentarior. de Bello Civili*, POMPONII MELA *Lib. III. cap. 6.* & APPIANUS in *Ibericis.*

32. Illud autem omitendum non est in eo templo nullum fuisse simulacrum, ut memorie prodidit SILIUS ITALICUS *Punicon. Lib. III. v. 30.*

Sed nulla effigies, simulacrave nota Deorum

Majestate locum & sacro implevere timore.

Quod etiam testatur PHILOSTRATUS *Lib. v. de Vita Apollonii cap. i.* & ex eo PHOTIUS *cod. 241.* quod Templi vetustatem arguit. Nam, ut ait TERTULLIANUS, *cap. de Idololatria 3.* *idolum aliquando retro non erat. Priusquam hujus monstri artifices ebullissent, sola templa, & vacuæ ædes erant, sicut in hodiernum quibusdam locis vetustatis vestigia permanent.* Cui addendus ISIDORUS *Ety-mol. Lib. viii. cap. ii.* Præterea hoc ipsum indicat Templum fuisse conditum a Phœnicibus, qui ab Hebræis acceperunt non facere sculptile, *Exodi 21. v. 4. Levitici 26. v. 1. Deuter. 5. v. 8.*

33. Postremo DIODORUS SICULUS ita scripsit: *Hac igitur ratione Phœnices, investigata ultra Columnas ora, cum Africæ litora legerent, ventorum procellis ad longinquos in Oceano tractus sunt abrepti. Per multos tandem dies vi tempestatis ad insulam (de qua jam dictum) appulerunt, naturamque ejus, & felicitatem a se primitus cognitam in aliorum deinde notitiam perduxerunt.* Insulam hanc elegantissime descripsit idem DIODORUS *Lib. v. cap. 19.* quæ descriptio convenit insulæ *del Pino*, quæ una est ex Fortunatis. Vide STRABONEM *Lib. iii. pag. 104.* & PLUTARCHUM in *Sertorio.*

34. Atque hæc dicta sunt de prima Phœnicum Colonia in Hispania. Illorum ve-

ro Colonias non paucas fuisse docuit DIODORUS SICULUS *Lib. v. Bibl. cap. 20. & 35. in fine* ; & quidem ante Homeri ætatem , ut docuit STRABO *Lib. III. pag. 104.* ubi loquens de insulis Beatorum ita scripsit : *Phœnices porro harum ego rerum fuisse indices dico , qui ante Homeri ætatem optima Africa , & Hispaniæ tenuerunt , & domini eorum fuere locorum donec eorum a Romanis est abolitum imperium.* APPIANUS etiam in libro *de Bello Hispaniensi* , posteaquam retulit Celtarum in Hispaniam adventum cum Hispanis permixtorum , hæc adjunxit. *Præterea Phœnices , sicuti ego arbitror , jam multo ante cum sæpius in Iberiam negotiationis causa navigassent , quædam ibi loca possederunt.* Ait APPIANUS , *negotiationis causa* quæ consistebat in argenti copia , vino , melle , sparto , lino , stanno Celtico ex Cassiteridibus insulis advecto , de quibus omnibus consuli possunt ARISTOTELES *de Mirabilib. auscultationibus , cap. 162.* DIODORUS SICULUS *Lib. v. cap. 35.* JUSTINUS *Lib. XLIV. cap. 3. & 4.* PLINIUS *Lib. III. c. 3. prope finem , Liber 1. Machab. cap. 8. v. 3.*

35. Phœnices vero præcipue frequentarunt Gades , & ostia amnis Tartessi , qui idem ac *Theodorus* , & notiore nomine *Bætis* , ac Civitatem *Tartessum* , quæ videtur fuisse antiqua *Tharsis* , ac per Carthaginienes obtinebant Hispaniæ merces. Quo pertinet illud EZECHIELIS *cap. 27. v. 12. Car-*

thaginienses negotiatores tui , a multitudine divitiarum , argento , ferro , stanno , plumboque repleverunt nundinas tuas , urbis scilicet Tyrrii , de qua ibi loquitur Propheta. Atque huc pertinet illud ARISTOTELIS Lib. de Mirabilib. auscult. cap. 162. Primos Phoenices ferunt , cum Tartessum navigassent , tantam argenti vim oleo aliisque sordibus commutasse , ut neque capere naves , nec ferro possent : quo circa coactos sub discessum , cum cætera , quibus utebantur , tum anchoras etiam ex argento conflare. Ferri Cantabrici copiam laudat PLINIUS Lib. XXXIV. cap. 14. Stannum eruebatur ex Monte Argentario , de quo sic AVIENUS in Ora Maritima v. 291.

*At mons paludem incumbit Argentarius ,
Sic a vetustis dictus ex specie sui.
Stanno iste namque latera plurimo nitet.
Magisque in auras eminus lucem evomit ,
Cum Sol ab igne celsa perculerit juga :
Idem æmnis (Tartessus) aut fluctibus stan-*

*ni
Ramenta voloit , invehitque mœnibus gra-*

*vis
Dives metallum ,*

Adde STEPHANUM v. *Tartessus.*

36. Denique plumbi fossilis mentio est apud STRABONEM Lib. III. pag. 102. & præterea plumbum comportabatur ex insulis quæ Cassiterides dictæ Græcis a fertilitate plumbi , quæ ex adverso Celtiberiæ sunt ,
ut

ut docet PLINIUS *Lib. IV. cap. 22.* quæ non erant Britannicæ , etsi in Britannico propemodum sitæ climate , ut ait STRABO *Lib. II. pag. 82.* Has etiam negotiandi caussa adibant , Tartessii Carthaginienses , & siti ad Herculis Columnas , ut refert AVIENUS in *Ora Maritima* , §. 112. ubi de gente Hibernorum agens ita adjungit:

*Propinquæ sursus insula Albionum patet.
Tartessiusque in terminos Oestrymnidum
Negotiandi mos erat : Carthaginis
Etiam coloni , & vulgus inter Herculis
Agitans Columnas , hæc adibant æquora :
Quæ Himilco Pœnus mensibus vix qua-
tuor,*

*Ut ipse semet rem probasse retulit
Enavigantem posse transmitti adserit.*

37. Quin & dici potest , Hispanos fuisse Britannicæ colonos : nam TACITUS in *Agricola cap. 11.* disputans de primis mortalibus , qui Britanniam coluerint , ita scripsit : *Silurum colorati vultus , & torti plerumque crines , & positu contra Hispaniam , Hiberos veteres trajecisse , easque sedes occupasse fidem faciunt.* Ex superiore autem AVIENI loco patet Oestrymnidas esse Britannos. Dixi autem insulas Cassiteridas nullo modo esse Britannicas , quod aperte colligitur ex STRABONE *Lib. III. cap. 101.* ubi ita scripsit : *Addit porro (POSSIDONIUS) stannum non , ut Historici divulgant , in superficie terræ inveniri , sed effodi , nasci*

apud Barbaros , qui supra Lusitaniam degunt , & in Cassiteribus (quasi stannarias dices) insulis : ex Britannicis quoque Massiliam adferri. Apud Artabros autem , qui Lusitaniæ versus occasum , & septentrionem ultima habent , eflorescere ait terram stanno aureo albo : est enim permixtum argento , hanc terram fluvii deferri , & a mulieribus sarculis exhauriri , lavarique in textis cratibus , dum expurgata terra stannum purum fiat. Adde quæ de Cassiteridum insulis scripsit idem STRABO in fine Lib. III.

38. Sed operæ pretium me facturum arbitror , si Phoenicum Colonias indicavero ; in quibus si aliquæ Pænorum referantur , mirum esse non debet , tum quia Poeni a Phoenicibus orti sunt , ut ipsum nomen confirmat ; tum quia eas distinguere in tanta antiquitate non semper est facile : neque id ad nostrum propositum multum interest.

39. STRABO Lib. XVI. pag. 520. ita scripsit : *Poetæ quidem magis Sidonem celebrant : atque adeo Homerus Tyri non meminit. Colonie tamen in Africam , & Hispaniam usque deductæ , Tyrum plurimum celebraverunt. Igitur ab Herculis Columnis incipiamus , & lucem quam possimus , demus obscurissimo Poetæ Geographo RUFFO FESTO AVIENO , interpretatiunculis adhibitis ubi opus sit ; & ipso textu emendato , ubi necessitas exigat. Atque hæc non ingrata esse debent , siquidem ipse AVIENUS v. 78. sic præfatur:*

Nam-

Namque fulcit hæc fides.

Petita longe, & eruta ex auctoribus.

& ψ. 414.

Hæc nos ab imis Punicorum Annalibus

Prolata longo tempore, edidimus tibi,

ubi pro imis fortasse legi debet ipsis.

40. Incipiamus ergo a ψ. 417.

Igitur Columnæ, ut dixeram, Libystidis

Europæ in agro adversa surgit altera.

Pro *Libystidis* reponendum *Libystidi*, ut ad-

monuit NIC. ANTONIUS in notulis ad AVIE-

NUM. CONSONAT POMPONIUS MELA *Lib. 1.*

cap. 5. ita scribens: *Deinde est mons præal-*

tus, ei quem ex adversa Hispania attollit

objectus: hunc Abylam, illum Calpen vocant,

Columnas Herculis utrumque. Addit fama no-

minis fabulam, Herculem ipsum junctos olim

perpetuo jugo diremisse colles, atque ita ex-

clusum antea mole montium Oceanum, ad quæ

nunc intendant admissum.

41. Ait AVIENUS, *ut dixeram, versu*
videlicet 341. ubi ita cecinit:

Hic Herculaneæ stant Columnæ, quas mo-
dum

Utriusque haberi continentis legimus

(modus hic significat mensuram secundum il-

lud Laris familiaris in Prologo Aululariæ

ψ. 13.

Agri reliquit eji non magnum modum

Et HORATII *sat. VI. ψ. 1. Lib. VI.*

Hoc erat in votis modus agri non ita ma-
gnus.

Ad-

Adde Pandectar. tit. si mensor falsum modum dixerit, & ibi interpretes. Nimirum Geographi ab Herculis Columnis terram metiri soliti sunt)

*Sunt parva porro saxa prominentia
Abila, atque Calpe: Calpe in Hispano solo,*

Maurofiorum (Maurusiorum.) est Abila: namque Abila vocant

Gens Punicorum, mons quod altus Barbaro est,

Id est, Latino, dici, ut auctor Plautus est.

Calpeque rursum in Græcia, species cavæ Teretesque visu nuncupatur, & jugi.

42. JANUS ULITIUS in Commentario ad Nemesiani Cynegeticon §. 252. auctor fuit pro parva legi debere alta, vel pervia. Prius illud approbo: nam SCYLAX CARYANDENSIS in Periplo, cap. quo de Carthagine agit, ita scripsit: In his quoque (Gadibus) sunt Columnæ Herculeæ: ea quidem, quæ in Libya humilis: Europæa vero excelsa est. Præterea supra vidimus POMPONIUM MELAM Abylam vocasse montem præaltum. Et STRABO Lib. III. pag. 96. ibi ergo mons est eorum Hispanorum, qui Bastitani, & Bastuli vocantur; nomine Calpe, ambigus non magnus, cæterum in altitudinem magnam erectus, ut eminus videntibus insulæ speciem obijciat. NEMESIANUS etiam Cynegeticon §. 252. ita cecinit:

Quin

Quin etiam gens ampla jacet trans ar-
dua Calpes

Culmina , cornipedum late foecunda probor-
um.

Sed quid verbis opus est? Ipse AVIENUS in
Descriptione Orbis Terræ ψ. 98. ita scripserat :

In Zephyrum tellus extenditur , oraque Ter-
ræ

Ultima proceras subducit in astra Colu-
mnas

Hic modus est Orbis.

& ψ. 277.

Propter proceras Zephyri regione Colu-
mnas

Mauri habitant.

& multo disertius antea ψ. 106.

Scopuli stant ardui utrinque ;

Unus in Europam , Libyam procul aspi-
cit alter.

Sic deserta freto procera cacumina celsis

Emicuere jugis , sic intrant saxa profun-
dum,

Sic subeunt nubes , sic Coelum vertice ful-
cit

Maura Abila , & dorso consurgit Iberi-
ca Calpe.

Ubi PLAUTUS dixerit montem altum , nescio.
Montes maximi dixit in *Pseudolo actu* 1.
sc. 2. ψ. 55. Sed hoc ad rem non perti-
net. Itaque hunc versum adscititium puto.
Pro Calpe repono Calpæ , & pro jugi lego,
ju-

juga ; id est , montium cacumina , ut explicavit SERVIUS ad ψ . 630. *Lib. II. Æneid.*

43. Quibus obiter expurgatis prosequitur AVIENUS & ait ψ . 350.

Atheniensis dicit Euctemon item

Non esse saxa , aut vertex adsurgere

Parte ex utraque. Cespitem Lybici soli

Europæ & oram memorat insulas duas

Iter acervi (interjacere emendavit Barthius Adversarior. Lib. XXVIII. cap. 14.)

nuncupari has Herculis,

Ait Columnas : stadia triginta refert,

Has distinere ; horrere silvis undique

Inhospitasque semper esse nauticis.

Inesse quippe dicit ollis Herculis

Et Tempia , & Aras : invehit advenas rates

Deo litare , abire festino pede .

Huc usque AVIENUS sui ipsius interpres.

44. Sed redeamus ad ejusdem contextum interruptum. *Versu* 419. sic prosequitur:

Hic Chrysus amnis intrat altum gurgitem

Eruditissimus BERNARDUS ALDRETE *Lib. III.*

Orig. Linguae Castellane , cap. II. in fine

censuit Chrysum amnem esse *Guadalete*. In

mentem mihi venit , an ei nomen dederint

Phoenices , in honorem Diamichii sui , qui

dictus fuit *Chrysor* , & navigationis parens

habitus est , ut ex Sanchoniatone Philo re-

fert

fert apud EUSEBIUM in *I. Præpar. Evangel. cap. 10.* ut sit, AVIENUS sic prosequitur *ψ. 420.*

*Ultra citraque quatuor Gentes colunt,
Nam sunt feroces hoc loco Libyphœnices,
Sunt Massieni, Regna Selbyssima sunt,
Feracis agri & divitis Tartessii,
Qui porriguntur in Calacticum sinum.*

45. Libyphœnices teste POLYBIO *Lib. III. cap. 33.* & LIVIO *Lib. XXI. cap. 22.* fuerunt mixtum Punicum Afris genus. Hi, ut ait PROCOPIUS *Lib. II. de Bello Vandalico*, semiphœnicia lingua utebantur. Nimirum, ut legitur in *Hannonis Periplo*, Placuit Carthaginensibus ut Hanno navigaret extra Columnas Herculis, & urbes Libyphœnicum conderet. In Africa etiam fuerunt Liby Phœnices, docente PLINIO *Lib. V. cap. 4.*

46. Reliquas tres gentes mirifice illustrat HERODOTUS *Libro suæ Historiæ decimo*, quem de Hercule consignavit hoc modo apud STEPHANUM BERKELIANUM in *V. Iberiæ. Gens hæc Iberica*, quam dico *maritima Trajecti habitare*, quamvis una gens sit, diversis tamen nominibus, distincta est. Primum quidem, qui ultimi versus occasum habitant Cynetes appellantur. Ab his versus Aquilonem tendenti, occurrunt Gletes, tunc Tartessi, deinde Elbysinii, post hos Mastieni, tum Calpiani, denique etiam Rhodanus. Ergo si retrograde procedamus, omit-

ta-

tamusque Rhodanum , qui videtur amnis *Guadiaro* , & Calpianos , qui prope Calpen habitant , Mastieni Herodoti sunt Massieni Festi Avieni ; Elbysinii illius , Regna Selbyssina hujus ; Tartessii utriusque sunt iidem ; Gletes igitur horum finitimi ; & ultimi versus occasum , fuerunt Cynetes. De singulis his gentibus STEPHANUS tractavit. Nos ejus testimonia huc transferemus , & opportuna etiam adjungemus ex aliis Geographis.

47. STEPHANUS igitur v. *Cyneticum* ita scripsit : *Cyneticum Iberiæ locus prope Oceanum , cujus meminit Herodotus Lib. X. de rebus Herculis. Incolæ Cynetes , & Cynesii :* ait *prope Oceanum* , nam confines erant Celtis , ut ante eum docuit HERODOTUS *Lib. IV. cap. 49.* POMPONIUS MELA *Lib. III. c. I.* Cyneticam regionem describens , sic ait : *Anæ (hodie Guadiana) proximum (promontorium) quia lata sede procurrens , paullatim se , ac sua latera fatigat , Cuneus ager dicitur. Sequens , Sacrum vocant.* (Cabo de San Vicente) *Magnum , quod ulterius est. In Cuneo sunt Myrtilis (hodie Mertola) Balsa , Os-sonoba. In Sacro , Lacobriga , (nunc Lagos) & Portus Hannibalis. In Magno , Ebora.* Sed ipse AVIENUS Cyneticam regionem latissime descripsit in eadem *Ora Maritima* v. 200. & seqq.

*Inde Cempsis adjacent
Populi Cynetum , Cyneticum jugum.*

Qua

*Qua sideralis lucis inclinatio est,
 Alte tumescens ditis Europæ extimum
 In beluosi vergit Oceani salum.
 Ana amnis illic per Cynetas effluit,
 Sulcatque glebam. Panditur rursus sinus,
 Canusque cespes in meridiem patet.*

Tres sequentes versus corruptissimi sunt, & quartus obscurissimus.

*Memorato aliam in gemina sese flumina
 Scindunt repente, per quæ prædicti sinus
 Crassum liquorem, quippe pinguescit luto,
 Omne hic profundum lenta tradunt agmi-
 na.*

Sed multo melius legitur in altero codice
*Nemoratus Ana in gemina sese flumina
 Scindit repente, per quæ prædicti sinus
 Crassum liquorem (quippe pinguescit luto)
 Omne hic profundum lenta trudent agmi-
 na.*

Hoc est, flumina lente fluunt ob liquoris crassitudinem.

*Hic insularum semet alto subrigit
 Vertex duarum: nominis minor indiga
 est.*

*Aliam vocavit mos tenax Agonida.
 Inhorret inde rupibus cautes sacra,
 Saturni & ipsa; fervet inlitis mare
 Littusque latus saxeum distenditur.*

(Id est, in litus) nam alia ex parte acclive est Promontorium Sacrum, quod in *Descriptione Orbis terræ* ita descripsit idem AVIENUS a. 749.

Prop-

*Propter Atlantei tergum salis Æthiopum
Gens*

*Hesperides habitat: dorsum (lego, horsum)
tumet hic Erythreia,*

*Hicque sacre, sic terga vocat gens ardua
montis;*

Nam protenta jugum Tellus trahit.

Interpres est Avienus sui ipsius v. 218.
Ora Maritimæ.

*Hirtæ hic capellæ, & multus incolis ca-
per*

Dumosa semper intererrant cespitum.

*Castrorum in usum, & nauticis vela-
mina*

Productiores, & graves setas alunt.

Hinc dictum ad amnem solis unius via
est: Amnis dictus est supra memoratus Cem-
psis.

48. A Cynetibus ad Gletes transeamus.
De his ita STEPHANUS. *Gletes gens Hi-
spanica post Cynetas, de qua Herodotus li-
bro decimo. Idem sunt ac Tletes facili per-
mutatione T. & T. de quibus idem STEPHA-
NUS. Tletes, gens Iberica, habitans circum
Tartessios. Theopompus quinto & quadrage-
simo.*

49. Tartesijs omisit AVIENUS, ita dicti
a flumine, aut urbe, de qua sic STEPHANUS:
*Tartessus urbs Iberiæ, a fluvio (Tartesso)
qui ab Argenteo monte defluit (id est, Gua-
dalquivir) qui fluvius stannum quoque in Tar-
tessum defert, Gentile Tartessus, & Tar-
tes-*

tessia, & Tartessis, & neutraliter,

.... Tartessium beatum oppidum.

STRABO *Lib. III. pag. 102.* declaravit quoniam fluvius fuit Tartessus, & Tartessi urbis situm, his verbis: *Ad Castaonem, & aliis in locis peculiare est metallum plumbi fossilis, cui admixtum paululum argenti, sed quod ab eo separare non sit operæ pretium. Non procul a Castaone mons est, unde Bætis dicitur profluere, quem montem Argenteum vocant, ob argenti in eo metalla. Et paullo post: Videntur autem veteres Bætin appellasse Tartessum, & Gades cum insulis vicinis Erythræam. Atque paucis interjectis: Cum autem Bætis duobus ostiis in mare exeat, ajunt olim in medio horum urbem fuisse habitatam Tartessum, fluvio cognominem, regionemque appellatam Tartessidem, quam nunc Turduli incolunt. Quin & Eratosthenes Calpæ adjacentem regionem Tartessidem vocari tradit, & Erythream, Insulam Fortunatam. Quem reprehendens Artemidorus, id falsum eum dixisse ait. Nec minus distincte PAUSANIAS in Eliacis Posterioribus ita scribens: Tartessum certe fluvium Hispaniæ esse tradunt, ostiis duobus in mare descendentem: anni cognominem urbem inter utrumque alveum sitam. Eum fluvium omnium Hispaniæ fluminum maximum, & præaltis vorticosum jugitibus, Bætin hujus ætatis homines nominant. Sunt & qui prisco nomine Tartessum Carpian vocitatam dicant. De gen-*

P.

te

te igitur hanc regionem incolente ait AVIENUS :

sunt

Feracis agri, & divitis Tartessii

Qui porriguntur in Calacticum sinum.

Dixit antea STRABO suo tempore Turdulos incoluisse Tartessidem. Consonat STEPHANUS in *v. Turditania*, ubi ita scripsit: *Turditania regio Iberiæ: quæ etiam Bætica vocatur circa Bætin fluvium. Incolæ, Turditani, & Turduli. Artemidorus vero Turtytanium vocat, et Turtos incolas, & Turtutanos.*

50. *Elbysinii* Herodoti sunt Regna Selbyssima Avieni, ubi Selbysina legendum. *Σιγπα* vero nullo modo tollendum est, nam frequenter fit, ut aspiratio omittatur, aut ut in *Σιγπα* convertatur docente ISIDORO *Lib. III. cap. 3.* MARTINO ANTONIO DEL RIO in *Medeam Senecæ* § 726. & BERNARDO ALDRETE *Lib. III. Originis Linguae Castellanae, cap. 2.* quod multis exemplis confirmare possem. Sufficiant vero sequentia.

51. *Alpesa* occurrit apud PLINIUM *Lib. III. cap. 1.* & tamen ejus cives dicuntur *Salpesani* apud RUDERICUM CARUM in *Relatione Inscriptionum, & antiquitatis villæ Utrerae, fol. 29.* & in *Antiquit. Hispalensibus Lib. III. Cap. 62.* & in *Novo Thesauro veter. Inscriptionum LUDOVICI ANTONII MURATORII, to. 2. fol. 1107. n. 7.* neque ullo modo PLINIUS emendari debet, ut voluit CARUS.

52. *Edetani* apud PLINIUM memorati *Lib. III. cap. 3.* observato litterarum ordine, & *Hedetani* apud PTOLÆMEUM *Lib. II. c. 6.* sunt *Sedetani* LIVII *Lib. XXXIV. c. 20.* quos STRABO *Lib. III. p. 112.* vocavit *Sidetanos*. Eorum regio *Sedetania* nominatur ab APPIANO in *Ibericis*. *Sedetanae Cohortis* meminit SILIUS ITALICUS *Lib. III. Punicor. v. 371.* ubi ita cecinit:

Hos inter clara thoracis luce nitebat
Sedetana Cohors , quam Suco rigentibus
undis

Atque altrix celsa mittebat Sætabis arce,
Sætabis , & telas Arabum sprevisse su-
perba ,

Et Pelusiaco linum componere lino.

53. *Elmantice* , cuius mentio occurrit apud POLYBIUM *Lib. III. cap. 14.* & STEPHANUM eum laudantem in *Elmantice* , dicitur *Salmantida* , id est *Salmantica* a POLYÆNO *Stratagematum Lib. VII.*

54. *Ex* , cuius mentio fit apud MELAM *Lib. II. cap. 6.* & PTOLEMÆUM *Lib. II. cap. 4.* idem est ac *Sex* , quod *Sexti Firmum* cognomine *Julium* appellavit PLINIUS *Lib. III. cap. 1.* atque hæc fuit *Exitanorum urbs* , unde *Salsamentis Exitanis* nomen , ut docuit STRABO *Lib. III. p. 108.* quem STRABONIS locum laudavit ATHENÆUS *Lib. III. Deipnosoph. pag. 91.* ubi memoratur colias *Sexitanus* , celebratus etiam a PLINIO *Lib. XXXII. cap. 11.* qui *Saxeta-*

auctore Hecatæo in Europa. Gens autem a Mastia urbe sic dicta est. Quæ urbs in Africa sita erat ab Hispanico nomine , ut constat ex POLYBIO Lib. III. cap. 24. qui cap. 33. ejusdem libri sic ejus originem declarat : Tertia Hannibalis cura erat , ut securitati Africæ prospiceret. Quam ad rem cauto , ac prudente consilio usus , ex Africa in Hispaniam , ex Hispania vero in Africam milites trajecit : hac ratione fidem populorum utrorumque mutuo inter ipsos vinculo alligans : qui in Africam transierunt sunt Thersitæ , Mastiani , item montani quidam Hispani. Ut vero hoc obiter dicam , Thersitæ fuerunt incolæ Tharsei , de quo ita STEPHANUS : Tharseium urbs ad Herculeas Columnas , Polybius tertio. Gentile debebat Tarseites , vel Tarsejotes. Nunc vero pro regionis consuetudine Tarseni dicuntur.

56. Redeamus ad AVIENUM. Hic posteaquam de Tartesiis loquutus fuerat , adjunxit ψ. 425.

Hos propter autem mox jugum Barbetium est,

Malachæque flumen urbe cum cognomine

Menace priore quæ vocata est sæculo.

Confudit hic AVIENUS Malacam cum Mænaca , quod ante eum alii fecerunt , quorum errorem reprehendit STRABO Lib. III. pag. 108. hoc modo : In hac ora prima urbs est Malaca , tanto a Calpe , quantum ab hac Gades , intervallo. Ea habet emporium,

rium, quo utuntur qui in opposito litore vivunt, multumque ibi conficitur salsamenti. Sunt qui hanc eandem putant cum *Menaca*, quam ultimam *Phocæorum* versus occasum civitatem accepimus; sed errant: nam *Menace* longius a *Calpe* dissitæ atque eversæ rudera *Græcanicæ* urbis vestigia retinent: *Mafaca* magis ad *Punicæ* (id est, *Phoeniciæ* lormam accedit.

57. Prosequitur AVIENUS, & ait ψ. 428.
Tartessorum juris illic insula
Antistat urbem, noctilucae ab incolis
Sacrata pridem.

Lunæ scilicet, cujus mentionem fecit ψ. 367. quamque *Noctilucam* vocat, ut HORATIUS *Lib. IV. carm. ode 5.* Adjungit AVIENUS:

In insula stagnum quoque
Totusque portus, oppidum Minace super.
 NICOLAUS ANTONIUS in notulis suis ad AVIENUM pro totus legit tutus; pro *Minace*, *Mænacæ*. Utrumque recte.

Qua sese ab undis regio dicta subtrahit,
Sisurus alto mons tumet cacumine.

Assurgit inde vasta cautes, & mare
Intrat profundum: pinus hanc quondam
frequens.

Ex se vocari sub sono Grajo dedit.
 Habuit itaque nomen, *Pytiussa*, id est, *Pinaria*, quo nomine plurimæ insulæ vocatæ sunt, ut videre est apud PLINIUM *Lib. IV. cap. 12. Lib. V. cap. 29. 31. & 32.*

Phanumque ad usque Veneris, ac Veneris

ris jugum

Littus recumbit.

Intelligit Erythiam, sive Aphrodisiam de qua idem AVIENUS v. 309. & seqq.

Hinc Erythia est insula

Diffusa glebam, & juris olim Punici.

Habuerit primo quippe eam Carthaginis

*Priscæ (legendum, Prisci) coloni, inter-
fluoque scinditur*

Ad continentem quinque per stadia modo.

Erythia ab arce, qua diei occasus

Veneri marinæ consecrata est insula,

*Templumque in illa Veneris, & penetral
carum*

Oraculumque monte ab illo, quem tibi

Horrere silvis dixeram, in Veneris.

Littus recline, & molle arenarum jacet

In quas Besilus, atque Cilbus flumina

Vergent fluentum.

58. Prosequitur AVIENUS v. 438.

Porro in isto litore

Stetere crebræ civitates antea

Phoenixque multus habuit hos pridem locos

Inhospitales nunc arenas porrigit

Deserta Tellus, orba cultorum Sola

Squalent, jacentque. Veneris abaito jugo

Spektatur. Herma cespitis Libyci procul

Quod ante dixi.

Cum AVIENUS alludat ad id quod dixerat; operæ pretium erit ex eo lucem huc afferre. Dixit itaque v. 321. & sequentibus.

Post in occiduum diem

*Se Massienum curvat alto ab Æquore,
Sinuque in imo surgit altis moenibus
Urbs Massiena. Post jugum Traète emi-
net.*

*Brevisque juxta Strongyle stat insula.
Dehinc in hujus insulæ confiniis
Immensa tergum latera difundit palus
Theodorus illic.*

61. ARISTOTELES de *Mirabilibus au-
scultationibus* num. 43. videtur vocasse hunc
fluvium Theodoronta, quem FRANCISCUS
RUICIUS in laborioso, & utili, Aristote-
leorum operum Indice, ALDRETUS *Lib. III.*
Originis linguae Castellanae, cap. 10. & MAR-
TINUS ANTONIUS DEL RIO in *Thyestem Sene-
cæ* v. 354. censent esse Tagum, nec im-
merito.

*Nec stupori sit Tibi
Quod in feroci, barbaroque stat loco
Cognomen hujus Græciæ ascipis sono
Prorepat amnis.*

NIC. ANTONIUS pro *stat*, legit, *stans*. Ego
ei assentiens, reliqua sic emendare pergo.

*Nec stupori sit Tibi
Quod in feroci barbaroque stans loco
Cognomen hujus Græci accipiens soni,
Prorepat amnis: ista Phœnices prius
Loca incolebant. Rursus hincse litoris
Fundunt arenæ, & litus hoc tres insulæ
Cinxere late. Hic terminus quondam stetit
Tartessorum, hic Herna Civitas fuit
Gymnetes istos gens locos insederant.*

Nunc

*Nunc destitutus, & diu incolis carens
Sibi sonorus Alebus amnis effluit.*

62. Atque hactenus quidem AVIENUS. STRABO *Lib. III. pag. 103.* plerasque Turdetaniæ urbes a Phoenicibus habitari ait. Difficile nunc est eas distinguere. Fortasse *Belon* una ex illis fuit, cujus mentionem fecerunt STRABO *Lib. III. pag. 96.* PLINIUS *Lib. III. cap. 1.* ANTONINUS loquens de *Trajectu a Bælone in Tingin.* PTOLEMÆUS de Turdulis verba faciens *Lib. II. cap. 4.* STEPHANUS BYZANTINUS in *Belon.* Quid enim obstat quominus nomen ei fuerit inditum in memoriam Beli Tyrriorum urbis, de qua SCYLAX in *Periplo Syriæ & Phoeniciæ pag. 102.* aut amnis Beli, qui e Phoenicia oriebatur, ut ait PLINIUS *Lib. V. cap. 19. & Lib. XXXVI. cap. 26.*

63. Ad Phoenicias Colonias verisimiliter etiam referri potest *Succubo*, cujus meminit PLINIUS *Lib. III. cap. 1.* unde traxit originem M. ANTONINUS Philosophus: nam, ut ait JULIUS CAPITOLINUS in ejus Vita, *ejus proavus paternus Annius Verus prætorius ex Sucubitano municipio in Hispania factus Senator.* Legi ego Bochartum alicubi indicasse, *ubbo* lingua Phoenicia significare *portum.* Quod si verum est, municipium fuit maritimum originis Phoeniciæ, fortasse diversum ab *ucubi*, cujus meminit HIRTIUS *Lib. I. de Bello Hispaniensi pag. 501. 502. 508. 509. & 511.*

64. Verum multo certius est inter Phoenicum Colonias numerandam esse insulam Cartare, quæ hodie dicitur *de Saltès*. Sed operæ pretium erit AVIENUM audire, & obscurum ejus contextum explicare. Igitur in *Ora Maritima a* §. 248. ita scripsit:

*Anhyberus inde manat amnis, & locos
Fœcundat unda. Plurimi ex ipso ferunt,
Dīctos Hiberos, non ab illo flumine,
Quod inquietos Vasconas prælabitur.
Nam quidquid amni gentis hujus adjacet
Occiduum ad axem, Hyberiam cognomi-
nant.*

*Pars porro Eōa continet Tartessios,
Et Cilbicos. Cartare post insula est,
Eamque pridem influxe, satis est fides,
Tenuere Cempsī: proximorum postea
Pulsi duello, varia quæsitum loca
Se protulere. Cassius inde mons tumet,
Et Graja ab ipso lingua Cassiterum prius
Stannum vocavit.*

Pro Anhybero reponendum est *Hiberus*, quem puto esse amnem *Odiel*, cui convenit locos, sive agros fœcundare; non vero *Urio* (*el Rio Tinto*) qui eos urit.

65. *Cartare* insula præculdubio est; quæ hodie dicitur *de Saltès*; nam hæc est unica insula maritima in illa ora ab *Ana* flumine ad *Bætin*. Reliquæ sunt fluviales, & temporariæ ex æstu provenientes, quas Hispani dicimus, *Islotes*. Hujus insulæ meminit STRABO Lib. III. pag. 117. ubi loquens de

Ty-

Tyriis, & narrans ea quæ Gaditani referebant, scripsit: *Aliquanto post tempore missos (Tyrios) extra Fretum progressos ad 160. stadia, ad insulam venisse Herculi sacram, e regione Onobæ Hispanæ urbis sitam.* Onoba e regione insulæ non est Gibræleon, ut voluit CARUS *Lib. III. Antiquit. Hispal. cap. 75.* quod dubitanter retulit NIC. ANTONIUS in *Censura Historiarum fabulosarum, Lib. VI. cap. 3. num. 47.* sed Huelva. Hanc insulam, & oppidum ei proximum descripsit Geographus Nubiensis, *Climatis 4. Parte 1. pag. 152.* hoc modo. *Huic (Climati Bahairæ) accedit Provincia Sciorf. (id est, Nobilitatis) inter Siviliam, Lablam (Niebla, olim Ilipla) & Mare Tenebrosum (id est, Oceanum) conclusa, sub qua comprehendebantur hæc loca munita, Castellum Alcatsr (id est, Arcis, & inde Hispana vox Alcazar) urbs Labla, Velba, insula Saltis. Et distinctius pag. 155. Urs Labla pulchra est, ac vetustissima, habetque ab oriente flumen (el rio Tinto) ex partibus montis ad ipsam excurrentis, & stratus pons viam aperit ad urbem. Distat autem prædicta urbs Labla a mari Oceano VI. M. P. Ibi in eodem loco est etiam urbs Huelva, insulam Saltis prospectans: nam e plaga meridionali hujus insulæ, quæ habet in longitudine mille passus, & amplius, jacet urbs prædicta: atque illic exstat sinus maris, ostium fluminis Lablæ excipiens, quod ostium, quia mille passum latitudinem*
ibi

ibi superat , naves penetrare non desistunt usque ad angustas faces , in quibus ille sinus , ad simplicem alvei fluminis latitudinem redigitur , adeo ut semijactus lapis alteram feriat ripam. Erumpit autem flumen illud e radicibus montis , super quo condita est urbs Huelva , & ab eo fonte patet via usque ad Lablam. Ab urbe Saltis ad insulam Gades habentur centum M. P. Hæc igitur insula est , de qua ait AVIENUS.

Cartare post insula est

*Eamque pridem influxe , satis est fides ,
Tenuere Cempsî.*

Quæ verba sine sensu sic restituo :

*Eamque pridem , ni fluxa factis est fides ,
Tenuere Cempsî.*

Fluxa fides legitur apud Tacitum *Lib. III. Hist. cap. 48.* AVIENUS eodem sensu loquutus est , ut mihi videtur.

66. Onubæ situm designavit PLINIUS *Lib. III. cap. I.* ubi Bæticam describens , ait. *Ex his (oppidis) digna memoratu , aut Latiali sermone dictu facilia , a flumine Ana , litore Oceani , oppidum Onoba Lusturia cognominatum. Interfluentes , Luxia , & Urium, Ariani montes : Bætis fluvius.* Ubi recte Maillardi editio habet , *Onoba* , cum in plurimis aliis exemplaribus male , *Ossonoba* legatur. *Onoba* autem , *Lusturia* cognominatur , ut distinguatur ab alia *Onoba* sita prope Cordubam , de qua PLINIUS *Lib. III. cap. I.* Dicta autem fuit *Lusturia* a duobus a-

nni-

mnibus, *Luxia*, nunc *Odiel*, & *Urio*, *rio Tinto*: & quia illi proximior, quam huic, illius nomen in priore cognominis parte expressum est, hoc in posteriore. Optima igitur lectio est *Lusturia*, aut, quod idem est, *Listuria*, ut eam vocavit PTOLEMÆUS *Lib. II. cap. 4.* Cum autem Martianus Heracleota Ptolemæum eximie laudaverit, *sapientissimum eum*, & *divinissimum* vocans, *pag. 2. & 6.* proculdubio ubi in aliquibus exemplaribus legitur *Asturia*, ipse scripsit *Lusturia* cum facilis sit permutatio Λ. & Α; atque ita quidem scriptum fuit in codice Hervuorti teste Hoeschelio *pag. 40.* Ex *Asturia*, autem nata est apud PLINIUM depravata lectio *Æstuarina* incitante loci conditione, nam *Onuba* sita est in *æstuario*: sed hoc ei commune est cum multis aliis oppidis. Illud obiter admoneo, scribendum esse *Onuba* cum quinta vocali ut ex nummis apparet. Ad amnem vero *Luxiam* quod attinet, alius est, per Mauritaniam fluens, qui *Lixus*, & *Linx* dicitur, teste STEPHANO in *Lix*, juxta quem amnem sita fuit *Lixus* urbs Phoenicum, ut refert SCYLAX CARYANDENSIS in *Periplo*, *cap. de Carthagine*, *pag. 124.* & ut ait PLINIUS *Lib. XIX. cap. 5.* oppidum *Lixus* fuit in æstuario, ubi Hesperidum horti fuisse produntur juxta delubrum Herculis, antiquius Gaditano, ut ferunt, quæ omnia arguunt Phoenicum originem. Prisci Gaditani huc usque navigabant navigationis causa;

nam

nam STRABO *Lib. II. pag. 68.* loquens de secunda Eudoxi Cyzineni navigatione, qua ventis supra Æthiopiam delatus fuit, refert inde in Ægyptum retulisse proræ summum, quam exhibuit naucleris, fuisseque ab his edoctum, Gaditanæ esse id navis: nam Gaditanorum mercatores ingentibus uti navibus; pauperes parvis, quas equos appellent a proræ insignibus, iisque eos piscandi gratia usque ad Lixum amnem circa Maurusiam navigare, atque adeo quosdam nauclerorum agnovisse lignum illud unius eorum fuisse, qui ulterius a Lixo fluvio navigarant, neque reversi fuerant. Atque ex illa consideratione nata fuit Eudoxi navigatio in Urbem Gaditanam.

67. Sed Avieni narrationem sequamur. Casius mons est *Sierra Morena*, ut optime vidit FLORIANUS CAMPENSIS *Lib. III. c. 7. fol. 133. pag. 1. & fol. 135. pag. 1.* Hic autem mons fortasse ita dictus a Phoeniciis ob gratam memoriam montis Casii in Syria siti, de quo STRABO, & alii Geographi. Ideoque uno s. scribi debet, ut admonuit CLAUDIUS SALMASIUS in *notis ad Ælium Spartianum*, pag. 26. quam conjecturam confirmat ipse AVIENUS cum ait:

*Casius inde mons tumet,
Et Graja ab ipso lingua Cassiterum prius
Stannum vocavit.*

non enim ait, montem a Græcis nomen accepisse; sed Græcos ex monte Casio stannum

num vocavisse *Cassiterum*.

168. Sed ab insula *Cartare* ad Fretum Herculeum redeamus, legamusque inde oram maritimam Hiberici maris, in quo multæ fuerunt Phœnicum Coloniae, & inter eas etiam aliæ Punicæ. Nam MARTIANUS HERACLEOTA in *Periplo Partium Beticæ a Calpe usque ad terminos Lusitaniæ*, ita scripsit: *A Calpe monte & Columna, quæ in principio maris interioris est, enaviganti in Fretum Oceanumque, & a dextra habenti Iberiæ continentem ad Cartheiam stadia sunt 50. Hic accolitur gens Bastulorum, qui dicuntur Pœni. PTOLEMÆUS Lib. II. cap. 4. recensens Bastulorum oppida, hæc enumeravit. Menralia (hoc est, Mellaria, hodie Beger de la miel) Transducta, Barbesula (quam MELA Lib. II. cap. 6. vocavit Barbesul) Carteia, de qua sic idem MELA eod. Lib. & cap. Sinus ultra est, in eoque Carteia (ut quidam putant) aliquando Tartessos (eodem modo loquutus fuit STRABO Lib. III. p. 104. id autem inter alios credidit B. HIERONYMUS in Proœmio Lib. II. in epist. ad Galatas) & quam transvecti ex Africa Phœnices habitant, atque unde (melius inde) nos sumus. Fuit igitur Carteia Phœnicum Colonia: postea Libyphœnicum habitatio, de quibus egit POLYBIUS Lib. III. cap. 35. & LIVIUS Lib. XXI. cap. 22. De ea egit ARTEMIDORUS Lib. II. Geographicorum apud STEPHANUM in Carthæa. Clape mons & Colu-*

lumna interioris maris. In Iberico vero mari Barbesolæ fluminis ostia. Suel, cujus oppidi meminit PLINIUS *Lib. III. cap. I.* atque inscriptio apud REINESIUM *Classe I. num. 99.* & videtur fuisse originis Phœnicia: nam ut scripsit THOMAS PINEDUS in observationibus ad STEPHANUM BYZANTINUM *de Urbibus v. Azani* Hebræum *Sonhal* significat vulpem: ideoque idem videtur esse, *Suel*, ac *locus vulpium*. Equidem POMPONIUS MELA *Lib. II. cap. 6.* *Suel* memoravit inter oppida Phœnicia. *Saducæ* fluminis ostia. *Malaca*: de qua ita STRABO *Lib. III. pag. 108.* *In hac ora prima urbs est Malaca, tanto a Calpe, quantum ab hac Gades, intervallo. Ea habet emporium, quo utuntur qui in opposito litore vivunt, multumque ibi conficitur salsamenti. Sunt qui hanc eandem putant cum Mænaca, quam ultimam Phocæorum versus occasum civitatem accepimus; sed errant; nam Mænacæ longius a Calpe dissitæ atque eversæ rudera Græcanicæ urbis vestigia retinent: Malaca magis ad Punicæ (id est, Phœnicia) formam accedit. Quare cum multum ibi conficeretur salsamenti; videtur Malaca vocata ab Hebraico verbo Malach, id est, salivit. Manoba, quæ apud MELAM *Lib. II. cap. 6.* STRABONEM *Lib. III. pag. 99.* & PLINIUM *Lib. III. cap. I.* dicitur *Manoba*. Sed verum ejus nomen videtur esse *Menuba*, ut apparet ex inscriptione, quam affert NIC. AN-*

TONIUS in *Censura Historiarum fabulosarum Lib. VI. cap. I. n. 30.* quam lectionem comprobavit HIERONYMUS PAULLUS in libello *de Fuminibus Hispaniæ. Sex*, Straboni Exitanorum urbs, unde Salsamentis Exitanis nomen, *Lib. III. pag. 108. Salambina*, hodie *Salobreña*, quasi Syriace dixeris *Urbs Veneris*. ÆLIUS LAMPRIDIUS in *Vita Hellogabali* ait, *eum Salambonem etiam omni planctu, & jactatione Syriaci cultus exhibuisse. Salambo Veneris* est epitheton, ut ibidem ait Salinasius. Adde Etymologum Magnum *v. Salambas*. Hispali etiam cultum idolum *Salambonem* constat ex Actis Sanctarum *Iustæ & Rufinæ* apud BONINUM MOMBRITIUM. *Exoche. Abdara* (MELA scripsit *Abdera*, *Lib. II. cap. 6.* itemque STRABO *Lib. III. pag. 108.* ubi ait eam Poenorum, hoc est, Phoenicum opus. Hodie vocatur *Adra. Portus Magnus*, hodie *Puerto Polman*. Charidemi promontorium (nunc *Cabo de Gata*) *Baria*, sive *Barea*, de qua PLINIUS *Lib. III. cap. 3.* Atque hactenus PTOLEMÆUS, quem obiter illustrare visum fuit.

69. An *Eldana* urbs Vaccæorum, cujus meminit PTOLEMÆUS *Lib. II. cap. 6.* fuerit originis Phoeniciæ, dubitari potest, cum *Eddana*, urbs ad Euphratem sita, Phoenicum Colonia fuerit, ut refert STEPHANUS BYZANTINUS in *Eddana*; & facile mutari potuerit D. in L.

70. Certe non sine aliqua verisimilitudine

dine audebo dicere , prisca nomina propria oppidorum , quæ fuerunt , aut adhuc permanent in Hispania , finita in IPO suam originem debere Phoenicibus. Conjecturam inde duco , quod omnium gentium proprium est dictionem aliquam frequenter usurpare in oppidorum nominibus. Quo posito audiamus Sallustium. Is in *Bello Jugurtino* , cap. 22. ita scripsit : *Postea Phœnices alii multitudinis domi minuendæ gratia , pars imperii cupidine , sollicitata plebe , & aliis novarum rerum avidis , Hipponem , Hadrumetum , Leptim , aliasque urbes brevi multum auctæ , pars originibus suis præsidio , aliæ decori fuerunt.* *Hippo* igitur Colonia fuit Phœnicum , cujus nominis originem dicitur BOCHARTUS deduxisse ab *Ubo* , vel *Ubbo* , quæ Syriace idem significant , ac sinus , ubi *Hippo* Africana condita fuit. Sed si hanc significationem extendamus ad Hispanorum oppidorum nomina desinentia in IPO , nimis longe petita videbitur , cum sinus nomen parum aptum sit ad tot oppida distinguenda. Equidem Arabice *Ubbon* tam stagnum , quam sinum significat , & prior significatio facilius accommodari potest. Quidquid autem sit de hujus vocis notatione , quæ mihi videtur scitu difficilis , cum *Hipo* Africana fuerit Colonia Phœnicum , ex parte verisimile est quod ALDRETUS notavit *Lib. III. Originis linguæ Castellanae* , cap. 9. pag. 340. in margine in Hispaniis *Hipponem* , unam *Caurasiorum* in

Conventu Hispalensi, & aliam prope Toletum, & aliam *novam* in Ulteriori, Phoenices condidisse. Dixi *ex parte*; nam quod ait de *Hippone Caurasiorum*, proculdubio falsum est. Etenim *Hippo Caurasiorum* nunquam fuit; & si quondam exstitisse existimatum sit, ob depravatam PLINII lectionem. Nimirum *Lib. III. cap. I.* sic legebatur: *Vergentum, quod Julii genitor. Ippo Caurasiarum.* Sed CARUS *Lib. III. Antiq. Hispal. cap. 20.* acute vidit legendum esse: *Vergentum, quod Julii Genius, Oripo, Caura, Siarum.* Præterea apud eundem PLINIUM *ead. cap.* in aliquibus codicibus legitur, *Iphonoba*, quod mihi displicet: in aliis *Hipponoba*, quod vereor an Grammaticis displiceat propter genus femininum; in aliis *Hipponoba*: quæ lectio mihi probabilior videtur. Solummodo igitur superest Hippo situs prope Toletum, cujus meminit LIVIUS *Lib. XXXIX. cap. 30.*

71. Sed ut redeam ad notationem nominis, quo de agimus; mihi verisimilius videtur, *Hippo* significare *oppidum*, cum *Julipa* idem esse videatur ac *Julii oppidum*, cujus verum nomen colligitur ex gentili *Julipense*, quod distincte legi asseverant oculati testes, JOHANNES FERNANDEZ FRANCO, Philippi Secundi Historiographus, laudatus a MARTINO DE ROA, & RUDERICO CARO in *Antiq. Hispal. Lib. III. cap. II. f. 99.* & NIC. ANTONIUS in *Censura Historiar.*
fa-

*fabulosar. Lib. VI. cap. 2. num. 4. & in Biblioteca Veteri Hispana Lib. VI. cap. 7. num. 159. & Lib. VII. cap. 7. num. 120. quibus adjungi debet BERNARDUS ALDRETE in Antiq. Africae Lib. III. cap. 21. pag. 417. unde corrigenda est inscriptio apud MORALEM Lib. IX. cap. 28. fol. 286. OCCONEM , pag. 23. num. 12. GRUTERUM pag. 146. num. 7. HARDUINUM in Nummis antiquis v. Ilipa , & ad PLINII Lib. III. pag. 182. num. 11. JOSEPHUM PARDUM in Dissert. de Conditione , nomine , & antiquitate urbium Hispalis , & Italicae pag. 6. & apud TAMAJUM in Martyrologio Hispano , tom. v. die 14. Septembris , pag. 188. ubi egregii illius monumenti forma conspicitur. Atque ipse BOCHARTUS verisimilius *Ilith-peah* , interpretatur *celsam plagam*. Quapropter si Coloniae , quorum nomina desinunt in IPPO , Phoenicibus debentur , in hunc censum venire debent sequentes.*

72. *ACCINIPPO* , Celticae oppidum apud PLINIUM *Lib. III. cap. 1. & PTOLEMAEUM Lib. II. cap. 4.*

73. *BÆSIPPO* collocatur a PTOLEMAEO in Turdetanis *Lib. II. cap. 4.* qui habitabant ad Fretum Herculeum , ut ait STRABO *Lib. III. pag. 95. & ibi ponitur etiam a POMPONIO MELA Lib. II. cap. 6. appellaturque a PLINIO Portus Bæsippo Lib. III. cap. 1. cujus meminit ANTONINUS in itinere a Malaca Gadis , & RAVENNAS Lib.*

IV. *cap.* 43. Ejusque ruinæ visuntur ad promontorium *Trafalgar*, & hodie dicuntur esse *Aguas negras*, teste JOHANNE CONDUITH. Fuit autem hoc oppidum Gaditani Conventus, & stipendiarium teste PLINIO *Lib. III. cap.* 2.

74. *BASILIPPO* occurrit apud ANTONINUM in itinere a Gadibus Corduba, prope Hispalin, ut ait RAVENNAS *Lib. IV. cap.* 45. ubi nominavit eam *Basilipam*, id est, ut existimo, Regum oppidum.

75. *BELIPO* exstat apud PLINIUM *Lib. III. cap.* 2. & ejus nomen, ut alibi dixi, originem Phoeniciam videtur arguere.

76. *CEDRIPO* amisit nomen. Sed L. Cæsius Maximinus Cedriponensis memoratur in lapide reperto in oppido Estepa, cujus inscriptio legitur apud MORALEM in *Antiquit. fol.* 81. *pag.* 2. OCCONEM *pag.* 3. n. 7. & MURATORIUM Tomo 2. *Thesauri veter. Inscript. pag.* 1037. n. 2. quam immerito GRUTERUS inter spuria retulit *pag.* 14. num. 9.

77. *COLLIPO* invenitur apud PLINIUM *Lib. IV. cap.* 21. in Pæsuris juxta flumen Vacuam. Decuriones Colliponenses memorantur apud GRUTERUM *pag.* 323. num. 8. in inscriptione reperta Leiriæ in Lusitania. Unde apud eundem GRUTERUM *pag.* 1155. num. 7. pro *Collipronensi* legendum est *Collipponensi*.

78. *DIPONE* fortasse huc referri debet,

bet, occurritque apud ANTONINUM in itinere ab *Olisipone Emeritam*, & apud RAVENNATEM *Lib. IV. cap. 44.* sub nomine *Bippone*.

79. *ILIPO* amisisset hominum memoriam nisi ejus existentia colligeretur ex gentili, *Iliponenses*, quod reperitur apud GRUTERUM *pag. 351. num. 5.* unde emendanda, & supplenda est, inscriptio *pag. 305. num. 8.* quam GRUTERUS non habuit, ut ipse refert, ex *Morali*, qui nusquam eam protulit, sed ex *OCCONE pag. 4. n. 3.* qui *Moralis* testimonium adduxit quidem, sed pertinens ad inscriptionem subsequentem: in quo facilis fuit GRUTERI error. Sed non æque excusandus HARDUINUS, qui in *Notis*, & *Emendationibus ad Plinii Lib. III. num. XI.* & in *Nummis antiquis v. Ilipa*, gentile *Iliponense* deductum ab *Ilipo* cum *Ilipense* derivato ab *Ilipa* confudit.

80. *IRIPPO* ex nummis solum cognoscitur.

81. *LACIPPO* invenitur apud MELAM *Lib. II. cap. 6.* & PLINIUM *Lib. III. c. 1.* Et MELA oppidum hoc enumeravit inter alia quæ sunt originis Phoeniciæ.

82. *OLISIPO*, de quo VARRO *Lib. II. de Re rust. cap. 1.* & MELA *Lib. III. cap. 1.* nomen dedit Promontorio *Olisiponensi*, quod alii *Art. brum* appellavere, alii *Magnum* teste PLINIO *Lib. IV. cap. 22.* qui dixit, *Olisipo equarum e Javonic ventu con-*

ceptu nobile, quod inculcavit *Lib. VIII. c. 42.* post VARRONEM *Lib. II. de Re Rustica cap. I.* & COLUMELAM *Lib. VI. cap. 27.* quam opinionem sequuti sunt SILIUS ITALICUS *Lib. III. Punicor. v. 380.* & *Lib. XVI. v. 365.* ÆLIANUS *Lib. IV. de Hist. Animal. cap. 5.* & MARTIANUS CAPELLA *Lib. VI. cap. de Divisione Terræ.* Mirabile dictu, ut cum Virgilio dicam in re pari *Lib. III. Georgicor. v. 275.* Verum hoc optime JUSTINUS declaravit *Lib. XLIV. c. 3.* In Lusitanis (inquit) juxta flumen Tagum vento equas foetus concipere multi auctores prodidere, quæ fabulæ ex equarum foecunditate, & gregum multitudine natæ sunt: qui tanti in Callæcia, & Lusitania actam pernices visuntur, ut non immerito vento ipso concepti videantur. Similem fabulam narravit HOMERUS *Lib. XX. Iliados.* Vide Cl. virum FRANCISCUM FERDINANDUM DE CORDOVA in *Didascalia multiplici, cap. 48.* *Olisipo, Felicitas Julia* cognominatum, teste PLINIO *Lib. IV. cap. 22.* PTOLEMÆUS *Lib. II. cap. 5.* appellavit illud *Oliosippon.* Sed verum ejus nomen est *Olisipo*, ut apparet ex eleganti hac inscriptione reperta *Petrīs nigris:*

L. CAECILIO. L. F. CELERI. RECTO

QVAEST. PROVINCIAE. BAET.

TRIB. PLEB. PRAETORI

FELICITAS. IVLIA. OLISIPO

quam inscriptionem debeo doctissimo viro

Tho-

Thomæ Cajetano de Bem, Clerico Regulari, cujus infatigabili diligentia plurima ejusmodi monumenta Respublica Litteraria expectare debet. Hinc apparet non esse scribendum *Ulysipo*, sed *Olisipo*, ut legitur etiam in aliis lapideis monumentis apud GRUTERUM pag. 252. n. 5. & 273. n. 2. & CARUM in *Antiquit. Hispal. Lib. III. c. 73. fol. 203. col. I.*

83. Apparet etiam, fabulosum esse, quod SOLINUS scripsit cap. 8. oppidum *Ulysippo* ab *Ulysse* conditum, quod transcripsit B. ISIDORUS *Etymol. Lib. XV. cap. I.* sed prius probandum erat, Ulyssem in Hispaniam venisse. Vere apud STOBÆUM sermone 4. *Bion Grammaticus* agebat, errores *Ulyssis* inquirentes non animadverterunt suos, neque animadvertere quod in hoc ipso errarent, in vanis, & inutilibus illis laborantes. Sed egregie ad nostrum propositum SENECA epist. 88. Quæris, *Ulixes* ubi erraverit, potius, quam efficias ne nos semper erremus? Non vacat audire, utrum inter *Italiam*, & *Siciliam* jactatus sit, an extra notum nobis orbem: neque enim potuit in tam angusto error: esse tam longus. Adde GELLIUM *Noct. Atticar. Lib. XIV. cap. 6.*

84. ORIPPO occurrit apud PLINIUM *Lib. III. cap. I.* cujus loci restitutionem debemus RUDERICO CARO *Lib. I. Antiq. Hispal. cap. 20.* Occurrit etiam apud ANTONINUM in itinere a *Gadibus Corduba*, ubi

HIE-

HIERONYMUS ZURITA sic scripsit : *Exstat apud me nummus vetustissimæ notæ , cujus altera parte effigies humani capitis visitur sine nomine ; ante os uva adposita , & in aversa parte Apisbos genibus flexibus : quasi adorans ; cauda sursum detorta versus crescentis lunæ ortum : & infra Oripippo : cujus hieroglyphicæ imaginis ratio apud Plinium Lib. VIII. pluribus explicatur. AMMIANUS Lib. XXII. cap. 13. Apin Lunæ dedicatum , qui diversis notarum figuris exprimeretur. Itaque in vetere illo nummo æreo apud Focaultium , ubi Iripippo legebatur , aliud oppidum designabatur. Hodie autem Oripippo dicitur Dos hermanas , si CARO credimus , sed verius Estepa la nueva.*

85. OSTIPPO fuit oppidum liberum pertinens ad Conventum Astigitanum , ut refert PLINIUS Lib. III. cap. 1. ANTONINUS in itinere a Gadibus Corduba , collocavit illud inter Ilipam (hodie Peñaflor) & Barbam , cujus Presbyter Januarius subscripsit in Concilio Iliberritano. JOHANNES HARDUINUS in notis ad PLINIUM Lib. III. cap. 1. num. 13. voluit , Ostipo esse Astapam , quam memorarunt LIVIUS Lib. XXVIII. cap. 22. & APPIANUS in Ibericis , pag. 922. quem male intellexit STEPHANUS BIZANTINUS , qui in v. Astapai , ita scripsit : Astapai , gens Libyæ , cujus Appianus libro sexto meminit : nam ut optime admonuit PHOTIUS cod. LVII. APPIANUS Lib. VI. Romanorum Hiberica scri-

scripsit, & ut ex eodem APPIANO, & LIVIO constat, *Astapæi*, non Libyci, sed Hispani fuere, qui semper steterunt in Carthaginensium partibus, ut laudati LIVIUS, & APPIANUS referunt: qui cum hoc addiderint, Astapæos a Romanis obsessos in summa rerum desperatione, pretiosissimis rebus suis in unum locum congestis, & conjugibus liberisque suis trucidatis, ac postea concrematis, se etiam in ignem coniecisse; proculdubio ex eo tempore oppidum illud frequentari desiit: & licet APPIANUS memoret, Martium Astapæorum virtutem miratum in tecta non sæviisse; tamen LIVIUS congruentius ait: *Vita Astapa sine præda militum ferro ignique absumpta est*. Idque est verisimilius, cum ex eo tempore nullus Historicorum & Geographorum ejus oppidi mentionem fecerit. Quare nulla probabili conjectura asseruit HARDUINUS, *Ostipo esse Astapam*. Imò contrarium facile evincitur. Nam *Ostipo* nomen retinet in lapidibus inscriptis repertis in oppido *Estepa*, quos legit eruditissimus MARTINUS VAZQUEZ SIRUELA, ut ipse testatur in epistola, quam cum esset in ipsa *Estepa*, NIC. ANTONIO misit v. Nonas Julias anni 1650. Cum autem I. & V. promiscue usurpentur, uti videre est in *Asturia*, & *Astyria* apud Muratorium *tomo III. Novi Thes. veter. Inscript. pag. 11057. n. 3. Lusitania*, & *Lysitania*, in *Tyri*, & *Turia*, in *Tyde* & *Tui*; idem oppidum fuisse puto *Osti-*

stipo, ac *Ostupo*, in hummo, quem vidit Emmanuel Martinus, ut ipse ait *epist.* 15. *Lib. vii.* *Astapa* autem proculdubio sic nominata fuit, cum STEPHANI BYZANTINI Epitomator, qui litterarum ordinem servavit, cives ejus nominavit Astapanos. AMBROSIIUS MORALES in *Antiquit.* fol. 81. ait Astapam esse hodie, *Estepa la vieja*. Unde in Estepam hodiernam translati sunt lapides inscripti. *Oripo* autem est hodierna *Estepa*, ut ait MARTINUS VAZQUEZ SIRUELA, doctis Inscriptionibus, quas ipse vidit, sed quam copiam non fecit.

86. *SERIPPO* fuit oppidum in Celtica situm auctore PLINIO *Lib. III. cap. I.*

87. *VENIPPO* legit EMMAUEL MARTINUS in numismate quod ipse possedit, ut ipse testatur in *epist.* 3. *Lib. viii.* Sed legendum esse *Ventippo* secundum nummum melius conservatum admonuit HENRICUS FLOREZIUS *tomo X. Hispania Sacra, pag. 80.* Dubito autem an apud auctorem de *Bello Hispaniensi Lib. vi. pag. 514.* ubi legitur: *in sequenti tempore Ventisponde oppidum cum oppugnare coepisset, reponi debeat Ventipponem:* quam lectionem libenter substituerem.

88. Aliquando *IPPO*, vel potius *IPA* ita ut exigit compositio, præponitur cum eadem, ut existimo, significatione: ut in *Ipagro* apud ANTONINUM in itinere a *Gadibus Corduba* & in *Ipasturgi* apud PLINIUM *Lib. III. cap. 17.* quæ urbes memorantur a Rege Si-

Sisebuto in *l. 13. tit. 2. Lib. XII. legum Wisigothorum*, ubi pro *Sturgi* legendum *Ipasturgi*.

89. At vero si alicui memoratæ Coloniae non Phoenicum, sed Carthaginensium fuisse videantur, argumento ducto ab ipsa Carthagine, quæ Phoenicum fuit Colonia; & tamen ejus cognomen *Carthago Nova*, Colonia fuit Carthaginensium; nullo modo repugnabo; præsertim cum Coloniae, quorum nomina desinunt in *IPPO* multæ sint, & earum multitudo tantam antiquitatem præ se ferre non videantur. Idemque dici poterit de *Lepti*: nam Africana, ut vidimus apud SALLUSTIUM *de Bello Jugurthino*, cap. 22. quem sequutus fuit PLINIUS *Lib. v. cap. 20.* & B. ISIDORUS *Etymol. Lib. xv. cap. 1.* fuit Colonia Phoenicum: ideoque *Sarrana* dicitur a Silio Italico Punicor. *Lib. III. v. 256.* id est Tyria ut explicavit Servius ad illud VIRGILII *Lib. II. Georgicon. v. 506.*

Et Sarrano indormiat ostro.

Cui adde Festum in voce *Sarra*, & ibi SCALIGERUM: & GELLIUM *Noct. Atticar. Lib. XIV. cap. 6.* sed *Hispana Leptis*, quam memoravit CÆSAR *Lib. IV. de Bello Alexandrino pag. 425.* potuit esse Phoenicum, aut Poenorum Colonia.

90. Illud omittendum non est, in Bæticæ nummis sæpe videri lunam, cujus superstitiosus cultus verisimiliter originem duxit a Phoenicibus, qui Astaroth coluerunt,
uti

uti legimus *Lib. IV. Regum cap. 22. §. 13.* Astarot autem sive Astarte est Luna ut docuit LUCIANUS in libello de *Dea Syria.*

91. Atque hæc de Phoenicibus in Hispaniam adventu , & eorundem Coloniis indicasse sufficiat.

C A P. XV.

De Celtarum adventu in Hispaniam , & de eorundem Coloniis.

1. **T**Ractemus nunc de Celtarum adventu quem indicavit Varro apud PLINIUM *Lib. III. cap. 1.* & STRABO *Lib. III. pag. 109.*

2. Antiquissima Celtarum mentio est Herodoti , qui *Lib. II. cap. 33.* ita scripsit *Celtæ autem sunt extra cippos Herculis , Cyneis finitimi , omnium in Europa ad occasum habitantium ultimi.* Hanc sententiam confirmavit Ephorus , de quo ita STRABO *Lib. I. pag. 23.* *Ephorus quoque antiquam de Ethiopia opinionem refert , in Oratione de Europa indicans cœli ac terræ locis in quatuor deductis partes , eam quæ est versus subsolanum habitari ab Indis : quæ versus austrum , ab Æthiopibus : quæ versus occasum a Celtis : aquiloni objectam a Scythis , additque Æthiopiam Scythia esse majorem.* SCYMNUS CHIUS eandem opinionem confirmans designavit Celticæ situm , a *versu 163.*

Tar-

Tartessus, illustris urbs,

(sita scilicet ad Bætin amnem)

Fluvio vectum plumbum ex Celtica,

Aurumque, & æs ferens plurimum

Deinde regio Celtica vocata,

Usque ad mare quod Sardinia adjacet,

Quæ maxima est ad occidentem gens.

*Eam etenim quæ intra ortum est omnem
fere*

*Incolunt Indi. Eam vero quæ est ad me-
ridiem,*

Æthiopes, prope siti austri flatum.

*Quia zephyro est, Celtæ vero usque ad
occasum locum*

*Æstivum habent. Eum vero, qui ad Bo-
ream est, Scythæ.*

Indi itaque inter æstivum ortum

Et hybernum habitant. Celtæ vero rursus

Ab æquinociali occasu solis.

3. Multo antea SCYLAXS CARYANDENSIS scripserat: *Post Tyrrhenos est Celtarum gens, qui relictæ sunt in expeditione ad angustias usque Adriam.* Celtarum etiam qui ad Adriam incolebant meminit STRABO *Lib. VII. p. 208.*

4. Fuerunt itaque Celtæ in Hispania, & Gallia, & ob diversitatem locorum nata distinctio inter Celtas Gallos, & Celtiberos, quam legimus apud ARISTOTELEM, si is auctor est utilissimi libri *de Mirabiliibus auscultationibus*, cap. 91. ubi hanc legem utilem legimus. *Ex Italia ferunt viam ad usque Celtas Gallos, & Celtiberos protendi, Heracleam*

vocant, in qua & Græci, & indigenæ trans-euntes, ab incolis observantur, ne quid iis male forte accidat, quippe quod pœnas ii pendant, damnumque lege sarciunt, in quorum finibus datum fuerit.

5. De Celtis Gallis loquuti sunt, qui Galliæ divisionem docuerunt. Itaque C. CÆSAR *Librum 1. de Bello Gallico* sic incoepit. *Gallia est omnis divisa in partes tres, quarum unam incolunt Belgæ, aliam Aquitani, tertiam qui ipsorum lingua Celtæ, nostra Galli appellantur. Gallos ab Aquitanis Garumna flumen, a Belgis Matrona & Sequana dividit. C. CÆSAREM* Pomponius Mela sequutus & *Lib. III. cap. 2.* ita scribens, & describens Galliam: *Regio quam incolunt omnis Comata Gallia. Populorum tria summa nomina sunt, terminanturque fluviiis ingentibus. Nam a Pyrenæo ad Garumnâ, Aquitania: ab eo ad Sequanam, Celtæ: inde ad Rhenum pertinent Belgæ.* Utrumque sequutus est C. PLINIUS *Lib. IV. cap. 17.* *Gallia omnis Comata uno nomine appellata, in tria populorum genera dividitur, omnibus maxime (lego, maximis etsi sensus sit idem; nam Melam PLINIUS ante oculos habebat) distincta. A Scalde ad Sequanam Belgica: ab eo ad Garumnâ Celtica, eademque Lugdunensis. Inde ad Pyrenæi montis excursum Aquitanica, Armorica antea dicta.* Similia protulit AMMIANUS MARCELLINUS *Lib. XV. cap. 10.* qui posteaquam de Alpibus egit ad reliqua veniens, hæc scri-

scripsit: Temporibus priscis cum laterent hæ partes barbaræ, tripartitæ fuisse creduntur, in Celtas eodẽ Gallos divisa, & Aquitanos: & Belgas, lingua, institutis, legibusque discrepantes. Et Gallos quidem qui sunt Celtæ ab Aquitanis Garumna disternat flumen, a Pyrenæis oriens collibus, postque oppida multa transcurra in Oceano delitescens. A Belgis vero eandem gentem Matrona discindit, & Sequana, amnes magnitudinis geminae: qui fluentes per Lugdunensem, post circum clausum ambitu insulari Parisiorum castellum, Lutetiam nomine, consociatim meatesque protinus prope castra Constantia funduntur in mare. Distinctius STRABO Celticæ situm describens Lib. IV. pag. 122. ita scripsit: Sunt qui Gallos trifariam dividunt, in Aquitanos, Belgas, & Celtas. De quibus Aquitani a cæterorum plane differentes non lingua modo sed & corporibus, Hispanis quam Gallis sint similiores. Reliqui Gallica specie, ne ipsi quidem omnes eodem utantur sermone, sed aliquid nonnulli habeant diversitatis: forma quoque reip. & vitæ rationibus nonnihil differant. Ergo qui Pyrenæ sunt proximi, eos Aquitanos, & Celtas vocant monte divisi Cevenni. Et post pauca verba: Aquitanos ergo dicunt eos qui septentrionalia Pyrenæ, & Cevenni accolunt usque ad Oceanum, in Garumnæ fluxum. Celtas qui in alteram partem habitant versus mare quod est ad Massiliam & Narbonem, ac pertinent etiam usque ad

R

quan-

quandam Alpium partem. Belgas reliquos Oceano propinqua tenentes usque ad Rheni ostia, & quosdam Rhenum accolentes. Sic enim etiam Divus CÆSAR in suis Commentariis credidit. AUGUSTUS CÆSAR in quatuor partes Galliam divisit, ita ut Celtas Narbonensi Provinciæ attribueret, Aquitanos eisdem cum Julio faceret, iisque auctis decem alias gentes intra Garumnâ, & Ligerin habitantes: reliquum in duas partes tribueret, unam Lugduno adjungeret usque ad superiora Rheni, alteram Belgis. Quod de Celtis Narboni vicinis ait STRABO confirmat POLYBIUS Lib. III. cap. 37. his verbis: *Narboni vicina Celtæ habitant, & inde ad montes, quos Pyrenæos dicunt a nostro mari ad externum protensos.* Sed & ipse STRABO eodem Lib. IV. pag. 131. ita scripsit: *Hæc diximus de Galhis, qui Narbonensem Provinciam incolunt, qui quondam Celtæ appellabantur. Et arbitror ab his esse a Græcis nomen Celtarum universis Galatis seu Gallis inditum ob gentis claritatem.*

6. Didicimus ex C. CÆSARE, Romanos Celtas appellasse Gallos: nunc STRABO nos docet, Græcos eosdem dixisse Galatas. Merito igitur APPIANUS in *Ibericis* ita scripsit: *Celti quotquot Galatæ, & Galli nunc appellantur.* Addidit STRABO, se arbitrari omnibus Gallis inditum nomen Celtarum ob gentis (Celtarum scilicet) claritatem. Hinc Celticam pro Gallia intellexit DIODORUS SICU-

LUS

LUS *Lib. v. cap. 24.* & EPHORUS, ac SCYMNUS CHIUS ob eandem claritatem, Celtarum nomine plurimas Nationes comprehenderunt.

7. Cum igitur fuerint Celtæ tam citra quam ultra Pyrenæos; merito ARISTOTELES uti vidimus, *Lib. de Mirabil auscultationibus cap. 91.* distinxit Celtas Gallos & Celtiberos; quorum illi Celtogalatæ dicuntur, hi Celtiberi, de quibus SILIUS PUNICOR. *Lib. III. v. 340.* ita cecinit:

Venere & Celtæ sociati nomen Hiberis.

Id est, Celtiberi. Quanquam eodem libro *v. 417.* ut eosdem distingueret quos proprie appellare debuerat Celtiberos, ob carminis rationem solummodo vocavit Hiberos:

Pyrene celsa nimborum verticis arce

Divisos Celtis late prospectat Hiberos.

8. Inde etiam Celtogalatæ nomen, de quo sic Marcianus Heracleota in *Periplo Iberiæ: Disjungit autem, & dividit* (Pyrene mons) *Iberiam a finitima Celtogalatia; adeo ut Iberia videatur esse maxima peninsula juxta Pyrenes cervicem adhaerentem.* Et distinctius, atque superiora omnia confirmans in *Celtogalatia periplo* inquit: *Celtogalatia appellata in immensum quidem extenditur & per terram, & per mare. Divisa autem est in Provincias quatuor, Galliam Aquitanicam, & Galliam Lugdunensem, & Narbonensem. Sed tres quidem Provinciæ prædictæ adjacent Oceano, ad septentrionem conversæ. Narbonensis autem in nostro & interiori mari jacet,*

ad meridiem spectans. Periplum igitur ordine persequamur, incipientes ab Aquitania, gentibus Celtogalatiae Oceanum Septentrionalem accolentibus.

9. Certe Iberia distinguebatur antea a Celtica: & maxime notabilia sunt POLYBII MEGALOPOLITANI verba ex *Lib. III cap. 37. & 38.* quæ sic se habent: *Narboni vicina Celtæ habitant, & inde ad montes, quos Pyrenæos dicunt; a nostro mari ad externum porrectos. Reliqua pars Europæ quæ ab illis montibus ad Oceanum & Columnas Herculeas pertinet, partim a nostro, partim ab externo mari ambitur. Quæ porrigitur secundum mare nostrum portio, ad Columnas usque Herculis, Iberia nominatur: quæ secundum mare externum, quod & magnum indigetant, communem apellationem nondum invenit; quia non diu est cum fuit explorata: tota autem a Nationibus barbaris, iisque frequentissimis incolitur: de quibus postea sigillatim sumus dicturi. Porro quemadmodum de Æthiopia, in qua Asia & Africa se contingunt, nemo ad hæc usque tempora affirmare habet sitne continens terra, quæ inde versus meridiem se porrigit: ita plane quidquid inter Tanaim & Narbonem ad septentriones vergit, hactenus nobis est ignotum; nisi quid posthac curiosa investigatione de eo tracta didicerimus: qui de his locis aliter locuntur, aut scribunt, pro imperitis & fabularum concinnatoribus sunt habendi. Hactenus Historicus gravissimus, &*
pru-

prudentissimus. STRABO autem *Lib. III. pag. 114.* distinguens tempora , ita scripsit: *Sancum antiquitus Iberiæ nomine intellectum fuerit quidquid est extra Rhodanum & isthmum, qui a Gallicis coarctatur sinibus , nunc eam Pyrena terminant , vocantque peculiari nomine Iberiam : Hispaniæ nomine eam tantum accipientes , quæ est intra Iberum. Priores autem eos Igletas vocabant , regionis cultores non amplæ , ut ait Asclepiades Myrleanus. Romani totam Regionem promiscue Iberiam & Hispaniam nominantes in Interiorem , seu Citeriorem , & Exteriorem , seu Ulteriorem dividunt. Sed tamen accommodata temporum rationibus administratione ; alias aliter distinguunt.*

10. Addere potuit STRABO , promiscue etiam Celtiberiam nominari , ut constat ex APPIANO *de Bello Hispaniensi* , licet alias Celtiberiæ nomen non ita late accipiatur , cuius caput , hoc est initium erant Segobricenses , ut docuit PLINIUS *Lib. III. cap. 3.* Callaicis erat finitima , ut ait STRABO *Lib. III. pag. 113.* & complectebatur Lusitaniam teste DIODORO SICULO *Lib. v. cap. 34.* & Pyrenæos attingebat , ut docuit idem DIODORUS *Lib. v. cap. 35.* ubi de illis montibus loquens , ait : *Hi & celsitate & magnitudine supereminent alios : nam ab Australi pelago ad Oceanum ferme Arcticum Galliam ab Iberia & Celtiberia dispescentes ad ter mille stadia pertingunt.* Sed quid verbis opus est ?

STRABO *Lib. III. pag. III.* ita Celtiberiam descripsit. Porro Idubeda superata statim Celtiberia aditur, ampla regio, & inæqualis. Major ejus pars aspera est, & amnibus alluitur: nam per hanc defluunt Anas, & Tagus, ac deinceps alii fluvii, qui in Hispaniæ hac parte orti in mare occiduum deferuntur. Ex his Durius fluvius Numantiam, & Serguntiam præterlabitur. Bætis ex Orospeða ortus, per Oretaniam in Bæticam fluit. Nunc optime intelligitur PLINIUS *Lib. II. cap. I.* ubi ita scripsit: Quæ autem regio a Bæti ad fluvium Anam tendit extra prædicta, Bæturia appellatur in duas divisa partes, totidemque gentes: Celticos, qui Lusitaniam attingunt, Hispalensis Conventus: Turdulos, qui Lusitaniam, & Tarraconensem accolunt, jura Cordubam petunt. Celticos a Celtiberis ex Lusitania advenisse manifestum est, sacris, lingua, oppidorum vocabulis, quæ cognominibus in Bætica distinguuntur. Ait Celticos a Celtiberis ex Lusitania advenisse; nam Celtæ postea dicti fuerunt Celtiberi, & Verones, ut de suo tempore testatur STRABO *Lib. III. pag. 109.*

II. Nunc jam apparet, qua ratione confusa fuerint hæc nomina Celtæ, Iberi, & Celtiberi, quod præclare docuit STRABO *Lib. I. pag. 22.* in hunc modum: De priscorum Græcorum sententia hoc dico, quod sicut notæ versus septentrionem gentes uno prius nomine omnes Scythæ, vel Nomades (ut ab Homero)

ap-

appellabantur, ac postea temporis cognitis regionibus occiduis, Celtæ, Iberi, aut mixto nomine Celtiberi, ac Celtoscythæ dici coeperunt, cum prius ob ignorationem singulæ gentes uno omnes nomine afficerentur: ita quæ ad Oceanum versus meridiem sita sunt omnia Æthiopie appellatione fuisse notata. Verum post longas ambages ad argumentum nostrum accedamus.

12. Galli ex Celtis oriundi, ut PLUTARCHUS docuit in *Camillo*, pag. 299. TIMAGENES apud AMMIANUM MARCELLINUM *Lib. XV. cap. 9.* dixit, Celtas esse Gallorum aborigines, quod perinde est ac si dixisset nostro loquendi more, Gallorum antiquissimos. Cum Celtarum igitur in Hispaniam adventus credibilior sit mediterraneus, quam maritimus, Celtæ quos M. Varro memorat in Hispaniam advenisse, ex Gallia venerunt, non aliunde: quam opinionem confirmant B. ISIDORUS *Etymolog. Lib. LX. cap. 2.* ita docens: Celtiberi ex Gallis Celticis fuerunt, quorum ex nomine appellata est regio Celtiberia: nam ex flumine Hispaniæ Ibero, ubi consederant, & ex Gallis qui Celtici (ego lego Celtæ) dicebantur, mixto utroque vocabulo Celtiberi nuncupati sunt. Nunc jam intelligimus cur LUCANUS *Lib. IV. v. 10.* dixerit:

Gallorum Celtæ miscentes nomen Iberis,
& Martialis Bilbilitanus ad concivem suum
LICIANUM *Lib. IV. epigr. 55.*

Nos Celtis genitos , & ex Iberis ,

Nostræ nomina duriora terræ

Grato non pudeat referre versu.

13. Licet autem sciamus , præcipuum Celtarum situm fuisse in Hispania in Celticis , & in Celtiberia ; tamen liquido affirmare non possumus quænam istarum regionum oppida illis originem debeant , nisi ad eos referamus Celti oppidum Hispalensis Conventus memoratum a PLINIO *Lib. III. c. I.* & ab ANTONINO in *itinere ab Hispali Emeritam* , & desinentia in *Briga* , ut *Lancobriga* , *Mirobriga* , *Arcobriga* , *Menobriga* , quorum omnium meminit PTOLEMÆUS *Lib. II. cap. 5.* Celticorum urbes recensens. Cumque longe lateque Celtæ Galli deinde per Hispaniam propagati sint ; mirum non est Celtiberiæ nomen latius patuisse , & linguam etiam.

C A P. XVI.

De Poenorum in Hispaniam adventu , eorumque Coloniis.

I. **N**unc ad Poenos conferamus nos , de quibus certiora dicere possumus , quia eorum res gestæ recentiores sunt.

2. Poeni autem Carthaginienses a Phœnicibus nuncupati , qui cum Didone profecti sunt , teste B. ISIDORO *Lib. IX. Etymol. cap. 2.* Horum itaque res aliquo ordine referamus.

3. JUSTINUS *Lib. XLIV. cap. 5.* cum vetustissimas Hispaniæ res enarrasset, fabulis, ut fieri solet, in tanta antiquitate permixtis, cumque Heroici temporis Reges recensisset ita scripsit: *Post regna deinde Hispaniæ primi Carthaginienses imperium provinciae occupavere. Nam cum Gaditani a Tyro, unde & Cartaginiensibus origo est, Sacra Herculis, per quietem jussi, in Hispaniam transtulissent, urbemque ibi condidissent, invidentibus incrementis novæ urbis finitimis Hispaniæ populis, ac propterea Gaditanos bello lacessentibus, auxilium consanguineis Carthaginienses misere. Ibi felici expeditione & Gaditanos ab injuria vindicarerunt, & majorem partem provinciae (scilicet Hispaniæ) imperio suo adjecerunt. Hæc, ut apparet, contigerunt, statim ac Templum Herculis conditum fuit a Tyriis. Atque hoc fuit initium imperii Carthaginensium in illa Hispaniæ parte, quod latius postea patuit in Bello Punico primo, cujus tempus optime designavit GELLIUS Noct. Atticar. Lib. XVII. cap. 21. ubi ita scripsit: Anno deinde post Romam conditam quadringentesimo ferme nonagesimo, Consulibus Appio Claudio, cui cognomentum Caudex fuit (cognominis hujus rationem vide apud Senecam de Brevitate vitæ, cap. 13.) Appii illius Cæci fratre, & M. Fulvio Flacco bellum adversus Pœnos primum coeptum est. Unde u. c. annum designasse videtur*

PLINIUS *Lib. XXXIII. cap. 3.* ita scribens: *Argentum signatum est. anno Urbis CCCLXXXV. Q. Fabio Cos. quinque annis, ante primum Bellum Punicum.* Quamobrem cum LIVIUS & PLINIUS annos Varronianos sequuti sint, emendandus est numerus apud illum initio *Libri XLI.* & pro *CCCCLXXXVIII.* reponendum est *quadringenti octuaginta novem anni a condita urbe ad Appium Claudium Consulem*, qui primus *Bellum Carthaginiensibus intulit.* OROSIUM nostrum in Chronologia parum accuratum, ut transcriptores esse solent, nihil moror; nam & annum, & Consulem erravit *Lib. IV. cap. 7.*

4. In hoc Bello, quod teste POLYBIO *Lib. I. cap. 63.* viginti quatuor annos duravit ad Lutatium Consulem, res ita se habuere, ut JUSTINUS prosequitur *laudato loco: Postea quoque hortantibus primæ expeditionis auspiciis, Hamilcarem Imperatorem cum magna manu ad occupandam provinciam (Hispaniam) misere: qui magnis rebus gestis, dum fortunam inconsultius sequitur, in insidias deductus, occiditur.* De eodem Hamilcare ante JUSTINUM sic POLYBIUS scripserat *Lib. II. cap. I.* *Carthaginienses enim ubi primum res in Africa sunt compositæ, copiis coactis Hamilcarem in Hispaniam miserunt. Hic exercitu accepto, & filio Hannibale, novem tum annorum puero, marique ad Herculis Columnas trajecto, Carthaginiensium imperium in Hispania instaurabat,*
ubi

ubi novem ferme annos moratus, multis populis qua bello, qua oratione dominatui Carthaginis subjectis, ut tantis rebus gestis virum decebat, occumbit. Quippe cum fortissimo prudentissimoque hoste signis collatis dimicans, dum mira quadam audacia in mediam se infert dimicationem, vitam cum morte fortiter commutato imperium deferunt Poeni ad Hasdrubalem affinitate illi junctum, & triremium Præfectum. Hamilcaris res gestas in Hispania refert LIVIUS Lib. XXIV. APPIANUS in Ibericis, & SILIUS ITALICUS Punica. Lib. I.

5. Narrationis filum continuans JUSTINUS ait: In hujus (Hamilcaris) locum gener ipsius Hasdrubal mittitur (A. Varroniano u. c. DXXIII.) qui & ipse a servo Hispani cujusdam, ulciscente domini injustam necem interfectus est. Idem refert LIVIUS Lib. XXI. cap. 2. eum ita laudans: Is plura consilio, quam vi, gerens, auspiciis regulorum magis, conciliandisque per amicitiam principum novis gentibus, quam bello, aut armis rem Carthaginensem auxit. Cæterum nihilo ei pax tutior fuit. Barbarus eum quidam palam, ob iram interfecti ab eo domini obtruncavit. Et paullo post ait: Eum miræ artis in sollicitandis gentibus, imperioque jungendis suo fuisse.

6. Sub Hasdrubale Poenorum duce condita fuit Carthago Nova, ut refert POMPONIUS MELA Lib. II. cap. 6. sed distinctius

ctius STRABO *Lib. III. pag. 109.* ita scripsit : Ergo post Abdera sequitur Carthago Nova ab Hasdrubale condita , eo qui Barcæ Hannibalis Patri successit , longe præstantissima omnium ejus regionis urbium : nam & loci natura est munitissima , & muro præclare structo , & ornata est portibus ac lacu , & argenteis , quæ dixi , metallis , & cum ibi , tum in vicinis locis multum confit salsamentorum , estque hoc magnum emporium , ubi & mediterranei maritimas , & maritimi mediterraneas mercantur merces. Hoc ipsum antea scripserat POLYBIUS *Lib. II. Histor. cap. 13.* Iisdem temporibus Asdrubal (in eo namque eramus cum a rebus Hispaniæ divertimus) magna prudentia atque sollertia provinciam (Hispaniam) administrans cum aliis omnibus ad summam rerum proficiebat : tum urbe condita , quam alii Carthaginem , alii Novam Urbem nuncupant , magnum ad amplificandum Pœnorum imperium , momentum attulerat : nam, ut alia ne dicam , loci oportunitas maxima est , sive in Hispania , sive in Africa res sint gerendæ. Situm ejus urbis , & quanta illius queat esse utilitas ad utramque regionem , alibi commodiore loco declarabimus. *Lib. scilicet X. cap. 8. & 10.* Portum ejus , ut vult Servius , egregie descripsit VIRGILIUS *Lib. I. Æneid. v. 164.* ubi illud notandum est , loquutum esse de aquis dulcibus nostro tempore repertis : quod ego antea sæpe

pe dixeram a Virgilio edoctus, cum ita cecinit :

Intus aquæ dulces, vivoque sedilia saxo.
Quamobrem, aut B. ISIDORUS *Lib. XV. c. 1.* aliquid humani passus est; aut librarii pro *Asdrubale* substituerunt *Hannibale*: nam sic legitur: *Afri sub Hannibale maritima Hispaniæ occupantes Carthaginem Spartariam construxerunt, quæ mox a Romanis capta & Colonia facta, nomen etiam provinciæ dedit. Nunc autem a Gothis subversa, atque in desolationem redacta est.*

7. Hinc explicandus est SOLINUS c. 26. inquit: *Carthaginem apud Hiberos, quæ mox Colonia facta est, Poeni condiderunt; & MARCIANUS CAPELLA Lib. VI. cap. de Divisione terræ: Poeni fundavere Carthaginem, conditas ubicumque urbes amico sibi nomine præsignantes.* Hoc autem optime explicabitur, si Solinum audiamus cap. 30. *HadrAmyto* (inquit) & *Carthagini* (loquitur de Africana) auctor est a Tyro populus. Sed quæ supra Carthagine veraces libri prodiderunt, hoc loco reddam. Urbem istam, ut Cato in *Oratione Senatoria* autumat, cum rex *Hiarbas* rerum in Libya potiretur, *Elissa* mulier (eadem ac Dido) extruxit, domo (id est, natione) *Phoenix*, & *Kartadam* dixit: quod *Phoenicum* ore exprimit *Civitatem Novam*. Mox sermone (Phoenicio scilicet) verso in morem *Punicum* (id est, Poenorum recentium proprium) & hæc *Elissa* (addendum est nomen,

men, Dido) & illa (quæ antea scilicet *Carthada* dicebatur) *Carthago* dicta est : quæ post annos septingentos triginta septem exciditur, quam fuerat extructa. SOLINO consonat SERVIUS Grammaticus ad illud VIRGILII I. *Æneidos*. v. 347.

Huic conjux *Sichæus* erat, ita inquit : Quoties Poeta aspera invenit nomina, vel in metro non stantia, aut mutat ea, aut de his aliquid mutilat : nam *Sichæus*, *Sicharbas* dictus est : *Belus* *Dido*nis pater *Methon* : *Carthago*, *Carthada*, ut lectum est in *Historia* *Pœnorum*, & in *Li-vio*. Vulgo etiam dicta fuit *Chædreanech*, ut constat ex *Plauti* *Pœmulo*, actu v. sc. 2.

MILPHIO, *Hædo*, quojates estis ? aut quo ex oppido ?

HANNO. *Hanno* *Muthumballè* *Bechædreanech*.

AGORASTOCLES. Quid ait ? MILPHIO. *Hannonem* sese ait *Carthaginæ*, *Carthaginiensem* *Muthumballis* filium.

8. Certe inter amica Punicorum nomina recensenda sunt *Carteja*, *Cartima*, *Cartalias*, & etiam *Barcino*, de quibus singulis aliquid dicamus. Incipiamus igitur a *Carteja*. De ea POMPONIUS MELA, ut jam alibi diximus, *Lib. II. cap. 6.* ita scripsit : *Sinus* *ultra* (*Calpen*) est, in eoque *Carteja* (ut quidam putant) aliquando *Tartessus*, & quam transvecti ex *Africa* *Phœnices* habitant. *Carteja* igitur secundum aliquorum opinionem

nem

nem fuit olim *Tartessus*; postea vero Libyphoenicum habitatio, qui novum *Cartejae* nomen ei videntur imposuisse. *Cartejani* igitur Libyphoenices fuerunt, ut *Leptitani*, & alii apud *PLINIUM Lib. v. cap. 4.*

9. *CARTIMA* fuit municipium, cujus sub *Cartimitanorum* nomine meminit Inscriptio apud *PETRUM APPIANUM, pag. 9. MORALEM in Antiquit. fol. 20. SMETIUM p. 153. n. 8. OCCONEM fol. 11. num. 11. GRUTERUM pag. 174. num. 8. NONIUM in Hispania, cap. 25. Reipublicae Cartimitanae* mentio est apud *GRUTERUM pag. 306. num. 2.* ubi verbum illud *PONTIF.* fortasse legi debet *Pontificiensi*, perinde quasi diceret, *Obulconensi*, ut apud eundem *GRUTERUM p. 458. n. 5.*; nam *Obulco* appellatum fuit *Pontificiense* teste *PLINIO Lib. III. cap. 1. L. Porcii Victoris Cartimitani* meminit alia Inscriptio apud *GRUTERUM, pag. 1070. num. 10.* quae auctor legitur apud *MURATORIUM Tom. I. Novi Thes. veter. Inscript. pag. 58. n. 7.* & eidem *Muratorio* debemus aliam Inscriptionem ad eundem *PORCIUM* pertinentem, *tomo II. pag. 1037. num. 7.* & aliam, quae memorat *L. Calpurnium Victorem Cartimitanum* *tomo I. pag. 15. num. 12.* Et vero cum hae Inscriptiones inventae fuerint *Cartimae* (hodie *Cartama*) prome *Mundam*, & *Malacam*, sicut etiam alia, quam affert *MURATORIUS Tomo I. pag. 63. num. 3.* videtur apud *LIVIUM Lib. XL. cap. 47.* non *Certimam*,
sed

sed *Cartimam* legi debere. Verba Livii scribentis res A. Varroniani DLXXV. sunt hæc : *Primum Mundam urbem vi cepit* (Graccus) *nocte ex improvise aggressus. Acceptis deinde obsidibus, præsidioque imposito, castella oppugnare, agros urere, donec ad prævalidam aliam urbem* (*Cartimam appellant Celtiberi*) *pervenit.* Vide eruditissimum ALDRETE in *Antiquit. Hispaniæ Lib. I. cap. 6. pag. 39. & Lib. II. cap. 2. pag. 192.* *Cartimæ* tamen mentionem faciunt aliæ duæ Inscriptiones, quas MURATORIUS refert *tomo I. p. 451. num. I. & 2.*

10. *Cartalias* etiam huc referenda est, de qua unica hæc mentio exstat apud STRABONEM *Lib. III. pag. 110.* *In propinquo urbes sunt Cherronesus, (Peñiscola) Oleastrum, (apud Antoninum, Oleastrum, hodie amnis del Ullastre) Cartalias, & in ipso Iberi tractu Dertosa Colonia.* Unde *Cartaliæ* situs apparet. *Oleastrum* autem ita dictum fuit ob olearum abundantiam, de qua alibi egimus.

11. Denique ad amica Poenorum nomina etiam referenda est *BARCINO*, quæ Punica fuit Colonia, ut didicimus ex Ausonii epist. XXIV. ad Paullinum, in Hispania eodem tempore morantem, ideoque AUSONIUS sic ait §. 68.

Occidui me ripa Tagi, me Punica ledit

Barcino.

Ita fortasse dicta ab Amilcare cognomento *Barca*, cujus factio dicta fuit *Barcina*, &

no-

notissima fuit apud Cartaginienses. Fuit Colonia, cognomento *Faventia*, teste PLINIO *Lib. III. cap. 3.* cui adde GRUTERUM *pag. 429. num. 3.* adjunctis *Corrigendis*, & FABRETTO in *Emendationibus Gruterianis*, *pag. III.*

12. Redeo ad JUSTINUM. Major utroque (Hamilcare scilicet, & Hasdrubale) *Hannibal Imperator Hamilcaris filius succedit* (u. c. A. Varroniano DXXXIII.) *siquidem utriusque res gestas supergressus universam Hispaniam domuit.* Enimvero JUSTINUS nimis exaggerat Hannibalis imperium: negare tamen non debemus magnam Hispaniæ partem domuisse. Inde Romanis bello illato, *Italiam per annos sexdecim variis cladibus fatigavit: cum interea Romani missis in Hispaniam Scipionibus* (A. u. c. DXXXVI. Coss. P. Cornelio Scipione, & Tib. Sempronio Longo, ut ait VELLEJUS PATERCULUS *Lib. II. c. 90.*, primo *Poenos provincia expulerunt: postea cum ipsis Hispanis gravia bella gesserunt. Nec prius perdomita provincia, jugum Hispani accipere potuerunt, quam Cæsar Augustus, perdomito orbe, victricia ad eos arma transtulit, populumque barbarum ac ferocem, legibus ad cultiorem vitæ usum ductum, in formam provinciæ redegit.* De P. Scipione ita LIVIUS *Lib. XXVIII. cap. 16.* ad A. u. c. DXLVIII. *Hoc maxime modo, ductu, atque auspicio P. Scipionis pulsi Hispania Carthaginienses sunt, duodecimo*

anno post bellum initum, quinto postquam P. Scipio provinciam, & exercitum accepit. Adde APPIANUM in *Libycis*, EUTROPIUM *Lib. III. cap. 15.* FLORUM *Lib. II. cap. 6.* & OROSIUM *Lib. VII. cap. 2.* atque ita SILIUS ITALICUS *Punicor. Lib. XVI. v. 658.* jure potuit canere:

*Scipio restituit terras illæsus Hiberas
Trojugenis: pepulit Pœnos, solisque sequutus*

Extremas ad Athlanta vias, exegit ab orbe

Hesperio nomen Libyæ.

13. Vigente itaque in Hispania Carthaginensium imperio, imò & multo ante ob vicinitatem factum est, ut multæ Coloniz a Pœnis in Hispaniam ducerentur, præsertim in Bæticiæ partem maritimam, de qua ita PLINIUS *Lib. III. cap. 1.* *Orati* etiam universam originis Pœnorum existimavit. M. Agrippa. Hoc confirmat AVIENUS in *Orati maritima v. 375.*

Ultra has Columnas propter Europæ latus

Vicos, & Urbeis incolæ Carthagini

Tenuere quondam: nos at ollis hic erat,

Ut planiore texerent fundo rates,

Quo cymba tergum fusior, brevius Mare

Prælaberetur.

Ideoque antea dixerat SCYLAX CARYANDENSIS initio *Peripli*: *Ultra Herculis Columnas quæ sunt in Europa, multa sunt Carthagi-*

giniensium emporia, & cœnum, & æstus, & pelagi.

14. Sed Columnarum Herculearum mentio in mentem mihi revocavit quod scripsit STEPHANUS BYZANTINUS in hunc modum: *Accabicus murus oppidum circa Herculeas Columnas, quod Carthaginienses condiderunt, uti in vocabulo Salmyce dicturi sumus. Oppidanus inde dicitur Accabicotichites, uti Gordiotichites, & Cholotichites quemadmodum in littera X inveniamus.*

CAPUT XVII.

De Græcorum adventu in Hispaniam, & eorum Coloniis.

QUOD attinet ad Græcorum in Hispanias adventum, & Coloniariarum deductiones; ante omnia fabulæ rejiciendæ sunt.

Sunt qui credant, & suadere velint, Nebrissam (hodie *Lebrija*, ubi natus fuit Grammaticorum Hispanorum Princeps *ÆRILIUS ANTONIUS NEBRISSENSIS*) conditam fuisse a Bacchō Græco, sive filio Semeles. Cui figmento occasionem dedit nomen *Nebrissa*; quod deductum videtur a *Nebride*, quæ Græcis est *pellis hinnuli*, non damæ, uti credidit PLACITUS LUCTATIUS STATII PAPINII interpres, Qui Nebrissæ memoratum etymon tribuunt, ducem habuisse videntur Siliū Italicū *Lib.*

III. Punicor. v. 393. ubi dixit:

*Ac Nebrissa Dionysæis conscia thyrsis
Quam Satyri coluere, leves, redimitaque
sacra*

Nebride, & arcana Mænas nocturna Lyæo.

Sed eruditi optime sciunt Silium Italicum scripsisse ut Poëtam, cum æque falsum sit, Bacchum fuisse conditorem Nebrissæ, ac du-
cem Nysarum, quas Hesychius enumeravit. Aliud est, eas urbes ita appellatas fuisse in
Bacchi memoriam cultumque, qui, ut refert
CICERO *Lib. III. de Nat. Deor. cap. 23.*
Nyssam dicitur interemisse: de quo EUSEBIUS
ad annum 686. natalis Abrahæ, ita scripsit:
Dionysius, qui & Liber Pater, adversus In-
dos dimicans juxta Indum fluvium Nysam ur-
bem condidit. Qua etiam ratione decem mon-
tes Nyssæ vocantur, eodem HESYCHIO teste:
& aliud est Dionysium conditorem fuisse
tot urbium. Et quod attinet ad nostram *Ne-*
brissam, longius hoc a vero abest. Nam in-
credibile est, ita fuisse nominatam ob pelles,
quibus induebantur Satyri in sacris operandis,
ut docuit PLACIDUS LUCTATIUS, aut Mæna-
des, ut ait SILIUS ITALICUS. Sed quid verbis
opus est? Hæc origo nititur falsa illa opinione
adventus Bacchi in Hispaniam. Cum autem
STRABO *Lib. XV. pag. 472.* ejus res gestas
enarraret, dixit: *At enim Herculis, & Bacchi*
res gestas Megasthenes cum paucis quibusdam
credit, aliorum magna pars, e quibus est
Eratosthenes, fabulosa, & minime credenda
ar-

arbitrantur. Ad Herculem quod attinet, ut hoc obiter dicam, idem STRABO *Lib. I. pag. 2.* dubitanter scripsit Homerum inaudiisse de Hispanica navigatione quò Hercules expeditionem fecit: *Lib. III. pag. 117.* dixit Pindarum memorasse Portas Gadiridas, dicentem ultimo ad eas pervenisse Herculem: verum paullo antea dixerat, fabulam factam esse de armentis Geryonis: adde ea quæ scripsit *Lib. IV. pag. 159.* Denique hæc opinio Poetarum potius est, quam Historiicorum. Inter paucos qui Bacchum in Hispaniam venisse referunt, numerari debent M. VARRO apud PLINIUM *Lib. III. cap. 3.* qui tamen hoc non approbavit, SILIUS ITALICUS *Lib. III. Punicor. v. 101.* ita canens:

*Tempore quo Bacchus populos domitabat
Hiberos*

*Concutiens thyrsos, atque armata Moenade
Calpen,*

Et PLUTARCHUS de *Fluminibus, cap. de Nilo.* Verum adversus MEGASTHENEM scriptorem fabulosum, VARRONEM referentem alienam opinionem, non asserentem, & SILIUM ITALICUM Poetice fingentem, & PLUTARCHUM more suo fabellas narrantem in libello de *Fluminibus*, stat ERATOSTENES, quem sequuntur alii a STRABONE laudati, quibus addi debet MARCIANUS CAPELLA *Lib. VI. cap. de Divisione terræ*: & maxime notandum est, NONNUM Panopolitan in *Poemate*, ubi de DIONYSII agit, nullam fecisse mentionem

adventus Bacchi in Hispaniam. Crediderim huic fictioni occasionem dedisse, DIONYSIUM, aut Bacchum Indicum (si forte Bacchus unquam ad Indos penetravit, quod dubitavit ARRIANUS *Lib. IV. & V. de Rebus Alexandri*) posteaquam finem imposuit suis expeditionibus, crexisse duas Columnas, uti referunt DIONYSIUS AFER, & AVIENUS: & plurimi eas confuderunt cum Herculeis. DIONYSIUS AFER interprete RHEMNIO FANNIO, *ψ. 1067.* ita scripsit:

*Hic via quæ nomen celebrat Nyssæa
Lyæi,*

Cui Stelas dederat victoria finibus illis.
AVIENUS autem in *Descriptione Orbis Terræ*, *ψ. 1590.* sic ait:

*Oceani Eoi prætento denique Bacchus
Littora, & extrema Terrarum victor in
ora,*

Ducit laurigeros post Indica bella triumphos,

*Erigit & geminas Telluris sine Columnas,
Invisitque dehinc Ismeni fluminis undam.*

Concordat ANTHIPATER SIDONIUS *Anth. Lib. IV. c. 12.* STRABO *Lib. III. pag. 118.* ait fuisse Aras. Sed hæc omnia inter fabulas numeranda sunt. Nam, ut ait PLINIUS *Lib. VI. cap. 17.* colliguntur a Libero patre ad Alexandrum Magnum reges eorum (scilicet Indorum) *CLIV. annis quinque mill. ccccii. adjiciunt & menses tres.* Itaque cum Liber vixisse dicatur annis quinque mille quadringen-

gentis & duobus antequam Alexander Magnus regnare inciperet post centum & quinquaginta quatuor Reges ; idem est ac si diceretur , Bacchum fuisse Regem triginta quatuor annis super duobus millibus antequam Deus optimus maximus universum ex nihilo crearet. Vero enim vero , si DIONYSIUS, BACCHUS , aut Liber Pater , idem est , ac Sol , ut docuit MACROBIUS *I. Saturnal. cap. 18.* hoc sensu credere debemus , Hispaniam invisisse ex quo ipse creatus fuit. Verisimile igitur est quod BOCHARTUS docuit *Lib. I. Canaanis cap. 34. Nebrissam* dictam a *Næpritsa* , quasi dicas *ad aquarum eruptionem* , nam in eam erumpunt , utpote sita est in æstuario.

3. Sed quoniam falsum esse docuimus quod ajunt de *Nebrissa* condita , obiter addamus , esse falsum numisma Imperatoris Claudii , quod Pyrrhus Ligorius habuisse dicitur , ubi ajunt ita legi , *Colonia Venerea Nabrisa Augusta*. JOHANNES HARDUINUS ad *PLINII cap. 3. Lib. III.* indicavit hunc nummum esse falsum , sed rationem addere debuerat , & falsitatem indicare in *Nummis antiquis* , quod plane prætermisit. Falsitatis ratio hæc est. *PLINIUS* loco memorato sic ait : *at inter æstuaria Bætis oppidum Nebrissa, cognomento Veneria.* Hic notandum est , *PLINIUM Nebrissam* vocavisse *oppidum* , non verò *Coloniam*. Et manifestum est non fuisse *Coloniam* : nam in *Bætica* solum fuisse o-

cto, ut idem PLINIUS docuit *eod. Lib. III. cap. 1.* non vero novem, ut HARDUINUS legere voluit. Sunt autem hæc, Colonia Asta Regia; Colonia Astigitana, sive Augusta Firma; Colonia Artubi, sive Claritas Julia; Colonia Corduba Patricia; Colonia Hispalis Romulensis; Colonia Immunis, Ituci, sive Virtus Julia; Colonia Immunis Tucci, sive Augusta Gemella; Colonia Immunis Urso, sive Gemina Urbanorum. Numisma illud confictum fuit secundum vitiatum Ptolemæi codicem, qui *Lib. II. cap. 4.* vocavit eam *Nabrissa*. Hæc in eodem nummo dicitur *Veneria*, uti vulgo loqui solent, cum PLINIUS scripserit *Veneria*, quemadmodum probæ Latinitatis auctores loquuti sunt, & præcipue CICERO. *Lib. V. in Verrem, cap. 54.* *Iste autem homo Venerius, & affluens omni lepore, & venustate, de bonis illius in æde Veneris argenteum Cupidinem posuit.* Denique hic nummus Imperatori Claudio tribuitur, cum certum sit in Hispaniæ Coloniis desiisse cudi monetas post mortem Caligulæ, ut admonuit, post alios, eruditissimus EMMANUEL MARTINUS *Epistolar. Lib. III. Epist. II.* *Nebrissa* vero cognominata fuit *Veneria* assentatoria allusione ad C. Cæsarem, qui cum esset Quæstor, Juliam amitam laudans e more pro rostris, in illius laudatione de ejus, ac patris sui utraque origine (teste Suetonio *in Julio, cap. 6.*) sic retulit: *Amitæ meæ Juliæ maternum genus ab*
Re-

Regibus ortum, paternum cum Dis immortalibus conjunctum est. Nam ab Anco Marcio sunt Marcii Reges, quo nomine fuit mater: a Venere Julii, cujus gentis familia est nostra. Est ergo in genere & sanctitas Regum, qui plurimum inter homines pollent: & caerimonia Deorum, quorum ipsi in potestate sunt Reges. Hoc postremum in homine ambitiosissimo non est mirandum; bene vero in Manilio assentatore, ita canente:

*Venerisque ab origine proles
Julia descendit caelo, coelumque replevit.*

4. A falso *Nebrissæ* conditore ad æque falsum *Carthaginis Spartariæ* veniamus.

5. *Silius Italicus* primus omnium finxisse videtur, *Teucrum* fuisse *Carthaginis Novæ* conditorem. Nam *Lib. III. Punicor. v. 368. dixit:*

Dat Carthago viros Teucro fundata vetusto.

Et *Lib. xv. v. 192.*

*Urbs colitur Teucro quondam fundata vetusto
Carthago.*

Verum certissimum est *Carthaginem Novam* conditam fuisse ab *Hasdrubale*, uti memoravit *POLYBIUS Lib. II. cap. 13. STRABO Lib. III. pag. 109. & PLINIUS Lib. III. cap. 3. & nemo refert habuisse antea alium conditorem. Asclepiades Myrleanus, Grammaticus, Apolonii discipulus qui, ut ait Suidas, vixit Attali, & Eumenis Pergamenorum Regum tempore, docuitque etiam Romæ tempo-*

pore Pompeii Magni, & in Turdetania etiam, ut ait STRABO antea laudatus, cum scriberet post annos 940. ab excidio Trojæ, occasionem dedit ut male intellectus crederetur auctor adventus Teucris in Hispaniam, & hoc supposito, Teucris conditio superaddita fuit. Hic scriptor, cum Myrleæ natus fuisset, ut dixit STEPHANUS BIZANTINUS in *Myrlea*, quæ postea *Apamia* dicta fuit, eodem Stephano docente, & etiam SUIDA in *Asclepiade*, cum esset homo Græcus, suæ nationis scriptores imitans, finxit, plurima oppida Hispaniæ condita fuisse a Græcis ex vocum similitudine figmenta sua componens. STRABO autem *Lib. III. pag. 108.* ita scripsit: *Supra hæc loca in montanis monstratur Uliſſa, & in ea fanum Minervæ: ut Posidonius tradit, & Artemidorus, & Asclepiades Myrleanis, qui in Turditania Grammaticam docuit, & descriptionem gentium in istis regionibus agentium edidit. Is tradit, monimenta errorum Uliſſis in templo illo Minervæ affixa esse, aspides & summa navium rostra. Apud Callaicos autem consedisſe quosdam, qui Teuſſum in bellum fuerant secuti: ibique fuisse urbes, quarum una Hellenes diceretur, id est, Græci, altera Amphiloſchi: mortuo ſcilicet ibi Amphilocho, & ſociis uſque ad mediterranea vagatis. Quin & is ait ſe comperisse, quosdam Herculis ſociorum, & a Meſſena, inhabitasse Hispaniam: partem Cantabriæ a Lacconibus occupatam fuiſſe*
ut

ut is , & alii perhibent : ibique Obsicellam urbem conditam ab Obsicella , qui cum Antenore ejusque liberis in Italiam trajecit. Similes his confinxit Asclepiades alias fabulas. Sed nullo modo constat eum dixisse aliquid de Teucria condita : imo neque de Teucris in Hispaniam adventu. Sed solummodo , quosdam qui Teucrum in bellum fuerant secuti , consedissee apud Callæcos , & condidisse Hellenem , & Amphiloichium , ubi Amphiloichus mortuus fuerat , ejusdemque socios peregrinationem prosequentes usque mediterranea vagatos fuisse.

6. *Helenorum* mentionem fecit PLINIUS Lib. IV. cap. 20. his verbis. *A Cilenis , Conventus Bracarum , Heleni , Gravii , Castellum Tyde , Græcorum sobolis omnia.* Quod attinet ad Gravius , & Tyden prævit SILIUS ITALICUS Lib. III. *Punicor.* §. 366.

Et quos nunc Gravius violato nomine Grajum Oeneæ misere domus , Ætolaque Tyde. Ubi Tyden appellavit Ætolam , quia Diomedes Ætoliae Rex dicitur eam condidisse in memoriam patris sui Tydei , cum scilicet vagaretur ob Veneris iram , ut indicavit idem SILIUS ITALICUS Lib. XVI. §. 369.

Ipsam Ætola , vago Diomedis condita , Tyde Miserat.

Qui Silius hoc didicerat a DIONYSIO PERIEGETE , §. 483. cujus sententiam sic expressit Festus AVIENUS in *Descriptione Orbis Terræ* versu 647.

Rur-

Rursus in Hadriacum lembum cogentibus undam,

Et lævum curva Pelagus sulcantibus alvo,

Insula se Graii Diomedis gurgite promit,

Italiam spectans, & Iapygis arva Coloni.

Huc illum motæ quondam tulit ita Diones,

Postquam per celeres extorrem traxit Iberos,

Conjugis huc diræ misit furor Ægialie.

Atque hæc sunt figmenta otiosorum Poëtarum.

7. *Amphilochorum mentionem solum legimus apud STRABONEM loco laudato. Ex eo quod scripserat Asclepiades, Callæci ansam arripuerunt ad affirmandum Teucris in Hispaniam adventum, confundentes eum cum adventu sociorum ejus, quem Asclepiades excogitavit vulgavitque; addideruntque, eundem fuisse, qui cum in Callæcia consedisset, Amphilochis nomen dedit. Constat hoc ex JUSTINO, TROGI POMPEII epitomatore, qui Lib. XLIV. cap. 3. ita scripsit: Gallæci autem Græcam sibi originem asserunt. Siquidem post finem Trojani belli, Teucrum morte Ajacis fratris invisum Patri Telamoni, cum non reciperetur in regnum, Cyprium concessisse, atque ibi urbem nomine antiquæ patriæ Salamina condidisse. Inde accepta opinione paternæ mortis, patriam repetisse. Sed cum ab Eurysace Ajacis filio accessu prohiberetur, Hispaniæ littoribus appulsum, loca, ubi nunc est Carthago Nova, occupasse. Inde Gallæciam*

ciam transisse, & positis sedibus, genti nomen dedisse. Galleciæ autem portio Amphilo-
chi dicuntur. Adde B. Isidorum *Lib. IX. Ety-*
mol. cap. de Callæcis loquentem. Hæc Justi-
 ni narratio addit Teucri in Hispaniam ad-
 ventum, ejus appulsum in locum ubi nunc
 est Carthago Nova, transitumque inde in
 Callæciam, designatque Amphilochorum ori-
 ginem. Cui narrationi superaddidit SILIUS
 ITALICUS, conditum fuisse oppidum ubi nunc
 est Carthago Nova: & recentiores scriptores ut
 JOHANNES DE RIHVERGA laudatus a LAUREN-
 TIO PADILLA in *Antiquitatibus Hispaniæ fol.*
24. adjunxerunt, vocatam fuisse *Teucram*, vel,
 ut ait JOHANNES MARIANA *Lib. I. cap. 12.*
Teucriam, cui adde ESCOLANUM *Lib. IX.*
Hist. Regni Valentia cap. 30. num. 2. col.
1234. Sed hic Teucri in Hispaniam adven-
 tus nullo modo consonat cum iis quæ de eo
 dixerunt antiquissimi Græciæ Poætæ & Hi-
 storici.

8. Ad hoc confirmandum, meminisse
 debemus, Telamonem Salaminis Regem, ex
 prima uxore Periboca, filia, & herede Al-
 cathoi Regis Megarensis, suscepisse Ajacem
 & ex secunda uxore Hesione Laomedontis fi-
 lia, & sorore Priami, Trojæ Regem, Teu-
 crum: & hos duos Telamonis filios duodecim
 naves instruxisse adversus Trojam, auxilium
 ferentes Agamemnoni, & Menelao Mycena-
 rum Regibus, quemadmodum cecinit Ho-
 merus in Illiade. Achille mortuo ejus arma
 pe-

petiere Ajax, & Ulisses; & cum Ulissi concessa fuissent, ita ira percitus fuit Ajax, ut insanierit, & suspenderit verberaveritque suos, putans eos esse Ulissem competitorem suum, & Agamemnonem Judicem. Postea vero recipiscens ita indoluit, erubuitque, ut se ipsum occiderit. Contigit postea Trojæ excidium anno Periodi Julianæ 3531. reversusque Teucer Salamina patriam suam, non fuit receptus a patre Telamone ob segnitiam non vindictæ fratris injuriæ, ut narrat PATERCULUS *Lib. I. cap. 1.* vel ob alias causas, quas refert SERVIUS *ad 1. Æneidos v. 623.* Tunc Teucer Cyprum navigavit, ubi in patriæ suæ memoriâ novam Salamina condidit, quæ hodie dicitur *Fama Augusta*. Hujus conditionis mentionem fecerunt ISOCRATES in *Euagora*, HORAT. *Lib. I. ode 7.* PATERCULUS *Lib. I. cap. 1.* STRABO *Lib. XIV. pag. 469.* aliique: & nemo eorum memoravit Teucris in Hispaniam adventum, & nec Euripides quidem in *Hælena*, ubi introduxit Teuctum loquentem cum illa Regina, tot Asiæ malorum irritamento; & si vera fuisset illa in Hispaniam peregrinatio, eam non siluisset, ut non siluit ejus peregrinationem in Nili ostia. Monarchiam suam Teucer in Cypro stabilivit, ubi ejus posteris regnarunt, quorum series continuata fuit per unde viginti Reges usque ad Euagoram, qui postremus fuit, ut ait PAUSANIAS in *Corinthiacis cap. 71.* Et hoc constat ex *Oratione*, quam ISOCRATES scripsit

psit pro *Euagora*, pro qua a Nicocle Cypri Rege, qui ipse erat *Euagoræ* filius, viginti talenta accepit, ut refert *PHOTIUS in Biblioth. cod. 260*. Adde *PELLICERIVM in Apparatu ad Monarchiam antiquam Hispaniarum, pag. 173*.

9. Ex *STRABONE* supra didicimus, *Ulis-seam* numeratam fuisse inter monumenta errorum *Ulis*is, quod idem antea docuerat *pag. 103*. *Solinus* etiam *cap. 26*. ab eodem putavit conditum fuisse *Olisiponem*, suffragante *B. ISIDORO Etymol. Lib. xv. cap. 1*. & *Grammaticus Myrleanus*, *Obsicellam* ab *Obsicella*, qui cum *Antenore*, ejusque liberis in *Italiam* trajecit: sed quid hoc aliud est quam oppidorum nomina notare, & conditorem similis soni eis (accommodare?) nam primus Græcorum quem *Historia* docet in *Hispaniam* venisse, fuit *Sostratus* *Laodamantis* filius *Ægineta*, qui quæstum maximum *Tartessi* fecit, deinde *Colæus* *Samius* anno ante æram Christianam 641. secundum *JACOBI USSERI* *Orationes*: nam *HERODOTUS Lib. IV. cap. 1152*. sic enarrat: *Appulsa eo* (in *Theram* insulam) *navi Samia quæ ab Ægypto nedibat* (cujus gubernator erat *Colæus*) *Samii*, omni se gesta a *Corobio* audita, in annum homini cibaria reliquerunt. Ipsi ex hac insula cum soloissent, *Ægyptum* optantes, vento sub solano abrepti ferebantur: nec intermittente flatu, *Herculeas transvecti Columnas*, pervenerunt in *Tartessum*, pompam ferentes ad rem divi-

nam.

nam. Erat ea tempestate id emporium intemeratum, adeo ut inde revertentes isti ex mercibus questum maximum fecerint, inter omnes quos novimus Græcos, duntaxat post Sostratum Laodamantis filium Æginetam, cum quo nemo possit contendere. Ex hoc questu Samii decima (id est, sex talentis) selecta, fecerunt ahenam ad exemplum crateris. Argolici, gryphinis captibus in circuitu altrinsacus obversis: & in templo Junonis collocarunt, sustentibus illud tribus colossis, (id est humanis simulacris;) septenum cubitorum genio nixis.

IO. Menesthei etiam adventus in Hispaniam a nebulonibus confictus est: neque eum ullo modo probat Menesthei Portus memoratus a STRABONE *Lib. III. pag. 96.* & a PTOLEMÆO *Lib. II. cap. 4.* ab Antonino dictus *Portus Gaditanus* in itinere a Gadiibus Cordubæ, hodie *Puerto de Santa Maria*. Illud enim nomen accepit a cultu ibi a Græcis exhibito Menestheo, cujus venerationem proculdubio auxit inter homines credulos, & superstitiosos. ejusdem Menesthei Oraculum, de quo idem STRABO laudato loco, Miror fabulatores non addidisse. Themistoclem etiam in Hispaniam venisse, per motos auctoritate Philostrati, qui *Lib. V. de Vita Apollonii Tyanei, cap. I.* ita scripsit: *Præterea qui Gades incolunt, Græci esse perhibentur, nostroque more eruditi: maxime Athenienses præter cæteros Græcos ve-*

nerantur. Idcirco Menestheo Atheniensi sacrificare. Themistoclem quoque tanquam maritimum bellatorem egregium sapientiæ fortitudinisque gratia venerantes æneum statuerunt, eique tanquam oraculo reverenter assistunt. Porro nomen Portus Menesthei nos admonet, Græcos sæpe locis imposuisse nomina suorum priscorum Heroum, ut nos Sanctorum.

II. Inter Græcorum Colonias præcipuæ numerari debet *Saguntum* a Zacynthiis conditum (hodie *Murviedro*) ut referunt T. LIVIUS *Lib. XXI. cap. 7.* & STRABO *Lib. III. pag. 110.* SILIUS ITALICUS *Lib. I. v. 273.* ubi ita cecinit:

Haud procul Herculei tollunt se litore muri,

Clementer crescente jugo, quis nobile nomen

Conditus excelso sacravit colle Zacynthos.
& v. 288.

Mox profugi ducente Noto advertère coloni,

Insula quos genuit Grajo circumflua gente,
Atque auxit quondam Laertia Regna Zacynthos.

Et *Lib. III. v. 177.*

Scilicet, id satis est decoris, memorandaque virtus,

Quod tanto cecidit molimine Graja Saguntos?

Adde APPIANUM de *Bello Hispaniensi* & B.

ISIDORUM *Etymol. Lib. XV. cap. I.* STEPHANUS BYZANTINUS, qui diversis libris utebatur, nunc vocat illud *Zacantha*, nunc *Zacynthon*, quod vocabulum lingua Phoenicia, quæ Hebraicæ dialectus est, significat *rem altam*, aut montanam, fortasse allusione quadam ad Sagunti situm. De ejus antiquitate ita PILNIUS *Lib. XVI. cap. 40. In Hispania Sagunti ajunt templum Dianæ a Zacyntho advestæ cum conditoribus, annis ducentis ante excidium Trojæ, ut auctor est Bocchus, infraque oppidum ipsum id haberi. Cui pepercit religione inductus Hannibal juniperi trabibus etiam nunc durantibus.* Nolo inquirere, an juniperi trabes Saguntini templi Dianæ tandiu durare possent, ut remanerent a ducentesimo anno ante Trojæ excidium, quod accidit anno ante Christum natum 1184. usque ad Christi annum 77. quo Plinius suam edidit Historiam, quod idem est ac si diceret per annos 1261. Sed maxime notandum est, Sagunti conditores in Hispaniam adduxisse Dianæ simulacrum secundum BOCCHI narrationem. STRABO autem *Lib. III. pag. 124.* docet Massilienses in Hispaniam introduxisse Dianæ Ephesiæ cultum, & antiquum modum ei sacrificandi. *Posterioribus tamen temporibus (inquit) quosdam circumjacentium camporum in suam potestatem redegerunt, qua eadem subnixi, urbes quoque condiderunt, quibus munitionibus uterentur ut ad Hispaniam contra Hispanos, quibus etiam*

iam

iam ritus Dianæ Ephesiæ avitos tradiderunt , eosque sacrificare Græco more docuerunt. Hunc igitur cultum Saguntini acceperunt a Massiliensibus , hi a Phocæensibus , Phocæenses a Phocensibus , & Atheniensibus , ut eruditi sciunt. Quamobrem si Dianæ templum Saguntinum eandem antiquitatem , ac Saguntum habebat ; si Dianæ cultus invectus fuit in Hispaniam a Massiliensibus , sive quod idem est , si invectus fuit post Massiliam conditam , non eam habuit antiquitatem quam Bocchus persuadere voluit. Sed ut propius ad veritatem accedamus, videamus quo tempore Massilia condita fuit.

12. Certum est , Massiliam , urbem Ligusticam , juxta Celticam , Coloniam Phocæensium esse , auctore HECATÆO apud STEPHANUM *v. Massalia*. Idque confirmant ISOCRATES in *Archidamo* , pag. 132. SCYMNUS CHIUS *¶*. 208. 209. T. LIVIUS *Lib. XXXIV. cap. 3*. POMPONIUS MELA *Lib. II. cap. 5*. STRABO *Lib. IV. pag. 124*. AMMIANUS MARCELLINUS *Lib. XV. pag. 55*. Phocæenses dico , natos scilicet in urbe Jonia Phocæa , quos HORATIUS *epist. 16*. vocavit *Phocæos* : non Phocenses e Phocide , Græciæ regione , cujus metropolis fuit Delphos. Errarunt igitur qui confundentes Phocenses cum Phocæis , scripserunt , Phocenses condidisse Massiliam , ut Aristoteles laudatus ab ATHENÆO *Lib. XIII. Deipnosoph.* JUSTINUS *Lib. XLIII. cap. 3*. HIGINUS etiam apud GEL-

LIUM *Lib. X. Noct. Atticar. cap. 16.* ait ,
ex terra Phocide fugatos Massiliam condidisse. In eundem incidit errorem SENECA c. 8.
de Consol. ad Helviam , & LUCANUS *de Bello Civili Lib. III. v. 301.* ubi de Massilia loquens ita cecinit :

*Phocais in dubiis ausa est servare juven-
ventus*

*Non Graja levitate fidem , signataque
jura,*

Et caussas , non fata , sequi.

Et SILIUS ITALICUS *Lib. IV. Punicor. v. 52.*

Scipio Phocaicis sese referebat ab oris.

Et *Lib. XV.* posteaquam generaliter dixerat
v. 168.

*.... occurrunt moenia Grajis
condita , Massiliae.*

atque *v. 171.* sese magis declaravit , ajens,
*Antiquæ morem patriæ cultumque habitum-
que*

Phocais armiferas inter tenet hospita gentes.

13. Reliquum est scire quomodo eam Phocæi condiderunt. JUSTINUS *Lib. XLIII. cap. 3.* ita scripsit : *Temporibus Tarquinii Regis , ex Asia Phocensium juvenus , ostio Tiberis invecta , amicitiam cum Romanis junxit : inde in ultimos Galliaë sinus navibus profecta , Massiliam inter Ligures , & feras gentes Gallorum condidit : magnasque res, sive dum armis se adversus Gallicam feritatem tuentur , sive dum ultro lacessunt , a quibus fuerant antea lacessiti , gesserunt.*

Nam-

Namque Phocenses exiguitate , ac macie terræ coacti , studiosius mare quam terras exercere : piscando , mercando , plerumque etiam latrocinio maris , quod illis temporibus gloriæ habebatur , vitam tolerabant. Itaque in ultimam Oceani oram procedere ausi , in sinum Gallicum ostio Rhodani amnis devenire. Cujus loci amoenitate capti , reversi domum referentes quæ viderant , plures sollicitare. Duces classis Simos , & Protis (a quo proculdubio nomen accepit Prote insula una ex Stoechadibus , de qua PLINIUS Lib. III. cap. 5. in fine). Itaque Regem Segobrigiorum , Nannum nomine , in cujus finibus urbem condere gestiebant , amicitiam petentes conveniunt. Forte eo die rex occupatus in apparatu nuptiarum Gyptis filiæ erat: quam more gentis , electo inter epulas genero , nuptum tradere illic parabat. Itaque cum ad nuptias invitati omnes processissent , rogantur etiam Græci hospites ad convivium; introducta deinde virgo , cum juberetur a Patre aquam porrigere ei quem virum eligeret , tunc omissis omnibus ad Græcos conversa , aquam Proti porrigit : qui factus ex hospite gener , locum condendæ urbis a socero accepit. Condita igitur Massilia est prope ostia Rhodani amnis , in remoto sinu , veluti in angulo maris. Sed Ligures incrementis urbis invidentes , Græcos assiduis bellis fatigabant. Qui pericula propulsando in tantum enituerunt , ut victis hostibus , in captivis

agris multas Colonias constituerent.

14. Quamobrem cum temporibus Tarquinii condita fuerit Massilia , & Tarquinius regnare coeperit A. CXLII. u. c. & obierit A. CLXXX. intermedio illo tempore condita fuit. SCYMNUS CHIUS sequens Timæum ꝑ. 208. ait , Massiliam conditam fuisse centum & viginti annos ante pugnam Salaminiam. Hæc pugna commissa fuit Olymp. LXXV. anno I. ut ait ANONYMUS Olympiadum scriptor , & EUSEBIUS Pamphili in Chronico , hoc est , A. Varroniano ab u. c. CCLXXVII. Si retrocedamus igitur centum & viginti annos , condita fuit Massilia Olympiade XLV. anno I. qui fuit u. c. CLVIII. SOLINUS *cap. 8.* hanc confirmavit opinionem ita scribens : *Phocenses quondam fugati Persarum adventu , Massiliam urbem Olympiade XLV. condiderunt.* Omitto Agathix opinionem nimis ab hoc recedentem ; quippe ait Massiliam conditam fuisse tempore Darii filii Histaspes , qui regnare coepit A. u. c. CCXXXIV. regnavitque XXXVI. annos.

15. Scopum attingemus , si omnes circumstantias animadvertamus , colligamusque. ISOCRATES in *Archidamo* ait : *Phocenses magni Regis (Persarum scilicet) dominationem fugientes , relicta Asia Massiliam se contulerunt.* HORATIUS *Epodon* 16. indicavit Phocæos profugisse relinquentes patriam suam Phocæam.

Phocæorum

Ve-

*Velut profugit execrata civitas ,
Agros , atque Lares proprios , habitandaque
fana*

Apris reliquit , & rapacibus lupis.

SOLINUS loco supra laudato declaravit quanam fuerint inimici Phocæorum , quos ille vocavit *Phocenses*. Clariora indicia dedit HIGINUS laudatus ab A. Gellio *Noct. Atticar. Lib. x. cap. 16. Ab Harpalo* (inquit) *Regis Cyri Præfecti ex terra Phocide fugati Massiliam condiderunt*. Habemus igitur Harpagum Medum , quem Higinus , & Justinus vocaverunt Harpalum ducem exercitus Cyri Regis Persarum , fuisse eum , qui fugavit Phocæos , quod distincte docuit AMMIANUS MARCELLINUS *Lib. xv. cap. 8.* ita scribens : *A Phocæa vero Asiaticus populus Harpali inclementiam vitans Cyri Regis Præfecti , Italiam navigio petiit. Cujus pars in Lucania Veliam , alia condidit in Viennensi Massiliam*. Massilia igitur condita fuit post Phocæorum fugam , quæ Cyri tempore contigit , duce Harpago. Julius Africanus apud EUSEBIUM CÆSARIENSEM, *Præp. Evangel. Lib. x. cap. 10.* observavit , omnes antiquos Historicos , veluti DIODORUM SICULUM , THALLUM , CASTOREM , POLYBIUM , & PHLEGONTEM , & alios præterea qui Olympiædum seriem texuerunt , convenisse in definiendo initio Imperii Cyri , qui regnare cepit Olympiade LV. quæ referenda est ad annum CXCII. u. c. : quadraginta natus annos

regnare coepit , triginta regnavit , & ad septuagesimum pervenit , ut ex DIONIS *Per-sicis* docuit CICERO *Lib. I. de Divin. c. 23.* & hoc ipsum Regni tempus designaverunt JUSTINUS TROGI POMPEII abbreviator *Lib. I. cap. 8.* EUSEBIUS CÆSARIENSIS in *Chronico* , & B. HIERONYMUS in *cap. 7. Danielis*. Licet autem SEVERUS SULPICIUS *Lib. II. Sacræ Historiæ* scripserit : *Cyrum uno & triginta annis rerum potitum esse* ; dici potest annos fuisse incoeptos , atque ita a laudatis auctoribus non dissentiet. Hæc cum ita se habuerint , recte dixit THEOPHILUS ANTIOCHENUS Cyrum decessisse *olympiade LXII.* verum designare debuit memoratæ olympiadis annum secundum , qui fuit idem ac CCXXVI. ab u. c. HERODOTUS *Lib. I. cap. 162.* ait *Harpagum successisse Mazara.* Harpagus belligeravit adversus Joniam anno 2. Olympiadis LVIII. u. c. CCX. XIV. imperii Cyri. Cum Harpagus igitur Phocæam , absque ulla mora expunavit ; credere possumus Phocæos eodem anno appulisse in Liguriam : nec multo post condidisse Massiliam , in cuius arce , ut refert STRABO *Lib. IV. p. 124.* posuere Ephesium , & Apollinis Delphinii fanum. Ephesium autem fanum est Dianæ Ephesiæ.

16. Quæ cum ita sint , non improbabilis est Timæi apud SCYMNUM CHIUM opinio Massiliam conditam fuisse centum & viginti annos ante pugnam Salaminiam , sive , quod
idem

idem est, A. Varroniano ab u. c. CL. SCY-
MNI CHII verba sunt hæc ψ. 208.

*Massilia vero est finitima
Urbs magna, Phocænsium colonia,
In Ligustica vero hanc condiderunt
Ante pugnam in Salamine factam
Annis prius, ut ajunt, centum viginti
Timæus sic refert vero, ut condita sit.*

17. Eodem tempore Phocenses in Hispa-
niam advenerunt; nam JUSTINUS *Lib. XLIII.*
cap. 3. ut jam vidimus antea, ita scripsit:
itaque in ultimam Oceani oram procedere au-
si. Rem HERODOTUS optime narrat. *Lib. I.*
cap. 163. ait Harpagum Medum Phocæa
prima Jonum civitate potitum esse, & con-
tinuo *cap. seq.* subjungit: *Hi Phocenses pri-*
mi Græcorum longis navibus usi fuerunt:
Adriamque simul & Tyrrheniam, Iberiam
atque Tartessum occupaverunt. Navigiis au-
tem utebantur non rostratis, sed penteconte-
ris, (hoc est) lembis quinquagenum remorum.
Hi cum primum Tartessum venirent, grati
admodum fuerunt Regi, cui nomen erat Ar-
ganthonio, quique jam octoginta annis Tar-
tessorum regno præfuerat. Vixit autem annos
centum viginti. Atque Phocenses Argantho-
nio ista occasione redditi sunt amici, quod
videlicet Phocenses Joniam relinquentes, jus-
sit in sua ditione sedes diligere ubicumque
illis liberet. Verum cum hoc non persuassis-
set Phocensibus, intelligeretque interim Me-
dum in eos exercitum ducere, pecunias nume-
ra-

ravit liberaliter. Siquidem ipsius muri ambitus non paucorum est stadiorum; totusque a majusculis lapidibus; iisque affabre concinnatis. Et murus quidem ille a Phocensibus hoc pacto fuit constitutus.

18. Etsi verò tunc Phocæi nullam in Hispaniam deduxere coloniam; tamen paulo post Massilienses eorum filii id præstiterunt ut nunc apparebit.

19. STRABO *Lib. III. pag. 109.* ita scripsit: *Inter Sucronem (hodie Jucar) & Carthaginem (nunc Cartagena) tria sunt Massiliensium oppida non procul a fluvio: inter quæ celeberrimum est id, quod diurnam habet speculam; in promontorioque fanum Dianæ Ephesiæ magnâ religione cultum, quod ad res mari gerendas usus est antea & receptaculo Sertorius: munitum enim est editi loci natura; & latrociniis aptum (propter calas quas vocant) longe ab adnavigantibus cerni potest. Nomen est ei Dianium, habetque in propinquo bonas sectinas ferrarias; tum exiguas insulas Planesiam, ac Plumbariam, ac lacum marinum superne, cujus circuitus stadiorum cccc.*

20. Ait STRABO oppidum (Danium) habuisse speculam diurnam, quæ quia Græce dicitur *Hemeroscopium*; idcirco aliqui recentes scriptores confundentes oppidum cum promontorio, vocarunt hoc *Hemeroscopium*. AVIENUS in *Ora Maritima* v. 476. memorat hanc speculam, additque suo tempore

op-

oppidum desertum esse.

Hemeroscopium quoque

*Habitata pridem hic civitas, nunc jam
solum*

Vacuum incolarum, languido stagno madet.

21. Stagnum hoc, cuius meminit AVIENUS, est lacus ille de quo STRABO; & quia ejus causa solebant vicini infirma valetudine uti, paucis ab hinc annis terra in eum coniecta repletum fuit. *Hemeroscopium* videtur fuisse in ipsa civitate, nam STEPHANUS BYZANTINUS ita scripsit: *Hemeroscopium Celtiberorum* (hoc est, Celtarum Hispanorum) *civitas Phocensium colonia, de qua Artemidorus Lib. II. Geographia. Phocensium* vero coloniam eam civitatem vocavit, quia Massilienses ejus conditores, aut Phocæi fuerunt, aut a Phocæis orti. Latine oppidum illud vocabatur *Dianium* teste CICERONE *Lib. I. in Verrem. cap. 34. & Lib. V. cap. 56. & 59.* idemque est ac *Zanium* apud ISIDORUM *Etymol. Lib. XIV. cap. 6.* in fine, quod dubitanter ibi indicavit ALVARUS GOMEZIUS, & nulla hæsitacione affirmavit LAURENTIUS PIGNORIUS *de Serviiis pag. 492.*

22. Prosequitur STRABO, & ait, in Promontorio fanum Dianæ fuisse: atque hæc oppido nomen dedit: nam, ut ait FESTUS, *Dianius, locus Dianæ consecratus.* Alludens STRABO ad hoc templum, *Lib. IV. p. 124.* scripsit, Massilienses Hispanis tradidisse ritus

tus Dianæ Ephesiæ avitos. Diana Græcis *Artemis* dicitur ob rationem quam attulit STRABO *Lib. XIV. pag. 437.* quod cum ignoraret PETRUS ANTONIUS BEUTER, homo pronus ad confundenda rerum vocabula ob exiguam sonorum similitudinem, dixit *Lib. I. Chronicor. cap. 13.* oppidum, *Daimus*, quod ipse vocat *Atteimus* esse *Artemisium*: quo pacto ille confudit nomen Græcum cum Arabico, & *Danium*, cum *Daimus*, quæ oppida inter se distant tres leucas & dimidiam.

23. Addit STRABO, illo oppido ad res mari gerendas usus est arce, & receptaculo Sertorius: munitum enim est editi loci natura, & latrocinii aptum, longeque ab adnavigantibus cerni potest. Mons hic dicitur hodie *Mongo*, & distinguitur a promontorio Ferrariensi ei vicino, hodie *Cabo Martin*, non de *San Martin*, ubi falso legimus in nota marginali FLORIANI CAMPENSIS *Lib. I. cap. 2. fol. 9. pag. 2.* MELA omisit promontorium *Danium*, & solum memoravit *Ferrariense*, *Lib. II. cap. 6.* Certe quod de *Danio* Sertorii arce, & munimento scripsit STRABO, confirmavit CICERO *Lib. V. in Verrem*, ubi *cap. 56.* C. Verris rapacitatem accusans, sic in eum scripsit: *Quicumque accesserunt ad Siciliam paullo pleniores, eos Sertorianos milites esse, atque a Dianio fugere dicebat: & paullo post cap. 59. ostendito, illos cum Sertorio fuisse, a Dianio fugien-*

gientes ad Siciliam esse delatos.

24. Adjungit STRABO, nomen ei esse *Dianium*, habereque in propinquo bonas secturas *ferrarias* (in promontorio scilicet de *Finestrat*, de quo vide ESCOLANUM *Lib. IV. Hist. Regni Valentiae cap. 3. num. 5.*) quæ dederunt nomen promontorio *Ferrariensi* jam memorato.

25. Denique ait STRABO habere exiguas *insulas*, *Planesiam* (hodie *isla de Santa Pola*) & *Plumbariam* (*isla de Benidorm*). De lacu jam supra diximus terra completum esse.

26. Hæc cum ita sint, *Dianium* situm erat in *Contestania*, uti colligitur ex PLINIO *Lib. III. cap. 3.* non in *Hedetania*, ut credidit PTOLEMÆUS *Lib. II. cap. 6.* Et promontorium *Ferrariense* *Contestaniæ* etiam attribui debet.

27. Altera *Massiliensium* Colonia, quam STRABO intellexit, & non expressit, est oppidum *Calpe*, ita dictum a monte ubi situm habet, quique hodie dicitur *Hifach*. Hujus nominis tres fuerunt montes consimiles, quorum duo celeberrimi, *Calpe* scilicet *Asiaticus*, & ad *Fretum Herculeum*; & tertius *Sinus Ilicitani*, qui oppidum habet retinens antiquum nomen.

28. *Calpe* Græcis idem est ac *urceus*, unde Latini dixerunt *Calpar* genus *vasi fictilis* teste FESTO in *Calpar*. Antea dixerat VARRO *Lib. I. de Vita Populi Romani: Antequam dolii nomen prolatum esset, cum id genus*

nus vasorum Calpar diceretur, id vinum Calpar appellatum. FESTUS etiam dixit: Calpes ampullæ plumbeæ, ubi animadvertente ISAACO VOSSIO ad MELAM pag. 195. non Calces, sed Calpes legi debet. Quamobrem quia tres illi montes similes sunt urnis, ideo Calpes dicti. Merito igitur vetus JUVENALIS SCHOLIASTES ad Satiram XIV. v. 279. ita scripsit: Urnæ similis mons, inde Calpe in extrema Hispania. Hinc facile intelligitur FESTUS AVIENUS in Ora maritima v. 348. ubi sic corrupte legitur:

*Calpeque rursum in Græcia species cavæ
Gentesque visu nuncupantur, & jugi.*

Quos versus LUDOVICUS NONIUS in Hispania cap. 10. sic restituere tentavit:

*Calpeque rursum in Græcia species cavi
Teretisque vasis nuncupatur, & jugi.*

A qua lectione parum abest altera ISAACI VOSSII ad Melam pag 195. qui pro vasis reposuit vasi, & nescio quid commentus de vase terete ac jugi, cui nunquam aqua deficit, nec unquam fluere cessat; quale est vas illud coeleste, quod Aquarius tenet. Sed mihi inusitata loquutio videtur, vasi jugis; & soloeca, aut saltem dubia, jugi, ut VOSSIUS scripsit. JANUS ULITIUS ad Nemisiani Cynegeticon v. 252. ita legit:

*Calpæque rursum in Græcia specus cavi,
Teresque visu nuncupatur os jugi.*

Quæ lectio nimis est violenta. Simplicior erit emendatio hujusmodi:

Cal-

Calpæque rursum in Græcia species cavæ Teretesque visu nuncupantur , & jugi.

29. *Species cavæ sunt formæ , & figuræ cavæ. Cujusmodi est Calpe , quem elegantissime descripsit POMPONIUS MELA Lib. II. cap. 6. Aperit (inquit) deinde angustissimum pelagus , & proxima inter se Europæ atque Africæ littora montes efficiunt , ut initio diximus , Columnæ Herculis Abyla , & Calpe : uterque quidem , sed Calpe magis & pene totus in mare prominens. Is mirum in modum concavus , ab ea parte qua spectat occasum , medium fere latus aperit : atque inde ingressus totus admodum pervius , prope quantum patet specus. Eadem illæ species cavæ , nuncupatæ Calpæ , sunt teretes visu , id est , videntur oblongæ & rotundæ : quia arduæ & angustæ , ut discere possumus ex FESTO in v. teres , adjuncto LUCRETIO Lib. IV. v. 354. & seqq. Præterea nuncupantur jugi , quo nomine AVIENUS significantius extulit notationem Græcam. Quod si displicet , substitue , juga.*

30. *Altitudinem Calpes Herculei indicavit SCYLAX CARYANDENSIS ita scribens : In his quoque sunt Columnæ Herculeæ : ea quidem quæ in Libya , humilis : Europæa vero , excelsa. Idem confirmavit STRABO Lib. III. pag. 96. Ibi ergo (inquit) mons est eorum Hispanorum , qui Bastitani , & Bastuli vocantur , nomine Calpe , ambitu non magnus , cæterum in altitudinem magnam*
eve-

erectus , ut eminus videntibus insulae speciem objiciat. Consonat NEMESIANI *Cynegeticon* v. 251.

Quin etiam gens ampla jacet trans ardua Calpes

Culmina cornipedum late foecunda proborum.

Et FESTUS AVIENUS in *Descriptione Orbis* v. 106.

Scopuli stant ardui utrinque

Unus in Europam , Libyam procul aspiciat alter.

Sic discreta freto procera cacumina celsis Emicuere jugis ; sic intrant saxa profundum ,

Sic subeunt nubes , sic Cælum vertice fulcit

Maura Abila , & dorso consurgit Iberica Calpe.

31. *Observe Calpen emicantem jugo. Unde facile assentio JANO ULITIO , qui pro parva legi vult alta apud eundem AVIENUM in Ora Maritima v. 343.*

Sunt parva porro saxa prominentia

Abila , atque Calpe : Calpe in Hispano solo ,

Maurusiorum est Abila.

PAULLINUS etiam AUSONIO scribens insignivit Calpen *celso vertice*. Adde MARTIANUM CAPPELLAM *Lib. VI. cap. de Divis. Terræ*. Nec aliter esse potest : nam Calpe Herculeus conspicuus est in mediterranea litus

Mau-

Mauritanum legentibus a sexaginta leucis Hispanicis. Unde mirum non est si eminuseum prospicientibus propter celsitudinem appareat instar columnæ, præsertim cum adeo angustus sit, ut qua parte maxime latus est, minus quam mille passus distendatur: & qua minimam habet latitudinem non totis quingentis passibus pateat.

32. *Calpe* Valentinus etiam præaltus est, non ita ut extulit MARINÆUS SICULUS *Lib. I. de Rebus Hisp. memorabilibus, cap. de Montibus*; sed tamen totius oræ est maritima specula ut *Lib. VI. Annal. Regni Valentiae, cap. 13.* ait CASPAR ESCOLANUS, qui illius ambitum refert esse ducentorum passuum. BERNARDINUS GOMEZIUS MIEDES *Commentariorum de Sale Lib. II. num. 76.* scripsit, hoc promontorium omnium Hispaniæ eminentissimum esse, ac vehementer acuminatum, quod si ad montes non extendatur fortasse verum est.

33. Didicimus ex MELA, Calpen Herculeum pene totum in mare prominere. Valentinus etiam, nam præruptus & veluti abscissus est tribus lateribus quibus a mari aluitur. Ideoque Arabice *Hifac* dicitur.

34. Herculeus mirum in modum concavus. Valentinus habet specus mare versus, & ibi fontem aquæ dulcis, ut testatur ESCOLANUS *Lib. VI. Historiæ Regni Valent. cap. 13. num. 6.*

35. *Dorso consurgit Iberica Calpe*, ut
V di-

dixit AVIENUS : Valentinus etiam ex parte mediterranea , in cuius montis radice situm oppidum *Calpe* , antiquum retinens nomen : in quo etiam assimilatur *Calpe Herculeo* , qui urbem habebat cognominem , ut memoriae prodidere NICOLAUS DAMASCENUS , ANTONINUS , TZETZES in *chil. v. num. 217.* & STRABO *Lib. III. pag. 96.* cuius hæc sunt verba : *Is (Calpe) ad dextram est e nostro mari foras navigantibus , & ad XL. inde stadia urbs Calpe vetusta & memorabilis , olim statio navibus Hispanorum. Hanc ab Hercule quidam conditam ajunt , inter quos est Timosthenes , qui eam antiquitus Heracliam fuisse appellatam refert , ostenditque adhuc magnum murorum circuitum , & navalia.* Nunc mons ille dicitur *Gibraltar* a *Gibel-Tarik* , id est , *monte Tarici*. Hic dicitur *Hifac* ab *Hafa* , vocabulo Arabico significante saxum præruptum , Hispanè , *Peña enriscada* , teste PETRO ALCALÀ in *Vocabulista Arabico* : non a Syphace , ut *Lib. I. cap. 18. fol. 101.* somniavit PETRUS ANTONIUS BEUTER , quem sequuti sunt BERNARDINUS GOMEZIUS MIEDES , *Commentariorum de Sale Lib. II. num. 76.* ESCOLANUS *Lib. VI. Hist. Reg. Valent. cap. 13. n. 7.* & DIAGUS *Lib. II. Annal. Valentinor. cap. 12. fol. 39. col. 4.*

30. Quid si *Calpen* nostrum etiam conferamus cum Asiatico ? quem perbelle descripsit XENOPHON *Lib. VI. de Expeditione Cy-*

Cy-

Cyri, pag. 380. & 381. ? Ejus etiam pars quæ ad mare pertinet abruptus quidam scopulus est; noster ex omnibus partibus, adeo ut etiam ex mediterranea difficillimum habeat ascensum, & non sine periculo.

37. In Asiatico *Calpe*, portus sub ipso scopulo situs est. In Valentino etiam, ad latus sinistrum Dianium versus est *portus anguli del Rincon*, isque tutissimus. Et ad dexteram habet stationem, quæ antiquo Hispano nomine dicitur *baía*, de quo vocabulo ISIDORUS *Etymol. Lib. XIV. cap. 8.* indigenæ appellant *Gallicant*. Vide ESCOLANUM *laudato loco*.

38. *Calpe* Asiaticus, quâ mediterranea versus se ad viginti stadia porrigit, terrenus est. Valentinus etiam in parte illa radicis, quæ ex prærupto monte sese protendens, terram contingit, & peninsulam facit, quæ facile insula fieret, si ancile duceretur.

39. Hoc vero differunt, quod *Calpe* Asiaticus carebat oleis. Valentinus vero situs est prope Altheam urbem Olcadum, ubi oleas assidue fructificare jam THEOPHRASTUS docuit *de Caussis Plantarum Lib. v. c. 24.* consulto JOHANNES MEURSIO in *Lectionibus Theophrasteis cap. 6. pag. 104.*

40. Tertia Massiliensium Colonia in Hispania est *Alone*, de qua sic STEPHANUS *Alonis insula est urbs Massilia*, auctore Artemidoro. *Gentile Alonita*. Ex STEPHANO discimus esse urbem Massiliæ, ex POMPO-

NIO MELA *Lib. II. cap. 6.* ejus situm agnoscimus. *Inde* (ab Hiberno scilicet) *se in terras pelagus insinuat*, & *primum magno impetu admissum*, mox *in duos sinus*, promontorio quod *Ferrariam* vocant, *finditur*. Prior *Sucronensis* dicitur (Golfo de Valencia) major hic & magno satis ore pelagus accipiens, & quo magis penetratur, angustior, *Sætabin* (hoc falsum est, nam Sætabi amnis Sucroni sese adjungit) & *Turium* ac *Sucronem* non magna excipit flumina: urbes complexus, & alias quidem, sed notissimas *Valentiam*, & *Saguntum* illam fide, & ærumnis inclutam. Sequens *Ilicitanus* (Golfo de Alicante) *Alonem* habet & *Lucentiam*, & unde ei nomen est, *Ilicen*. *Alone* est *Guardamar*, quod oppidum Arabes non dixerunt *Tudemir*, sed situm in ejus nominis provincia, in peninsula, quam *Artemidorus* insulam vocavit ad os amnis *Taderis*, quem nunc *Seguram* vocant. Ibi salinæ sunt præstantissimæ, quæ *Alone* nomen dederunt. *Lucentia* vero est *Alicante*; & *Ilici*, *Elche*.

41. SCYMNUS CHIUS §. 201. Græcas Colonias recensens sic ait:

Ligures proximi sunt, & *urbes Græcæ*,
Quas Massilienses Phocæenses deducta Colonia condidere.

Prima quidem Emporium: Rhode vero secunda

Hanc equidem, qui prius pollebant, condiderunt.

Rhodii.

Ait

Ait SCYMNUS CHIUS Massilienses Phocæenses deducta colonia condidisse Emporium. Idem docuit LIVIUS *Lib. XXVI. cap. 19.* Ita (Scipio) cum XXX. navium classe (omnes autem quinqueremes erant) ostiis Tiberinis profectus præter oram Tusci maris, Alpes, atque Gallicum sinum, & deinde Pyrenes circumvectus promontorium, Emporiis, urbe Græca (oriundi & ipsi a Phocæa sunt) copias exposuit. Et STRABO *Lib. III. pag. 110.* Urbs ea (Emporium) a Massiliensibus condita. Cum autem Massilienses a Phocæis orti fuerint, quos SILIUS ITALICUS cum Phocensibus confudit, ideo idem SILIUS *Punicor. Lib. III. v. 369.* ita cecinit.

42. Cur vero plurativo numero *Emporia* etiam dicantur, declaravit PLINIUS *Lib. III. cap. 3.* oppidum (inquit) *Emporiæ* geminum, veterum incolarum, & Græcorum, qui Phocænsium fuere soboles. Sed luculentius LIVIUS *Lib. XXXIV. cap. 9.* Jam tunc (A. Varroniano u. c. DLIX.) *Emporiæ* duo oppida erant muro divisa. Unum Græci habebant a Phocæa, unde & Massilienses oriundi, alterum Hispani; sed Græcum oppidum in mare expositum, totum orbem muri minus quadringentos passus patentem habebat: Hispanis retractior a mari trium millium passuum in circuitu murus erat. Tertium genus Romani coloni ab divo Cæsare post devictos Pompeii liberos adjecti: nunc in corpus unum confusi omnes, Hispanis prius,

postremo & Græcis in civitatem Romanam adscitis. Ex quo loco falsitatis convincitur inscriptio illa Emporii, quam exhibuerunt MORALES *Lib. VIII. cap. 48. fol. 187. pag. 2. OCCO pag. 20. num. 4. LUDOVICUS NONIUS in Hispania cap. 86. ALDRETE Lib. 1. Orig. Linguae Castellanae, cap. 14. pag. 95. PUJADES in Chronico Lib. III. cap. 85. pag. 136. THOMAS TAMAYO DE VARGAS ad Luitprandum, pag. 92. JOHANNES FRANCISCUS ANDREAS UZTARROZ apud Lastanosam in Discursu II. de Nummis incognitis, pag. 182. PELLICERIUS in Conditione & lingua Primæva Hispaniæ fol. 45. Sed eam inter spuria recensuit GRUTERUS pag. 2. n. 2. & merito: nam inscriptionem illam nemo vidit: vox *Hiberæ* cum aspiratione scribi debuit: linguæ ibi non duæ, sed tres in usu erant. Consules ibi nominati in Fastis non apparent: & licet Suffectos crediderit MORALES, id prius debuerat probare, ut taceam Consules Suffectos incoepisse tempore C. Cæsaris, uti animadvertit JAC. PHILIPPUS THOMASIVS de Tesseris hospitalitatis, cap. 3. p. 15.: adde quæ scripsi sub nomine Placidi Verani pag. 71.*

43. Altera Massiliensium Phocænsium colonia fuit *Rhode* (hodie *Rosas*) sed, ut ait SCYMNUM CHIUS loco supra laudato, hanc equidem qui prius pollebant condiderunt Rhodii. SCYMNUM igitur, & alios intellexit STRABO *Lib. III. pag. 110. cum ita scripsit: Ibi quo-*

quoque est Rhodope urbs Emporiensium. Quidam a Rhodiis conditam d'cunt. Ubi pro Rhodope legi debere Rhode, admonuit ISAAC. CASAUBONUS, quæ lectio confirmatur ejusdem STRABONIS testimonio, qui *Lib. XIV. p. 450.* ita scripsit: *Narrantur & hæc de Rhodiis: res eorum mari secundas fuisse non ab eo demum tempore quo urbem quæ exstat hodie, condiderunt; sed etiam ante Olympiorum institutionem permultis annis eos procul a patria classem eduxisse hominum servandorum caussa, ita ut usque ad Hispaniam eos navigasse, & Rhodum condidisse postmodo a Massiliensibus occupatam.* Eandem opinionem sequutus est PLINIUS *Lib. IV. cap. 4.* licet falsum sit quod adjungit, ab ea nomen accepisse flumen Rhodanum, cum longe distent inter se, & nomen amnis Rhodani sit antiquius, eademque est PTOLEMÆI RHODEPOLIS *Lib. II. cap. 6.* Rhodæ sitæ ad Ticem flumen meminit MELA *Lib. II. c. 6.* in Iberia scilicet ut docuit STEPHANUS in Rhode. De maris imperio quod obtinuerunt Rhodii, vide CICERONEM *pro Lege Manilia, cap. 18.* STRABONEM *Lib. IV. pag. 448.* FLORUM *Lib. II. cap. 7.* & EUSEBIUM CÆSARIENSEM *ad annum 1110.*

44. His Coloniis addi debet Menaca, de quâ sic STRABO *Lib. III. pag. 108.* Sunt qui hanc (Malacam scilicet) eandem putant cum Menaca, quam ultimam Phocæorum versus occasum civitatem accepimus; sed errant:

nam *Menacæ* longius a *Calpe* dissitæ atque eversæ rudera *Græcanicæ* urbis vestigia retinent : *Malacæ* magis ad *Punicæ* formam accedit. Errorem a STRABONE reprehensum fecit suum AVIENUS, qui in *Ora maritima* versu 425. ita scripsit :

Hos propter autem mox jugum Barbetium est

Malachæque flumen urbe cum cognomine,

Menacæ priore quæ vocata est sæculo.

45. Illud cum de Græcis agamus, omitendum non est, Hispaniam a Græcis dictam esse *Hesperiam* ab *Hespero*, quod nomen Græce idem significat, ac *auroræ terminus*, quo existente apparet stella *Veneris*, ideoque hanc etiam significat. Idcirco Græci, qui navigabant occidentem versus, vocarunt *Hesperiam*, partem occidentalem, quæ respectu illorum est non solum Hispania, sed etiam Italia. Ideo VIRGILIUS *Lib. I. Æneidos* v. 534. ait :

Est locus, Hesperiam Graji cognomine dicunt,

Terra antiqua, potens armis, atque ubere glebæ:

Œnotri coluere viri : nunc fama, minores

Italiam dixisse ducis de nomine gentem.

Et *Lib. III. Æneidos* *Cassandræ* vaticinia referens, a v. 183. ita cecinit :

Sola mihi tales casus Cassandra canebat.

Nunc

*Nunc repeto hæc generi portendere debita
nostro;*

*Et sæpe Hesperiam, sæpe Italia regna
vocare.*

*Sed quis ad Hesperia venturos litora Teu-
cros*

*Crederet? aut quem tum vates Cassan-
dra moveret?*

HORATIUS etiam *Carminum Lib. I. ode 36.* Hispaniam nominavit *Hesperiam ultimam.* MACROBIUS *Lib. I. Saturnal. cap. 3.* hujus etymi rationem dedit. Ut vero intelligamus Hispaniam, non est necesse addere ultimam ut voluit SERVIUS GRAMMATICUS ad *ψ. 534. I. Æneid.* ubi aliam, eamque falsam nominis notationem designavit hoc modo: *Hesperia sunt duæ: una, quæ Hispania dicitur; altera, quæ est Italia: quæ hac ratione discernuntur, aut enim Hesperiam solum dicis, & significas Italiam: aut addis ultimam, & significas Hispaniam, quæ in occidentis est fine; ut Horatius: Qui hunc Hesperia sospes ab ultima. Et hæc est vera Hesperia ab Hespero dicta, id est, stella occidentali. Cæterum Italia Hesperia dicitur a fratre Atlantis, qui pulsus a germano, Italiam tenuit: eique nomen pristinae regionis imposuit, ut Hyginus docet. Verum hoc postremum mera fabula est. Idem sentiendum de eo, quod ex aliorum, ut solet, opinione, scripsit B. ISIDORUS *Etymolog. Libro III. cap. 61. Hesperus stella occidentalis**

lis , quam cognominatam perhibent ab *Hespero Hispaniæ Rege*. Sed posteaquam ita scripserat idem eruditissimus vir *Lib. XIV. c. 4.* ita affirmavit : *Hesperiae nomen ab Hespero stella* : quod proculdubio verum est.

46. Idem Græci anni *Bæti* nomen dederunt , quod *STEPHANI BYZANTINI* auctoritate confirmatur hoc modo : *Bætis fluvius in Iveria , qui ab indigenis Perces appellatur. Et regio Bætica dicitur , quod nomen a genitivo Βαιτίῳ formatur.* Ait *STEPHANUS* indigenas appellavisse *Percem* hunc amnem. Quod vocabulum probabiliter derivatur ab Hebraico *Perca* , quod significat *stagnum* , quia hic amnis in ejus capite prope *Cordubam* , & in ostio extenditur , & efformat veluti stagnum : & ideo *B. EULOGIUS* in *Apologetico Martyrum pag. 316.* vocavit eum pelagus , & hodie nomen retinet. Magnitudinem ejus circa ostium jam designavit *AGATHEMERUS Lib. II. de Geographia cap. 10.* ubi de maximis fluminibus loquens , ita scripsit : *Sunt & alii fluvii magni circa ostia , præsertim Eridanus , Iberus , Bætis , Sequana , Durias , atque etiam Rhodanus.* *JOHANNES MARIANA Lib. I. de Rebus Hispaniæ , cap. 7.* scripsit amnem ita vocatum a domibus , & oppidis juxta eum sitis , quia *Bætis , & Beth* hebraice domum significat. Sed hoc est vocabula antiqua a recentibus rebus desumere : ut taceam *Bætis* scribi cum diphthongo , & sine aspiratione , & *Beth* sine di-

diphthongo, & cum aspiratione. Hoc nomen esse Græcum confirmatur auctoritate B. ISIDORI, qui *Etymol. Lib. XIII. cap. 21.* ita scripsit: *Bætis autem dictus, eò quod humili solo decurrat. Bæth enim Græci humile, vel mersum vocant.* Itaque ISIDORUS ait ita nominatum, quia fluit profunde. PAUSANIAS in *Eliacis posterioribus, cap. 196.* allusit ad hoc etymon ita scribens: *Tartessum certe fluvium Hispaniæ esse tradunt, ostiis duobus in mare descendentem: amni cognominem urbem inter utrumque alveum sitam. Eum fluvium omnium Hispaniæ fluminum maximum, & præaltis vorticosum gurgitibus, Bætis hujus ætatis homines nominant. Sunt & qui prisco nomine Tartessum Carpiam vocitatam dicant.* Hic multa nos docuit PAUSANIAS: Primum, Priscum hujus amnis nomen fuisse *Carpias*; secundum, *Tartessus*, quod nomen ei dederunt STRABO *Lib. III. pag. 102.* & AVIENUS in *Ora maritima* §. 225. & 284.; tertium, & ultimum *Bætis*, quasi dicas *profundum*, quemadmodum ob eandem rationem Græci *Bathin* nominarunt alium amnem Iberiæ. His nominibus quartum *Perces* addi videtur, quod varianter legitur apud T. LIVIUM *Lib. XXVIII. cap. 22.* ubi scribens res quæ in Hispania contigerunt A. Varroniano u. c. DXLVIII. ita dixit: *Martius superato Bæti amni, quem incolæ Circen appellant, duas opulentas Civitates sine certamine in ditionem accepit.* Ubi alii *Cirtius* legunt,

gunt , ut observavit LIPSIUS *Epistolicar. quæst. Lib. IV. ep. 4.* non deest , qui *Ciritum* legat , & MARIANA noviter *Ciritum* , sed ex STEPHANO didicimus legendum esse *Percès* , & sic apud LIVIUM legi debet.

47. Atque hæc de Græcorum Coloniais dixisse sufficiat : de locorum autem rerumque nominibus ab illis inventis in Hispanam linguam si quis plene scire avet , poterit consulere BERNARDUM ALDRETUM in *Origine lingue Castellane* , qui nimius est in hoc argumento. Hoc autem non omittam B. HIERONYMUM in *Traditionibus Hebraicis* ita scripsisse : *Legamus Varronis de antiquitatibus libros , & Asinii Capitonis , & Græcorum Phlegontæ , cæterosque eruditissimos viros , & videbimus pæne omnes insulas , & totius orbis litora terrasque mari vicinas Græcis accolis occupatas , qui , ut supra diximus , ab Amano , & Tauro ; montibus , omnia maritima loca usque ad Oceanum possidere Britannicum.* Idem in Proemio II. Lib. *Commentarior. in epistolam S. Pauli ad Galatas* ita scripsit : *Ad Hispanias transgredior. Nonne Saguntum Græci ex insula Zacyntho profecti condiderunt ? & oppidum Tartessum , quod nunc vocatur Car-teja , Jones Græci homines locasse referuntur ? montes quoque Hispaniarum Calpe , Idrus , Pyrene ; item insulæ Aphrodisiades , & Gymnesiæ , quæ vocantur Baliares , nonne Græci sermonis indicia demonstrant ?*

CAP. XVIII.

Statuitur qua ratione investigari debeat origo Hispanorum oppidorum, in quibus invenitur vox UR, aut alia ab ea derivata.

1. **N**imis longus essem, si Romanorum, & Arabum Colonias persequi vellem, quare ne ab argumento mihi proposito recedam; aliqua nunc de linguis eorum, qui in Hispaniam advenerunt, dicenda sunt: nam si oppidorum nomina quæ ab UR originem habent, propria sunt alicujus gentis, quæ in Hispaniam venerit; non inani conjectura illi sunt tribuenda.

2. Primum omnium autem sic statuendum est. Oppida quæ non condiderunt Phœnices, quos primos omnium in Hispaniam incolis jam repletam advenisse scimus, uti ab iis condita fuerunt Gadir, Malaca, Tyris: neque Celtæ ut desinentia in BRIGA, & DUNUM: neque Poeni, ut Barcino, Carthagonova, Cartalias, Carteja, Cartima, & finita in IPO: neque Græci, ut Emporiæ, Rhode, Saguntum, Dianium, Calpe, Alone, Mænaca, Portus Menesthei: neque Romani, ut Emerita, & alia permulta: neque Arabes, quorum plurima possunt nominari: censenda sunt aut incertæ originis, aut indigenarum Coloniarum, ut Acontia, vel
 Acu-

Acutia , Althea , Arbucala , Aspis , Arsa , Astapa , Astigi , Attubi , Bæcula , Carpeia , Castulo , Corduba , Dera , Eborā , Elmantica , Hispal , Ilerda , Ilici , Ilurbida , Mentissa , Numantia , Obba , Obulco , Olbia , Oretum , Orisia , Oringis , Palantia , Salduba , antiquum Cæsaraugustæ nomen , Salmyca , Segovia , Sex , Sicane , Toletum , cujus etymon non est deducendum ex Hebraica voce *Toledoth* , ut quidam censuerunt apud **ARIAM MONTANUM** in *Abdiæ cap. 1.* perinde quasi Judæi eam condiderint , quod aperte falsum est , ut taceam antiquitus non *Toledum* , sed *Toletum* nominatum fuisse , ut constat ex **LIVIO Lib. XXXV. cap. 22.** neque ex Græca voce , ut voluit **ALDRETUS** duas nominis notationes indicans a veritate alienissimas *Lib. II. Originis Linguae Castellanae, cap. 3.* neque ex Arabico vocabulo , ut auguratus fuit **PELLICERIUS Lib. III. Annal. Hispaniæ num. 59.** nam anno 93. Hegiræ , qui coepit 19. Octobris æræ Christianæ 711. **Taricus Toletum** expugnavit , ut refert **ELMACINUS Sarracenicæ Histor. Lib. I. c. 13.** nihil vero faciendi sunt versus ab impostore notissimo insuti **FESTO AVIENO** in *Ora maritima* , de quibus judiciose tractavit **NICOLAUS ANTONIUS** in *Biblioth. Veter. Hispan. Lib. II. cap. 10. n. 413.* & in *Censura Historiar. fabulosar. Lib. II. cap. 3. num. 3.* Incertæ originis *Coloniis* adjungi debent *Trite* , *Tucci* , *Xera* , & quamplurimæ aliæ ,
quas

quas ad Nationes advenas referre non possum, & antiquissimæ sunt.

3. Deinde aliquid dicendum est de linguis eorum qui post primum incolatum in Hispaniam advenerunt, ut videamus an ex eorum vocabulis quæ supersunt, aut ex Historia cujusque gentis, aliquarum Coloniarum originem investigare possimus.

C A P. XIX.

*De linguis eorum, qui in Hispaniam
advenerunt.*

1. **I**ncipiamus igitur ab Hispania primitiva. Et licet de antiquissimis linguis disputare difficillimum sit ob librorum defectum; hoc tamen certum est, eruditorum consensu, Hebraicam linguam esse omnium, quarum reliquæ supersint, antiquissimam: &, ut loquar cum HIERONYMO *ad cap. 3. Sophoniæ*, omnium linguarum esse matricem, vel, ut ita dicam cum AUGUSTINO *Lib. XVI. de Civitate Dei, cap. II. omnium hominum communem*. Cum initio igitur universalis esset; postea tamen Dei voluntate effectum est, ut eorum qui insane turrem Babylonicam construebant, linguæ ita confunderentur, ut non audiret unusquisque vocem proximi sui, *GENESIS XI. vers. 7.* unde linguarum distinctio esse coepit. Sed existimant aliqui viri doctrina præstantes, lingua-

guarum diversitatem non fuisse tantam , ut omnis omnino illarum affinitas extincta fuerit. Nam molitioni Turris Babylonicæ impediendæ satis erat , si alii aliorum loquelam non intelligerent. Post gentium igitur divisionem , linguarum similitudo eò major fuit, quò proximior fuit illarum divisio. Quia singulæ linguæ minus corruptæ erant , vel per litterarum transpositionem in vocabulis , vel ob pravam parentum pronuntiationem , quam filii imitantur ; vel ob perversam filiorum imitationem ex articulandi difficultate natam , quæ si diligenter non reprehenditur , perseverat , & promiscua fit ; vel ob novas dictiones , vel ob linguarum permixtionem e matrimoniiis , aut gentium migrationibus ortam ; vel ob similes alias permultas caussas. Itaque quantalibet Chaldaicæ , Arabicæ , Ægyptiacæ , aliisque antiquioribus ; cum Hebraica omnium matre intercedat diversitas ; nihilo minus , ob earundem inter se affinitatem , & similitudinem , si vocabulorum radices diligenter conferantur , qui unam recte noverit , reliquas sufficienter noverit. Idemque dicendum esset de Hispana lingua antiquissima , si ejus aliquæ exstarent reliquiæ certæ. Quamobrem , si oppidorum antiquitatem probare possemus , non improbabiliter dici posset , oppidorum nomina ab UR incipientia , aut desinentia , primis Hispaniæ incolis eorumve posteris tribui debere , ut Urbicua , Urbona , Urci , Urcesa , Urgavo , Urgellum , Urgia , Uri,

Uri , Uria , Urso , Subur , Ebura. Verum quis per legitimas probationes , aut conjecturas probabiles eò antiquitatis ascendet ?

2. Sed , quid si verum esset Iberûm in Hispaniam adventus ? Tunc , sicut refert JOSEPHUS *Antiquitat. Lib. I. cap. 6.* Thobelum Tobelis sedem dedisse , qui ætate ejusdem Josephi Iberi vocabantur ; Iberi loquuti sunt Thobeli lingua. Sed suo loco diximus adventum hunc verisimilitudine carere. Idemque de Persis dicendum erit uti supra probavimus.

3. Phoenicia etiam lingua , quæ proculdubio in aliquibus Hispaniæ oris maritimis in usu fuit , etiam Chaldaicæ , & Hebraicæ fuit cognata ; nam Phoenicia in Syria sita est , ut suo loco diximus. Hinc B. AMBROSIIUS *sermone 35. de verbo Domini super Lucam* , Syrus qui vicinus Hebræo est , & sermone consonat in plerisque , & congruit : & B. HIERONYMUS in *Prologo libri Regum* ait : Syrorum quoque , & Chaldæorum lingua testatur , quæ Hebrææ quoque magna ex parte confinis est. B. ISIDORUS *Etymolog. Lib. XIX. c. 2.* ita scripsit : Chanaan , a quo Afri , & Phœnices , & Chananaeorum decem gentes. Phœnicum Colonias esse scimus Gadir , Malacam , & nonnullas alias. Ignoramus autem an aliquam Coloniam induxerint , cujus nomen incipiat ab UR , aut in illud desinat.

4. Celticam linguam memorat PLINIUS *Lib. III. cap. I.* inquiens : *Celticos a Celti-*

beris ex Lusitania advenisse manifestum est, sacris, lingua, oppidorum vocabulis, quæ cognominibus in Bætica distinguuntur. Celticæ linguæ distinctæ a Gallica meminit SEVERUS SULPICIUS *Dialogo I. cap. ult.* ubi Gallicam intelligit Romanam corruptam. Tempore autem Sidonii Apollinaris jam despiciebatur in Gallia Celtica lingua, cum *Lib. III. epist. 3.* Ecdicio scripserit: *Mitto istic ob gratiam pueritiæ tuæ undique gentium confluisse studia litterarum, tuæque personæ quondam debitum, quod sermonis Celtici squammam depositura nobilitas, nunc Oratorio stilo, nunc etiam Camænalibus modis imbuebatur.* Hujus linguæ aliqua vocabula collegi in: *meis Originibus linguæ Hispanæ pag. 82. & 83* Ejusdem linguæ plurima vocabula conservant Vascones, ut ex collatione utriusque linguæ observarunt eruditi, admonente VOSSIO. Celticam vero linguam Germanis, Hispanis, Britannis, & Illyriis maximam partem communem fuisse docuit eruditissimus Philippus Cluverius, comprobantibus GERARDO JOHANNES VOSSIO in *Præfatione de Vitiis sermonis, & glossematis Latino barbaris*, & PETRO LAMBECIO *Commentariorum de Bibliotheca Cæsarea Lib. I. pag. 94.*

5. Celticam linguam si qui STRABONE scribente loquebantur, proculdubio erant, qui eo tempore Celtiberi, & Verones dicebantur, nam *Lib. III. pag. 109.* ita scripsit de Hispanis loquens: *Qui, si conjunctis viribus tue-*

ri

ri se noluisent, nunquam licuisset, neque Carthaginensibus incursione facta majorem Hispaniæ partem nemine prohibente subigere, neque ante hos Tyriis, & Celtis, qui nunc Celtiberi & Verones dicuntur: neque postea temporis latroni Viriatho & Sertorio, & si qui alii ad majus in Hispanos imperium animos adjecerunt. De Celtiberia autem & Veronibus sic ait idem STRABO *Lib. III. pag. III. & III.2.* Porro Idubeda superata statim Celtiberia aditur, ampla regio, & inæqualis. Major ejus pars aspera est, & omnibus alluitur: nam per hanc defluunt Anas, & Tagus, ac deinceps alii fluvii, qui in Hispaniæ hac parte orti in mare occiduum deferuntur. Ex his Durius fluvius Numantiam, & Serguntiam præterlabitur. Bætis ex Oropeda ortus, per Oretaniam in Beticam fluit. A Celtiberis versus septentrionem sunt Verones. Caput Celtiberiæ Segobricenses, Clunia finis teste PLINIO *Lib. III. cap. 3.* Præter Segobrigam in Celtiberia collocavit PTOLEMÆUS *Lib. II. cap. 6.* Nertobrigam, & Arcobrigam; unde non male quis conjecerit, oppidorum nomina desinentia in BRIGA condita fuisse a Celtis, a quibus hoc nomen per Hispaniam propagatum est. Adde eundem Ptolemæum, Celticis populos explicantem *Lib. II. cap. 5.* has urbes numerasse: *Lancobriga, Mirobriga, Arcobriga, Merobriga, Arabriga, Talabriga.* Nullo autem modo hæc terminatio BRIGA, confundi debet cum Bri-

va, quod significat idem ac pons. Ideoque *Brivaisara* apud ANTONINUM in *itinere a Cæsaromago Lutetiam usque*, hodie *Pontoise*, eadem est ac *Pons Isaræ* in *Chronico inter Duchesnii Normannica*, pag. 5. cumque DUR Celtice significet aquam, non male quis dixerit apud eundem ANTONINUM in *itinere ab Augustoduno Lutetia Parisiorum*, *Brivodurum* significare trajectum quendam. Hinc etiam peti potest *Durii* fluminis etymologia, & vocabuli *Dureta*, quod Hispanum est, & significat sedile ligneum, introductum ad pedes levandos, ut videre est apud SÜETONIUM in *Augusto cap. 82.*

6. Hæc cum ita sint, ineptissimi cense-ri debent, qui tot oppida incipientia in BRI, aut desinentia in BRIA, BRICA, aut BRIGA, ædificata fuisse fingunt a *Brigo* Rege: cum e contrario ob illorum oppidorum multitudinem finxerit JOHANNES ANNIUS Regem *Brigum* quem impostorem sequuti sunt ALFONSUS VENERO in *Enchiridio temporum*, FLORIANUS CAMPENSIS *Lib. I. cap. 7.* FRANCISCUS TARRAFA *de Origine ac rebus gestis Regum Hispaniæ*, pag. 11. PETRUS ANTONIUS BEUTER *Lib. I. cap. 9.* HIERONYMUS PUJADES *Lib. I. cap. 14.*: sed longe aliter censuerunt JOHANNES LUDOVICUS VIVES, JOHANNES VERGARA, MELCHIOR CANUS, JOSEPHUS PELLICERUS, aliique viri eruditissimi.

7. A Celtica lingua ad *Punicam* transeamus, quæ etiam in Hispania in usu fuit

ob

ob Poenorum dominationem : licet fateri debeamus , diversam fuisse Priscam linguam Hispanam a Punica , ut indicavit CICERO *Lib. I. de natura Deor. cap. 30.* ita scribens : *At primum quot hominum linguæ , tot nomina Deorum. Non enim ut tu Vellejus , quocumque veneris , sic idem in Italia Vulcanus , idem in Africa , idem in Hispania : & disertius Lib. II. de Divinat. cap. 64. similes enim sunt Dii , si ea nobis objiciunt , quorum nec scientiam , neque explanatorem habeamus , tanquam si Poeni , aut Hispani in Senatu nostro loquerentur sine interprete.* Punicæ linguæ origo est Phoenicia , hujus Hebraica. Audiamus B. HIERONYMUM in *Hieremiam Lib. V. cap. 25.* *Tyrus , & Sidon in Phoeniciæ litore principes civitates , quæ , & ipsæ Babylonio veniente superatæ sunt , quarum Carthago Colonia : unde & Poeni sermone corrupto quasi Phoeni appellantur. Quorum lingua Hebrææ linguæ magna ex parte confinis est. Merito itaque PRISCIANUS Lib. V. col. 644. ita scripsit : maxime cum lingua Poenorum , quæ Chaldææ , vel Hebrææ similis , & Syræ , non habeat neutrum genus. Adde Afrorum , & Phoenicum unicam fuisse originem. Unde B. ISIDORUS Etymol. Lib. IX. cap. 2. ut alibi diximus , ita scripsit : Chanaan , a quo Afri , & Phoenices , & Chananæorum decem gentes. Inde in Africa nata illa mixtura linguarum Africanæ , & Phoeniciæ , quam semiphoeniciam vocavit PROCOPÍUS Lib. II. Historiæ*

Vandalicæ pag. 88. ita scribens : Maritima ora a Sidone ad Ægypti limitem extenditur , nomen habebat Phœnices. Rex unus imperabat , ut omnes qui res Phœnicias scripsere consentiunt. In eo tractu numerosæ gentes erant , Gergesæi , Jebusæi , quosque aliis nominibus Hebræorum Annales memorant. Hi homines ut impares se advenæ imperatori videre , derelicto patriæ solo ad finitimam primum venerunt Ægyptum ; sed ibi capacem tantæ multitudinis locum non reperiens , erat enim Ægyptus jam ab antiquo fœcunda populis , in Africam profecti , multis conditis urbibus , omnem eam Herculis Columnas usque , obtinuerunt : ubi ad meam ætatem sermone Phœnicio utentes habitant. Etiam in Numidia castellum posuere quo loco nunc urbs est dicta Tingis. Hic duæ stant e lapide candido Columnæ propter magnum fontem , inscriptæ habentes Phœnicias litteras , quarum ex sermone Phœnicio hæc est interpretatio &c. Inscriptionem omitto , quia fictam puto. Quantum vero viguerit in Hispania lingua Punica , manifeste colligitur ex multitudine Poenorum , Hispaniæ oram incolentium præsertim prope Fretum Herculeum. Quò pertinet illud HORATII Carm. Libro II. ode 2.

*Latius regnes , avidum domando
Spiritus , quam si Libyam remotis
Gadibus jungas , & uterque Poenus
Serviat uni.*

Ubi utrumque Poenum intellexit incolentes
utras-

utrasque Africae & Hispaniae oras Herculeo Fretto contiguas. An Poeni urbes aliquas condiderunt, quarum nomina ab UR incipiant, aut in UR desinant, dubitari potest, cum apud PTOLEMÆUM in Africa occurrant *Urbara Lib. IV. cap. 2. Siur portus Lib. IV. cap. 3. Subur civitas Lib. IV. cap. 1.* & inde licet longiuscule propagata, *Ubrix, Lib. IV. cap. 6. Vobrix, Lib. IV. cap. 1.*

In Græca, & Latina lingua supervacuum est huiusmodi nominum originem inquirere. Præterea antiquiora sunt, Arabum in Hispaniam adventu.

CAP. XX.

Argumenti propositi conclusio.

I. **E**X huc usque dictis colligitur, vocem UR deberi priscis Hispaniae incolis, qui una ex primitivis linguis loquuti sunt: ab UR vero derivata deberi aliis Gentibus, & præcipue Celtis: nam in Celticis populis frequentissimus fuit usus oppidorum nominum desinentium in BRICA, aut BRIGA: & ab illis in universam Hispaniam propagatus est. Quod ego, SOCIETAS ILLUSTRISSIMA, solum indicare volui; SOCIIS vero meis eruditissimis dijudicandum relinquo, TUÆque sapientissimæ censuræ offero hæc quantulumque ingenii mei conamina. Tu vero aliorum SOCIORUM doctissimis operibus perge

in dies celebrior fieri , & politissimæ eruditio-
nis famam , quam jure merito nacta es ; con-
stanter retine. Quod utinam faxit Deus Opt.
Max. Olivæ , pridie Cal. Octobreis Anni
MDCCLV.

INDEX

RERUM , QUÆ IN HOC VOLUMINE
continentur. Numerus Romanus *caput*,
Arabicus *articulum* capitis signi-
ficat.

A (litteram) ex medio vocabulorum so-
lere auferri probatur exemplis , IV.
23.

Abderitana Sedes prætermis-
sa Divisionibus , IV. 7. fuit suffraga-
nea Hispalensis Ecclesiæ , IV. 7.

Abobrica , oppidum insigne , positum in Ar-
tabris contra Cicas insulas , VII. 9.

Acci , Julia Gemella in Hispania Tarraco-
nensi , IV. 64.

Accinippo , in Celtica, probabiliter est originis
Phoeniciæ , aut Carthaginiensis, XIV. 71.
72. 89.

Agiria occurrit in ANTONINO , IX. 3.

Albarracinium RUIZIUS AZAGRA voluit face-
re Episcopalem Sedem. Decreto anni 1172.
datum fuit eidem nomen Sedis Arcabri-
censis , & propter egestatem constitutum
fuit , ut , si aliquando Civitas Segobri-
censis (*Segorbe*) recuperaretur , subjecta hæc
esset Episcopo Albarracinensi qui an. 1245.
possessionem ejus obtinuit , VII. 82.

Alone , Massiliensium Colonia , est Guarda-
mar , in provincia Turdemir , XVII. 40.

Al-

Almeria, nomen Arabicum, IV. 14.

Alpesa pro *Salpesa*, XIV. 51.

Amallobrica in ANTONINO, VII. 10.

Amanobrica falso struitur, VII. 11.

Amphilochorum mentio, XVII. 5. 7.

Anduram probatur exstitisse ex inscriptione,
V. 4.

Aobriga suum conservavit nomen ex gentili
Aobrigensis inscriptionis repertæ ad Aquas
Flavias, hodie *Chaves*, VII. 27. *Aorbi-*
gens pro *Aobrigens* male legitur a Mo-
ralesio in quadam inscriptione, ib.

Arabrigenses inter stipendiarios numeravit
PLINIUS, VII. 28.

Arabriga, in Lusitania; eam ait CARUS es-
se vicum nominatum *el Gallego*. Incolæ
dicuntur Arabrigenses in inscriptione pon-
tis Alcantaræ, VII. 28.

Arcobrigæ quot distinguendæ sunt, VII. 30.
seqq. Arcobriga Celtiberica non est *Arcos*
Aragonum, neque *Arcas*, VII. 33. 34.
probatur esse *Hariza*, VII. 35. sita fuit
Arcobriga Celtiberica prope Bilbilim, &
fuit Conventus Cæsaraugustani, VII. 31.
Arcobriga Lusitanorum inter populos Cel-
ticos fuit: ad hanc pertinet inscriptio de-
scripta a MURATORIO, VII. 32.

Ariobriga, VII. 52.

Artubi in Bætica, IV. 39.

Asido Cæsariana in Bætica, nunc *Medina Si-*
donia, IV. 37.

Aspirationem omitti solere in multis nomi-
ni-

nibus multis exemplis ostenditur , XIV.

50. seqq.

Astapæi se suaque in ignem conjecerunt , &

Astapa fuit ferro & igni vastata , XIV. 85.

Astaroth , Astarot , & Astarte significant Lunam , XIV. 90.

Astigi in Bætica , IV. 38.

Asturica , urbs magnifica , forte est Astura , & hinc Astures , V. 22.

Atramentum hodie dicitur *azeche* , IV. 88.

Augustobrica non est distinguenda ab Augustobriga. Tres fuerunt hujus nominis urbes : altera in Celtiberia ; alia in Vettonibus Provinciæ Lusitanæ ; & tertia in itinere ab Emerita Cæsaraugustam , VII. 12.

53. 54. & 57.

AVIENUS (Ruffus Festus) lucem accipit ab Auctore , XIV. 39. seqq.

Azeche ò *del azige* atramentum significat , IV. 88. seqq.

B

Bacchi in Hispaniam adventus fabulosus , & ex quo nata fuit fabula , XVII. 2.

Bæsippo , in Turdetanis , probabiliter originis Phoeniciæ aut Carthaginiensis : ejus ruinæ dicuntur *Agua Negras* , oppidum Gadi-tani Conventus , XIV. 71. 73. 89.

Bætis multa habuit nomina , VII. 23. antea dicebatur Carpia , deinde Tartessus , postea Perce , V. 23. XVII. 46. nomen a Græcis accepit , & unde derivandum , XVII. 46.

Bæ.

Bæticae in parte maritima multae fuerunt Coloniae Poenorum , XVI. 13. sed non fuerunt plures quam octo , & quænam fuerint , XVII. 3.

Barcino , amicum Poenorum nomen , ita appellata ab Amilcare cognomento *Barca* , cujus factio dicta fuit *Barcia*. Fuit Colonia cognomento *Faventia* , XVI. 11.

Basilippo , probabiliter originis Phoeniciæ , aut Carthaginiensium ; significat Regum oppidum ; fuit prope *Hispalim* , XIV. 71. 74. 89.

Belipo originis Phoeniciæ , aut Carthaginiensis , XIV. 71. 75. 89.

Bituris , obscurum oppidum in *Vasconibus* , V. 7.

Birtha significat arcem , X. 7.

Blaberura , de ejus situ nihil constat , V. 5.

Borg Arabice significat turrim , X. 8.

BRLA significare urbem probatur , VI. 1.

BRLA, *BRICA* & *BRIGA* idem significant , VI. 17. *BRICA* , aut *BRIGA* significant oppidum , VII. 1.

BRIGA , nomina desinentia in *BRIGA* , forte originem debent Celtis , XV. 13. XIX. 5. non sunt derivanda ex *Brigo* Rege XIX. 6. *Briga* non debet confundi cum *Briva* : hoc significat pontem , XIX. 5.

Brigantium , urbs *Callæciæ* , ejus portus appellatur *Flavium Brigantium* ; proculdubio fuit Colonia alicujus e *Flavia* gente , VII.

VII. 2. ejus situm optime descripsit OROSIUS, ib. non est *Betanzos*, sed *Corunia*, hodie *Coruña*, VII. 3. Pharus Brigantina non fuit turris ædificata in honorem Augusti, ut voluit MARIANA, VII. 4.

Brigecium apud quos occurrat, VII. 7.

BRIS pro BRIA videtur Phoenicia terminatio, VII. 17.

Brutobria significat Bruti urbem, VI. 2. 3. cujus Bruti? ib. dicta fuit Tyris, VI. 3. seq.

Bruti (D.) res in Hispania gestæ, VI. 3. 6.

BURG significat turrim & urbem, X. 2. ad 5.

BURGI mutatur in BERG, & BORG, X. 1.

Byrsa Græce Corium significat, & hinc Hispanum *bolsa*; Arabice significat arcem, X. 5.

C

C in Z facile permutari in Hispania probatur exemplis, VI. 30.

Cæsar's Salutariensis in Bætica, IV. 51.

Cæsarobrica in Lusitania, IV. 57. quæ de ea dixit TAMAYO despicienda sunt, VII. 13.

Cala, vox videtur Celtica, VI. 17.

Calabria aliis nominibus appellatur ab aliquibus, sed vitiose, VI. 7. ad 15. non sunt distinguendæ duæ Calabriae, quas nullo fundamento voluit agnoscere MORALES, VI.

VI. 15. 16. sub Gothorum imperio fuit Suffraganea Emeritæ ; ejus situs nondum constat ; mentio ejusdem fit in multis Conciliis , VI. 7. ad 14. in quodam Codice legitur *Calabreny* pro *Calabriensis* , VI. 9. prima pars nominis *Calabria* videtur Celtica , VI. 17.

Calagurritanos circa se habuit Armigeros Augustus , V. 10.

Calagurres duæ exstiterunt , Nassica scilicet, & Fibularia , altera prope Oscam, quæ hodie dicitur *Loharre* , altera in Vasconibus. V. 8. 9. *Nassica* Municipium fuit , & nomen accepit a P. Cornelio Scipione Nassica , V. 10. fuit Patria Quinctiliani , Prudentii , & Martyrum Emetherii & Chelidonii ; locus habitationis , non patria Vigilantii , & Sedes Episcopalis , quem occupavit Valerianus tempore Prudentii ib. ius habuit cudendæ monetæ , & ad eam referenda sunt omnia numismata & Exuperantii locus , ib. Fibularia , Sedes Episcopalis fuit , V. 15.

Callæcia, equorum foecundissima , vid. *equas*.

Calpe, Massiliensium Colonia , hodie dicitur *Hifac* , XVII. 27. *Calpe* Græcis est *urceus* , XVII. 28. Alter est Calpe Herculeus ; alter Valentinus , alter Asiaticus , & eorum descriptio , XVII. 32. seqq.

Camarica Civitas mediterranea , VI. 23.

Campensis error & mendacium , VII. 37.

Cantabria ita dicta a *canta* & *bria* , VI. 18.

18. Canthus est circulus ferreus, quo rotæ muniuntur, & est vocabulum Afrum aut Hispanum, ib. Cantabria idem est ac ferri civitas, ib. Cantabriæ regio metallis, præcipue ferro refertissima, ib. Celtica comprehendebatur, VI. 22. Cantabriæ nomen non est recentius nomine Hiberi amnis, VI. 19.

Cantabrigiæ & Cantii promontorium an illustrari possit ex notitia Cantabriæ, VI. 16.

Carteja, aliquibus fuit Tartessus, a Phoenicibus & Libyphoenicibus postea habitata, amicum nomen Poenis, XVI. 8.

Cartima, Municipium, hodie Cartama prope Mundam & Malacam, Arabicum nomen; inscriptiones ad eam pertinentes, XVI. 8. 9.

Carthago Nova sub Asdrubale a Poenis condita, XVI. 6. portus ejus descriptio, ib. & n. 7. XVII. 5. Phoenicum Colonia, XIV. 12.

Cassiterides insulæ non fuerunt Britannicæ, XIV. 36. 37. eas negotiandi causa adibant Tartessii Carthaginienses, XIV. 36.

Cartalias amicum Poenorum nomen, XVI. 8. 10.

Castra Julia in Lusitania, IV. 58.

Castulonenses, in Hispania Tarraconensi, IV. 65.

Cato (M. Porcius) senex historias scribere in-

- instituit , I. 3. libros suos appellavit *Origines* , & æ Græcis omnia mutuatus fuit ,
ibid.
- Cattabriga , in Vettonibus , VII. 59.
- Cedripo , probabiliter originis Phoeniciæ , aut
Carthaginiensis , XIV. 71. 76. 89.
- Celtæ , Iberi , & Celtiberi quare confusi fue-
runt ? XV. 11. Celtæ Galli Galatæ a Gal-
lis distincti , XV. 6. Celtarum Gallorum ,
& Celticæ Galliæ descriptio , XV. 5. Cel-
tarum in Hispaniam adventus , XV. 1.
seqq. Celtæ qui in Hispaniam venerunt ex
Gallia venerunt , XV. 12. : eorum est
mentio antiquissima , XV. 2. ii in Hispa-
nia dicti fuerunt Celtiberi , XV. 4. 7.
- Celtiberorum , & Celtiberiæ descriptio , XV.
10.
- Centobrica , urbs Celtiberorum non fuit Con-
tebria , VII. 14.
- Ceretani , in Hispania Tarraconensi , alii Ju-
liani , alii Augustani , IV. 67.
- Certimæ meminit LIVIUS , XVI. 9.
- Cezymbria Portugalliæ a Mauris dicta fuit
Zambra , VI. 31.
- Chrysum amnem ALDRETE putat esse *Gua-
dalete* : ei forte nomen datum in hono-
rem Diamichii , qui dictus fuit *Chrysor* ,
XIV. 44.
- Cicæ insulæ , hodie *Cizas* , alioque nomi-
ne , *las Islas de Bayona* , VII. 9.
- Cisimbrium , oppidum celeberrimum Bæti-
cæ , in quodam codice dicitur Cisimbrum ,
VI.

- VI. 26. situm prope Cabram , quod Zam-
bra dicitur ; aliquæ inscriptiones ad illud
pertinentes , VI. 27. 28. 29. Municipium
fuit, ib. Ex *Cisimbrio* efformatum nomen
Zambra , VI. 30.
- Clementiæ exemplum datum a Q. Metello
in obsidione Centobricæ , VII. 14.
- Clunium , aut Clunia , aliis Tudia & Tutia,
V. 13. Clunia , hodie *Coruña del Conde* ,
VII. 5.
- Coeliobriga , caput Celtiberorum Bracaraugu-
stani Conventus; ejus situs incertus, ad eam
male pertinere dicitur nummus , VII.
60.
- Coetobriga in Turdetanis : ibi probabiliter
fuerunt *cataria* Hispane *las almadras* ,
VII. 58.
- Collipo , probabiliter originis Phoeniciæ aut
Carthaginiensis , XIV. 71. 77. 89.
- Colonia , vid. *Bætica* , *Dertosa* , *Emporia* ,
Menaca , *Massilia* , *Calpe* , *Alone* , *Rhode* ,
Phoenicum .
- Columnarum Herculis quinam meminerint,
XIV. 29.
- Concana , civitas mediterranea , VI. 23.
- Conimbrica , sita in Lusitania, VII. 15. AN-
TONINUS vocat eam Conembricam : ex ejus
ruinis ædificata dicitur Coimbra : duæ in-
scriptiones ad eam pertinentes , ib.
- Contributa Julia in Bætica , IV. 41.
- Contebria obsessa , & capta a Q. Metello ,
VI. 24. VII. 14.

Cotinusa oleastrum significat hodie *azebuchar* , XIV. 24.

Cudendæ monetæ jus habuerunt Ilerdenses, Oscenses regionis Vescitaniæ , Turiasonenses , Cascantenses, Ergavicenses , Graccurritani , Oscicerdenses , Tarragenses , Callertani , & Segobrigenses , V. 10.

Cynetes , XIV. 46. 47.

D

Deobriga, urbs Vettonum, alia Austrigonum. Nummus alteri ex his falso tributus , VII. 61.

Deobrigula , sita in Murgobis , VII. 62.

Dertosam Coloniam civium Romanorum fuisse ex nummis & inscriptionibus colligitur , IV. 70. ad 73.

Dessobriga solum occurrit in ANTONINO , VII. 63.

Dunum significat montem , VI. 17.

Dianæ fanum erat in Dianii promontorio , XVII. 20. 22. Dianæ simulacrum adduxerunt in Hispaniam Sagunthi conditores, XVII. 11. Ejusdem cultum in Hispaniam induxerunt Massilienses ; a quibus hi illum acceperint , XVII. 11.

Danium situm erat in Contestania , XVII. 26. habebat secturas ferrarias , XVII. 24. de Dianii situ & promontorio , XVII. 19. seqq. Dianio ad res mari gerendas usus fuit Sertorius , XVII. 19. 23.

Di-

Dipone, probabiliter originis Phoeniciæ aut Carthaginiensis, XIV. 71. 78. 89.

E

Ebora, Liberalitas Julia in Lusitania, neque Municipium, neque Colonia fuit, IV. 59.

Eburobritium, situm in Lusitania, VI. 32.

Edetani pro *Hedetani*, XIV. 52.

Elboram esse Liboram, & Livii Eburam, & Talaveram patriam suam voluit MARIANA, sed nullo fundamento, VII. 21.

Elbyssini quinam sint, XIV. 46. 50.

Eldana urbs dubitari potest an sit originis Phoeniciæ, XIV. 69.

Elmantica pro *Salmantida*, XIV. 53.

Emporiæ, Massiliensium Colonia, geminum oppidum, quod describitur, XVII. 41. 42.

Equas ex vento foetum concepisse in Lusitania & Callæcia fabula est, ex equorum pernicitate & multitudine nata, XIV. 82.

Ercaviceses Episcopi sæpe dicuntur *Arcaviceses*, VI. 8.

Estepa la vieja videtur fuisse Oripo, non Ostipo, aut Astapa, XIV. 84. 85.

Esurim RESENDIUS voluit esse *Exeriz*, deinde *Xeriz*, quæ nunc *Xerez*, V. 16.

Esuris num sit Esi urbs, hoc est Martis, V. 16.

Ex pro *Sex*, XIV. 54.

F

Ferri copia in Cantabria fuit , XIV. [35.](#)
 Flaviobriga ubi posita fuerit incertum. PLINIUS eam collocavit , ubi antea Amanus portus , inter oppida Vardulorum , qui fuerunt finitimi Cantabris , VII. [64.](#)

G

G. & Jota in Hispana lingua differre figura , non potestate probatur exemplis , IV. [22.](#)

Gaditana urbs condita a Phoenicibus 907. an. ante Christum natum , XIV. 11. appellata olim fuit Tartessus , XIV. [13.](#) in ea templum Herculis fuit , XIV. [30.](#) Gades duæ urbes , & duæ insulæ distinguendæ sunt : altera fuit Augusta urbs Julia Gaditana , XIV. [14.](#) utriusque situs & descriptio , XIV. [14.](#) seqq. Ex insulis altera maior dicta fuit , altera minor ; hæc dicitur *Erythia* , XIV. [16.](#) etiam *Aphrodisias* , XIV. [20.](#) & etiam insula Junonis ; illa Cotinusa , seu Potinusa , XIV. [24.](#) etiamque Tartesson , XIV. [26.](#) ratio qua dicuntur conditæ Gades a STRABONE fabulosa est , XIV. [28.](#)

Gadhar Hebræis est sepire , XIV. [27.](#)

Gadir conjicitur significare lætam urbem , IX. 1. punica lingua sepen significat , XIV. [27.](#) Ga-

- Gadiricus Rex fabulosus , XIV. 28.
 Gallia appellata Celtica & Celtogalatia, XV.
6. 7. ab Iberia distinguebatur , XV. 9.
 Georgia ab Angliis condita , & nihil habet
 commune cum Georgia Asiatica , XII. 8.
 Gletes quinam sint , XIV. 46. 48.
 Gothica nomina finita in A declinabantur ita,
 Wamba Wambanis , cet. IX. 7.
 Graccurri idem significat ac *Gracci urbs* ,
 III. L sita fuit in Vasconia , ib. eam con-
 didit Tib. Sempronius Graccus , ib. fuit
 Municipium , ib.
 Græcorum in Hispaniam adventus , XVII.
L seqq.
 Græci locis imponebant nomina suorum He-
 roum , ut nos Sanctorum , XVII. 10.
 Grammaticam in Turdetania docuit ASCLE-
 PIADES , L 4.
Guadalete vid. Chrysus.

H

- Hannibal magnam Hispaniæ partem domuit,
 XVI. 12.
Harizæ nomen derivandum ex Arabico *Ha-*
riz , quod eustodiam significat , non a
 Mauro *Hariz* , VII. 35.
 Hebraica lingua omnium antiquissima , XIX.
L
 Hebræorum in Hispania nulla mentio nisi
 post Concilium Iliberritanum , XI. L
 Helenorum in Hispania mentio , XVI. 5. 6.

Herculis in Hispaniam adventus poetarum potius, quam Historicorum opinione nititur, XVII. 2.

Herculis templum in Gadibus, ubi nullum erat simulacrum, XIV. 32. ex quo videtur conditum a Phoenicibus, qui ab Hebræis acceperunt non facere sculptile, ib.

Herculis (a) columnis terram metiri soliti sunt Geographi, XIV. 41.

Herculeo in freto multæ fuerunt Coloniae Phoeniciæ, XIV. 68. seqq.

Herma non debet confundi cum Mercurii statuis absque brachiis, XIV. 59.

Herminio (in) monte fuerunt plumbi fodinæ, VII. 69.

Hibera fuit Municipium, IV. 70. 74. 77. non est confundenda cum Dertosa, IV. 70. 73. 77.

Hibera Julia Hispaniæ Tarraconensis invenitur in nummo eximio apud LASTANOSAM qui describitur, IV. 68. seqq.

Hiberia, a quo amne Ibero dicta sit, VI. 19. Hiberiæ nomen vetustius est nomine Hispaniæ, VI. 20. initio videtur parvum, sed postea longum spatium occupasse, ib.

Hippo Caurasiorum nunquam fuit, sed Hippo prope Toletum, XIV. 70.

HIR, vel *HIRA* vide *IR*; ex *HIR* forte dicta *Hiruella*, & postea *Horihuela*, vel *Oriuela*, IX. 1.

Hispalis caruit cognomine Juliæ, & quare? VII. 43. IV. 47. falsum est quod Julius

Cæ-

Cæsar eam condiderit , IV. 47.

Hispalenses Scapharii dedicarunt incriptionem

ANTONINO & VERO , VII. 50. 51.

Hispanica Ora nominata fuit Tyrrhenide , XII. 3.

Hispania a Græcis dicta fuit Hesperia & quare? XVII. 45. Fabulosum est, quod dicta fuerit Pania , VI. 20. Hispaniæ regionum descriptionem edidit Asclepiades , I. 4. Hispaniæ oppidorum & linguæ origines explicavit ALDRETE , I. 5. Hispani Iberi ab aliquibus appellati ab Hiberno amne , XII. 4. Hispani dici potuerunt Britanniaæ Coloni , XIV. 57.

Hispania Citerior specularibus lapidibus abundabat , VII. 81.

I

I & V. promiscue usurpantur , XIV. 85.

Litteram I facile omitti solere in oppidorum & urbium nominibus probatur exemplis , VI. 30.

Iberia dicta etiam Celtiberia , V. 10.

Iberorum (de) in Hispaniam adventu tres opinionones : refutatis duobus Auctor amplectitur tertiam , qua tenet Iberis Asiaticis & Hispanis nomen tantum fuisse commune ; in lingua & moribus nihil simile , XII. 2. ad 8. eamque confirmat duobus exemplis, ib. ad finem.

Ierabricam RESENDIUS voluit esse *Alenquer*,

MœNETIUS *Povos*, VII. [16.](#)

Il an oppidum significet? VIII. [1.](#) Aliqua exempla probare videntur Il significare locum editum, VIII. 2. ad [7.](#) sed alia id ipsum infirmant, VIII. [7.](#) probatur verisimiliter significare turrim, ib.

Ilarcuris oppidum, V. [18.](#)

Ilerdam in loco edito fuisse probatur, VIII. [3.](#)

Ilergavoniæ non fuerunt duæ, IV. [75.](#) numerus ad Ilergavonem pertinens, IV. [76.](#)

Ilicitani habent portum, qui hodie dicitur *Cap del aljub*, VII. [66.](#)

Ilith-peah interpretatur BOCHARTUS *celsam plagam*, XIV. [71.](#)

Ilipa, hodie *Peñaflo*r distinguenda est a Julipa, VIII. [5.](#)

Ilipo probabiliter originis Phoeniciæ aut Carthaginiensis, XIV. [71.](#) [79.](#) 89.

Iliturgi, Forum Julium in Bætica, IV. [45.](#) dictum Forum Julium; quia ibi Forum vel Conventum egit C. Cæsar: ad hoc oppidum pertinet inscriptio MURATORII, ib.

Iliturgin in edito loco positum descripsit LÆVIUS, VIII. [6.](#)

Inscriptio Hispali reperta explicatur, VII. [39.](#) [40.](#) seqq.

Inscriptiones Clusii nemo unquam vidit, VII. [35.](#)

Inscriptio incerta tribuitur villæ Arcos, VII. [38.](#)

Insula S. Petri appellata fuit Heraclea, &
non

non est confundenda cum Calpe, XIV. 23.

Insulæ descriptio facta a DIODORO SICULO
convenit insulæ del Pino, alteri ex Fortu-
natis, XIV. 33.

Ipo, nomina oppidorum desinentia in ipo
probabiliter sunt originis Phoeniciæ, aut
Carthaginiensis, XIV. 71. seqq. usque ad
finem. Ipo pro Ipa aliquando usurpatur,
XIV. 88.

Ir, iir, vel hir, ira, & hira significant ci-
vitatem, urbem, & oppidum, IX. 1. 2.

Iria Flavia idem ac oppidum Flavium inter
Callaicos Lucensios, Hispaniæ Tarraconen-
sis, IX. 2.

Iria Vasconum lingua significat oppidum,
IX. 2.

Irippe probabiliter originis Phoeniciæ aut Car-
thaginiensis, XIV. 71. 80. 89.

Irrumberri, hodie *Lumbier* Vasconum lingua
significat *urbem novam*, IX. 8.

Iruna, hodie *Pamplona*, Vasconum lingua
idem ac *urbs bona*. Inepta de ea etymo-
logia PELLICERII; dicta Pompælo; a Pom-
pæone autem Pompæluna, & ab Arabibus
Bambeluna, IX. 5. ad 8. non vere Pom-
peii urbs, IX. 7.

Julia Celsa, in Hispania Tarraconensi, IV. 8.

Julia Lybica, in Hispania Tarraconensi, IV.
82.

Julia Traducta, in Bætica, IV. 44.

Juliani scripta a FLORIANO laudata virisimili-
ter nunquam exstiterunt, VII. 37.

Juliobrica in Hisp. Tarraconensi, IV. [81](#).

Juliobrigenses portum habuerunt qui dictus fuit Portus Victoriæ, VII. [66](#). hic non fuit Santander, & quare? non tamen procul fuit, ib. Juliobriga civitas mediterranea, VI. [23](#). Juliobrigæ situs, VII. [66](#). Juliobrigam aliqui volunt esse *Berganza*, alii *Logroño*, sed verius *Reinoso* aut *Reinosa* fuit, VII. [67](#). ad Juliobrigam quæ inscriptiones pertineant, VII. [67](#). credibile est dirutam fuisse a Levvigildo an. 572. Juliobrigæ in Concili isnulla mentio est, VII. [68](#).

Itucca, Virtus Julia in Bætica, IV. [43](#).

Iturisa, in Cantabria sita, & in Vasconibus a PTOLEMÆO posita: Iturisam vult POZA significare locum multorum fontium, V. 20.

L

Labrica forte est Lambriaca, VII. [17](#).

Laccuris, civitas Oretaniæ; videtur esse Laccuris, quam ZURITA existimavit esse *Alarcós*, V. [19](#).

Lacippo probabiliter originis Phoeniciæ aut Carthaginiensis, XIV. 71. [81](#). [89](#).

Lacobriga, nomen compositum a *lacu* & *briga*; secunda hujus nominis pars civitatem significat: in ejus suburbiis lacus & fontes erant; duæ distinguendæ sunt hujus nominis urbes, VII. [1](#). utriusque situs, VII. [18](#).

Laconimurgi, Constantia Julia in Bætica; IV. [46](#).

Le-

Legio civitas appellata fuit *Legio septima Germana* , IV. [93.](#)

Libyphoenices , Punicum genus mixtum ex Afris , XIV. [45.](#)

Liria dicta fuit Edeta , IX. [4.](#)

Litteras Phoenices intulerunt in Græciam , cum eas accepissent a finitimis Ægyptiis , & hi ab Assiriis , XIV. [4.](#)

Luna videri solet in nummis Bæticiis , XIV. [90.](#) vid. *Astarot.*

Lusitania equorum foecundissima , vid. *e-quas.*

Luxia , amnis , nunc *Odiel* , XIV. [66.](#) alius in Mauritania , ib.

M

Mænaca , Phocæorum Colonia , XVII. [44.](#)

Malaca a Mauris confusa cum Mænaca , XIV. [56.](#) vocata videtur Malaca a verbo Hebræo *malach* , id est *salivit* , XIV. [68.](#) Phoeniciæ originis , ib.

MARIANA solet propriis indulgere conjecturis , VII. [5.](#)

Massilia , Phocæensium Colonia , XVII. [12.](#) non Phocensium ib. quomodo condita , XVII. [13.](#)

Massiliensium Coloniam in Hispania , XVII. [18.](#) [19.](#) seqq. vid. Dianium , Calpe , Alope , Emporiæ , *Rhodes.*

Mastiæni qui sint , XIV. [46.](#)

Medina Arabice oppidum significat , IV. [37.](#) Mei-

Meidobrigæ nomen constat ex Meidobrigensibus : hi sunt qui alio nomine Medubri-
censes & Plumbarii dicebantur ; sita fuit
Meidobriga prope montem Herminium ,
VII. 69.

Menesthei in Hispaniam adventus a nebulo-
nibus confictus , XVII. 10. Menesthei por-
tus , hodie *Puerto de S. Maria*, cur dictus
fuerit Menesthei , XVII. 10.

Menuba non Manoba , nec Mænoba, originis
Phoeniciæ , XIV. 69.

Messieni qui sint , XIX. 55.

Metelli (Q.) præclarum humanitatis & cle-
mentiae exemplum in obsidione Centobri-
cæ , VII. 14. quo anno bellum in Celti-
beria gerere coepit , & Celtiberos cecidit ,
VII. 14.

Minus vocatus fuit Bætis , VI. 19.

Miraculum Legionis Fulminatricis , VII. 45.

Mirobrigæ quatuor distinguendæ sunt ; earum
omnium situs , & inscriptiones ad duas
pertinentes , VII. 70. ad 74.

Modus pro *mensura* usurpatur , XIV. 41.

Monobrica , oppidum chimericum , VII. 20.

Moroeca , civitas maritima , VI. 23.

Murbogi Ptolemæi sunt Tormogi , VII. 62.

Myrtilis hodie *Mertola* , XIV. 47.

N

Nebrissa in Bætica cognominata *Veneria* , un-
de ? IV. 48. hodie *Lebrija* , fabulose dici-
tur

- tur a Baccho Græco condita , XVII. 2.
 Numisma falsum de ea editum , XVII. 3.
 Nementurissa, in Vasconibus sita , V. 21.
 Nemetobriga , in Tiguris , non est confunden-
 da cum Nertobriga , VII. 74.
 Nertobriga , Concordia Julia in Bætica , IV.
 49. eam ARIAS MONTANUS observavit es-
 se *Valera* prope *Fregenal de la Sierra* ,
 VII. 75.
 Nertobriga , in Celtiberia , ubi sita , eam
 occupavit Claudius Marcellus , expugnavit
 Metellus Macedonicus , VII. 76.
 Nomen proprium Architecti , aut sumptus
 suppeditantis non erat vetitum legibus Ro-
 manis , neque Atheniensibus inscribere in
 operibus publicis ; ut male putavit MARIA-
 NA , VII. 4. 5.
 Nomina incipientia aut desinentia in *UR* ,
BRIA, *BRICA* , *BRIGA* . *IR*, *IRIA*,
 &c. vid. *UR* , *BRIA* &c.
 Numisma Carthaginiense male a VAILLAN-
 TIO inter incerta numeratum ob plures caus-
 sas , VII. 40.

O

- Olearum abundantia maxima in Regione Iler-
 gaviæ , IV. 69.
 Oleaster , hodie amnis *Ullastre* , XVI. 10.
 Oleæ ramus in nummo significat abundan-
 tiam olearum , IV. 69.
 Oleum Hispanum pretiosissimum , IV. 69.
 Oli-

Olisipo , probabiliter originis Phoeniciæ , aut Carthaginiensis , XIV. 71. 82. 89. nomen dedit promontorio Olisiponensi ; non est *Olyssippo* , neque Ulyssippo ; fabulosum est quod ab Ulisse condita sit , XIV. 83. Municipium fuit civium Romanorum , IV. 60.

Onoba , altera cognominata Lusturia , altera prope Cordubam , XIV. 66. Onubæ dici debent.

Oripo , probabiliter originis Phoeniciæ , aut Carthaginiensis , XIV. 71. 84. 89. hodie Caro videtur esse *Dos Hermanas* , sed verius est *Estepa la vieja* , XIV. 84. 85.

Oriucla vid. *HIR*.

Osset , Julia Constantia in Bætica , IV. 50.

Ostippo , oppidum liberum Conventus Astigitani , probabiliter originis Phoeniciæ , aut Carthaginiensis , XIV. 71. 85. 89. non est *Astapa* , ut voluit HARDUINUS , sed *Ostupa* , ib.

Otium militare pro Solamine , solatio , aut salario usurpatum , VII. 48.

Ostur legitur oztur in nummo , V. 2.

Ottaviolca , civitas maritima , VI. 23.

P

Pacem Juliani Recendius voluit esse Bejam , V. 16.

Pallantia , hodie *Palencia* , civitas Vaccæorum , VII. 18.

Pax

Pax Julia in Lusitania, IV. 61.

Persica vocabula cur multa sint in Vasconum lingua, XIII. 1.

Phocenses quo tempore in Hispaniam advenierint, XVII. 17.

Phidias non fuit occissus, quia violaverit leges Atheniensium, quæ prohiberent se ipsum effingere, sed nomine auri vitiati, VII. 5.

Phoenicum primus in Hispaniam adventus, XIV. 1. 7. ad 34. seq. Phoenicum non paucæ in Hispania Coloniae, XIV. 34. vide Coloniae. Qui primi in Hispaniam venerunt, negotiandi causa tantam argenti vim adepti fuerunt ex Tartesso, ut anchoras & omnia quibus utebantur, ex argento conflare cogerentur, XIV. 36. frequentarunt præcipue Gades & ostia amnis Tartessi, XIV. 35. non fuerunt litterarum inventores, XIV. 4. Lunam coluerunt, XIV. 90. Phoenicia unde ita appellata, XIV. 3. Phoeniciæ descriptiones, XIV. 2. 3. Phoenicia lingua Chaldaicæ & Hebraicæ cognata, in aliquibus oris maritimis Hispaniæ in usu fuit, XIX. 3.

PLINIUS nihil legit quod non exciperet, IX. 8.

Poenorum aut Carthaginensium in Hispaniam adventus, XVI. 1. seq.

Pompelo vid. Iruna.

Portus Magnus, hodie Puerto Polman, XIV. 68.

Possessor (Julius) inscriptionis cujusdam Hispaniæ

spalensis fuit ex tribu Quirina , Curator civitatis Romulensium , Coloniae Arcensium, Tribunus Legionis Fulminatricis aliaque munera obiit , VII. 41. 45. 46.

Punica lingua in Hispania fuit in usu , sed distincta ab Hispanica , XIX. 7.

Pyrrhus Ligorius ab aliis laudatus , ab aliis reprehensus , VII. 11.

Q

Quirinæ Tribui attributæ fuerunt insulæ Balears , VII. 41.

R

Rhode Massiliensium Phocænsium Colonia hodie *Rosas* , XVII. 40.

Rhodii, maris imperium obtinuerunt , XVII. 43.

Romulæ , recens nomen Hispalis , in quadam inscriptione constat , VII. 43.

S

Salambina , hodie *Salobreña* , originis Phoeniciæ , XIV. 68.

Santander idem ac S. Andreas , VII. 66.

Scalabis , Præsidium Julium in Lusitania , IV. 62.

Segobriga in Celtiberia non fuit Metropolis , sed stipendiaria, Carthagini subjecta, VII. 78.
de

de duplici Segobriga, & quænam ex his fuerit *Segorbe*, vid. VII. 78. ad 97. Inscriptiones ad Segobrigam, quæ fuit *Segorbe*, pertinentes, VII. 97. ad 101.

Seria, Fama Julia in Bætica, IV. 53.

Serippo probabiliter originis Phoeniciæ, aut Carthaginiensis, XIV. 71. 86. 89.

Sex, Exitanorum urbs, originis Phoeniciæ, XIV. 68.

Sextifirmum Julium in Bætica, IV. 54.

Sexto (ex) casu tertiæ declinationis cadente Latinitate producuntur nomina recentia, & probatur exemplis, IV. 20.

Siculis Hispana origo tribuitur, VI. 4.

Sidon & Tyrus litterarum & artium peritia floruerunt, XIV. 5.

Σύμα in multis nominibus solere omitti demonstratur exemplis, XIV. 49. seqq.

Sitana, aut Sicana civitas videtur esse urbs Hiberiæ, hodie *Cullera*, cujus arx in eminenti loco posita est; non fuit *Alzira*; habet annem cognominem; ab his Sicanis oriundi sunt Sicani, Siciliæ populi, VI. 4.

Sonhal significat vulpem, XIV. 68.

Succubo referri posse videtur ad Phoenicias Colonias, XIV. 63. forte fuit Municipium maritimum, ib.

Sostratus primus Græcus, quem docet Historia in Hispaniam venisse, XVII. 9.

Stagnum a STRABONE memoratum paucis abhinc annis terra repletum fuit, VI. 4.

Stannum eruebatur ex monte argenteo, XIV. 35.

Teuri, dicti Julienses Hispaniæ Tarraconensis,
IV. 84.

Telobis amnis, hodie *Gayá*, V. 3.

Tenebrius, vicus nomen dedit promontorio
Tenebrio, & Tenebrio portui. Nunnesius
voluit esse *el cabo de Oropesa*, patriam Em-
manuelis Martini, VI. 25.

Teucer non fuit Carthaginis novæ conditor,
XVII. 5. neque venit in Hispaniam, ib.
& 6. 7. ejus navigationis extra patriam suam
historia, XVII. 8.

Tharsis vid. Tartessus.

Thersitæ, fuerunt incolæ Tharsæi, XIV. 55.

Tinto, rio cur *Tinto* dicitur, IV. 88.

Tuntobrica in Callaëcis Bracariis, VII. 102.

Turditanos pro *Turtytanos*, VI. 2.

Turduli dicuntur incoluisse Tartessidem,
XIV. 49.

Turiga est Curiga Ptolemæi, an sit Curica
Antonini, Carus putavit esse *Calera*,
VII. 103.

Turobrica, in Celtica: Carus eam vult esse
Turon, VII. 25.

Turrium usum in Hispaniam maximum fuis-
se probatur exemplis, VIII. 8. a turribus
plurima oppida in Hispania nomen sum-
pserunt *Torralva*, &c. ib.

Tyris, oppidum Valentia est, VI. 6.

Tyrus litterarum & artium peritia floruit,
XIV. 5. Tyri mercatura, pulcritudo, di-
vitiae, navigandi peritia, & fabulosa an-
tiquitas, XIV. 6.

V

V litteram facile mutari in A probatur exemplis , IV. 21. Item in B , VI. 1. & ex medio vocabulorum solere auferri probatur exemplis , IV. 24.

Vadinia , civitas maritima , VI. 23.

Valentia, vide Tyrus ; in nummis dicitur Colonia Julia Valentia , IV. 85.

Vascones pertinebant ad Celtiberiam in Hispaniæ parte , quæ extra Hiberiam erat , III. 1.

UBO , UBBO , UBBON stagnum & sinum Arabice significant , XIV. 70.

UBO Boccharti sententia videtur significare portum , XIV. 63.

Vellica civitas maritima , VI. 23.

Venippo , probabiliter originis Phoeniciæ , aut Carthaginensis , & dici debet Ventippo , XIV. 71. 87. 89.

Vergentum , Julii genus in Bætica , IV. 55.

Viminacium , civitas Vaccæorum , VII. 18.

Ulysses fabulosum est quod in Hispaniam venerit , XIV. 83.

Volobriga , oppidum Nemetanorum inter Callaicos Bracares , VII. 104.

Vocalem tertiam omitti solere in locorum nominibus probatur exemplis , IX. 8. ad finem.

UR quid significet , II. 1. & seqq. non est vox introducta in Hispania ab Hebræis , XI. 1. seqq. facile mutatur in IR , ve

IIR,

- IIR*, vel *HIR*, IX. 1. & in *BURG*, & *BURGUS*, X. 1. an mutetur in *IL*, VIII. 1. Nomina incipientia ab *UR*, IV. 1. seqq. desinentia in *UR*, V. 1. seqq. Nominum incipientium ab *UR*, aut finitorum in *UR* quomodo investiganda est origo, XVIII. 1. seqq. & XIX. 1.
- URA* apud Vascones significat aquam, V. 20.
- URI* & *URIA* Vasconum lingua oppidum significant, IV. 87.
- URIA* facile mutatur in *BRIA*, VI. 1.
- URLA*, desinentia in *URIA* sæpe significare populorum incolatum, conjicitur ex *PLINIO*, V. 23.
- Urio videtur esse *el rio Tinto*, XIV. 64.
- Uria, in *Japygia* condita a *Cretensibus*, IV. 87.
- Urium, in *Turdetania* situm, IV. 88. habet flumen cognomen, quod *FLORIANUS* censet esse *rio Tinto*, aut *de Azeche*, o *del Azige*, ib.
- Urbicua, oppidum, cujus situs dubius est, IV. 2.
- Urcesa in Regione *Celtiberorum*, cujus situs dubius est, IV. 3.
- Urci, nonnulli vocant *Virgi*; hodie est *Verra*, IV. 15.
- Urci probatur fuisse urbem distinctam ab *Almeria*, IV. 4. seqq. Primus Episcopus *Urcitanus* fuit *B. Indaletius*; recensentur quinque Episcopi qui post eum sequuti fuerunt; & mentio fit subscriptionum ab omnibus facta-

- etorum in Conciliis , IV. 8. ad 14.
- Urgavo , cognominata Alba , Municipium fuit , IV. 17. Inscriptiones ad eam pertinentes , IV. 17. 18. 19. aliqui volunt esse Rhodam , IV. 20. probatur esse *Arjonam* , ib. ad n. 26.
- Urgellum , urbs sita in Pyrenæi jugo ; & Gothorum tempore Sedes Episcopalis , IV. 26. Primus ejus Episcopus Justus , qui scripsit ad Sergium Papam *Commentarium in Cantica Canticorum* , & subscripsit Concilium Ilerdense *Æra DEXXX.* , IV. 27. De secundo Episcopo , tertio , quarto , quinto , & subscriptionibus Conciliorum , IV. 28. ad 32.
- Urgia , cognominata *Castrum Julium* , a quo , & quare ? IV. 34. 35. sita in Turdetania , & ejus origo referenda est ad Phoenicios , ib.
- Urso , Hispaniæ Citerioris antiquissima civitas ; in ea fuit Q. Fabius Maximus ; hodie est *Ossuna* , VI. 89. 90. 91. 94. Colonia immunis Conventus Astigitani , IV. 92. dicta Gemina , quia ejus coloni fuerunt milites emeriti Legionum quæ Geminæ dicebantur , quia ex duabus fiebat una ; dicta etiam fuit Urso Urbanorum , & quare , IV. 93. Mauris imperantibus fuit provinciæ Metropolis , & appellata *Oxuna* , IV. 95.
- Uxama , aut Uxsama , hodie Osma , V. 12.

Z

Zacynthiis (a) conditum Saguntum Græcorum
Colonia , hodie *Murbiedro* , XVII.
II. 47. a STEPHANO nunc *Zachanta* di-
citur , nunc *Zacynthon* , quod lingua Phoe-
nicum rem altam, aut montanam significat;
Sagunthi antiquitas , XVII. II. 15

MAG 2018610



